

NAZ. CENT.

R. BIBLIOTECA

203  
4 E  
30

VITT. EMAN. II

ROMA







203.4.3.30

P. INNOCENTII POLCARI

SOCIETATIS IESU

VNIVERSAE ELOQUENTIAE  
INSTITUTIONES



26 1/2 1/2 1/2

NEAPOLI

TYPIS FRANCISCI ROSSI-ROMANO

MDCCCLVIII



200, 4. 21. 0

**VNIVERSAE ELOQUENTIAE INSTITUTIONES**



203.4.1.10

**P. INNOCENTII POLCARI**

**SOCIETATIS IESU**

**VNIVERSAE ELOQUENTIAE**

**INSTITUTIONES**



**NEAPOLI**

**TYPIS FRANCISCI ROSSI-ROMANO**

**MDCCCLVIII**

(Proprietà letteraria)

# REI LITTERARIAE STUDIOSIS

## PROOEMIUM

### De Ratione Operis Universa

Saepe, A. mecum ipse dolui, quod cum Rhetoricae praeceptis tam diligentem daretis operam, nec rei gravitate dignam nec nostris usibus accommodam hauriebatis disciplinam. Quaerenti autem huius rei causas duo mihi in ipsis Rhetoricae institutionibus obiciebantur: multa scilicet rerum inutilium copia, et necessariarum summa inopia. Eorum enim, qui eloquentiae praecepta gravius tradiderunt, alii veterum vestigia secuti nec ea, quae non amplius usui esse possunt, amputarunt, nec ea, quae tempora ipsa postulant, addiderunt: alii multa quidem vel de stilo vel de oratoria facultate vel de alia eloquentiae parte docuerunt, sed ad unam artem, quae et plena esset et adolescentium commodo opportunior, minime revocarunt. Itaque fit, ut adolescentes, postquam certas aliquas Rhetoricae institutiones versaverint, aut ipsi per se alia ab aliis auctoribus apta praecepta conquirere debeant, aut in magna rerum obscuritate consistere. Quare cum et mea erga vos voluntas et ipsa vitae ratio me excitarent, ut maiori vestrae utilitati magis magisque in dies staderem, libenter ad id animum admovi, ut optimas quasque de universa eloquentia praeceptiones perpetuis institutionibus brevi comprehenderem: ita tamen ut fere Ciceronis et Quintiliani, qui

communi et constanti doctiorum hominum iudicio duces et magistri in eloquentia semper habiti sunt, principia et praecepta evolverem.

Neque me deterruit rerum copia ac magnitudo: nam ego quidem hoc sentio, illud Horatii:

*Quidquid praecipies, esto brevis, ut cito dicta  
Percipiant animi dociles teneantque fideles*<sup>1)</sup>

plurimum ubique valere: propterea non solum numero pauciora sed brevibus etiam verbis expressa praecepta tradi oportere iamdudum animo imbibi. Humanum enim ingenium, in politioribus praesertim artibus, praeceptorum nec multitudine, nec verbosa explicatione obrui debet, ut diligentius ad scribendi studium et ad optimorum auctorum exempla se conferant ac aliquid etiam ex se audeant adolescentiores.

Atque ut rem altius paullo repetam, sic existimo, cum docendi munus suscipimus, summa quaedam artium vel scientiarum capita, eaque probatissima proponenda esse, ut liberali magistrorum dignitate, et maxima addiscentium utilitate praelegantur in scholis. Namque ita et magistri in artibus scientiisque inveniendis augendisque ingenium experientur suum, et adolescentes acuent studium et solertiam, sine quibus nihil praeclari conari possunt. Quae res facile intelligi potest ex tot priscae Europae Academiis, quae hac nostra docendi ratione maxime floruerunt: cum contra plenioribus institutionibus vulgatis, reiectaque veterum methodo, ingenia ad inertiam misere sunt prolapsa. Magistri enim, praesertim si parumper sint desidiosi, nihil in scholas afferunt, quod in libris non continetur: discipuli vero negligenter illos audiunt, cum sciant nihil dici, quod uberius fortasse et elarius in excusis institutionibus non habeant. Operae pretium igitur facturus videor, si quae de universa eloquentia alii alibi prodiderunt, in unum maiori quo potero delectu colligam paucisque proponam.

1) Epist. ad Pis. v. 335 et seq.



Quamquam autem longiores fortasse nostrae etiam institutiones primo videri poterunt; praer rerum tamen multitudine breviores omnino sunt: nobis enim in animo est, ut, quoniam in quatuor partes opus nostrum tribuitur, prior et altera partitio primo anno, tertia et postrema secundo tradatur. Auctor vero sum tria certissima hinc comoda existere: in primis uno sane libello praecipua cuiusque eloquentiae praecepta haberi; tum Magistris maiorem inveniendi augendique res facultatem relinquere; tandem discipulos sic audire attentius, ut solertius percipiant, teneant fidelius. Quas etiam ob causas probatorum item scriptorum exempla saepius innuam potius, quam asseram; praesertim quia tum praeclaros quosque doctores sic fecisse video, tum praeceptorum cursum retardare, rerumque nexum nollem crebrioribus abruptis exemplis; quae quidem commode petere licet ex libris, qui in adolescentium manibus perpetuo esse debent.

Atque haec, A. longiuscule praefari censeo, ut quam postea adamabo brevitatem, excusetis, meque in gratiam vestri id fecisse arbitremini. Ego, si quid reprehendar, Lyrici sententia me consolabor: Καὶρὸν εἰ Φθίγξαιο, πολλῶν Πείρατα συντανύσαις Ἐν βραχεῖ, μείων ἔπεται Μῶμος ἀνδρώπων. ἀπὸ γὰρ κόρος ἀμβλύνει Λιανῆς ταχείας ἀπάδης<sup>1)</sup>. Vos autem compendiaria hac ad eloquentiam via, nec memoriae nec stilo parcentes unquam, pergite, ut facitis, et graeca latina ac vernacula exemplaria

*Nocturna versate manu, versate diurna.*

1) Pind. Pyth. Od. I.



## TOTIUS OPERIS IN PARTES DISTRIBUTIO

Etsi cuiusque eloquentiae officium generatim sit mentem instruere et voluntatem propius remotiusve ad aliquid excitare; eloquentiae tamen partes ex ipsis humani animi facultatibus; quarum singulas certae quaedam scriptiones proxime spectant, commode desumi possunt. Humanus enim animus intelligentia voluntate et memoria imprimis pollet: intelligentia res percipimus contemplamur disserimus: voluntate ad ea, quae bona novimus, ferimur; abhorremus a noxiis: memoria omnia illa, quae aut intelligentia cogitavimus aut sensibus expressimus, mente tenemus, et, cum tempus videtur, fideliter revocamus.

Eloquentiae partes ex hominis facultatibus.

Iam age, si universae eloquentiae genera persequimur, facile intelligimus, alia ad intelligentiam potissimum referri, quippe quae id primum sibi vindicant, ut mentem instruant; alia ad voluntatem, utpote quae ad voluntatis motionem maxime adhibentur; alia denique ad memoriam, quia res praeteritas repetunt, custodiunt, posteritati consignant. Tres igitur sunt universae eloquentiae partes, seu tria genera praecipua: Didascalice, Oratoria, et Historia.

Hinc tria eloquentiae genera.

Quamobrem cum propositum nobis sit universas bene dicendi institutiones brevibus aperire, officii nostri ratio postulat, ut omnium scriptionum, quae ad tria illa genera pertinent, naturam fines proprietates, legesque exponamus. Quoniam vero quae de elocutione et stilo in singulis dicenda essent, fere omnibus dicendi generibus plerumque sunt communia, ea, ne idem saepe repetamus, prima, quam de universis eloquentiae dotibus inscribimus, partitione complectimur: hanc naturali ordine excipit partitio de re didascalica: sequitur de re oratoria, in quam fere solam veteres omne studium contulerunt: extrema partitio de Historia erit.

Praemittendae eloquentiae dotes.

## PARTITIO PRIMA

## De universis Eloquentiae dotibus

Cuiusque orationis officium.

Cuiusque orationis proprium id est: animi cogitationes motusque cum aliis communicare, alicuius rei obtinendae gratia. Ut cogitationes motusque animi rite communicemus, necesse est ita accurate loqui, ut ea, quae dicimus, eadem, qua nos sentimus ratione intelligantur: ut vero id, quod nobis est propositum, obtineamus, oportet gratia quadam auditorum animos, per aurium delectationem, nobis conciliare, illosque apta rebus orationique virtute permovere. Haec summo studio quaerere debemus: nihil enim magis auditores offendit, dicentisque frustratur consilium, quam obscura aut rudis, inculta vel ad institutum inepta oratio.

Hinc variae eiusdem dotes.

Iam ut accurate loquamur, facit Perspicuitas; ut cum gratia, Elegantia et Ornatus; ut cum virtute, tum sententiarum vis, tum troporum et figurarum usus. Quare Tullius: *Praecipitur primum, ut pure et latine loquamur; deinde ut plane et dilucide; tum ut ornate; post ad rerum dignitatem apte et quasi decore* <sup>1)</sup>. Sed in his, quas numeravimus, eloquentiae dotibus, nedum in rebus ipsis, continetur dicendi forma seu stilus, qui rerum omnium orationisque varietate, proportionem, ordinem, unitatem, imprimisque propria animorum motus tractandi ratione maxime constat. Universas igitur eloquentiae dotes sic definiemus, ut primo de perspicuitate; tum de elegantia; deinde de sententiarum vi; quarto de tropis et figuris; tandem de stilo dicamus.

Quinque capitibus definiuntur.

## CAPUT I.

## DE PERSPICUITATE

Quid Perspicuitas?

Perspicuitas quae a Quintiliano prima et summa orationis virtus saepe appellatur, dici potest: Evidentia quaedam sermonis, qua res ita exponuntur, ut manifestae et clarae appareant. Eius necessitatem docet Aristoteles: *Καὶ ὁρίσθω λέξεως ἀρετὴ, σαφὴ εἶναι. σημεῖον γὰρ ὅτι ὁ λόγος, ὃς ἂν μὴ δηλοῖ, οὐ*

1) I. Orat. XXXII.

ποιήσῃ τὸ ἑαυτοῦ ἔργον. *Definiatur elocutionis virtus, ut perspicua sit: oratio enim quae non declarat, non obibit munus suum.* 1) Quae virtus tum elucet, cum verba sunt propria, cum nihil deest; nihil redundat, cum ordo est rectus lucidusque. Perspicuitas igitur proprietate, praecisione, et ordine continetur. Nam si verborum proprietates deest, saepe nihil dicimus, saepe aliud, quam quod volumus dicimus: si abest praecisio, vel minus, quam cogitavimus; vel quid amplius significamus: defectu vero ordinis multa verborum rerumque oritur perturbatio. Quodlibet autem ex his vitiis non sermonis modo perspicuitatem extinguit, sed ipsam dicentis mentem plurimis obscurat cogitationum tenebris: oratio enim et cogitatio tam mutuo nexu tenentur, ut qui nescit recte loqui, nequeat recte cogitare; qui recte cogitat, idem recte loquatur. Licet vero Nemo, quod ait Tullius, extulit eum verbis, qui ita dixisset, ut qui adessent, intelligerent quid diceret, sed contempsit eum, qui minus id facere potuisset; 2) interdum tamen scriptores vel sola etiam perspicuitate plurimum laudantur. Quare illud Fabii teneamus: Si neque pauciora, quam oportet, neque plura, neque inordinata aut indistincta dixerimus, erunt dilucida, et negligentur quoque audientibus aperta: quia id ipsum in consilio est habendum, non semper tam esse acrem iudicis intentionem, ut obscuritatem apud se ipse discutiat, et tenebris orationis inferat quoddam intelligentiae suae lumen; sed multis eum frequenter cogitationibus avocari, nisi tam clara fuerint, quae dicemus, ut in animum eius oratio, ut sol in oculos, etiam si in eam non intendatur, incurrat: quare non ut intelligere possit sed ne omnino possit non intelligere curandum. 3)

Unde nascitur?

Perspicuitatis necessitas.

Fabii sententia.

## § I.

### *De verborum Proprietate*

Verborum proprietates, in qua maxime consistit perspicuitas, ut ait Fabius, non simpliciter accipitur. Primus enim intellectus est, sua cuiusque rei appellatio: qua tamen non semper utimur, cum vitanda sint obscena et sordida vel humilia. Secun-

Proprietates multiplex.

1) Rhet. lib. III. c. 2. — 2) III. Orat. XIV. — 3) Inst. lib. VIII. c. 2.

do modo dicitur proprium inter plura, quae sunt eiusdem nominis, id unde cetera ducta sunt: ut *vertex* ex contorta in se aqua, vel quicquid aliud similiter vertitur; ut pars summa capitis, et ex hoc quod est in montibus eminentissimum. Hinc tertio latius dicitur proprium, quod apta translatione ad aliud commode significandum communi usu est deductum, Translatio enim, in qua vel maximus est orationis ornatu, verba rebus non suis optime accommodat, ut proprie dicantur: haec autem proprietas non ad nomen, se ad vim significandi heic refertur.

Quae heic attenditur?

Comparatur lectione.

Quare proprietas, qua de agimus, universe est in eorum verborum delectu, quae ex optimo et constantiori usu sive origine sive translatione tributa sunt iis rebus, quas significare volumus. Comparatur autem primum assidua lectione probatorum scriptorum, in quibus verba dicendique modi maxime sunt propria. Aliqua saltem in hoc Caesaris loco verba perpendite: *Has (naves) superioribus refecerat diebus, atque omnibus rebus instruxerat. Itaque suos cohortatus, quos integros superavissent ut victos contemnerent, plenus spei bonae atque animi adversus eos proficiscitur. Facile erat ex castris C. Trebonii, atque omnibus superioribus locis prospicere in urbem, ut omnis iuventus, quae in oppido remanserat, omnesque superioris aetatis, cum liberis atque uxoribus, ex publicis custodiis, aut ex muro ad coelum manus tenderent, aut templa Deorum immortalium adirent, et ante simulacra projecti victoriam ab Diis exposcerent* <sup>1) a).</sup>

Rerum cognitione et studio.

Ad haec, valet potissimum mentis cogitationes distinguere, ut, rerum natura perspecta, illas suis nominibus promamus. Quam obscure varias aegritudinis partes significant aliqui, patet ex Tullio, qui cogitationum distinctione suis vocabulis eas circumscribit: *Est igitur aegritudo opinio recens mali praesentis... Subiiciuntur aegritudini... angor, luctus, moeror, aerumna, dolor, lamentatio, sollicitudo, molestia, afflictatio, desperatio... ANGOR est aegritudo premens: LUCTUS aegritudo ex eius, qui carus fuerit, interitu acerbo. MOEROR aegritudo*

1) Caes. B. C. L. II. n. 5.

a) Vedi sopra te aperte e sparte le fonti di grazia delle piaghe del Salvatore; le quali docciano a sgorgo per dar bere e saziare a ribocco i suoi amanti di vino dolce pieno di carità. *Medit. dell' Alb. della vita.*

*febilis* : *AERUMNA* aegritudo laboriosa : *DOLOR* aegritudo crucians : *LAMENTATIO* aegritudo cum eiulatu : *SOLLICITUDO* aegritudo cum cogitatione : *MOLESTIA* aegritudo permanens : *AFFLICTATIO* aegritudo cum vexatione corporis : *DESPERATIO* aegritudo sine ulla rerum expectatione meliorum <sup>1)</sup> a).

Quare ad proprie scribendum non sufficit vocabula ex optimis scriptoribus mutuari; sed necesse est etiam significationem, qua eadem verba illi usurparunt, optime cognoscere. Huius cognitionis negligentia fit, ut multi latine vel italice scribere facile sibi persuadeant, sed revera, ob effectam verborum significationem, improprie scribant.

Demum ut proprie scribamur, iuvat verborum etymon et discrimen perspectum habere: nam verba saltem figurate vim etymologi retinent, atque ea, qua alia ab aliis secernuntur, differentia res etiam significatas proprie efferunt. Exemplo sint *Tutus et Securus, Desidia et Inertia*. *Tutus a tueor*, qui tectus est, seu extra pericula corporis positus. *Securus*, quasi sine cura, et ad animum refertur : hinc mira illa Senecae sententia : *Tutum aliqua res in mala conscientia praestat, nulla securum.*<sup>2)</sup> *Desidia a desideo*, otiosus sum, nihil ago : *Inertia ab iners*, in quo non est ars : hinc in desidia voluntas, in inertia simul cum voluntate notatur inscitia: quare Tullius : *Si cessabis, lacesam; ne tua ignavia (sine igne) etiam inertiam afferat* <sup>3)</sup> b). Quibus

Etymologia.

Et verborum discrimen.

1) Cic. Tusc. Lib. IV. c. VII.

2) Epist. 103. — 3) XII. Fam. epist. 20.

a) Dividesi la superbia in vari rampolli: in *ambizione* la quale aspira immoderatamente ad onori; in *vanagloria* la qual oltre al convenevole si pasce di lode e d'estimazione; in *alterigia* che vuol trattarsi indebitamente sopra gli altri; e non meno in *iracondia* che ricerca non dovuta vendetta di chi le parve suo spregiatore; in *arroganza* che si attribuisce prerogative oltra il diritto; in *invidia* che per brama di maggioranza si cruccia del bene altrui. *Pallavic. Arte della P.* C. lib. 2. c. 13.

b) *Opera* è dal latino *Opera* con una parte de' suoi significati, aggiuntivi quelli affini di *res* e di *negotium*. *Lavoro* vien dal latino *labor*, ma coi significati di *opus*. *Fatica* deriva dal verbo latino *fatigare*, assumendo i significati di *labor*. *Travaglio* ha la radice in *trave*, ed è voce coniatà ne' secoli barbari: ne' quali si chiamò *travallus* quel castello di quattro travi congiunto in quadro da altre travi traversali, entro il quale si mettono le bestie fastidiose ed intrattabili per

exemplis patet ex etymi studio res non solum proprie, sed gravius significari posse. Quod ipsum ad proprietatem pertinet: illud enim quoque dicitur proprie dictum, quo nihil inveniri potest significantius.

Fontes praecipui sermonis proprii.

Iam vero, ut auctores innuam, ex quibus proprietas petitur, Latini ante alios commendantur Terentius, Caesar, Tullius, Nepos: in italica vero oratione praestant, (ut de lingua loquar) scriptores seculi XIII. Sed nolim ut iuvenes ad illorum studium se referant antequam legant praeclarum Iulii Perticari ad hanc rem opus <sup>1)</sup>. Solent quidem, hac praesertim aetate, quae tota est in vocabulis et praeceptionibus ordiendis, multum laudari plurimi libri ad proprie scribendum confecti: ego paucos eosque selectos a) amabo: ut ex ipsis auctoribus, tanquam ex fonte, sermonis thesauros plenius hauriamus.

## § II.

### De Praecisione

Praecisio in verbis.

Praecisio, quippe quae a *praecido* est, proprie quidquid est inutile, redundans, aut vitiosum in oratione amputat. Ea tum in verbis, tum in stilo desiderari potest. Atque in verbis quidem, cum illa vel non id, quod volumus, sed quidpiam simile expriment; vel non plene rem efferunt; vel plus quam in mente habemus, significant. Quos defectus vitabimus, si cuiusque linguae naturam, verborum proprietates, dicendique modos scite teneamus: nam qui haec negligunt, verba usurpant vaga, rationesque loquendi minus idoneas adhibent: ut vel dimidiam, vel supra quam velint, vel nihil omnino sententiam suam aperiant. Enimvero, si quis latine nesciat, quemlibet videndi actum communi verbo *videre* efferet; cum, ut cetera mittam, in re, quae longe est *prospicere* (procul aspicere); quae supra *suspicere*; quae circum, *circumspicere* usurpare deberet b).

Unde comparatur.

medicarle o ferrarle.... *Travaglio* non è *opera*, nè *lavoro*, nè *fatica*, ma affanno, agitazione. G. Grassi V. Saggio intorno ai Sinonimi.

1) « Degli scrittori del trecento e de' loro imitatori. »

a) *Facciolati, Forcellini, Nizolius, Tursellini, Popma, Manutius*.—Vocab. della Crusca, *Cinonio, Tomasseo, A. Cesari, B. Pnoti, L. Fornaciari*.

b) Saepe miscentur *Affronto, combattimento, battaglia, giornata*:



Videtur igitur ipsam praecisionem verborum proprietate maxime constare. Quod si non verba sed stilum ipsum spectamus, dupliciter adhuc defectus praecisionis facit, ne perspicue dicamus: in quibusdam enim est turba inanum verborum, quibus obscurant id quod dicere vellent, quasi audierint praeceptorem illum apud Livium, qui discipulos obscurare, quae dicerent, iubebat. *Alii*, inquit Fabius, *brevitatis aemuli necessaria quoque orationis subtrahunt verba, et velut satis sit scire ipsos, quae dicere velint, quantum ad alios pertineat, nihil putant* <sup>1)</sup>. Scio alios magniloquentiam adfectare, alios breviter: sed magniloquentia verborum gravitate et rerum magnitudine continetur: brevis autem tunc est cum tantum verborum est, quantum in perspicua oratione est necesse.

Ac quoniam in hoc genere peccatur maxime, cum aliquid narratur, aut describitur; ex re erit narrationis et descriptionis naturam et proprietates praefinire. Narratio est rei gestae vel quasi gestae per temporum successionem expositio: Descriptio vero est oratio personas, loca, tempora, res quaslibet per certas cuiusque proprietates effingens, et uno veluti complexu praesentans sensibus aut phantasiae. Quare narratio proprie est earum rerum, quae cum a mente procedunt vel ad memoriam spectant, parum vel nihil sensibus et phantasiae sunt obnoxiae; ita ut simul, veluti in tabula, nequeant repraesentari: puta, senatus consilia, belli administratio, reipublicae regimen, longa maris navigatio, exercitus iter: non quidem prout ratione excogitantur aut disputantur, quod est scientiae, sed prout iam facta, temporum serie, exponuntur. Descriptio autem est earum rerum, quae sensibus et phantasia percipiuntur, et ut iam perceptae propriis artis coloribus pingi ac in conspectu poni possunt: ut populi tumultus, praelia, incendia, tempestas, urbs, regio, hortus, et ea omnia, quae picturae, sculpturae vel architecturae materies esse solent. Nam quaecumque pingi aut aedificari possunt, describi etiam possunt.

Narrationis  
et descriptionis  
natura.

quam male patet exemplis: «Dopo molti piuttosto *affronti e combattimenti*, che *battaglie e giornate*. » Varchi. « Durò molte ore questo *combattimento* maggiore assai di semplice *scaramuccia*, ma inferiore di molto al termine di *battaglia*. » Bentivoglio, Stor. di Fiandra. V. G. Grassi. Dizion. mil.

1) Lib. VIII. c. 2.

Earumdem  
discrimen.

Atque ex hoc clarius patet discrimen, quod narrationem inter et descriptionem intercedit : ut enim narratio, quae temporis successione fiunt vel fieri possunt, ita descriptio, quae in spatio sunt vel esse possunt proprie spectat : quae autem in spatio esse possunt pingi solent. Sed tamen quaedam et narrari et describi possunt, vel partim narrari, partim describi : ut pestis ut bellum, ut naufragium, ut sollemnis pompa, triumphus, alia. Multa praeterea, quae narrationis videntur propria, exquisitis artis lineamentis ad descriptionem accedunt. Quare poëtae, qui in descriptionibus maxime se diligunt, cum narrant, fere etiam describunt : nec mirum, cum longe plura, quam ipsi pictores coloribus exprimere possint, poëtae mirifice pingunt <sup>1)</sup>).

Quando praecisa est narratio?

Iam vero praecisa est narratio cum et propria materia constat, et prout est vel oratoria vel historica vel poetica, certis inducitur coloribus : tum nec ea praeterit, quae rei naturam explicant, nec ea consecatur, quae nihil aut parum ad institutum pertinent; sed leni quodam dicendi genere ea solum persequitur adiuncta, quae cum delectatione rem maxime probabilem efficiunt; aut certe verisimilem in poetis a).

Quae praecisa descriptio?

Maiores ars requiritur in descriptione: tum quia scriptoris ingenium describendo praesertim se prodit, tum quia facilius apparent vitia : nam fere res, quae describuntur, cum descriptione possunt ab aliis comparari. Communius autem descriptionis vitium est in hoc, quod non sit praecisa: alii enim generatim aliquid et universe attingunt, alii nimium singillatim et pueriliter adiuncta consecantur: at res singillatim quidem sunt describendae, sed ea tantum ex parte, qua sensus et magis percillantur, et non offendantur satietate. Ad haec, necesse est rerum naturam quam proxime imitari aut effingere ; ita ut verisimile et decorum nihil detrimenti capiant : quod ipsum ex praecisionis defectu solet proficisci b).

1) V. G. Gherardini—Elementi di Poesia, part. 1. c. 4.

a) V. Cic. lib. IV. in Ver. XXVIII XXIX XXX. Pro Mil. IX X. — Tit. Liv. lib. I. c. X. n. 23. — Caes. B. G. lib. VII. n. 4. 5. — Giambullari Ist. lib. II. « Gli Ungheri rompono l'esercito degli Italiani—Guicciardini lib. IV. Prigionia e morte di Lodovico Sforza—Ilia. X. v. 314.—Aen. II. v. 57... IV. Georg. v. 123.—Dante Inf. XXX. v. 1.

b) V. Cic. lib. IV. in Ver. LII. LIII. — T. Liv. lib. IX. §. 2 — Caes. B. G. lib. III. §. 13.—Boccaccio, Macchiavelli, Manzoni: Descrizione

Nec vero μακρολογία a) solum et βραχυλογία nocet perspicuitati:officit etiam ἀμφοβολογία<sup>1)</sup> b); officiant verba superflua apposita seu adiuncta redundantia vel minus rebus congrua;officit imprimis vocum, quae synonyma dicuntur, imprudens usurpatio. Sed caveas ne huc referas etiam expolitionem et synonymiam, quae sunt figurae, et ad ipsam perspicuitatem multum conferunt, si in loco adhibeantur; ut illa Tullii: *An mihi ipsi, ut quidam putant, fuit mors aequo animo oppetenda? Quid, tum mortem ne fugiebam? an erat res ulla, quam mihi magis optandam putarem? tam eram rudis? tam ignarus rerum? tam expers consilii aut ingenii? nihil audieram nihil videram? nihil ipse legendo, quaerendoque cognoveram?* <sup>2)</sup> c).

Alii praecisionis defectus.

### § III.

#### De Ordine

Ordo est rerum aptis et accommodis locis dispositio; atque heic verba respicit, aut sententias. Verborum ordo proprie ad Ordinis naturam. Ordo verborum.

della pestilenza — Iliad. XVIII. v. 474. Aen. VIII. v. 226. — Dante, Purg. XXVIII. v. 1.

1) V. Quint. L. VIII. c. 2. — 2) Pro Sextio XXI.

a) Lei nomò del nome di colei, che in se contenne la redenzione pel misero perdimento, che addivenne per l'ardito gusto della prima madre. Boccaccio, *Filocolo*.

b) Vincitor Alessandro l'ira vinse. *Petr.*  
Si volse indietro a rimirar lo passo  
Che non lasciò giammai persona viva. *Dante.*

c) E poichè la sua mano alla mia pose  
Con lieto viso, ond'io mi confortai,  
Mi mise dentro alle secrete cose.

Quivi sospiri, pianti, ed alti guai  
Risonavan per l'aero senza stelle,  
Perch'io al cominciar ne lagrimai.

Diverse lingue, orribili favelle,  
Parole di dolore, accenti d'ira,  
Voci alte e fioche, e suon di man con elle  
Facevan un tumulto, il qual s'aggira  
Sempre 'n quell'aria senza tempo tinta,  
Come la rena, quando a turbo spira.

*Dante Inf. III- v. 19.*

perspicuitatem pertinet, ac tum aptus habetur; cum adverbia, praepositiones cum suis casibus, adiuncta, partesque omnes orationis ita collocantur, ut nunquam ambigamus quodnam verbum participium, aut substantivum nomen adficiant. Fabius narrat quemdam testamento mandasse, ut heres *statuam auream hastam tenentem* sibi faceret: ex quo orta lis est utrum tota statua, an hasta solum deberet esse aurea a).

Orationis  
contextus.

Multum etiam obscuritatis est in contextu et continuatione sermonis, si longam interiectionem seu *παρρησίαν*, praeposteros pronominum usus, verhorum mixturam vel inconsultam traiectionem, et implicatos circuitus non vitemus b). Nam in traiectione ipsa, sine qua saepe friget oratio, spectanda est cuiusque linguae natura et proprietas: 1) multa enim, quae praeclara sunt apud latinos in italicis scriptoribus maxime sunt vitiosa. Qua de re Boccaccius, qui latinos nimium voluit imitari, merito ab iis, qui sapiunt, acriter vapulat c).

Ordo senten-  
tiarum.

Verum ne, dum perspicui esse volumus, vi et gratia destituamur, tum aptam verborum compositionem, de qua plurima Tullius et Fabius, tum etiam sententiarum seriem persequemur. Atque de sententiarum ordine hoc nunc brevi praecipi potest: ut ordo verborum, quantum linguae indoles patitur, ordini quores oculis vel menti se offerre solent, fere respondeat. Huiusmodi est in Virgilio descriptio fraudulentum Sinonis:

1) V. Heinnee. *Fund. St. P. I. c. I.* — Colombo, Doti d'una colta fav., Lez. VI.

a) Passò di questa vita (mori) in Inghilterra. *Passavanti.*

E come che egli (Dante) d'avere questo libretto fatto negli anni più maturi si vergognasse. *Boccaccio, Vita di Dante.*

b) E perciò che tra le altre naturali cose quella che meno rievve consiglio, è amore, la cui natura è tale, che più tosto per se medesimo consumar si può, che per avvedimento tor via, m'è venuto nell'animo di narrarvi una novella d'una donna, la quale, mentre che ella creò d'esser più savia, che a lei non s'apparteneva, e che non era, e ancora eh' non sosteneva la cosa, in che studiava mostrare il senno suo, eredendo dell'innamorato cuore trarre amore, il quale forse v'avevano messo le stelle, pervenne a cacciare ad un'ora amore e l'anima del corpo al figliuolo. *Boc.*

c) La lingua adoperata dal Boccaccio è per lo più ottima, e il suo stile per lo più pessimo. Baretii, *Frusta lett.* tom. II. n. 13. V. *Perticari*, Degli scrittori del Trec., lib. II. cap. 6.

*Namque ut conspectu in medio turbatus, inermis  
Constitit, atque oculis Phrygia agmina circumspexit* <sup>1)</sup>).

Virgilii E-  
xemplum.

Tum admirabilis serpentium per mare ad litus accessus:

*Ecce autem gemini a Tenedo tranquilla per alta,  
Horresco referens! immensis orbibus angues  
Incumbunt pelago, pariterque ad litora tendunt:  
Pectora quorum inter fluctus arrecta, iubaeque  
Sanguineae exuperant undas: pars cetera pontum  
Pone legit, sinuatque immensa volumine terga.  
Fit sonitus spumante salo: iamque arva tenebant,  
Arduentesque oculos suffecti sanguine et igni  
Sibila lambebant linguis vibrantibus ora.* <sup>2)</sup> a).

Praeterea aptissime res collocantur, si alia aliam vi superet, Alius ordo.  
quemadmodum in illo Tullii loco: *Tu istis faucibus, istis la-  
teribus, ista gladiatoria totius corporis firmitate* <sup>3)</sup> b). Sed  
praestat interdum aut vocem ibi collocare, ubi alias minus apte

1) Aen. II. 67. — 2) Ibi 203. — 3) II. Phil. XXV.

- a) La stanza quadra e spaziosa pare  
Una devota e venerabil Chiesa  
Che su colonne alabastrine e rare  
Con bella architettura era sospesa:  
Sorgea nel mezzo un bel locato altare,  
Che avea dinanzi una lampada accesa,  
E quella di splendente e chiaro foco  
Rendea gran lume all'uno e all'altro loco.

Ariosto *Orl. Fur. c. III. s. 7.*

V. Dante *Purg. III. v. 79.*

- b) E già venia su per le torbid'onde  
Un fracasso di suon pien di spavento  
Per cui tremavano amendue le sponde;  
Non altrimenti fatto, che d'un vento  
Impetuoso per gli avversi ardori,  
Che fier la selva senza alcun raitento  
Li rami schianta abbatte, o porta fuori:  
Dinanzi polveroso va superbo,  
E fa fuggir le fiere ed i pastori.

Dante *Inf. IX.*

posita videretur, ut: *Tantum vini in Hispiae nuptiis exhauseras, ut tibi necesse esset in Populi Romani conspectu vomere POSTRIDIE*: <sup>1)</sup> a) aut rem praeponere, quae maiorem vim in animis habeat, ut: *Vos, Vos appello fortissimi viri, qui multum pro republica sanguinem effudistis; vos in viri et in civis invicti appello periculo, centuriones, vosque milites: vobis non modo inspectantibus, sed etiam armatis, et huic iudicio praesidentibus, haec tanta virtus ex hac urbe expelletur? exterminabitur? proicietur?* <sup>2)</sup>. Simile est illud Virgilii:

*ME, ME: adsum qui feci: in me convertite ferrum  
O Rutuli, mea fraus omnis: nihil iste nec ausus,  
Nec potuit* <sup>3)</sup> b)

Ordo in dissimilibus.

Ceterum felicissimus, ait Fabius, sermo est, cui et rectus ordo, et apta iunctura, et cum iis numerus opportune cadens contingit <sup>4)</sup>. Quod si sententiarum varietate quis interdum movetur, cogitet in dispari etiam rerum natura optime servari ordinem, si omnia, prout melius nectuntur, proxime collocentur atque simul ad unum conspirent: ita enim intelligendum imprimis est illud Horatii: *Denique sit quodvis simplex dumtaxat et unum*.

Epilogus de Perspicuitate

Atque haec de ordine, prout perspicuitatem maxime respicit, satis dixisse videmur. Multa alia dicenda essent de ordine, prout in arte seu pulchritudine spectatur: sed alibi suis in locis traduntur. Iam totum hoc de perspicuitate caput Tullii verbis absolvemus: *Neque vero de illo altero (de perspicuitate) diutius commoremur, ut disputemus, quibus rebus assequi possumus, ut ea,*

<sup>1)</sup> II, Phil. ibid. — <sup>2)</sup> Pro Milone XXXI. — <sup>3)</sup> Aen. IX. v. 427.

<sup>4)</sup> Lib. IX. c. 4.

a) In che non ti accorgi che non il mio peccato, ma quello della fortuna riprendi, la quale assai sovente gli non degni ad alto leva, a basso lasciando i degnissimi. *Boccaccio*.

b) Vedi, Signor cortese  
Di che lievi cagion che crudel guerra;  
Ei cor, ch'indura e scerra  
Marte superbo e fero  
Apri tu, Padre, e intenerisci e snoda.

*Petr. P. IV. C. IV.*

quae dicemus, intelligantur. Latine scilicet dicendo, verbis usitatis, ac prope demonstrantibus ea quae significari ac declarari volumus, sine ambiguo verbo, aut sermone, non nimis longa continuatione verborum, non valde productis iis, quae similitudinis causa ex aliis rebus transferuntur, non discerptis sententiis, non praeposteris temporibus, non confusis personis, non perturbato ordine <sup>1)</sup>).

## CAPUT II.

### DE ELEGANTIA

Qui decoram ac perpolitam orationem scribunt, id agunt, ut urbane, ut pure dicant, omniaque mira quadam varietate effectuant; ita tamen ut non luxum, sed delectum consecantur. Quare Elegantia urbanitate, puritate, et varietate, quae sunt pulchritudinis elementa, continetur, et in delectu maxime consistit. Qui delectus in hoc est, ut quaecumque sint vocabula, dicendi modi, locutionum usus, res et sententias, pro diversa earumdem natura, apprime expriment. Quamvis igitur elegantia non respuat ornatum, qui ex splendidioribus etiam, cum singulis tum coniunctis, verbis, et largo troporum ac figurarum usu longe efflorescit; temperantiam tamen et maxime electionem semper adhibet.

In quo est Elegantia?

In quo est ornatu?

Verum elegantia et ornatu iisdem sane partibus constant, atque in hoc praesertim differunt, quod illa delectu et proprietate, alter copia et splendore potissimum gaudeat. Cum itaque de urbanitate, de puritate, et varietate dixerimus, tum non solum de elegantia fere omnia, sed plura etiam de ornatu dixisse arbitramur: cetera autem partim in priori capite sunt, partim in aliis mox tractantur <sup>2)</sup>.

Quid differunt?

## § I.

### De Urbinitate

Urbinitas est dicendi ratio comis et decora, quae ingenio cultiorum hominum, qui in florentibus civitatibus vixerunt aut vi-

Quid Urbinitas?

1) III. Orat. XIII. — 2) V. Cic. III. Orat. XXV. *Pallav.* Süle, cap. 24 e segg.

Qui vigeat?

vunt, est accommodata, ac praefert leporem munditiem et nitorem cum in verbis ipsis tum in voce et pronuntiatione. Sed in primis temperandum est ab omnibus abiectis plebeisque dicendi modis: quorum plurimos habet Plautus, nedum sales, quibus stulte delectati sunt veteres, si modo ego et vos, ut ait Horatius *Scimus inurbanum lepido seponere dicto* <sup>1)</sup>. Inurbane etiam turpia vitia publice exprobrantur: qua in re peccavit ipse Tullius interdum, maxime cum in Antonium inveheretur. At inurbanissimi sunt poetae et fabulatores illi turpiter faceti, qui ab instauratione studiorum ad haec usque tempora plurimi extiterunt: horum quisque dicere posset, quod de se merito scribebat Boccaccius: *Existimabunt legentes me spurgidum, lenonem, incestuosum senem, impurum hominem, turpiloquum* <sup>2)</sup>.

Alia fugienda.

Verum non solum obscenos modos dicendi et foeda vel subrustica verba, quae apud homines liberaliter educatos nullum locum invenire possunt a); sed ea quoque omnia, quae personas deprimunt, vel auditu sunt molesta, fugiemus b). Quod si horum aliquid necesse sit significare, nec semper Apellem imitari possumus, qui imaginem Antigoni latere tantum altero ostendit, ut amissi oculi deformitas lateret; tunc metaphoras certe aut circumlocutiones adhibebimus.

Discendi I. diotismi.

Magna vero urbanitatis pars est in idiotismis, quos vocant, nos autem proprietates dicemus: quae hec sunt quidam dicendi modi adeo proprii politioris illius linguae, qua quis loquitur, ut, qui illis utitur, natus in ea videatur. Harum proprietatum tanta est subtilitas, ut anus illa Atheniensis Theophrastum, qui se attice loqui maxime praefidebat, ex sermone hospitem de-

1) Epist. ad Pis. v. 273. — 2) Epist. ad Main Cavale. V. Casa, *Galateo*.

a) È fuor di dubbio che qualsivoglia componimento deve apparire in ogni parte con certo decoro, che inviti i buoni a promuoverne la lettura senza riserbo. La Religione, la verità, il costume non ne soffrano oltraggio, nè lecito sia di produr cosa in vista del mondo presente e futuro, che non oserebbe l'impudenza di fare in piccolo crocchio di bene educate persone. *Teod. Villa, Lex. di Eloq. Decoro*.

b) Questo è trattare il nome divino come se fosse uno straccio di lavandaia. Questi son quelli che ad ogni tratto hanno il nome di Cristo in bocca, come se fosse il nome di un uomo vile, di un bindolo, di un birbante. *Segn. C. I. p. I. R. 10*.



prehenderit <sup>1)</sup>). Iam vero hae sermonis proprietates, quamdam nobilitatem et decorem iam nactae, nobilem et decoram orationem efficiunt. Quare ut Graeci in Attica, et Latini in Romana; sic Itali in Etrusca lingua addiscenda maximum studium ponent: praesertim ut familiarem stilum acquirant, qui urbanitate praecipue continetur.

Nunc exemplo sint: *Sed cum illa pateant, in promptuque* <sup>pl.</sup> *omnibus, dabis hanc veniam, ut...* « Non sum, inquit, Scatvola, nescius, ista inter Grastos dici... In manu, in manibus, ad manum habere: De scripto dicere... Aliquid monstrant: ea quoniam nemini obtrudi potest... » *Oratio haec me miseram exanimavit metu...* « Sinite exorator sim: eodem ut iure uti senem Liceat, quo iure sum unus adolescentior. » Ter. a). Quo in genere eligendi etiam maxime sunt peculiare quorundam nominum, verborum, et particularum usus, ut: *Adeo stupidi eorum inservisse* Nep. *Stupido*, hoc est data opera, consilio, de industria: « *In aes alienum incidere* » Considera, ne in *alienissimum* tempus cadat adventus tuus. *Agere* cuniculos ad aerarium: *Agere* aetatem in litteris: *Aguntur* iniuriae sociorum *Agitur* vis legum: *Diserti* deformitate *Agendi*, multi infantes putati sunt: *Intelligit* secum *Actum esse* pessime: *Res alias agere*. Cic. *Multus sermo ad multum diem*: *Haec iste ad insaniam concupierat*: *Ad urbem cum esset*, audivit: *Ad arbitrium et nutum...* se fingunt. » Cic. b).

1) V. Cic. Br. 172.

a) Io sono acconcio di ciò fare — Stendendo il piè per lo letto, gli venne abbattuto a questo spago — Con lui s'acconcio per fante — qual vuoi tu meglio? morire, o servire? — Lo fece prendere a' suoi sgherri — La verità non è voluta credere; anzi è avuta in odio, e chi la dice. Per non esser trovato non tenea posta ferma. Dio dà vinto o perduto a cui vuole. A cui Dio vuol male gli toglie il senno — Come ti sei lasciato così aver paura! — Il cuor mi dà che la cosa riesce bene.

V. A. Cesari — Dissert. della lingua it al. — § X. XI.

b) Le quall parole per si fatta maniera nell'animo del Re di Francia entrarono, che... Fattolo legare alla corda, parecchie tratto delle buone gli fece dare con animo di fargli confessare... Andare all'animo... Apri dunque l'animo alle mie parole... Ma io l'animo avendo solamente alle parole udite. » Boc. « Dalla su per la scala e giun-

- Studium opti- Sed huiusmodi verborum proprietates, quae urbanitate qua-  
morum. dam quasi colorant, uti docet Tullius, orationem, non nisi lon-  
go optimorum scriptorum studio sentiantur. Ad eas autem ac-  
quirendas valet plurimum cum diligens verborum delectus, tum  
certum quoddam aurium iudicium, tum praesertim diuturna  
Stili exerci- recte scribendi et loquendi consuetudo. Si quae ergo sunt hu-  
tium. manitatis studia, ad hanc scribendi dicendique consuetudinem  
comparandam sunt conferenda. Quo in exercitio illud Fabii prae  
Urbanitas ex oculis semper habebimus *Urbanitate quidem significari vi-*  
Fabio. *deo sermonem prae se ferentem in verbis et sono et usu pro-*  
*prium quemdam gustum urbis, et sumptam ex conversatione*  
*doctorum tacitam eruditionem: denique, cui contraria sit ru-*  
*sticitas. Ac paullo post: Verum mihi etiam iocosa quaedam*  
*videntur posse non satis urbane referri. Nam meo quidem iu-*  
*dicio illa est urbanitas, in qua nihil absonum, nihil agreste,*  
*nihil inconditum, nihil peregrinum, neque sensu, neque ver-*  
*bis, neque ore gestuque possit deprehendi: ut non tam sit in*  
*singulis dictis, quam in toto colore dicendi, qualis apud Grae-*  
*cos atticismus ille redolens Athenarum proprium saporem* <sup>1)</sup>.

## § II.

## De Puritate

- Quid Paritas? Pure et emendate dicendi rationem, puritatem appellamus:  
quam qui assequi volunt, volunt autem omnes, qui veterum  
scholasticorum barbariem, et Cesarottianae disciplinae delira-  
menta fugiunt, vitiosam partium orationis compositionem, quae  
Quid Soloec- soloecismus vocatur, omni studio vitabunt, ac nihil contra di-  
cismus? ligentiores grammaticae observationes audebunt; neque dicent:  
*Scribo cum calamo: Redeo agro: Quoque ego: Eo intus: Quid*

ge Sacchetti: Dare a ballia: — Dare a sacco — e a fiamma — Da-  
re battaglia — Dar l'animo.

Questa è colei ch'è tanto posta in croce

Pur da color che le dovrian dar lode,

Dandole biasmo a torto e mala voce. *Inf. VII.*

Egli in su una (barchetta) coi pescatori, ed ella in su un'altra...  
Comandò che ogni uomo fosse in sul ballare... Il che gli era sì gran  
noia che ne fu quasi in su l'impazzare... *Boc. V. Cesari, Le Grazie.*

1) Lib. VI. c. 3.

*huc agis? Eo ad Romam; et huiusmodi a).* Ad haec necesse est ut fugiamus quam maxime barbarismum, seu rusticum, ut veteres appellant, sermonem: qui est dictio aut omnino barbara, aut latina quidem vel italica, sed vitiosa usu, scripto, aut pronuntiatione. Cavendum igitur est a verbis, constructionibus, et dicendi modis, qui sint alterius linguae, vel sine auctore probato, vel novi vel obsoleti, ut: *Affectuosus, rigorosus, gratitudo, protectio: Communicare alteri pro cum altero. Reconciliare cum aliquo pro alicui: Monialis, Canonizare, Crucifigere: Olli pro illi: Aquai: Operam abutitur suam* <sup>1)</sup> b). Verum tria ultima exempla, et alia huiusmodi, quae in ipsis aureae linguae scriptoribus inveniuntur, non sunt continuo reprehendenda: auctorum enim tempore consuetudo, quae est certissima loquendi regula, ita ferebat: qua tamen nos non possumus semper uti. Quod iudicium de optimis quoque italicae linguae scriptoribus est faciendum.

Maiores est difficultas in latinis Christianae Religionis dictio-  
nibus: qua in re Helneccii sententiam amplectemur; ut quae elegantiori stilo commode reddi possunt, ea commutemus: quae vero *μυστηριώδεις* aliquid habent, integra teneamus. Quod ita intelligendum est, ut quidquid veterem superstitionem, sive in verbis sive in formulis sapiat, omnino respuamus: ne, dum latini esse volumus, ethnici videamur. Qua de re praeclare scripsit Morcellius in opere de stilo Inscriptionum <sup>2)</sup>.

Res Christianae.

1) V. Cellar. *Antibarbarus*. — 2) Vol. II. Part. I. c. I. et passim.

a) Tutti i filosofi i più stimati — *Al minuto, al galoppo* — *Affine*, *Acciò* per ancora che, *Affinchè*, *Acciocchè* — *Il di che* per *Di che* — *Quivi* per *Quindi* — *La donde* per *Laonde* — *Eguale* per *Parimente*, o similmente — *Agostino il Santo*. *Bernardo Santo* — *Il di lui figliuolo*, *la di lei virtù*, *la di costui casa*. V. G. Paria d. C. d. G.

b) Scoglio non *abbordabile* — Energizzato dall'insieme di tali oggetti — *Talento pittorico* — *Sortire alla luce* — *All'infuori di qualche tratto* (da qualche tratto in fuori) — *Prendere in considerazione una cosa* (farvi studio sopra, darsene pensiero) — *Voi venite di farci (ci fate) un onore* — *Dettaglio (particolarità) Dettagliare* — (particolarizzare) — *Realizzare* (mettere in essere, o ad effetto) — *Enorme* per *grande* — *Agire* per *operare* — *Saramento* per *giuramento* — *Piu-vico*, *aiutorio*, *sap-pi-endo*, *gradora*, *borgora*, *fosseno*. *Cul* per *chi*: *Messero*, *Mai sì*, *Mal nò*, *Madiesi* — V. A. *Cesari* *Disser.* sulla L. I. p. XI. — *Le Grazie*, P. III. — G. *Perticari* lib. II. c. III. e segg.

Verba Nova. Qui vero elegantia delectatur, is amet non solum usitata verba, sed germanos quoque dicendi modos, et accuratiores illius linguae, qua loquimur vel scribimus, constructiones. Quod si nova occurrunt inventa, quae probatis iam optimae linguae vocabulis exprimi nequeunt; licebit quidem verbis uti novis cum hac cautione ut si lingua sit mortua, uti habetur latina, *περί-Φρασις* potius adhibeamus, aut si artis vel scientiae recens inventae res uno verbo sint exprimendae, graecam vocem, quod est facillimum, accomodemus; ad summam latino iam verbo, si ad hoc quod rarissime fiet cogit necessitas, affinem quamdam significationem tribuamus. Si vero lingua viva sit, uti plus licebit, sic maius adhuc in novis verbis inducendis erit iudicium; nam homines ut laborem fugiant, nimium iam prohi sunt ad alterius linguae vocabula, quae in promptu habent, suscipienda, et ob studiorum defectum saepe propriam linguam paupertatis falso accusant: quare si hac in re facile et omnibus dabitur licentia, brevi, ut pluries accidit, tota lingua corrumpetur. Itaque in viventi maxime lingua teneatur illa in novis producendis verbis lex; ut id fiat cum, summa adhibita diligentia, verba ad rem necessario significandam omnino desint, nec nisi a viris linguae peritissimis atque ab optimo fonte ducantur vocabula. Huc enim prudenter revocandum quod de latina lingua ait Horatius:

*Si forte necesse est*

*Indiciis monstrare recentibus abdita rerum,*

*Fingere cinctutis non exaudita Cethegis*

*Continget; dabiturque licentia sumpta pudenter,*

*Et nova, fictaque nuper habebunt verba fidem, si*

*Graeco fonte cadant, parce detorta. 1).*

Verba Obsoleta.

Obsoleta etiam verba interdum revocare possumus, si id fiet necessitate, aut saltem varietatis gratia: sed parce, in loco, et multo delectu: quare haec quoque venia claris tantum scriptoribus tribuitur, quos imitari aliqua in re licet. Enimvero:

*Multa renascentur, quae iam cecidero, cadentque*

*Quae nunc sunt in honore vocabula, si volet usus,*

*Quem penes arbitrium est et ius et norma loquendi 2).*

1) Epist. ad Pis. v. 48. — 2) Ibi v. 70.

Quod autem aliquis docuit italicam linguam gallicis verbis Lingua itali- locupletandam esse; nae is parum sapiens fuit, qui non intel- ca. lexit italicam linguam ab ipsis Gallis omnium perfectissimam existimari <sup>1)</sup>).

Iam vero ex iis, quae de verborum puritate attigimus, patet Grammaticae eam fere totam ex diligenti grammaticae studio pendere. Quare studium. qui ad politiores litteras appellit, eum in grammatica, qua magna elegantiae pars continetur, optima linguae fundamenta locasse oportet. Optima vero in grammatica fundamenta locasse Quale esse dicitur, qui non solum praecepta omnia, sed eorum etiam rationes et iudicia apprime teneat, sciatque regulas ex continenti optimorum scriptorum studio ita adhibere, ut implicatas illas et absurdas dicendi formas, quibus grammatici ad exercitium, at aiunt, in scholis abutuntur, neque scribendo neque loquendo usurpet.

### § III.

#### *De Varietate*

Vt repetitio fastidium, sic varietas delectationem tum etiam Varietatis admirationem ex quadam novitate afferre solet. Varietas autem natura. proprie est disparilitas, dissimilitudo, et variantia colorum: sed transferitur, ait Tullius, in multa disparia: varium poema, varia oratio, varii mores, varia fortuna dici solet. Hinc in oratione varietas est apta disparium verborum, modorumque dicendi, temporum, troporum, et earum rerum omnium, quae ipsam orationem efficiunt, concordia. Quare ut hanc sermonis virtutem assequamur, magna primum requiritur copia vocabulorum, modorumque loquendi, quos disertii scriptores usurparunt: idque tum maxime cum translationibus splendidisque vocibus utimur: nam splendida et speciosa magis in oculos incurrunt, et si nimium repetantur, fastidium generant.

Qui verba idem pene significantia adhibere noverit, is magnam varietatem orationi inducere potest; praesertim cum non Iuvant sy- nonyma. presse de aliqua re dicimus, vel sententia ipsa gradus quosdam commode admittit: sed in hoc vitanda erunt vitia, quae superioris de synonymis notavimus.

1) V. Audisio vol. 3. lez. 4.

Definitiones Vberiores varietatis fontes sunt breves definitiones, aut de-  
Descriptiones scriptiones ex effectibus, vel adiunctis, ut :

*Tempus erat, quo prima quies mortalibus aegris  
Incipit, et dono Divum gratissima serpit.* <sup>1)</sup>

*Postquam res Asiae. Priamique evertere gentem  
Immeritam visum superis, ceciditque superbum  
Ilium, et omnis humo sumat Neptunia Troia* <sup>2)</sup> a).

Quod si descriptio proprie accipitur, tum non verba solum, sed ipsae res descriptae infinitam orationi vel carmini varietatem afferunt: infinitae enim res, eademque diversi generis, et variae describi possunt; ut personae, ut urbes, ut templa, ut loca quaelibet, virtutes, vitia ac innumerae universae naturae partes. Quae omnia propriis coloribus et luminibus expressa variam omnino orationem induent.

Variatio  
Grammatica.

Mutantur etiam casus, mutantur verborum formae, ut: « In hoc natura, efficere quid possit, videtur experta. » *Nep.* « In hoc naturae quanta vis sit, perspectum est. » Incredibile est quanta me molestia affecerit « Nulla unquam voluptate tantum affectus, quanta afficior hac integritate » *Cic.* b) Grammatica haec variatio fusius, nec tamen inepte ab Heineccio tractatur <sup>3)</sup>.

Verum in ipsis periodis infinita est varietas; varia enim sunt iocisa, varia membra, varius numerus, varia illa callida iunctu-

1) *Aen.* II. 268. — 2) *Aen.* III. I. — 3) *Fund. St. P. I. c. I. n. 22 et seqq.*

a) Lo giorno se n'andava e l'aere bruno  
Toglieva gli animai che sono in terra  
Dalle fatiche loro; ed io sol uno... *Inf. I. II.*  
Era già l'ora, che volge il desio  
A' naviganti, e intenerisce il core  
Lo di ch'àn detto a' dolci amici a Dio;  
E che lo nuovo peregrin d'amore  
Funge, se ode squilla di lontano,  
Che paia il giorno pianger che si more. *Purg. VIII.*

b) Di che io rendo grazie e a te « *Fioretti* » Grazie somiglianti e maggiori rendute sarebbero. « *Boc.* Rendutegli quelle grazie, che potè maggiori. » E ringraziarono quanto meglio seppero « *B.* » Po-  
sciachè l'accoglienze oneste e liete Furo iterate tre e quattro volte:  
*Dan.* Egli non è... da far più strette accoglienze. *Boc.*

ra, quae verba nova reddit, ut ait Horatius. Ut autem haec omnia assequamur, praestat non omnes fere periodos verbo claudere: quod cum vitiosum interdum sit apud Latinos, tum maxime est reprehendendum in scriptoribus italicis. Quid enim adfectatum magis, quam putidius Boccaccii vitium consecrari?

Denique variis coloribus distinguunt orationem figurae, et tennes illi tropi, quibus praeclarus quisque sermo mira quadam suavitate et luce renidet, ut: *Ardeo cupiditate: illa nos cupiditas incendit: Quo evadas, nescio: In portu navigo* a). Sed verborum, sententiarumque figurae non varios solum dicendi modos; verum diversos quoque animi motus suggerunt: quare ubi oratio patitur, omnino sunt adhibendae. Nolim tamen praecipuum varietatis fontem eas constituere. Nam qui nimium figuris indulgent, elegantiores dicendi modos, qui longe plurimi sunt, minus frequenter usurpant. Verum et figuris et propriis loquendi modis apte temperari debet oratio.

Cavendum porro est ne, dum varietatem orationis nimium studiose quaerimus, stili aequalitatem amittamus: quae inter perpetuam rerum similitudinem et apertam earumdem discordiam media incedit. Perpetua rerum similitudo fastidium parit, quo afficimur ab iis, qui sive scribant, sive loquantur, certos dicendi modos, certas quasdam sententias, certas figuras continuo usurpant. Ex discordia autem rerum oritur deformitas, qua foedantur eorum scripta, qui cum proprie pureque fere scribant, barbarum identidem aliquid, vel exaggeratum, turgidum, obscurum effundunt. Quo vitio peccant ii potissimum, quibus nulla religio est ex transalpinis nationibus verba, translationes, similitudines, imagines mutuari: quasi vero nos vel propriis verbis careremus, vel gelu etiam, frigore, nebulis, silvis, cryptis, aliisque illarum regionum cingeremur horroribus. At praetereamus iam de elegantia praecepta. *Omnis enim loquendi elegantia, quam-*


Ex figuris et tropis.

Horum usus.

Varietas et Aequalitas stili.

Qui in hoc peccant?

a) « E così più dichiara il dire con leggiera e consueta metafora: *lo punse con queste parole*, che senza metafora, gli cagionò dispiacere con queste parole... E chi attentamente disaminerà que' modi eleganti di favellare, che s'ammirano in Plauto, in Terenzio, in Catullo, e in tutti gli autori più tersi, gli troverà smaltati di queste sottili metafore adottate dall'uso de' più squisiti parlatori, senza il quale molte di esse sarebbono crude, e tutte avrebbon del buio. » — *Pallavic.* Stile, cap. XXII.



quam excolitur scientia litterarum, tamen augetur legendis oratoribus et poetis. <sup>1)</sup>).

## CAPUT III.

## DE VI SENTENTIARUM

Sententia  
multiplex.

Sententia generatim est sensus animi, sive id quod mente concipimus: iudicium etiam dicunt, quod propositione effertur, ut: *L. Crassus magnificentissima aedilitate functus est* <sup>2)</sup>. Quod si iudicium vel orationis clausulas infert, ut: *Quare prius de facto vestro fateamini necesse est, quam Ligarii culpam ullam reprehendatis.* <sup>3)</sup> vel aliquid universe pronuntiatum de vita recte informanda, ut: *Nihil est tam popolare, quam bonitas* <sup>4)</sup> a) vel grave et ingeniosum aliquid promit, ut: *Habeo quem fugiam, quem sequar non habeo* <sup>5)</sup> b); tunc proprie sententia dicitur, et nomen ex eo ducit, quod similis sit consi-

Sententiarum  
explicatio.

liis vel decretis: nam et decretum iudicis sententia dicitur. De sententia proprie dicta multa docuerunt Tullius et Fabius: nos, qui vim elocutionis persequimur, solum de gravi sententiarum explicatione generatim quaerere debemus. Sed quia nihil verba efficiunt, nisi in oratione subest sententia, veluti in corpore anima, de sentiis ipsis primum aliqua saltem delibabimus; deinde quoniam sententiarum expositio, quae in singulis propositionibus dotes orationis iam explicatas praeferre debet, magnam vim ex mutua earundem collocatione in periodis, et ex harmonia in aptis numeris acquirit, secundo loco de periodo, tertio autem de numero dicemus.

Periodus et  
numerus.

1) Cic. III. — *Orat.* X. — 2) II. *Off.* — 3) *Pro Lig.* — 4) Cic. *pro Lig.*

5) *Ad Atr.* VIII. 7.

a) Meglio è aver l'odio de' rei, che loro compagnia. Dalle conversazioni si prendono i costumi; e siccome certe infermità, al toccamento del corpo, s'appiccano, così l'animo appicca i suoi mali a chi a lui s'appressa. *B da S. Conc.*

b) Rispose adunque io son frate Alberigo

Io son quel dalle frutte del mal orto

Che qui riprendo dattero per figo. *Inf- XXXIII.*

*V. Pallavic. Stile, c. X. P. Costa, Eloc. Dei concetti.*



## § I.

*De Sententiis Generatim*

Mentem instruere aut permovere studet oratio: ac mens quidem, quae sola veritate delectatur, veritate tantummodo instrui aut moveri potest. Tanta autem est veritatis in hominibus virtus, ut quotiescumque menti perspicue innotescat, nemo ei obstat, nisi voluntatis pervicacia; quam etiam oratio veritate tandem frangere potest. Qui igitur vim adamat sententiarum, quibus oratio quod volumus efficiat, id primum omnium curabit, ut sententiae sint verae, ac nulla ex parte claudicent. Enimvero apud poëtas sententiae fere semper sunt verisimiles tantum; immo interdum etiam apud oratores, praesertim cum fictione, imagine, aut similitudine utuntur: sed tunc veritas est in ipsa rerum, quae adferuntur, convenientia.

Veritati falsum, verisimili non verisimile opponitur: utrumque vero est cavendum, ut oratio vim habeat. Veritas desideratur non solum cum orator aut sententias non plene percipit, aut ea, quae non sunt, comminiscitur; sed etiam cum nimis exaggerata, vel tumida, vel puerilia huiusmodi consecratur a). Hegesias, cum de Alexandri laudibus diceret, *Minime mirandum est, inquit, si Dianae templum tam gravi incendio arserit: quippe Dea in ipso Olympiae partu, quo Alexander editus est, obstetricandi laboribus et curis districta, ignem non valuit restinguere*. At contra, quanta cum dignitate Tullius! *Est, est profecto illa vis: neque in his corporibus, atque in hac imbecillitate nostra inest quiddam quod vigeat et sentiat, et non inest in hoc tanto naturae tamque praeclaro motu: nisi forte idcirco esse non putant quia non apparet, nec cernitur: perinde quasi nostram ipsam mentem, qua sapimus, qua providemus, qua haec ipsa agimus ac dicimus, videre aut plane qualis aut ubi sit, sentire possimus. Ea vis, ea est igitur, quae saepe incredibiles huic urbi felicitates, atque opes*

Sententiae  
verae sint.Sententiae  
verisimiles.Quando deest  
veritas?

Exempla.

a) Lodando (Timeo) adunque Alessandro Magno, così parla: « Quegli che l'Asia tutta soggiogò in più breve tempo di quel che Isocrate scrivesse la panegirica orazione della guerra contro i Persiani. Bel paragone del Macedone con un maestro di Rettorica! Longino, trad. del Gori.

attulit: quae illam perniciem exstinxit, ac sustulit: cui primum mentem iniecit, ut vi irritare, ferroque lacessere fortissimum virum auderet, vincereturque ab eo, quem si vicisset, habiturus esset immunitatem et licentiam sempiternam 1).

Unde est verisimile?

Nec vero admodum facile est verisimile assequi: multa enim sunt spectanda, ac in primis varia gentium consuetudo, tum varia personarum indoles, variae animorum adfectiones, varii cuiusque aetatis mores, cultus, Religio. Magna pars Horatii Epistolae ad Pisones hoc in genere versatur:

*Humano capiti cervicem pictor equinam  
Iungere si velit et varias inducere plumas..... v. 1...  
Intererit multum, davusne loquatur an heros;  
Maturus ne senex, an adhuc florente iuventa  
Fervidus: an matrona potens an sedula nutritrix:  
Mercator ne vagus, cultor ne virentis agelli:  
Colchus an Assyrius: Thebis nutritus an Argis. v. 114.  
Aetatis cuiusque notandi sunt tibi mores  
Mobilibusque decor naturis dandus et annis... v. 136.*

Verisimile est triplex.

Age, verisimile aliud est naturale, aliud praeter naturam, aliud supra naturam: quarum rerum singula genera propriis legibus temperantur. Nam, ut quid sit verisimile iuxta naturam, consueta ipsius naturae leges, agendique modos praetergredi nequit: quod praeter naturam est, ferme ipsa lineamenta naturae habet, sed in natura non est, nec esse potest, nisi saltem maior quaedam vis naturae addatur; puta, ut colossus aliquis marmore vel aere sculptus vivam formam in rerum specie habeat. Tandem verisimile supra naturam propria cuiusque religionis opinione, mysteriisque gubernatur, et naturam ipsam, vel certe proprium et constantem naturae agendi modum omnino superare debet.

Sententiarum delectus.

Neque solum necesse est, ut verae aut verisimiles sint sententiae: est etiam delectus adhibendus, ut finem suum consequatur oratio. Eligemus autem ex omnibus sententias illas, quae veriores sint, quae solidiores, quae pulchriores etiam, cum opus est; atque maxime eas, quae magis sunt aptae, ac magis personis, rei, de qua loquimur, et fini, quem assequi volumus, ac-

1) Pro Mil. XXXI.

commodatae. Quare ne illae quidem sententiae sunt nimis afferendae, quae alias a nobis vel ab aliis fuerunt usurpatae: parum enim valent, et artis ac ingenii paupertatem produnt. Praeterea amputandae sunt sententiae superfluae, frigidae, pueriles, <sup>Amputanda superflua.</sup> vel parvi momenti. Peccavit in hoc Cicero, cum pro Sexto Roscio Amerino multa attulit, quae castigari vel coerceri poterant: ut est praesertim eruditio de antiquis legibus, quae licet paricidii atrocitatem mirifice probet et auditores ita detinuerit ut mox adclamaverint; tamen ad causam non multum facit. Quare ipse Tullius: *Ipsa enim, inquit, illa pro Roscio iuvenilis redundantia multa habet attenuata, quaedam etiam paulo hilariora* <sup>1)</sup>. Peccavit saepius Homerus, qui minutas quasque res in descriptionibus est prosecutus. Quae minuta dicendi ratio cum et fastidium parit et ad vilia aut inepta saepe descendit, tum finem retardat, qui brevioribus aptioribusque artibus est obtinendus. Temperandum quoque a sententiis, quae vel longius et a reconditis scientiis sunt petitae, vel ad homines, apud quos loquimur, non valde pertinent: nam in nostris animis vim habent ea, quae in praesentiarum malum vel bonum afferunt, magisque ad nos attinent, et pluris sunt momenti. Possent huc referri etiam sententiae humiles et plebeiae, vel quae sunt contra decorum: sed de his, cum de urbanitate dicebamus, satis attigimus.

Iam, quoniam de delectu rerum incidit sermo, praestat et alia in hoc genere persequi: natura enim artium liberalium, praesertim earum, quae imitatrices dicuntur, delectu potissimum perficitur. Suprema vero delectus lex est in decoro: sed ut in vita, sic in oratione, ait Tullius, nihil est difficilius, quam quid deceat videre. Nos illud dimetiemur ex utilitate cum honestate <sup>Lex delectus est Decorum.</sup> coniuncta, et ex delectatione: nam cuiusque descriptionis finis tantumdem est utilitas, ad quam assequendam ars utitur delectatione. <sup>Unde metimur decorum.</sup> Decorum spectatur cum in argumentorum, hoc est thematum, natura, tum in ratione eadem argumenta tractandi vel describendi. Argumenta genere ipso debent esse praeclara: quidquid ars vel scriptoris industria addiderit, nequit res humiles multum <sup>In argumens</sup> attollere; uti videre est in recentioribus quibusdam scriptoribus, qui quae sunt deformiora in rerum natura ut plurimum consecretantur. Nos pulchriora et quae moribus ac humanitatis

1) Cic. Orat. XXX.

culturae magis prosint, maxime adamabimus: in hoc enim artium finis situs est. Quare studebimus etiam ea invenire argumenta, quae tempori potissimum congruant.

Nec vero omnia omnibus ingeniis apta esse iudicabimus: nam quemadmodum, sive ad orationem sive ad carmen, et naturam afferemus et studium; sic quid nostro ingenio maxime conveniat, plurimum cogitabimus: siquidem non solum alii ad orationem vel historiam, alii ad philosophiam vel aliam disciplinam sunt idonei; verum in ipsa poësi alii ad aliud genus tractandum natura sunt comparati. Quamquam enim aliter interdum accidat, communiter tamen verissimum est illud Homeri: "Ἄλλος γὰρ τ' ἄλλοισιν ἀνὴρ ἐπιτίρπεται ἔργοις <sup>1)</sup>".

In tractatione. Postquam vero argumentum elegimus, aptiorem etiam idem tractandi rationem inveniemus. Quaedam enim prorsa, quaedam versa oratione melius tractantur: in prorsa praeterea, ut de poëseos varietate sileam, alia docendi, alia narrandi, alia movendi caractere efferuntur commodius.

## § II.

### *De Periodo*

Vis et gratia Periodi. Quanta sit periodi vis atque gratia, ex eius natura intelligi potest. In hoc enim periodus est, ut praecipuam quamdam sententiam per plures alias vel subiectas vel coniunctas repraesentet; ita ut praecipua sententia non prodeat nuda et sola, sed munita et corroborata aliis, quae cum prima et inter sese devinctae uno temporis puncto menti se obiciant, et collatas vires

Ex ipsa natura. in homine experiantur. Neque vero hoc Rhetorum artificium est, sed ipsa rerum naturae repraesentatio: nam mentis cogitationes, si plennae sunt in nobis, nec solae sunt nec arcto nexu non coniunctae. Quin numerus ipse periodi mirum illum, ex apto cogitationum nexu in animo vigentem, concentum exprimit; quo non solum aures, ut vulgo creditur, sed ipse animus delectatur.

Exemplis illustratur. Plenior igitur gratioremque animi sententiam effert periodus. Enim vero quod quis languide diceret. *Gaudeo mi Dola-bella, me putari socium tuae laudis*, Tullius multa gravitate

1) Odis. XIV. v. 228.

et gratia explicat periodo : *Etsi contentus eram, mi Dolabella tua gloria; — satisque ex ea magnam laetitiam voluptatemque capiebam: — tamen non possum non confiteri cumulari me maximo gaudio, — quod vulgo hominum opinio socium me adscribit tuis laudibus.* 1) Virgilius autem, ut diceret, *Ever-sa Troia, varias petimus terras*, cecinit:

*Postquam res Asiae Priamique evertere gentem  
Immeritam visum superis, ceciditque superbum  
Ilium et omnis humo fumat Neptunia Troia;  
Diversa exilia et diversas quaerere terras  
Auguriis agimur divum.* 2) a).

Sed qui facilius vult cognoscere vim periodi, accipiat quod Fabii ratio. sibi visum fuerit vehementer dulciter speciose dictum a Tullio vel Segnerio, et solvat ac turbet verba: repente, ut ait Quintilianus 3), aberit omnis vis iucunditas decor. Itaque etiam qui optime italica lingua scribere velit, multam curam in periodis exornandis collocabit, neque cum aliis ab aliena alterius linguae indole decipitur. 4).

Iam vero periodus, quae Aristoteli est *Αἴσις ἔχουσα ἀρχὴν καὶ τελευτὴν, κατ' αὐτὴν, καὶ μέγεθος εὐσύνοπτον* 5), Quid Periodus? Tullio *Oratio in quodam quasi orbe inclusa procurrens, quoad persistat in singulis perfectisque sententiis* 6) definiri potest: Plenior sententiae expositio per varias propositiones et mutuo nexu et numero instructas; ita ut totam rem, partibus explicatam, iucundo tenore hauriamus unoque intucamur conspectu. Duo Eius Partes. autem sunt in periodo partes: protasis, et apodosis. Sed partes

1) IX. Fam. 14. — 2) Aen. III. 1... — 3) Lib. IX. c. 4. — 4) V. Ranalli, Amm. lib. I. c. 2. — 5) Rhet. III. — 6) III. Orat.

a) Nè a me può in alcun modo capir nell'animo, che a coloro, che si sentono così essere dagli altri uomini odiati ed abboinati, come i nocivi e venenosi animali si temono, e si schifano, possa pure un poco giovar delle loro ricchezze, nè della loro potenza. *Casa, Orat.* a Carlo V.

Dolce color d'oriental zaffiro,  
Che s'accoglieva nel screno aspetto  
Dell'acr puro infino al primo giro,  
Agli occhi miei ricominciò diletto. *Purg. I.*

membris, membra rursus constant incis. *Πρότασις*, *propositio*, est pars illa periodi, quae sensum suspendit, ut: *Ergo et mihi meae pristinae vitae consuetudinem, C. Caesar, interclusam aperuisti*; *Ἀπόδοσις*, *reditio*, est pars altera, quae sensum complet, ut: *et his omnibus ad bene de omni republica sperandum quasi signum aliquod sustulisti* <sup>1)</sup>. *Κῶλον*, *membrum*, est propositio, suo verbo expresso aut tacito instructa, plena quidem in se sed imperfecta quoad totam periodum et suspensa: quare quod reliquum est periodi expectat. *Κόμμα*, *incisum*, est pars membri, quod saepe e pluribus commatis constat, ut: *Etenim si veritate amicitia, fide societas, pietate propinquitas colitur* <sup>2)</sup>.

Periodorum  
tria genera.

Verborum circuitus, monet Tullius, nec brevior esse debet, quam aures expectant, nec longior, quam vires aut anima patiatur. Quare ex membrorum numero tres tantum existunt probabiliore periodi: *Δίχωλος* seu bimembris, ut: *Quid enim accidere huic adolescenti potuit optatius, quam cognosci ab hominibus, Caesaris consiliorum esse socium, Antonii furoris inimicum* <sup>3)</sup> a). *Τρίχωλος* seu trimembris, ut; *Quod si non hic tantus fructus ostenderetur, et si ex his studiis delectatio sola peteretur; tamen, ut opinor, hanc animi remissionem humanissimam ac liberalissimam iudicaretis* <sup>4)</sup> b). *Τετράχωλος* seu quadrimembris, ut; *Nunc quia ille exercitus Hispaniae provinciae scriptus, ibi cum fratre Cn. Scipione meis auspiciis rem gerit, ubi eum gerere senatus populusque Romanus voluit; ego, ut consulem ducem adversus Annibalem ac Poe-*

1) Pro Marc.—2) Pro Quint. — 3) Phil. III. 7.— 4) Pro Arch. 7.

a) Già per tutto aveva il sole recato colla sua luce il nuovo giorno, e gli uccelli su per li verdi rami cantando piacevoli versi, ne davano agli orecchi testimonianza. *Doc.* Ma quantunque il danno delle calamità presenti fosse asprissimo e gravissimo sopra modo, nondimeno vic maggiore era la paura delle miserie avvenire. *Tolomei.*

b) Or ecco per qual rispetto principalmente vorrei la Vergine paragonare alla vite, cioè perché ella non ha come gli altri santi un altezza determinata; ma con quella conformasi dell'appoggio che la sostiene. *Segn. Pan. An. n. 3.* Fin al dì d'oggi quel corpo, morto vergine, si conserva sì incorrotto sì bello sì colorito, che chiunque con attenzione il considera, altro non gli dice mancare che la favella. *Segn. Pan. S. Fr. Sav.*

*nos haberetis, ipse me huic voluntario certamini obtuli* <sup>1)</sup> a).

Sed haec periodorum genera studio permiscemus, ne repeti- Periodi va-  
tio satietatem afferat: imo adamabimus etiam infinitam illam riandae.  
varietatem, quae ex ipsa membrorum diversitate efflorescit, si  
membra eodem, ut ita dicam, circino non semper metiemur.  
Quod si res augendae sunt et amplificandae, vel aliquid vehe- Oratio perio-  
mentius urgendum, tunc fas erit periodica uti oratione; quae dica.

nullo membrorum numero definitur, ut: *si quid est in me in-*  
*genii, Iudices, quod sentio quam sit exiguum; aut si qua ex-*  
*ercitatio dicendi, in qua me non inficior mediocriter esse ver-*  
*satum; aut si huiusce rei ratio aliqua ab optimarum artium*  
*studiis et disciplina profecta, a qua ego nullum confiteor ac-*  
*tatis meae tempus abhorruisse; earum rerum omnium vel im-*  
*primis hic A. Licinius fructum a me repetere prope suo iure*  
*debet* <sup>2)</sup>. Hac in re praeclarius est illud in maniliana: *Atque ut*  
*omnes intelligant* <sup>3)</sup>, et in Verrinis: *Nunc te Iuppiter* <sup>4)</sup> b).

Ut compositam periodum scribamus, et expolitione distin- Qui probabi-  
ctam, opus est ex praeclaris auctoribus eligere periodos, quae les periodi  
pulehriores visae fuerint, easque memoriae mandare ac saepe scribuntur?  
repetere: tum propriam aliquam sententiam ad optimorum exem-  
plorum instar exponere, idque plurimo et vario exercitio cona-  
ri, donec nos etiam probabiles fundimus periodos. Qua in re  
valet in primis plena rerum cognitio, qua sententias descriptio-  
ne vel definitione, partibus, adiunctis, causis, effectibus, aliis-  
que locis gravius efferamus. Adiumento praeterea erunt tironi-  
bus particulae quae se invicem excipiunt ac una comprehendunt  
sententiam. At in his cavendum ne certis quibusdam assuesca-  
mus vocibus, et eadem semper recinamus.

Vis autem periodi tota est in ipsa sententia et numero. De Unde perio-  
numero, qui assidua illustrium scriptorum lectione addisci de- dus vim ha-  
bet, aliquid mox dicemus: ad vim etiam facit, cum aequalitas bebit?  
membrorum ex pari vel quasi pari syllabarum numero existens,

1) Livii. XXI.40. — 2) Pro Arch. 1. — 3) Pro Leg. Man. VIII.

4) In Ver. V. n. LXXII.

a) Se le sentenze del predicatore dessero tanto agli uomini di tra-  
vaglio, quanto ne danno le sentenze del giudice; io so che più d'una  
appellerebbesi incostante da quella, che questa mattina egli udì dal-  
la bocca mia. Segn. Pred. IV. n.12. Pal. Ap.

b) Essi son quei che son qui concorsi... Segn. P. XXXVIII. n. IX  
V. Casa, Oraz. a Carlo V.

Quae fugien-  
da vitia.

tum oppositio, si membri unius verba verbis alterius opponun-  
tur, vel relatione vel contrarietate vel utraque. Si aequalitas ab-  
est praestat extrema membra longiora esse. Enervant perio-  
dum verba superflua, membra redundantia, nimius particula-  
rum usus, vocabula, quae, ubi maiorem vim vel gratiam habent,  
non collocantur. Summum vero studium in periodis pangendis  
hoc erit, ut quoniam plures sunt sententiae, quae princeps est  
nec perturbetur mutatis casibus, et maxime eluceat: quare ver-  
ba incisa et membra, quae illam possunt obscurare, omnino  
sunt amputanda, vel subinde alia periodo concludenda. Atque  
haec sunt propria periodi: cetera vero, quae ex elocutione ex fi-  
guris ex tropis ad periodum ornandam vel amplificandam pe-  
tuntur, sunt communia.

Usus perio-  
dorum.

De usu tandem periodi sic praecipit Fabius <sup>1)</sup>: Periodos lo-  
cum habere potissimum in graviorum causarum exordiis, in  
amplificationibus, in epilogis: ita tamen ut ipsi identidem fusa  
immisceatur oratio, quo satietati auditorum occurratur. Cete-  
rum sive incisa sive membra sive periodos quis loquendo usur-  
pet, curare semper debet eam verborum collocationem, quae  
auribus iucundior, animis potior evadat. *Neque semper, inquit  
Tullius, utendum est perpetuitate et quasi conversione verbo-  
rum, sed saepe carpenda membris minutioribus oratio est :  
quae tamen ipsa membra sunt numeris vincienda* <sup>2)</sup>.

### §. III.

#### De Numero

Numerus seu  
Harmonia.

Quod Tullius in oratione numerum, modum, verborum for-  
mam vocat, Aristoteles vero nunc μέλος, nunc ἀρμονίαν dicit,  
recentiores Harmoniam vulgo appellant. Harmonia autem re-  
cte collocatur in convenientia litterarum, syllabarum, et ver-  
borum, quae se invicem excipiunt ea lege, quae naturae rei sit  
apta, et melius obsequatur auribus. Neque solum in versu, in  
oratione ipsa quoddam harmoniae studium esse debet: *Erudi-  
tissimo enim cuique, ait Fabius, persuasum est valere eam  
quamplurimum non ad delectationem modo sed etiam ad mo-  
tum quoque animorum. Primum quia nihil intrare potest in*

Eius in ora-  
tione neces-  
sitas.

1) Lib. IX. c. 4. — 2) III. Orat. 49.



*affectum, quod in aure velut quodam vestibulo statim offendit: deinde quod natura ducimur ad modos. Neque enim aliter eveniret, ut illi quoque organorum soni, quamquam verba non expriment, in alios tamen atque alios motus ducerent auditorem*<sup>1)</sup>.

Duplex est harmonia, alia simplex, quae oratoribus et poetis est communis: alia imitatrix, poetarum maxime propria: illa tantum delectat sono aures; haec rerum sonos, aut humanos affectus imitatur. Prima ex vocalium consonarumque apto temperamento praecipue oritur: multae enim vocales *hiatum* producant ut: *Ave Aelia alma*: nimiae consonae asperitatem, ut: *ars studiorum, Rex Xerxes*: at temperate adhibitae vocales dulcem, consonae robustam orationem efficiunt. Sed haec satis minuta, nec tamen omnino contemnenda: illud est potissimum, simplicem harmoniam consistere in gratiori vel graviore verborum collocatione. Quod quidem ita praestabimus, ut varietur imprimis extrema: nam, ait Cicero: *In oratione prima pauci cernunt, postrema plerique: quae quoniam apparent et intelliguntur, varianda sunt, ne aut animorum iudicio repudiantur, aut aurium satietate*<sup>2)</sup>.

Multa harmoniae pars est in verborum traiectione seu inversa collocatione, ut: *Habet magnum dolorem, unde cum honore discesseris, eodem cum ignominia reverti*. Cic. *Fere quem quisque locum pugnando ceperat, eum amissa anima corpore tegebat*. Sall. *Sed ut unde est orsa, in eodem terminetur oratio mea, maximas tibi gratias agimus, C. Caesar, maiores etiam habemus*<sup>3)</sup> a). Sed rectus etiam ordo saepe in ipsis latinis placet, ut: *Est igitur prudentis sustinere ut currum, sic impetum benevolentiae: quo utamur, quasi equis tentatis, sic amicitiis, aliqua parte periclitatis moribus amicorum*<sup>4)</sup> b).

1) Lib. IX c. 3. V. Cic. III. Orat. 50 51. Orat. 52. — 2) III. Orat. 50. — 3) Pro Marc. Expende locos plerosque. — 4) Cic. de Amic.

a) Perché da voi non pigliate espediente, che buono sia, e dagli amici vostri non volete nè aiuto, nè consiglio. Firenze. Antonio li mi guardò in Egitto, e tu li mi guarda in Siria. E queste parole dicendo piangeva sì teneramente che tutti gli altri che erano con lei ed esso Marione medesimo provocò a piagnere. *Vite dei PP. V. Pallavic. Stile cap. 5. Cesari. Le Grazie P. 1.*

b) Non può negarsi che gli amici mondani non siano liberalissimi in parole. Uditeli ragionare. Oh con quanta magnificenza di formole

Harmonia  
simplex.

Qui paratur?

Verborum  
traieccio.

Quae cavenda?

Subtilis etiam quaedam diligentia adhibenda est, ne in oratione sit plurium monosyllaborum successio, eadem verborum terminatio, et similis syllabarum positio, vel integra carmina, ut: *Si quis, qui quid agam forte requirat, erit*, Ovid. *O fortunatam natam me consule Romam!* Cic. *Machina multa minax minitatur maxima muris*. Enn. *At mihi quidem veteres illi maius quiddam animo* — *Complexi, plus multo etiam vidisse videntur* — *Quam quantum nostrorum ingeniorum acies intueri potest*. Cic. <sup>1)</sup> a).

Unde Harmonia imitatrix?

Ad imitatricem harmoniam quod attinet, ea efficitur tum eorum verborum usu, quae rem adamussim exprimunt, ut *ululatus, hinnitus, boatus*, et cetera quae ad onomatopoeiam pertinent: tum apta quarundam vocalium ac vocum usurpatione <sup>2)</sup> b) Singulae enim vocales, ut videre est ex interiectionibus, in certis quibusdam affectibus significandis proprie adhiberi solent: voces autem, ut animadvertit Bembius, aliae sunt solutae, aliae languidae, morbidae, mutae, abruptae, tardae, celeres, aliae atque aliae. Quare earum varia collocatione sonos motusque quoslibet imitari possumus: Hac in re celebrantur plurimum quae sequuntur exempla: *Domuisti gentes immanitate barbaras, multitudine innumerabiles, locis infinitas, omni copiarum genere abundantes* <sup>3)</sup>. *Nolite pati, iudices, aras Deorum immorthlium, Vestaeque matris quotidianis Virginis lamentationibus de vestro iudicio commoveri* <sup>4)</sup>.

Exempla.

vi consacrano il loro servigio, vi offrono il loro avere, vi seongiuran de' vostri comandamenti! e in questo solo easo protestano... *Segn.* Pred. II. n. 2.

1) V. *Lagom. Golm.* n. 19. — 2) V. *P. Costa*, *Eloc. Armonia* — *G. Audisio* *El. Sacr.* Vol. III. lez. 7. — 3) *Pro Marc.* — 4) *Pro Fonteio*.

a) Poco è da un ehe fu di là vicino *D.*

Ch'io fui per ritornar più volte volto *D.*

Che diero fuor delle scannate gole

Sangue invece di voce e di parole. *Marini.*

Noi Padovani — generalmente — siamo allegrissimi — non solamente — per noi medesimi — per l'onor nostro — particolare — e per la pubblica — utilità. *Sp. Speroni. Oraz. al Pr. di Ven.*

b) I serpenti fischiar, gracciaro i corvi,  
Le rane gracidâr, baiâr i cani,  
Belarono i capretti, urlâr i lupi,  
Ruggiron i leon, muggiâr i tori. *Varchi.*

*Armati tendunt : it clamor, et agmine facto,  
 Quadrupedante putrem sonitu quatit ungula campum* <sup>1)</sup>.  
*Illi inter sese magna vi brachia tollunt  
 In numerum versantque tenaci forcipe massam* <sup>2)</sup> a).

Sed plura non sequar : parum enim sapere videretur, qui harmoniam nectendis litteris, velut texerulis in opere vermiculato,

1) Aen. VII. — 2) IV. Georg. V. Invenc. Inst. Poet. lib. I. c. 10.

a) E fia dunque spediente a Gerusalemme che Cristo muoia! Oh folli consigli! oh frenetici consiglieri! Allora io voglio che torniate a parlarmi, quando, coperte tutte le vostre campagne d'arme e d'armati, vedrete le aquile romane far nido intorno alle vostre mura, ed appena quivi posate aguzzargliartigli ed avventarsi alla preda: quando udirete alto rimbombo di tamburi e di trombe, orrendi fischi di frombole e di saette, confuse grida di feriti e di moribondi, allora io voglio che sappiate rispondermi s'è espediente. *Segn. Pr. XXXIII.*  
 num. 1.

Già circondato avea la lieta schiera  
 Il folto boseo; e già con grave orrore  
 Del suo covil si destava ogni fiera:  
 Givan seguendo i bracchi il lungo odore:  
 Ogni varco dalacci e can chiuso era:  
 Di stormir, d'abbaiar cresce il romore:  
 Di fischi e bussi tutto il bosco suona:  
 Del rimbombar de' corni il ciel rintrona.

Con tal romor, qualor l'aer discorda,  
 Di Giove il foco d'alta nube piomba:  
 Con tal tumulto, onde la gente assorda,  
 Dall'alte cataratte il Nil rimbomba:  
 Con tal orror del Latin sangue ingorda  
 Sonò Megera la tartarea tromba.  
 Qual animal di stizza par si roda;  
 Qual serra al ventre la tremante coda. *Poliziano.*

Chiama gli abitator dell'ombre eterne  
 Il rauco suon della tartarea tromba:  
 Treman... *Tasso, C. IV. S. 3.*

Esce allor della selva un suon repente  
 Che par rimbombo di terren che treme;  
 E il mormorar... *Tasso, C. XIII. S. 21.*

assequi putaret: quid expectabimus a poeta vel oratore, qui nimis ab his crepundiis retardatur?

Partium Harmonia.

Praecipuum scriptoris studium est in pulchra orationis vel poematis singularum partium cum totius compositione harmonia: ut in maxima etiam varietate omnia sint rebus et moribus et locis, naturae et personis congrua, omnia in unum belle conspirent. Qua in re curandum est ne, dum harmoniam quaerimus, in monotoniam incidamus. Hoc vitio laborant, qui non animadvertunt, harmoniam ex disparium concordia enasci, rerumque naturam varietatem exposcere; ita ut qui diversis animi motibus, varia sententiarum copia, aliis atque aliis sermonis coloribus orationem vel poema apte congruenterque distinguit, nec semper in eadem gravitate et contentione persistit, is demum eloquendi pulchritudinem, artis decorum assequatur.

#### CAPUT IV.

##### DE TROPIS ET FIGURIS

Tropus.

Si figura universe ita definitur, ut sit: ἑξαλλάξις λόγου ἐπὶ τὸ κρείττον, <sup>1)</sup> mutatio orationis in melius, figurarum nomine tropi etiam intelliguntur. Verum, si pressius loquamur, ut idem Alexander ait, tropus immutatus a propria significatione verbis fit, ἀλλότριον ἀντὶ τοῦ ἰδίου ὄνομα ἔχει; figura vero propriam retinet rei significationem, τὸ ἰδίον ὄνομα τοῦ πράγματος σωζει; praeterea Ὁ μὲν τρόπος περὶ ἐν ὄνομα γίνεται ἀριστή, τὸ δὲ σχῆμα περὶ πλείω ὀνόματος κόσμησις, tropus est virtus in uno dumtaxat verbo, figura lumen et ornatus in pluribus. Vix igitur communi genere tropi et figurae conveniunt. Iam tropus a Quintiliano dicitur: *Verbi vel sermonis a propria significatione in aliam cum virtute mutatio* <sup>2)</sup>.

Figura

Vocat autem verbi vel sermonis mutationem, quia tropi alii uno verbo fiunt, ut metaphora proprie dicta: alii pluribus, ut allegoria. Figura, ut idem Fabius ait: *Est conformatio quaedam sermonis, remota a communi et primum se offerente ratione* <sup>3)</sup>.

Eorum praestantia.

Alia est verborum, sententiarum alia: rursus figura verborum aliae sunt grammaticae, aliae Rhetoricae. Tropi vero et figurae non ad ornatum modo et splendorem, ut vulgo putant, sed ad

1) Alex. Rhet. — 2) Lib. VIII. c. 6. — 3) Lib. IX. c. 1.

gratiam etiam, tum potissimum ad vim orationis faciunt. Quod cum ex iis, quae dicemus, compertum erit, tum apparet ex illis poetarum et oratorum locis, quae maxime laudantur: loca enim illa, si studio repetemus, metaphoris et figuris, ex quibus gratiam vimque mutantur, referta videbimus <sup>1)</sup>. Quare troporum et figurarum tractationem huc revocavimus, ut cum ad ornatum et elegantiam, tum praesertim ad vim sermonis, tropi figuraeque referantur.

## §. I.

### *De Tropis*

Cum primum linguae oriuntur, pauca, quae magis necessaria sunt, propria sortiuntur nomina: multa postea ex eo, quod simile est vel cognatum, prioribus verbis solent appellari; maxime si sensibus non sunt obnoxia, ut *anima*, *spiritus*, *intelligere*, *concipere*, *molle pectus*, *tenax memoria*. Praeterea, quoniam quae menti vel oculis obversantur, fere cum aliis rebus, quae nos valde percellunt, aliquo modo coniuncta intuemur, facile altera pro prioribus usurpamus; vel apposita et dotes, quae magis splendent, pro ipsa re nominamus, ut *caput* gentis pro gentis principe, *lumen* pro oculo vel die: princeps enim est in gente, quod caput in corpore, lumen vero et ad oculum refertur et diem gignit. Animi igitur vis ob rerum similitudinem vel cognationem, necessitate, vel gratiae et virtutis causa verba transfert: praeclare Tullius: *Modus transferendi verbi late patet, quem necessitas genuit, inopia coacta et angustiis, post autem delectatio iucunditasque celebravit* <sup>2)</sup>. Quare tropi in populis, qui antiquioribus utuntur linguis, vel rerum imaginibus plus capiuntur, sunt frequentiores <sup>3)</sup>: nam non solum linguam locupletant, sed et stilo dignitatem, et perspicuitatem orationi, et adfectibus motum adferunt <sup>4)</sup>.

Tropi verborum sunt praecipue: Metaphora proprie dicta, Synecdoche, et Metonymia; tropi autem rerum habentur Allegoria et Ironia. Metaphora proprie dicta est: Tropus, quo vox aliqua a propria significatione ad aliam transfertur ob similitudinem: brevior enim comparatio est, cum, ut dicam aliquem veluti

Troporum origo.

Necessitas et Gratia.

Metaphora.

1) V. Pallav. Stile — Colombo Doti di una colta fav. — 2) III. Orat. XXXVIII. — 3) V. Biblia. — 4) V. Cic. Orat. XXXIX.

Eius virtutes. tigrim irasci, tigrim eum appello. Huius tropi multae et praeclarae sunt virtutes: primum quadam dignitate sententias exponit, ut: *Id nisi hic in tuo regno* (io eo, quo maxime polles) *esses, non tulissem* <sup>1)</sup>). *Nunc huius periculo fit: ego in portu navigo* <sup>2)</sup> a). Tum res corpore carentes corporeis formis vestiens, fere sub oculos ponit: quare maiori vi res significat, et vehementius commovet; maxime cum ducitur ex iis, quae oculis cernuntur. Nam et *odor urbanitatis*, et *mollitudo humanitatis*, et *murmur maris*, et *dulcedo orationis* a ceteris sensibus ducta, sunt pulchra: illa vero, inquit Tullius, oculorum multo acriora, ut *fulgor armorum*, *splendor gloriae* b). Maxime vero rem ponunt sub oculos metaphorae, quae actum significant. *Λέγω δὴ πρὸς ὑμῶν ταῦτα ποιεῖν, ὅσα ἐνεργούντα σημαίνει* c), ut:

*Hasta sub exertam donec perlata papillam  
Haesit, virgineumque alte bibit acta cruorem* <sup>3)</sup>).

Parit insuper metaphora doctrinam: efficit enim ut ob similitudinem multa, quae erant ignota, noscamus. Tandem quodam urbanitatis velo eas res tegit, quae propriis nominibus significatae odiosae essent vel turpes <sup>4)</sup>).

1) Cic. I. Orat. X. — 2) Ter. And. III. I. 22. — 3) Aen. XI. 804.

4) V. Cic. Off. Casa, Galateo.

a) Se non che coscienza m'assicura  
La buona compagnia che l'uom francheggia  
Sotto l'usbergo del sentirsi pura. *Dante.*

b) *Odor di santità, durezza di cuore, ruggir di venti, Dolcezza di parole, splende la gloria, sfolgoreggiano gli scudi.*

Me dove lasci sconcolato e cieco

Poscia che il dolce ed amoroso e piano

Lume degli occhi miei non è più meco. *Petr.*

c) Ora diciamo, che quelle cose ci rappresentano innanzi agli occhi il fatto, che mostrano d'operar vivamente. E in ogni cosa col dar vita e moto a quel che si dice, si dà vaghezza al parlare, come si vede in questi luoghi:

Torna a gran balzi rotolando al piano

Il sasso irreverente. E altrove

Volavan le saette: di volar desiose,

Di sangue sitibonde in terra fisse.

E bramosa di sangue il cor gli aporse.

*Arist. R. lib. III. c. 11, Caro.*

Sed et vitia sunt in metaphora, cum vel a rebus abiectis plebeisque ducitur, ut *persecuisti reipublicae vomicas, stercus curiae Glaucia*; vel rerum parum similium aut nimis exaggeratam comparationem exhibet, ut *tempestas comissionis, Charybdis bonorum, sermonum cymba inter loquelae scopulos*. Huiusmodi ut plurimum erant metaphorae scriptorum seculi XVII quas nunc ridemus a). Qua in re mirum quantum peccant etiam nunc qui externis scriptis delectantur, praesertim si novis rebus student, et Romantini dicuntur: quos non pudet vel fucatis barbarorum mercibus Graeciae et Italiae divitias corrumpere. b)

Videndum autem quid mores quid sermo cuiusque gentis patiatur: ego nec illud Virgilii *classique immittit habenas* vernacule ad verbum reddam, neque omnes dicendi formas in Orientis populis reprehendam. Tum cavendum ne metaphorae densentur, praesertim dispaes, ne ab una in aliam imprudenter transeamus, ut: *Ah miser Quanta laboras in Charybdi, Digne puer meliore flamma* <sup>1)</sup>; ne nimium urgeamus similitudinem, ut fecit Grotius, qui cum puellam igni comparasset, intulit igne debuisse mori: ne tandem nimium longe petatur: debet enim, quod illustrandae rei gratia assumitur, non obscurum aut ingratum esse, sed omnino clarius eo, quod illuminandum est c).

De usu metaphorae sic Fabius: *Transfertur nomen aut verbum ex eo loco in quo proprium est, in eum, in quo aut proprium deest, aut translaturum proprio melius est. Id facimus aut quia necesse est, aut quia significantius, aut, ut dixi, quia* <sup>Usus ex Fabio.</sup>

1) Hor. Od. lib. 1. 27.

- a) Se il crine è un Tago, e son due soli i lumi,  
Non vide mai maggior prodigio il cielo,  
Bagnar coi soli, e rasciugar col fiumi (*Crini della Mad.*)  
Son gli occhj vostri archibusetti a ruota  
E le ciglia inarcate archi turcheschi.  
O del banco del ciel zecchini ardenti. (*stelle*)

b) L'angelo del vero che sforgora e galoppa ne' regni della morte e del mistero — Venti primavere la visitarono, come gruppi di angioletti, a recarle sul capo la corona della speranza — Cattedrali della natura (*foreste*). V. Ranalli, *Amm.* lib. 1. c. 3. G. Manno, *De' Vizi de' Lett.*

c) Questi non ciberà terra nè peltro. Dante. Lo balcistrò la fortuna in un santò tempio dal principe dei celestiali uccelli (*S. Michele*) nominato. Boc.

*decentius: ubi nihil horum praestabit, quod transfertur, improprium erit* 1).

**Synecdoche.** Synecdoche, quae ex totius et partis cognatione oritur, plus, aliquid vel minus, quam significare volumus, exprimit. Quare totum pro parte, genus pro specie, plurale pro singulari usurpare solet, et contra, ut: « Latrones orbis, postquam cuncta vastantibus defecere terrae, mare scrutantur » 2). *Mortales* pro hominibus, *quadrupes* pro equo; *carina* vel *puppis* pro navi; *eurus* vel *notus* pro quolibet vento; *Romanus* praelio victor pro Romanis; *Omnes denique illi, Maximi Marcelli Fulvii non sine communi omnium nostrum laude decorantur* 3) a).

**Metonymia.** Metonymia seu transnominatio non in similitudine, uti metaphora, sed in aliqua alia convenientia consistit, atque adhibet causam pro effectu, continens pro re contenta, materiem pro re, quae inde efficitur, signum pro re significata, possessorem vel auctorem pro re possessa aut inventa; et contra. *Donec viventi canities abest Morosa. Hor. Hausit Spumantem pateram et pleno se proluit auro.* Virg. Sic sceptrum pro regno, toga pro pace, Tullius pro eius scriptis; Ucalegon pro eius domo, Vulcanus pro igne, Ceres pro pane, et similia ponuntur b).

1) Lib. VIII. c. 6. — 2) Tacit. — 3) Cic. Pro Arch.

a) E quel calca la bistonìa neve,  
E quel che il Nilo e che l'Oronte bevc- Filicaia.  
L'avaro zappador l'arme riprende. Petr.  
E le mamme allattar di Tigre ircana. Tasso.  
Risposi lui con vergognosa fronte. Dante.  
Crudo secolo poichè pieno sei  
Di Tiesti di Tantalì e di Atrci. Ariosto.  
Ma se il latino e il greco  
Parlan di me dopo la morte, è un vento. Petr.

b) E per la mesta  
Selva saranno i nostri corpi appesi. Dante.  
E di bianca paura il viso tinge.  
S'Africa pianse, Italia non ne rise.  
Popolo ignudo paventoso e lento,  
Che ferro mai non strinse.  
E i cor che indura e serra  
Marte superbo e fero. Petr.  
E come a messenger, che porta olivo. Dante.

V. Monti, Bassv. Cant. II.



Allegoria dici solet metaphorarum continuatio: est autem re- Quid Allego-  
praesentatio rei per aliam, quae priori sit similis; ut descriptio ria?

maris commoti pro republica seditiosa. In allegoria non solum  
servari debent omnes metaphorarum leges, sed curandum est, ut  
ab initio ad finem egregie sibi constet translatio. *Neque tam  
fui timidus, ut, qui in maximis turbinibus ac fluctibus rei-  
publicae navem gubernassem, salvamque in portu collocassem,  
frontis tuae nubeculum, tum collegae tui contaminatum spi-  
ritum pertimescerem. Alios ego vidi ventos, alias prospexi a-  
nimo procellas, aliis impendentibus tempestatibus non cessi;  
sed his unum me pro omnium salute obtuli* 1) a).

Pulcherrima et integra allegoria est ode Horatii: *O navis, re-  
ferunt in mare te novi* 2) b). Sed interdum aliquid proprii Inter- Allegoria mi-  
miscetur, maioris perspicuitatis gratia, ut: *Equidem ceteras* <sup>Ala.</sup>

*tempestates et procellas in illis dumtaxat fluctibus concionem  
semper putavi Miloni subeundas* 3) c). Hic tropus immen- Eius usus.

si et praeclari est usus: pleni sunt allegoriis auctorum libri,  
plene sacrae litterae, plena sanctorum Patrum scripta. Immo  
in poetis non solum apologi, parabolae, aenigmata, eclogae aut  
minora alia carmina, sed maiora etiam poemata allegoriam ha-  
bent, ut Aligherii Comoedia, et Torquati Hierusalem, ut auctor  
voluit. Una tandem est lex propria et potissima allegoriae; ut  
non solum res sed et omnia rerum adiuncta sint similia.

Ironia, ait Salvinus, aliud dicit, aliud prorsus contrarium si- Quid Ironia?  
gnificat. Quare cum sit in contrarietate, differt ab allegoria, quae  
constat similitudine. Ironia vero intelligitur vel ex re ipsa vel

1) Cic. in Pis. IX.— 2) Lib. I. od. 14.— 3) Cic. Pro Mil.

a) Che parlo io degli uomini? Questa terra, Sacra Maestà, e que-  
sti liti pareva, che avessero vaghezza e desiderio di farvisi all'incon-  
tro, ed il vostro travagliato e combattuto navilio soccorrere, e nei  
lor seni, e ne' lor porti abbracciarlo. *Casa Oraz. a Carlo V.*

b) Passa la nave mia colma d'oblio  
Per aspro mare a mezza notte il verno ..*Petr.*

V. *Passavanti*, Speechio, Prol. *Audisio Sac. Eloq. V. III. lez. 10.*

c) Per correr miglior acqua alza le vele  
Omai la navicella del mio ingegno  
Che lascia dietro a se mar sì crudele. *Purg. I.*  
Batte a vol più sublime aura più pura  
• La farfalletta dell'ingegno mio  
Lasciando la città della sozzura. *Monti Bass.*

ex adiunctis. *Sed stulti sumus, qui Drusum, qui Africanum, Pomptium, nosmetipsos cum P. Clodio conferri audemus. Tolerabilia fuerunt illa: Clodii mortem aequo animo ferre nemo potest: luget senatus, moeret equester ordo, tota civitas confecta senio est* <sup>1)</sup> a). Turnus ad Drancem apud Virgilium:

*Proinde tona eloquio, solitum tibi; meque timoris  
Argue tu, Drance: tot quando stragis acervos  
Teucrorum tua dextra dedit, passimque trophæis  
Insignis agros* <sup>2)</sup>).

Quid Sarcas- Ironiae proximus est sarcasmus, qui est truculentum ironiae  
mus? genus, seu amarulenta quaedam irrisio, ut Troiano Turnus:

*En agros et quam bello, Troiane, petisti,  
Hesperiam metire iacens. Haec praemia, qui me  
Ferro ausi tentare, ferunt: sic moenia condunt* <sup>3)</sup> b).

## § II.

### De Figuris Verborum

Figurae ver- Figura, est orationis habitus a recta et simplici consuetudine  
borum. non sine dignitate recedens. Qui habitus, si mutatis verbis aut

1) Cic. Pro Mil. — 2) XI. 383. — 3) XII. 359.

a) Or su ditemi ora un poco alla buona, Signorimiei, non vi pare una bella favola quella che abbiám raccontata questa mattina? Oh Padre, e che inaspettata... *Segn. Pr. V. n. 9.*

Fate pure le vostre allegrezze in questo di funestissimo... *Segn. Pred. XXXV. n. I.*

Or superbite, e via col viso altiero

Figliuoli d'Eva e non chinate il volto

Si che veggiate il vostro mal sentiero. *Purg XII.*

b) Godi Firenze, poichè sei sì grande

Che per mare e per terra batti l'ale

E per l'inferno il nome tuo si spande. *Inf. XXVI.*

*Arg.* No non potrai dalle mie mani o forte

Delle donne uccisor fuggir la morte.

*Tanc.* Vieni in disparte pur tu che omicida

Sei dei giganti solo e degli eroi:

L'uccisor delle femmine ti sfida. *Tasso c. XIX. s. 3.*

eorum locis, perit, figura est verborum. Itaque huiusmodi figura est in certo verborum usu, qui sermoni vim aut gratiam adiciat: si utraque abest, nulla est figura. Iam vero cum aliquid vi exponere volumus, verba geminamus: primo enim rem indicamus, deinde affirmamus; idque vel augendi gratia, ut: *Occidi, occidi, non Sp. Melium, qui... sed eum qui...* <sup>1)</sup>: vel miseraudi, ut:

Geminatio  
varia.

*Ah Corydon, Corydon, quae te dementia cepit: 2)*

vel dolendi, ut:

*Occidit, occidit Spes omnis et fortuna nostri Nominis* <sup>3)</sup>.

vel festinandi, ut:

*Nunc nunc insurgite remis, Hectorei socii* <sup>4)</sup>

vel ostentandi, ut:

*Pan etiam Arcadia mecum si iudice certet,  
Pan etiam Arcadia dicat se iudice victum* <sup>5)</sup>

vel indignandi ut:

« Vivis et vivis non ad deponendam sed ad confirmandam audaciam » <sup>6)</sup> a). Haec geminatio miros alios habet modos ut: *O tempora! o mores! Senatus hoc intelligit, Consul videt: hic tamen vivit; vivit? imo vero in senatum venit* <sup>7)</sup>. Usus alii.

*Te nemus Angitiae, vitrea te Fucinus unda,  
Te liquidi flevere lacus* <sup>8)</sup>

1) Pro Mil. XXVII. — 2) Ecl. 2. — 3) Hor. IV. 4. — 4) Aen. V.

5) Ecl. 4. — 6) Cic. in Catil. — 7) Cic. in Catil. — 8) Aen. VII. 759.

a) Non son, non son io quel che paio in viso. Ar.

Per me si va nella città dolente,

Per me si va nell'eterno dolore,

Per me si va tra la perduta gente. Inf. III.

Veramente siamo noi polvere ed ombra;

Veramente la voglia è cicca e ingorda;

Veramente fallace è la speranza. Petr.

*Surgamus: solet esse gravis cantantibus umbra:  
Iuniperi gravis umbra: nocent et frugibus umbrae* <sup>1)</sup>  
*Una dies Fabios ad bellum miserat omnes,  
Ad bellum missos perdidit una dies* <sup>2)</sup> a).

- Repetitio.** Quod si aliqua re valde percellimur, urgendi defigendique auditores gratia eisdem verbis orationis membra saepe ordimur: repetitionem dicunt et ad sententiarum figuras accedit, ut: *Nihil ne te nocturnum praesidium palatii, nihil urbis vigiliae, nihil consensus bonorum omnium, nihil hic munitissimus habendi senatus locus, nihil horum ora vultusque moverunt?* <sup>3)</sup>
- Conversio.** Conversio ob eandem causam membra eisdem verbis claudit, ut: *Quis legem tulit? Rullus. Quis maiorem partem populi suffragiis privavit? Rullus. Quis comitiis praefuit? Rullus. Quis tribus, quas voluit, vocavit? Quis decemviros, quos voluit, renuntiavit? Idem Rullus* <sup>4)</sup> b).
- Gradatio.** Gradatio seu  $\chi\lambda\acute{\iota}\mu\alpha\zeta$  a minimo incipiens rem significantioribus usque verbis exponit, ut illius gravitatem per gradus quosdam capiamus. *Miserum est exturbari fortunis omnibus; miserius est iniuria. Acerbum est ab aliquo circumveniri; acerbius a propinquo. Calamitosum est bonis everti: calamitosius cum dedecore. Funestum est...* <sup>5)</sup>. Haec figura, quae obvia est, apertam habet artem et magis adfectatam: quare debet esse rarior, ut ait Fabius c).

1) Ecl. X. — 2) Ov. *Fast.* II. — 3) Cic. in *Cat.* — 4) *Pro Leg. Agr.*  
5) *Pro Quint.* 31.

a) . . . . . Noi siamo usclti fore  
Del maggior corpo al ciel che è pura luce  
Luce intellectual piena d'amore  
Amor di vero ben pien di letizia  
Letizia che trascende ogni dolore. *Par. XXX.*  
*Arme arme freme forsennato e insieme*  
La gioventù superba *arme arme freme.* Tasso.

b) Non è il digiuno quello che fa venir la morte sì rapida... Non sono... *Segn. Pr. I. n. 4.*

c) In questo nome Gesù si apersero i cieli ed apparvero i suoi padiglioni: i servi divennero liberi, eredi gli estranei, e gli uomini Angeli. Che dico Angeli? Dio si fece uomo, e l'uomo divenne Dio. *S. Giov. Gris. V. Tasso G. IX. 25.*

Cohibet verba et sermonem abruptis reticentia, vel irae causa, ut: *Quos ego. . . sed motus praestat componere fluctus* Virg. vel desperationis, ut: *Donec Calchante ministro.... Sed quid ego*. Id: vel religionis et novae rei obiectae, ut:

*Maiorum primus quisquis fuit ille tuorum  
Aut pastor fuit, aut illud quod dicere nolo.* Iuven. a)

Cum dici, quanta res sit, non potest, per hyperbolem amplius dicimus: nam melius ultra, quam citra stat oratio, cum res ipsa, de qua loquimur, naturalem modum excedit. *O rem non modo visu foedam, sed etiam auditu! in coetu populi Romani negotium publicum gerens, magister equitum, cui ructare turpe esset, is vomens, frustis esculentis vinum redolentibus, gremium suum et totum tribunal implevit!* <sup>1)</sup> Hyperbole.

*Ille vel intactae segetis per summa volaret  
Gramina, nec teneras cursu laesisset aristas* <sup>2)</sup> b).

Sed omnis hyperbole ut videtur ultra fidem ita non sit ultra modum: plurima enim orientur vitia, quae vituperamus in auctoribus seculi XVII ut illud: *Pro tumulo ponas orbem, pro tegmine coelum, Sidera pro facibus, pro lacrimis maria*. Ipse Fabius iam notaverat hanc figuram frequentissime pervenisse ad risum: qui, ut ait idem, si captatus est, urbanitatis; sin aliter stultitiae nomen assequitur. Hyperboles vitia.

Saepe rem vel uno verbo declarare non est satis, vel illam varia ratione exponere praestat: tunc synonymiam adhibemus, quae est verborum idem pene significantium usurpatio, ut: *Quae cum ita sint, perge quo cepisti: egredere aliquando ex urbe. Patent portae: proficiscere* <sup>3)</sup> c). Synonymia

1) II. Phil. — 2) Aen. VII. — 3) Cic. in Catil.

a) Che sì? che sì... voleva più dir: ma intanto  
Conobbe ch'esequito era l'incanto. Ger. XIII. 10.

b) V. Ariosto, VII. 20. — XXXIII. 134. V. Tasso IX. 12 — XVI. 57.

c) O che singhiozzi dovrà dare allora egli per la vergogna di scorgersi colto in fallo! o che muggiti! o che fremiti!... Segn. Pr. V. n. 3.

Io vivo io spiro ancora? e gli odiosi  
Rai miro ancor di questo infausto die? T. XII. 75.

- Circumlocutio. Varietatis et explicationis gratia interdum utimur periphrasi seu circumlocutione, quae id quod uno verbo vel certe paucioribus dici potest, pluribus effert. Hac figura delectantur maxime poëtae. *Sed nox atra caput tristi circumvolat umbra* <sup>1)</sup>. *Serus in coelum redeas, diuque Laetus intersis populo Quirini* <sup>2)</sup> a).
- Polysyntheton. Asyntheton. Polysyntheton et asyntheton sunt cum poëtae tum oratori communia. Primum est schema coniunctionibus abundans, quo praecipue fit ut gravior et grandior videatur oratio: *Teque tuisque similes, tibi que pares et aspernor et aversor et execror* <sup>3)</sup> b). Contra asyntheton coniunctiones et particulas omittit, ut incitatio et vehementior feratur sermo. *Haec studia litterarum adolescentiam alunt, senectutem oblectant, secundas res ornant, adversis perfugium et solatium praebent, delectant domi, non impediunt foris, pernoctant nobiscum, peregrinantur, rusticantur* <sup>4)</sup> c).
- Ceterae figurae verborum. Atque hae sunt praecipue verborum figurae. Ceterae, ut Anthonomasia, Paronomasia, Traductio, Catachresis, Antiphrasis, Hyperbaton, Transitio, et quae sunt aliae, ab aliquibus nimium subtiliter enumeratae, petantur a grammatica vel a lexicis. Nobis sufficiat prudens illarum usus: nam sic vulgares sunt, ut, quemadmodum de aliis affirmat Quintilianus, fere ipsum figurae nomen amiserint.

## § III.

## De Figuris sententiarum

Unde oriri debent? Sententiarum figurae sunt, quae non in verbis solum, sed in rebus ipsis quamdam gravitatem habent, ac ita positae sunt in

1) Aen. VI.—2) Hor. lib. I. 2.—3) Cic. in Catil.—4) Cic. Pro Arch.

a) Era il giorno che al sol si scoloraro  
Per la pietà del suo fattore i rai. Petr.

c) Sapete pure che trattiamo dell'anima, non è vero? e di un'anima la quale è vostra, anzi è voi, e d'un'anima la quale è unica, e d'un'anima la quale è immortale, e d'un'anima la quale è irrecuperabile... Segn. Pr. XIX. n. 6.

d) E là accorrendo dove appariva più presente il pericolo, e dove più serrata la mischia, s'inoltra intrepido in mezzo alle spade, minaccia, prega, consiglia, sgrida, comanda. Segn. Pan. di S. Pietro di Par. n. 6.

Qui, diran, l'invitto Re Polono accampossi,  
Là ruppe il vallo e qua le schiere aperse,  
Vinse, abbattè, disperse. Filic.

sensu, ut quibuscumque verbis proferantur, eadem semper figuræ vis maneat et dignitas. Haec orationis lumina <sup>1)</sup>, si non a fucata arte, sed, ut par est, ab ipsa natura sunt, a vivida mentis cogitatione vel a vehementi animi motu proficiscuntur: quare aliae ad mentem, aliae ad affectum pertinent, ac propterea primæ ad confirmandum valent, alteræ ad movendum: quæ est Fabii partitio figurarum.

Cum mens rerum specie acrius excitatur, facile mutuam plurimum convenientiam videt, et similitudinem adhibet: quæ est duarum rerum disparium in eo, in quo congruunt, comparatio; ut vel quod minus patet ex notiori illustretur, vel res corpore carens sensili vestiatur imagine: quod maxime facit non modo ad ornandum, sed ad assensum extorquendum. — *Nam ut tempestates sæpe certo aliquo coeli signo commoventur, sæpe improviso, nulla ex certa ratione, obscura aliqua ex causa concitantur; sic in hac comitiorum tempestate populari sæpe intelligas quo signo commota sit, sæpe ita obscura est, ut casu excitata esse videatur* <sup>2)</sup> a).

Ποῦ νῦν ἡ λαμπρὰ τῆς ὑπατείας περιβολή; ποῦ δὲ αἱ Φιδραὶ λαμπάδες; ποῦ δὲ οἱ κρότοι, καὶ οἱ χοροὶ καὶ . . . . Νῦν ἦν πάντα ἔχεινα καὶ ὄναρ, καὶ ἡμέρας γενομένης ἠφάνισθη. ἄνθη ἦν ἱαρινὰ καὶ παρελθόντος τοῦ καιροῦ ἅπαντα κατεμαράνθη. σκιά ἦν, καὶ παρέδραμε. καπνὸς ἦν, καὶ διελύθη. πομφόλυγες ἦσαν, καὶ διεσφάγησαν. ἀράχνη ἦν, καὶ διεσπάρσθη (b). Vtrum similitudo tunc solum censetur figura, cum iis effertur coloribus, qui splendorem et ornatum addant orationi: quod in poetis sæpius accidit (c).

1) V. Cic. *Orat.* XL. — 2) Cic. *pro Mur.* V. Aen. XII. I.

a) Sì come noi veggiamo... *Casa Oraz.* a C. V.

Però se un agricoltore.... *Segn. Pr.* I. n. 9.

b) Dove è ito quel fulgido splendor del consolato? Dove gli illustri fasci? dove gli applausi...? Tutte quelle cose furono una notte, un sogno; e fatto giorno, disparvero: erano fiori di Aprile; e passata la primavera, marcirono tutti: erano ombra, e si dileguò; erano fumo, e si sciolse: erano bolle, e scoppiarono: erano tela di ragno, e si spezzò. *S. Giov. Gris. Homil.* per Eutropio.

c) E come quei che con lena affannata... *Inf. I.*

Quale i fioretti dal notturno gelo... *Inf. II.*

Qual pargoletta o damma o capriola... *Ar. I.* 34-35.

Hypothesis  
seu fictio.

Similitudini gemina est fictio, qua quid fieri debuit vel potuit excogitate quaerimus: id enim contendimus, ut quod in re ficta vel aliena faceremus, in re nostra et vera, quae priori sit affinis, faciamus. Si cum hoc domi faceremus, quod et fecimus, et, ut spero, non frustra fecimus, tu der repente irruisses, et clamare cepisses: C. Caesar, cave ignoscas, cave te fratrum pro fratris salute obsecrantium misereatur; nonne omnem humanitatem exuisses? Quanto hoc durius, quod nos domi petimus, id a te in foro oppugnari? 1) a).

Antithesis.

Sed cum, res comparans, non convenientiam at oppositionem animus cernit, tunc solet uti antithesi, qua contrariis contraria opponuntur. Quod Tullio maxime fuit solemne et familiare: nam, cum opposita, si couferantur, mutuo se produnt, ex ea contentione fit, ut rei vel probandae veritas vel extollendae magnitudo magis magisque appareat. Ex hac parte pudor pugnat, illinc petulantia; hinc pudicitia, illinc stuprum; hinc fides, illinc fraudatio; hinc pietas, illinc scelus; hinc constantia, illinc furor... 2) b).

Descriptio.

Interdum rem altius sentiens, in eadem immoratur mens, et illam augendi vel declarandi gratia exponit atque explicat. Descriptio tunc habetur, ut: Alter o Dii boni! quam teter incedebat! quam terribili aspectu! unum aliquem tu ex barbaris illis exemplum imperii veteris, imaginem antiquitatis, columnam reipublicae diceris intueri. Vestitus asper nostra hac purpura plebeia ac pene fusca: capillo ita horrido, ut Capua, in qua ipse tum imaginis formandae causa duumviratum gerebat, Sepulchrum sublaturus videretur. Nam quid ego de supercilio dicam? quod tum... 3)

Hypotyposis.

Quae descriptio si sit veluti sub oculos subiectio, ut ait Cicero, et rem gestam non indicat modo, sed ut sit gesta ita ostendit, ut cerni potius videatur quam audiri, Hypotyposis vocatur: valet autem non solum ad confirmandum, sed etiam ad affectus ciendos. Ipse inflammatus scelere et furore, in forum ve-

1) Pro Lig. V. Vid. Pro Mil. XXVIII. XXIX. — 2) H. Cat. XI.

3) Pro Sextio VIII.

a) E qui figuratevi trovarsi un principe potente... Segn. Pr. III. n. 4.

b) E come volete voi che... Segn. Pr. VIII. n. 2.

Non frondi verdi, ma di color fosco;

Non rami schietti, ma nodosi e 'nvolti;

Non pomi v'eran, ma stecchi con tosco. Inf. XIII.



*nit. Ardebant oculi : toto ex ore crudelitas eminebat. Expectabant omnes, quo tandem progressurus aut quidnam acturus esset: cum repente hominem proripi, atque in foro medio nudari ac deligari....* <sup>1)</sup> a). His in descriptionibus, quibus non solum praeterita sed etiam futura vel quae futura essent demonstramus, fere utimur tempore praesenti: quare aliqui nescio quam figuram commenti sunt, quam *visionem* appellant.

Ethopoeia quoque non est nisi descriptio: est enim quaedam Ethopocia. expressio morum alicuius, quae fit cum eius actiones, studia, propensiones et agendi ratio oculis exhibentur: ut est Annibal apud Livium <sup>2)</sup>, Catilina ac Iugurtha apud Sallustium. Differt a prosopographia, qua alicuius vultum, os, lineamenta, incessum, cultum habitumque omnem describimus: qua in re legendi sunt Piso apud Tullium, Achaemenides apud Virgilium <sup>3)</sup>, et Imperatorum characteres apud Svetonium, qui prosopographias et ethopoeias simul descripsit b).

Descriptioni etiam cognata est progressio, qua ita rem a clari- Progressio.  
rioribus usque adiunctis describimus, ut plenissima in luce collocetur. *Facinus est vinciri civem romanum; scelus verberari; prope parricidium necari: quid dicam in crucem tollere?* <sup>4)</sup>

Si in re explicanda difficultatem praevidemus, hanc antever- Praeoccupatio.  
timus praeoccupatione, qua quis dicere occupat simulque diluit quae ab adversario vel auditoribus oblici possunt. *Quaeres a nobis, Gracche, cur tantopere hoc homine delectamur? quia suppeditat nobis ubi et animus ex hoc forensi strepitu reficiatur, et aures convicio defessae conquiescant* <sup>5)</sup> c). Verum

<sup>1)</sup> Act. II. in Ver. lib. V. LXVII. V. Aen VIII. 449. IX. 473.

<sup>2)</sup> XXI. I.—<sup>3)</sup> Aen. III.—<sup>4)</sup> Cic. V. in Ver. LXVI.—<sup>5)</sup> Pro Arch.

a) Arrivato pertanto..... Segn. XXVIII. n. 6.

E già avevano allegramente... Segn. XXXVII. n. 2.

Pensate inche fiere immagini dovette nel giorno seguente...

Tornielli, Pred. XVII.

Così si combatteva e in dubbia lance... G. XX. 50, 51, 52.

V. Minos, Inf. V. Cerbero, Inf. V. il conte Ugolino, Inf. XXXIII.

b) Alate è l'un che da principio indegno... G. II. 58.

Orrida maestà nel fero aspetto... G. IV. 7.

Più suso alquanto il passo a lor contende... G. XV. 50.

V. Saggi di morale, e di eloquenza ital. Caratteri Storici, Morali.

c) Io so che voi allevati... Segn. Pr. IX. n. 12.

Odo alcuni di voi... Segn. Pr. XXIII. n. 11.

- Concessio. interdum non refellimus sed utimur concessione, qua quidpiam licet ab aequitate alienum, elargimur, ut reliqua facilius obtineamus. Concessio autem differt a confessione, qua aliquid fatemur, ac postea excusamus. *Esto: causam proferre non potes...* <sup>1)</sup> a).
- Enumeratio. Quod si non modo nulla obicitur menti difficultas, sed multa etiam, quae pro nobis afferri possunt, obversantur; tunc usurpamus enumerationem, qua plura eiusdem rei membra, adiuncta, effecta, vel alia quaequam recensemus. Sed tamen in enumerando saepe dissimulamus praeteritione, qua fingimus aliquid omittere, quod reapse dicimus. *Non dico hoc loco, maiores nostros semper in pace consuetudini...* <sup>2)</sup> b)
- Praeteritio. Tandem cum mens aliorum sermonem referre debet, saepe sic rem apprehendit, ut loquentes personas inducat sermocinatione seu dialogismo: qui est sermo, quem quis habet vel habere fingitur. *Cum ab amicis rogaretur Diogenes, ubi vellet humari, Proiicite me, inquit, inhumatum. Tum amici, volucribus ne et feris! Minime vero, inquit: sed bacillum prope me ponite, quo abigam. Qui poteris? illi: non enim senties. Quid igitur mihi ferarum laniatus oberit nihil sentienti?* <sup>3)</sup> c).
- Sermocinatio. Quae ab animi motibus dicuntur oriri figurae, vehementiorem motionem requirunt, quam et mentis excitatio praecedere debet: quis enim affectus ciere putat sine viva mentis agitatione?
- Interrogatio. Nam ex opinione boni vel mali semper commovemur. Itaque cum vel rei gravitate vel animi aestu percellimur, interrogamus: non tam ad rem dubiam quaerendam, quam ad urgendum, et affectum exprimendum. Non raro interrogationi adiungitur responsio, et subiectio vocatur. *Quid tam novum, quam adolescentulum privatum exercitum difficili Reipublicas tempore conficere? confecit: huic praeesse? praefuit: rem optime ductu suo genere? gessit. Quid tam praeter consuetudinem...?* <sup>4)</sup> d).
- Exclamatio. In magna vel admiratione, vel indignatione, laetitia aut do-

1) *Pro Sext. Ros. XXVII.*—2) *Pro Leg. Man.*—3) *I. Tusc. V.*

4) *Pro L. Man.*

a) Ma su fingiamo che... *Segn. Pr. II. n. 5.*

b) Io non voglio ora favellar... *Segn. Causa degli Ord. Reg. n. 2.*  
Ciò che sofferto abbiám d'aspro e d'indegno... *G. VIII. 64. 65.*

c) Or su ditemi ora un poco... *Segn. Pr. V. n. 9.*

E chi sei, disse, tu, che sì gran fasto... *G. XV. 50. 51.*

d) E che vi spaventa uditori... *Segn. Pr. XXVIII. n. 6.*

lore saepe exclamamus. Exclamatio est vocis elatio seu contentio, qua interiectione vel expressa vel tacita et animi affectum promimus et rei significamus magnitudinem: *O miserum et infelicem diem illum! o volucram fortunam! o caecam cupiditatem! o praeposteram gratulationem! Quam cito...* <sup>1)</sup> In-Epiphonema. terdum exclamatio non sine gravi aliqua sententia, post insignem aliquam rem narratam aut probatam, fieri solet: quare dicitur epiphonema a).

Praeclara etiam est exclamatio cum correctione, qua sententiam aut vocem a nobis prolatam retractamus ac veluti corrigimus, quia melius aliquid mens et affectus suggerit. *O stultitia! stultitiame dicam an impudentiam singularem!* <sup>2)</sup> *Filium unicum adolescentulum Habeo. Ah! quid dixi habere me? Immo habui, Chreme: Nunc habeam, nec ne, incertum est* <sup>3)</sup> b).

Tota ab affectibus est deprecatio et obsecratio, quae, ut nomen indicat, fit cum alicuius sive Dei sive hominis opem imploramus: *Quamobrem hoc nos primum metu, C. Caesar, per fidem et constantiam et clementiam tuam libera...* <sup>4)</sup> c). Ut tenerrimi affectus obsecratio, sic dementis fere doloris est imprecatio, qua vehementi motu abrepti malum precamur aliis vel nobismetipsis. *Dii te perdant fugitive. Ita non modo...* <sup>5)</sup> d).

At figurae, quae tum fervidiori mentis aestu tum vehementioribus animorum concitationibus fiunt, sunt Prosopopoeia et Apostrophe, quae mirum in modum delectant, movent, abripiunt animos. Prosopopoeia, seu fictio personae, est schema, quo personae mortuae vel absentis, aut etiam rei sensu carenti sermonem tribuimus: ut cum inducimus loquentem Urbem, Provinciam, Angelum, Beatum, parietes, sepulcra, alia atque alia. Quae

1) Pro Sylla.—2) Pro Caelio.—3) Terent.—4) Pro Deiot.—5) Ib.

- a) Ah cristiani! ed è... *Segn. Pr. VII. n. 4.*  
Ed or dalle spelonche, ove lontano... *Tasso. II. 2.*
- b) E se quei mostri... *Segn. Pr. XVII. n. 2.*  
Or come vedi vo di te piangendo;  
Di te piangendo no ma de' miei danni. *Petr. S. 241.*
- c) Però a voi tocca, amantissimo... *Segn. Pr. XXXVIII. n. 9.*  
Per questi piedi, onde i superbi e gli empi... *Tasso IV. 62.*
- d) Pera il miserabile, pera... *Segn. Pr. III. n. 11.*  
Abi Pisa, Vituperio delle genti... *Inf. XXXIII.*

(patria) tecum, Catilina, sic agit et quodammodo tacita loquitur: *Nullum iam tot annos...* <sup>1)</sup>). Haec figura est maxime poetica: quare ipsa fiunt integra carmina a).

*Iam gelidas Caesar cursu superaverat Alpes...* <sup>2)</sup>).

*Desino, Paulle, meum lacrimis urgere sepulcrum...* <sup>3)</sup>).

- Apostrophe. Apostrophe est schema, quo sermonem ad aliam personam vel quasi personam convertimus: fit enim ad vivos homines, ad superos, ad mortuos, ad belluas interdum et ad res inanimes. *Vos, vos appello fortissimi viri, qui...* <sup>4)</sup> b).
- Dubitatio. Sunt figurae quae ad conciliandum praesertim valent; ut Dubitatio: *Quid primum querar...* <sup>5)</sup>. Sustentatio: *Ego itaque, pacis ut ita dicam...* <sup>6)</sup>. Communicatio: *Nunc ego, iudices, iam vos consulo...* <sup>7)</sup> c).
- Dubitatio.  
Sustentatio.  
Communicatio.

## § IV.

### *De Troporum et Figurarum Usu*

Quando adhibendae figurae? *Est quasi luminibus, ait Tullius, distinguenda et frequentanda omnis oratio, sententiarum atque verborum* <sup>8)</sup>. Sed Fa-

- 1) I. Pat. VII.—2) Luc. Ph. 1.83.—3) Prop. lib. IV. El. 9.—4) Pro Mil. XXVII. V. ib. XXXI. II. Act. in Ver. lib. V. LXXII. Aen. II. 154—431. IV... 650.—5) Pro S. Roscio A. XI.—6) VII. Phil. 7) Act. I. in Ver. XI.—8) III. Orat. LII.

- a) Guerra, guerra, dic'ella... Segn. Pr. XXXV. n. 1.  
Io son colei che sì importuna e fera  
Chiamata son... Petr. Tr. della Mortè, Cap. I.
- b) Angeli che sedete custodi.... Segn. Pr. I. n. 1.  
O gloriose o ben nato, e bene avventurate anime.... Casa.

Oraz. a Carlo V.

- O isplendor di Dio per cu'io vidi  
L'alto trionfo del regno verace,  
Dammi virtude a dir com'io lo vidi. Par. XXX.
- c) Che dovrò fare io dunque... Segn. Pan. di S. Ign. n. 1.  
Un funestissimo annunzio... Segn. Pr. I. n. 1.  
Voi vi trovate condotti... Segn. Pr. III. n. 8.  
Lasso me, ch'io non so in qual parte pieghi  
La speme ch'è tradita omai più volte! Petr.

bius <sup>1)</sup> graviter monet, ne abutamus figuris. Enimvero, etsi figurae sint in oratione, ut quidam aiunt, quod in horto flores, in collo torques, in aureis anulis gemma, imo saepe quod nervi et fibrae in corpore; adolescentes tamen falsa, ut plurimum, specie decipiuntur. Quare sibi persuadeant: primo nec omnem orationis vim et pulchritudinem in figuris consistere, nec praecipuam: deinde figuras, ut pulchrae sint, nasci debere ex ipsa re, qua de agitur, et sponte a phantasia vel animi perturbatione induci: tandem parce et modo esse usurpandas, etiam cum e re nasci videntur. Nihil enim puditius, quam figuras aut alieno loco, aut crebrius quam par est, aut longius adhibere.

Qua in re ut omnem errorem amoveamus, certum est im- Sine figuris  
sermo etiam  
consistit.  
pulis non breves modo sententias, verum longiores etiam sola verborum proprietate et fere sine figuris apte magnaue vlsaepe efferi posse, ut:

*Sternitur infelix alieno vulnere, coelumque  
Aspicit, et dulces moriens reminiscitur Argos. 2).*

Longius est pulcherrimum illud Tullii: *EXAMINONDAS*, quum vicisset *Lacedaemonios* apud *Mantineam*, simulque ipse gravi vulnere exanimari se videret; ut primum despexit, quaesivit, salvus ne esset clypeus: quum salvum esse flentes sui respondissent, rogavit essentne fusi hostes: quumque id quoque, ut cupiebat, audivisset, evelli iussit eam, qua erat transfixus, hastam. Ita multo sanguine profuso, in laetitia et in victoria est mortuus. *Leonidas* autem rex *Lacedaemoniorum*, se in *Thermopylis*, trecentosque eos, quos eduxerat *Sparta*, quum esset proposita aut fuga turpis aut gloriosa mors, opposuit hostibus. Praeclaras mortes sunt imperatoriae: philosophi autem in suis lectulis plerumque moriuntur <sup>3)</sup>.

Verum orationis pulchritudo atque vigor ex apto figurarum et troporum cum proprio sermone temperamento maxime dependet. Nam, ut cetera mittam, figurarum et troporum defectus phantasiae et affectus defectum arguit in scriptore, qui propterea nec movere nec delectare alios poterit. Atque hinc existit stilus siccus et exanguis, vel certe paullo languidior. Si Romanorum Poenorumque pestilentiae descriptio cum Alexandri militum pestilentiae descriptione comparetur, quamquam utraque sit praeclara, tamen non solum ob sententias sed ob sermonis

Figurae cum  
sermone pro-  
prio miscen-  
dae.

1) Lib. IX. c. 3.—2) Aen. X. 782.—3) De Fin. lib. II, c. 30.

nescio quid magis proprium, et figuras troposque in loco adhibitos Curtio melior videbitur Livius.

Exemplum  
Livii.

*Accessit et pestilentia, commune malum, quod facile utrorumque animos averteret a belli consiliis: nam tempore autumni, et locis natura gravibus, multo tamen magis extra urbem, quam in urbe, intoleranda vis aestus per utraque castra omnium ferme corpora movit: et primo, temporis ac loci vitio, et aegri erant et moriebantur: postea curatio ipsa, et contactus aegrorum vulgabat morbos: ut aut neglecti desertique, qui incidissent, morerentur; aut assidentes curantesque eadem vi morbi repletos secum traherent: quotidianaque funera, et mors ob omnium oculos esset, et undique dies noctesque ploratus audirentur: postremo ita assuetudine mali effraverant animos, ut non modo lacrimis iustoque comploratu (non) prosequerentur mortuos, sed ne efferrent quidem aut sepelirent: iacerentque strata exanimata corpora in conspectu similem quoque mortem expectantium: mortuique aegros, aegri validos cum motu tum tabe ac pestifero odore corporum conficerent: et ut ferro potius morerentur, ferro quidam invadebant soli hostium stationes. Multo tamen maior vis pestis Poenorum castra, quam Romana (diu circumsidendo Syracusas, coelo aquisque adsuerant magis) affecerat. Ex hostium exercitu Siculi... <sup>1)</sup>.*

Exemplum  
Curtii.

*Consumptis igitur alimentis, Macedones primo inopiam, deinde ad ultimum famem sentire ceperunt, radices palmarum (nam sola ea arbor gignitur) ubique rimantes. Sed quum haec quoque alimenta defecerant, iumenta caedere aggressi, ne equis quidem abstinebant; et cum deessent quae sarcinas veherent, spolia de hostibus, propter quae ultima Orientis peragraverant, cremabant incendio. Famem deinde pestilentia secuta est: quippe insalubrium ciborum novi succi, ad hoc itineris labor, et aegritudo animi vulgaverant morbos; et nec manere sine clade, nec progredi poterant. Manentes fames, progressos acrior pestilentia urgebat. Ergo strati erant campi pene pluribus semivivis, quam cadaveribus. Ac ne levius quidem aegri sequi poterant: quippe agmen raptim agebatur, tantum singulis ad spem salutis ipsos proficere credentibus, quantum itineris festinando praeciperent. Igitur qui defece-*

<sup>1)</sup> Liv. lib. XXV. c. 20.

*rant, notos ignotosque, ut allevarentur, orabant. Sed nec iumenta erant, quibus excipi possent, et miles vix arma portabat, imminensque etiam ipsis facies mali ante oculos erat. Ergo saepius revocati ne respicere quidem suos sustinebant, misericordia in formidinem versa <sup>1)</sup>.*

Sed praestat plurimum scriptores conferre, qui vel eamdem rem narraverunt, vel eundem librum sunt interpretati a): erit vel inter optimos ob eam, quam supra diximus, causam aliquod discrimen. Quod si figurae vel tropi nimis sint, tunc stilus fiet turgidus, vel certe satietatem demum generabit. Ut enim nimia lux oculis perstringit, et per nimia condimenta corrumpitur cibus; ita figurae et metaphorae, si plus quam opus est congerantur, orationem obaequant, efficiuntque molestam: nam figurae, quaecumque sint, quod vel communem loquendi modum praetereant, vel ab aliena rerum imagine sumuntur, si crebrae sint, aures et animum fatigant. Accidit hoc non modo in malis seculi XVII. auctoribus, sed in optimis quibusque eum plurimum indulgent sensibus, vel in descriptionibus nimium se amant <sup>2)</sup>. Conferatur Didonis et Cleopatrae convivium, ut pateat Virgilium <sup>3)</sup> iusto etiam troporum usu Lucano antecellere <sup>4)</sup>.

Si figurae vel tropi nimis sunt, turget stilus.

Nec vero sola figurarum et troporum cum communi sermone apta temperatio ad optimam orationem exquiritur: sed necesse est, ut cum rerum pondus et sententiarum gravitas, tum maior communis sermonis vis modique dicendi praeclarissimi figuras ipsas et translationes sustentent. Huius rei defectu fit, ut plurima quae in Tullio, Livio, Virgilio, Horatio et Terentio admiramur, in Seneca, Martiali, Silio, aliisque, maxime sequioris latinitatis, auctoribus vix ferre possimus. Delectus enim ipse verborum modorumque dicendi vigor faciunt, ut grandiori Tullii oratione non offendamur, cum Caesarem aut Pompeium praedicat: quod certe minus evenit, cum Plinii in Traianum panegyricum legimus.

Sermo proprius figuras sustentet.

Illud denique est fugiendum, ne multum in certa quadam figura immoremur, nec nimium eiusdem consecutemur adiuncta. Quod cum saepe Ovidius et narrando et describendo facit, si

Non immorandum eadem figura.

1) Q. Curtii R. Lib. IX. c. 17. — 2) V. Bartoli, *Opere Morali*.

3) Virg. Aen. I. v. 641. — 4) *Phar.* X. v. 207.

a) V. Concordio e Alfieri, Trad. di Sallustio. — Davanzati e Dati, Trad. di Tacito.

Virgilio comparetur, videbitur minus vigoris habere. Plenius id perspicui potest in Fabula Orphei et Euridices ab utroque descripta <sup>1)</sup>: nos brevius Famae descriptiones afferemus, quae non sunt nisi praeclarae quaedam figurae.

Virgilii et Ovidii comparatio.

*Fama*, malum quo non aliud velocius ullum;  
Mobilitate viget, viresque acquirit eundo:  
Parva metu primo; mox sese attollit in auras,  
Ingrediturque solo, et caput inter nubila condit.  
Illam Terra parens, ira irritata Deorum,  
Extremam, ut perhibent, Coeo Enceladoque sororem  
Progenit, pedibus celerem et pernicious alis:  
Monstrum horrendum ingens; cui quot sunt corpore plu-  
(mae,

Tot vigiles oculi subter, mirabile dictu,  
Tot linguae, totidem ora sonant, tot subrigit aures.  
Nocte volat coeli medio terraeque, per umbram  
Stridens, nec dulci declinat lumina somno.  
Luce sedet custos, aut summi culmine tecti,  
Turribus aut altis, et magnas territat urbes;  
Tam ficti praeque tenax, quam nuncia veri <sup>2)</sup>.

Orbe locus medio est, inter terrasque fretumque,  
Caelestesque plagas, triplicis confinia mundi;  
Unde quod est usquam, quamvis regionibus absit,  
Inspicitur, penetratque cava vox omnis ad aures.  
Fama tenet, summaque domum sibi legit in arce;  
Innumerosque aditus, ac mille foramina tectis  
Addidit, et nullis inclusit limina portis.  
Nocte dieque patet. Tota est ex aere sonanti;  
Tota fremit, vocesque refert, iteratque quod audit.  
Nulla quies intus, nullaque silentia parte:  
Nec tamen est clamor, sed parvae murmura vocis;  
Qualia de pelagi, si quis procul audiat, undis  
Esse solent, qualemque sonum cum Iupiter atras  
Increpuit nubes, extrema tonitrua reddunt.  
Atria turba tenent: veniunt..... <sup>3)</sup>.

1) Virg. *Geor.* IV. sub fin. Ovid. *Metam.* initium X et XI.—2) Aen. IV. 172. — 3) *Metam.* XII. 39.



## CAPUT V.

## DE STILO

Stilus, graece *στυλός*, fuit instrumentum scriptorium ae-Stili definitio. neum vel ferreum, quo in ceratis tabulis veteres scribebant : hinc metonymice pro exercitio scribendi, et pro forma scriptio- num, structura verborum, caractere vel genere dicendi ponitur. Non solum quodlibet scriptionis genus peculiarem dicen- di formam, seu proprium pulchri exprimendi modum sibi vindicat; sed et quilibet auctor in singulis scriptionum generibus il- lam ipsam formam certo et proprio modo exequitur: quare stil- lus dici potest tum peculiaris cuiusque scriptionis dicendi for- ma, tum singularis cuiusque auctoris scribendi ratio: utraque vero tum arte et exercitio tum imitatione vel excolitur vel acquiritur. Partes igitur stili, ut est forma scriptionum, primum re- censebimus: tum eiusdem divisiones, ut est cuiusque auctoris scribendi ratio: deinde stili comparandi trademus methodum, Pulchritudi- ac tandem imitationis naturam explicabimus. Sed quoniam et nis notitia. saepe alias et hic praesertim pulchritudinem, venustatem et gratiam, cum quibus stilus vel idem est vel arcto nexu coniunctus, necesse est commemorare; praestat harum rerum vim et rationem docere. Qua de re veteres pauca fortasse tradere videntur: recentiores novam scientiam conduunt, quam graeco nomine *Kallologiam* aut *Aestheticam* appellant <sup>1)</sup>.

## § I.

*De Pulchritudinis Notionibus*

Quemadmodum in rebus naturae vel potentiam, qua efficiun- Sublime. tur, vel sapientiam, qua easdem Deus apta ad quid efforman- dum convenientia disponit, mens nostra suspicit; ita eadem mens in hominum operibus, quae vel in moribus vel in arte Pulchrum. consistunt, aut virtutem vimque admiratur, aut delectatur op- portuno et congruo rerum ordine. Ex magnitudine igitur et or- dine mens aut admiratione percellitur, aut movetur delectatio-

1) V. *Gir. Vivenzio*, Princ'pii di Estetica—*Franc. Ficker*, Estetica.

ne: ab illa Sublime, ab altero Pulchrum quid dicitur: quod utrumque est triplex: naturale scilicet, morale, et artificiale.

Natura sublimis.

Sed nec omnis magnitudo Sublime, nec omnis ordo constituit Pulchrum. Cum potentia seu vis adeo excellent, ut mens vix easdem assequatur, ingentem quamdam magnitudinis notionem informamus: in hoc Sublime est, et varios gradus habet; quorum infimus est Magnum, in eo positum, ut communes mensuras excedat. Sublimes species habentur: *Qui respicit terram, et facit eam tremere: qui tangit montes et fumigant* <sup>1)</sup>. *Commota est et contremuit terra; fundamenta montium conturbata sunt et commota sunt, quoniam iratus est eis. Ascendit fumus in ira eius, et ignis a facie eius exarsit: carbonem succensi sunt ab eo. Inclinauit coelos et descendit; et caligo sub pedibus eius. Et ascendit super Cherubim, et volavit: volavit super pennas ventorum* <sup>2)</sup>.

Homeri.

Η"τ', ὀλίγη μὲν πρῶτα κορύσσεται, αὐτὰρ ἔπειτα  
Οὐρανῶ ἑστίριξε κάρη, καὶ ἐπὶ χθονὶ βαίνει... *Iliad. IV.*  
Σύν δ' ἔπεσον μεγάλῳ πατάγῳ, βράχε δ' εὐρεῖα χθών.  
Ἀμφὶ δὲ σάλπινξεν μέγας οὐρανὸς. αἶε δὲ Ζεὺς,  
"Ἡμενος Οὐλύμπῳ. *Ib. XXI.*  
"Ἐδδειςεν δ' ὑπ' ἐνέρθην ἄναξ ἐνέρων, Ἀἰδωνεύς,  
Δείσας δ' ἐκ θρόνου ἄλτο, καὶ ἴαχε, μὴ οἱ ὕπερθεν  
Γαῖαν ἀναρρήξειε Ποσειδάων ἐνοσίχθων,  
Οἰκία δὲ θνήτοισι καὶ ἀθανάτοισι φανείη  
Σμερδαλὲ', εὐρῶεντα, τάτε στρυγέουσι θεοὶ περ. *Ib. XX (a)*

1) Psal. CIII. 52. — 2) Psal. XVII. 7. 8. V. *Audisio*, vol. III. lez. XIII.

a)

Che da principio piccola si leva,  
Poi mette il capo tra le stelle e immensa  
Passeggia sulla terra

Scissi in due parti s'avanzâr sdegnosi  
L'un contro l'altro con fracasso orrendo:  
Ne muggì l'ampia terra, e le celesti  
Tube squillâr: sull'alte vette assiso  
Dell'Olimpo n'udi Giove il fragore.

Tremonne

Pluto il re de' sepolti, e spaventato  
Diè un alto grido e si gittò dal trono;  
Temendo non gli sgarci la terrena  
Volta sul capo il crollator Nettuno,

*Ipsè Pater media nimborum in nocte corusca  
Fulmina molitur dextra: quo maxima motu  
Terra tremit: fugere ferae, et mortalia corda  
Per gentes humilis stravit pavor: ille flagranti  
Aut Atho, aut Rhodopen, aut alta Ceraunia telo  
Deiicit: ingeminant austri et densissimus imber:  
Nunc nemora ingenti vento, nunc littora plangunt.*

I. G. 328.

*Stabat acuta silex, praecisis undique saxis,  
Speluncae dorso insurgens, altissima visu,  
Dirarum nidis domus opportuna volucrum.  
Hanc, ut prona iugo laevum incumbibat ad amnem,  
Dexter in adversum nitens concussit, et imis  
Avulsam solvit radicibus: inde repente  
Impulit, impulsu quo maximus insonat aether:  
Dissultant ripae, refluitque exterritus amnis.*

Aen. VIII. 233 a).

*Iustum et tenacem propositi virum... III. od. 3.*

Horatii.

*Fertur pudicae coniugis osculum... III. od. 3.*

Itaque non solum magna aliqua vis ingentia patrans, sed quid etiam simile sublimes in animo pariunt species: ut immensum aliquod in planitie, in caelo, in oceano; ut quid praeter modum solitarium, silentiosum, obscurum, horridum; ut extraordinaria in actionibus in moribus in affectibus virtus b).

Quod si id, quod mente vel aure aut oculo percipimus, unum quidem est, sed vel re vel virtute multiplex, atque ita ut congrua ad sensus ciendos convenientia vigeat, pulchrum dicitur. Itaque ut pulchrum sit, non quaecumque varietas unitate donata,

Natura pulchritudinis.

Ed intromessa colaggiù la luce  
Agli Dei non discopra ed ai mortali  
Le sue squallide bolge, al guardo orrende  
Anco del ciel.

Monti.<sup>1</sup>

- a) Finito questo, la buia campagna... *Inf.* III. v. 150.  
Come quando una grossa nebbia spira... *Inf.* XXXIV. v. 4.  
Levasi un grido subito ed orrendo... *Ar.* XII. 76.  
Il legno sciolsè e se sciogliere la vela... *Ar.* XLI. 8.  
Chiama gli abitator dell'ombre eterne... *Tas.* G. IV. 3.  
Nell'ira Argante infellonisce e strada... *Tas.* G. VI. 36.  
b) V. *Alfieri*, Saul, At. IV. sc. 4. — *Monti*, Arist. At. II. sc. 7.

sed quae magis sensuum naturae accommodetur, requiritur: hoc est, convenientiae, quae est inter varietatem et unitatem, accedere debet convenientia ad sensus. Tum ut pulchrum sentiatur, non sufficit quaecumque perceptio; sed debet esse etiam dispositio facultatum ad pulchrum intuendum, ita ut affectus excitetur. Quae animi dispositio, maxime ex parte phantasiae, adeo est necessaria, ut nonnulli adhuc negent pulchrum in rebus esse; contendant autem solum in anima inveniri, vel etiam nescio quam *ideam* comminiscantur, praeter animi facultates et dispositiones, quas tantum admittunt, qui *ideas* innatas merito respuunt.

Pulchritudinis partes.

Pulchritudinis partes sunt Elegantia, Venustas, et Gratia. Elegantia est pulchritudo cum dignitate: Venustas est pulchritudo cum concinnitate: Gratia est pulchritudo cum festivitate et lepore; nam in vita et motibus proprie est, atque homini vel animalibus praecipue tribuitur. Elegantia est in hoc Virgilii loco:

Elegantia.

*Forte sacer Cybele Chloreus, olimque sacerdos,  
Insignis longe Phrygiis fulgebat in armis,  
Spumantemque agitabat equum, quem pellis ahenis  
In plumam squamis auro conserta tegebat.  
Ipse peregrina ferrugine clarus et ostro  
Spicula torquebat Lycio Cortynia cornu:  
Aureus ex humeris sonat arcus, et aurea vati  
Cassida: tum croceam chlamydémque sinusque crepantes  
Carbaseos fulvo in nodum collegerat auro  
Pictus acu tunicas et barbara tegmina crurum <sup>1)</sup> a).*

Venustas.

Venustas apparet in Tibullo, cum describit Apollinem:

*Tandem, cum summo Phoebus prospexit ab ortu,  
Pressit languentis lumina sera quietes.  
Hic iuvenis casta redimitus tempora lauro,  
Est visus nostra ponere sede pedem.  
Non illo quidquam formosius ulla priorum  
Aetas, humanum nec videt illud opus.*

1) Aen. XI. 768.

a) Dolce color d'oriental zaffiro... *Purg.* I. v. 15...  
Levan la bara ed a portarla foro... *Ar.* XLIII. 173...

*Intonsi crines longa cervice fluebant,  
 Spirabat Syrio myrtea rore coma.  
 Candor erat, qualem praefert Latonia luna,  
 Et color in niveo corpore purpureus:  
 Ut iuveni primum virgo deducta marito  
 Inscitur teneras, ore rubente, genas:  
 Ut cum contexunt amaranthis alba puellae  
 Lilia: ut autumno candida mala rubent.  
 Ima videbatur talis illudere palla:  
 Namque haec in nitido corpore vestis erat.  
 Artis opus rarae, fulgens testudine et auro  
 Pendebat laeva garrula parte lyra... 1) a).*

Gratia denique videri potest in illo Virgilii:

Gratia.

*Vade, age: et Ascanio, si iam puerile paratum  
 Agmen habet secum, cursusque instruxit equorum,  
 Ducat avo turmas, et sese ostendat in armis,  
 Dic, ait. Ipse omnem longo decedere circo  
 Infusum populum, et campos iubet esse patentes.  
 Incedunt pueri, pariterque ante ora parentum  
 Fraenatis lucent in equis, quos omnis euntes  
 Trinacriae mirata fremit Troiaeque iuventus.  
 Omnibus in morem tonsa coma pressa coronat:  
 Cornea bina ferunt praefixo hastilia ferro,  
 Pars leves humero pharetras: it pectore summo  
 Flexilis obtorti per collum circulus auri.  
 Tres equitum numero turmae, ternique vagantur  
 Ductores: pueri bissemi quemque secuti,  
 Agmine partito fulgent, paribusque magistris 2).*

Eandem gratiam habent in Catullo — *Passer deliciae* 3) —  
*Lugete o Veneres* 4) et alia eiusdem carmina b).

1) Lib. III. Eleg. IV. — 2) Aen. V. 548. — 3) Carm. II. — 4) Carm. III.

- a) Da' bel rami scendea... *Petr.* p. I. c. 27.  
 Poichè lasciâr gli avviluppati calli... *G.* XVI. 9.  
 b) Vago già di cercar dentro e d'intorno  
 La divina foresta... *Purg.* XXVIII. I. e seg.  
 Un paggio del Soldan misto era in quella  
 Turba di.... *Tasso* IX. 81 e seq.

Harum re-  
rum usus.

Quibus exemplis pulchritudinem certis limitibus non defini-  
vimus: nam in qualibet pulchritudinis specie sunt quidam ul-  
tra citraque fines, quos inter pulchritudo ipsa potest consiste-  
re. Sed cavendum ne, si nimis citra, negligentia, si nimis ultra,  
adfectatione peccemus. Praeterea, ut satietati varietate occur-  
ramus, non est in eadem pulchri specie nimis immorandum;  
praesertim cum non solum tres illae pulchritudinis formae, sed  
ipsum sublime et eodem in opere et eadem in narratione vel  
descriptione optime inesse possint. Enimvero Homeri Clypeus  
sublime prius, tum diversas pulchri species in variis diagram-  
matis praefert: <sup>1)</sup> quod in Virgilii Clypeo, qui grandior fertur,  
minus fortasse videtur <sup>2)</sup>.

Unde pul-  
chrum arti-  
ficiale?

Vtrum pulchri species et ipsum sublime fere communi no-  
mine *pulchritudo* appellantur. Quo sensu generatim aliqua de  
pulchro artium proprio adhuc addemus: nam ipsum proxime  
ad rem nostram facit. Artificialis pulchritudo incipit concepta  
quadam rei informatione, rei deformatione, hoc est delineatio-  
ne, perficitur, et executione, puta voce sono coloribus, vires o-  
mnes suas exerit. Sed in Informatione inesse debet pulchri typus,  
qui apta ad affectus ciendos imagine instruat: Deformatio va-  
rietate et unitate, ut elementis, et convenientia, ut forma, rem  
totam, fere ex natura et morum imitatione, congrue disponit:  
Executio per formas sensiles, quae rem adamussim referant,  
ipsam mentis deformationem aut oculis subicit, aut per aures  
ad animum transmittit.

Quid Genius? Praeterea rei informatio, date hanc vocibus veniam, a *Ge-  
nio*, deformatio a *Gustu*, executio ab *Habilitate* dependet. *Ge-  
nius* dicitur virtus illa ingenii, qua pollent ii, qui pulchrum in  
scientia vel arte ita informant, ut non effingere modo, sed qua-  
si creare videantur: quare est facultas varios mentis et phanta-  
siae typos ad pulchritudinem pertinentes prompte arripiendi,  
et mira quadam cum facilitate producendi. Genius, qui non so-  
lum in singulis hominibus, sed quoad singulas scientias et ar-  
tes varius est, fere solum a natura est, atque educatione vel in-  
stitutione, studio et diligentia explicatur.

Quid Gustus? Quod in scientiis est iudicium, in artibus est *Gustus*, qui di-  
ci potest: facultas diiudicandi pulchritudinem et aptiora ad  
eamdem efformandam elementa seligendi; praesertim cum agi-

1) Iliad. XVIII. 467... — 2) Aen. VIII. 626.

tur de illa imitatione, qua id, quod natura vel facto ipso assequeremur, artium opera de industria obtinemus; idque melius, non quidem naturam pene indiscreta similitudine exprimendo, sed quodam rerum delectu naturam ipsam, qua parte videbitur melior, optime repraesentando. Gustus autem non maturo quodam iudicio et res veluti evolvendo, sed fere obvia quadam intuitione et viva rerum repraesentatione pulchrum attingit: excollitur vero pulchrioribus naturae vel artium rebus, quas a pueris contemplari assuescimus. Quare omnino congruus est temperi, gentibus, climati, educationi, sexui, annis, civili et religiosae institutioni, moribus, scientiarum cultui. Hinc gustus est verus vel falsus, naturalis vel arte acquisitus, excultus vel rudis, ad unam rem definitus aut versatilis <sup>1)</sup>.

Gustus in imitatione.

Eius affectiones.

*Habilitas* tandem est: expolita facultas praeconceptas rerum deformationes formis sensilibus exterius apte significandi: quare exquisitis artis praeceptis, et assiduo praesertim exercitio comparatur. Sed nunc, ut rem totam explicem, brevi utar exemplo: cum Bonarrota Moysem effinxit, Genius in informatione Moysem illo corporis incessu et vultus ardore suggestit; Gustus in deformatione congruas tanti operis partes elegit ac disposuit; *Habilitas* denique rem totam exequendo in sculpto marmore spectantium oculis subiecit. Virgilio Genius Iovem e nubibus fulmina iaculantem inspiravit; Gustus tantam notionem partibus instruxit convenientibus; *Habilitas* verbis et carminibus expressit.

Quid *Habilitas*?

Exempla.

Dionysius Longinus, qui studiosis carus esse debet, quinque fontes inquit, ex quibus, posita dicendi facultate, large hauriatur sublime. Primus quidem et praestantissimus in felici quadam sententiarum ubertate et amplitudine consistit. Alter constituitur vehementi et animos concitante, qui dicitur *enthusiasticus*, affectu. Tertius est certa figurarum, sive sententiarum sive verborum, fictio varietasque. Quartus egregia et praestans phrasis; cuius partes sunt verborum delectus, et tropica ac efficta dictio. Quinta denique Magnitudinis efficiens causa, eademque concludens quae ipsam praecedunt omnia, nihil est aliud, quam in dignitate et elatione posita compositio <sup>2)</sup>.

Pulchritudinis fontes ex Longino:

Sed tertius ille, tum quartus fons non tam ad Sublime, quam ad Pulchrum spectant: nam, cum sublime fere paucis, at op-

Cuius sententia dividitur.

1) V. Cic. Orat. XI.—2) *Ἐπεὶ ὕψους*.

portunis, adiunctis, et verbis non tam splendidis quam significantibus effertur, ac totam vim habeat a sententiis, non potest duci a certa figurarum fictione et varietate, neque a phrasi, licet egregia et praestanti, seu verbis selectis, translatis, et calide, ut ait Horatius, iunctis: haec omnia profecto maxime iuvant, imo sunt interdum omnino necessaria, sed sublime non constituunt. Itaque duo illi fontes ad pulchrum proprie faciunt: quin etiam nec in illis omnis aut praecipua inest pulchritudo.

Pulchritudo  
Orationis.  
Carminis.

Illa enim oratio vel carmen est pulchrum, in quo primum rei propositae unitas vim omnem in erectis animis exerceat: tum partium varietas pluribus, sed ad unum tendentibus, viis et taedium avertat et afferat delectationem. Atque in ipsa varietate accomoda partium distributio, proportio, ordo, nexusque vigeat, ut miro quodam concentu totum aliquod efflorescat, quod mens uno sed vario conspectu intueatur, ut excitetur. Commotio autem haec non habebitur, nisi argumenta etiam et instrumenta ad finem, qui proponitur, sint apta atque idonea, adhibeanturque iis dicendi dotibus, quae superius sunt traditae.

## § II.

### *De Stilo, ut est scriptionum forma*

Stilus, ut est scriptionum forma, dividitur in magnificentum seu sublimem; in humilem seu tenuem; in mediocrem seu aequabilem. Sublimis dicitur, qui verbis gravibus, magnificisque sententiis constans sua nobilitate audientium animos extra se quodammodo rapit, et admirationem vel ab invitis extorquet. Quod fit si sententiae vim, maiestatem, dignitatemque prae se ferant, ac res, de quibus loquimur, ea parte inspiciantur, qua illustriores et speciosiores sint: si verba eligantur optima, metaphorae ex rebus ducantur splendidis. Sed in verbis cavendum est, ne sententiam vel nimia loquacitate frigidam, vel exaggeratione ridiculam efficiamus: ridiculum enim fere totum est in aperta morum et personarum, partium et totius, instrumentorum et finis dissimilitudine atque inaequalitate, quae ob rei insolentiam valde sensus percellunt et risum provocant <sup>1)</sup>.

Stilus sublimis.

Quid ridiculum?

Fontes su-

Ut autem notionibus, quae animum extra nos rapiant, eru-

1) V. Cic. II. Orat. LVIII. LIX.



diamur, legemus Sacra imprimis Biblia, praesertim Prophetas: tum egregios quosque scriptores, qui maiestate et gravitate floruerunt. Quid sublimius, ut cetera mittam, Psalmis Davidis et Iobi libro? Sed praestat legere Isaiam et Ieremiam: quorum prior magnitudinis et terrore, alter *pathetico*, quod dicunt, excellit genere. Verum in sacris Bibliis legendis studebimus ne omnes Orientis imagines similitudines et metaphoras ad nostra sine iudicio traducamus: Graecorum et Italicorum ingenio, naturae, ac moribus omnia sunt accommodanda. Ex ceteris auctoribus Homerus facile est princeps: tum Virgilius, Aligherius, Ariostus, Torquatus in epicis: in lyricis Pindarus, Horatius, Chiabrera, Filicaia: in tragicis Aeschylus, Sophocles, Euripides, Alfieri, Monti, Corneille, Crebillon, Shakspeare. In his enim auctoribus sublimis species maxime elucet: siquidem in rebus sublimes cogitationes ex Deo eiusque proprietatibus imprimis ducuntur, tum ex iis, quae Dei magnitudinem proxime referunt; ut in natura caeli, astra, venti, terraemotus, procelae, alia; in hominibus praelia, imperia, victoriae, triumphus. In affectibus vero, qui a privato amore magis recedunt, et ex Dei proximique charitate prodeunt, grandiores sunt: quare religionis et patriae amor, tum affectus, qui ex iisdem consequuntur, sublimiores sunt, quam ii, qui ex sui vel familiae amore nascuntur.

Scriptores  
profani.

Quae subli-  
mis species?

Stilus tenuis seu humilis in rebus tenuioribus et exilibus usurpari solet, ac in eo totus est, ut res dilucide simul et concinne aperiat. Eius dotes sunt perspicuitas, nitens puritas. De illo autem sic praecipit Tullius: *Ergo ille tenuis orator, modo elegans, nec in faciendis verbis erit audax, et in transferendis verecundus, et parvus in praeiis, reliquisque ornamentis et verborum et sententiarum demissior: translatione fortasse crebrior, quae frequentissime sermo omnis utitur non modo urbanorum, sed rusticorum: siquidem est eorum GEMMARE vites, SITARE agros, LAETAS esse segetes, LUXURIOSA frumenta* <sup>1)</sup>.

Stilus tenuis.

Ad tenuem stilum familiaris pertinet: cuius proprietates sunt, ut sit urbanus, facetus, venustus. De urbanitate multa iam diximus; facetum, licet ridiculo saepe delectetur, tamen praecipue significat amoenum quid, elegans, iucundum, eruditum, certis quibusdam salibus respersum: venustum autem est quod

Stilus fami-  
liaris.

1) Cic. Orat. XXIV.

cum gratia quadam et lepore dicitur. loci, sales, facetiae, pro-  
verbia, quarum rerum discrimina difficile patent, familiari ser-  
moni et tenui stilo apprimè conveniunt, si in loco et secundum  
decorum adhibentur: quare haec etiam urbanorum hominum  
consuetudine, et illustrium scriptorum usu et studio nobis com-  
parabimus.

Stilus Me-  
dius.

Mediocris stilus seu medius, inter sublimem et humilem po-  
situs, ita utrumque attingit, ut nec ad superioris maiestatem  
ascendat, nec ad tenuitatem descendat alterius; sed vnnstiori-  
bus sentiis, et pulchrioribus verborum ornamentis delectetur.  
Ut stílus sublimis varias magnitudinis dotes, sic mediocris  
ceteras pulchritudinis partes amplectitur: quare insignis et flo-  
rens est, pictus et expolitus: in quo omnes verborum veneres,  
omnes sententiarum illigantur lepores: propositum est enim illi  
praecipue delectare. Concinnas igitur sententias exquirat, amoe-  
niores figuras easque crebriores adhibet, verba apertius transfert,  
ac omnia ita disponit, ut pictores varietatem colorum.

Stili varietas  
et usus di-  
versus.

De stili varietate et usu hoc generatim praecipi potest; ut sti-  
lo tenui utamur ad docendum, mediocri ad delectandum, ma-  
gnifico vero ad movendum. Praeterea stilus tenuis convenit dia-  
logis, narrationibus, epistolis; tum idylliis, eclogis, comoediis:  
mediocris Historiae, descriptionibus, et praeceptionibus poëti-  
ce traditis: magnificus tandem aptus est tragoediae, poëmati e-  
pico vel lyrico, et sublimioribus concionibus vel concionum par-  
tibus. In stili autem delectu ille ceteris est anteponendus, qui  
rei de qua agitur, scriptionis generi, auditorum captui, et ora-  
tionis vel poëmatis partibus maxime congruit; tum qui, ut ait  
Tullius: *Magna graviter, mediocria temperate, humilia sub-  
tiliter effert* <sup>1)</sup>).

Stili dele-  
ctus.

Alia stili di-  
visio seu cha-  
racteres.

Est etiam illa stili divisio tenenda, qua scriptionum chara-  
cteres statuuntur. Quamquam enim in quolibet scribendi genere  
omnes hominis facultates exerceantur; tamen scriptionum aliae  
ad intellectum, aliae ad voluntatem, aliae ad memoriam, ad  
phantasiam aliae potissimum referuntur: quare cum tam di-  
versae facultates sint vel instruendae vel movendae vel dele-  
ctandae vario, pro earumdem facultatum natura, dicendi genere  
singulae scriptiones sunt temperandae. Hinc quatuor scribendi  
characteres existunt: Τηχνικός seu philosophicus, oratorius,

1) Cic. III. Orat. LV. Orat. XXVIII. XXIX.

enarrativus, et poëticus. Horum characterum proprietates aliis in locis explicantur: ad stylum quod attinet, eorum quilibet, ut propriis argumentis et certa ordinis textusque ratione, sic propriis etiam figuris et tropis, certis verbis et dicendi modis delectatur. Quod ut clarius et maiori cum fructu perspiciatur, Exempla. prae-  
stat conferre agricolarum voluptates a Tullio et Ovidio descriptas <sup>1)</sup>; mortem Caco ab Hercule inlatam a Livio et Virgilio <sup>2)</sup>; poëseos laudes a Cicerone et Horatio expressas <sup>3)</sup>. Ex optimorum itaque scriptorum consuetudine, quae cuiusque characteris maxime sint propria, ediscemus: perperam enim quidam tum in figuris tropisque, tum in verbis aut phrasibus nullum adhibent iudicium, sed quae sunt orationis in carmen, quae carminis sunt, transferunt in orationem, quod forte est turpius.

### § III.

#### *De stilo, ut est cuiusque auctoris scribendi ratio*

Stilus, ut est cuiusque auctoris scribendi ratio, primo ex varia sententiarum expositione in diffusum aut concisum, in largidum aut robustum tribuitur: deinde ex ornatu in siccum, planum, nitidum, elegantem, floridum, venustum, gravem: tandem ex ipsius expositionis natura dicitur simplex, aut affectatus. Diffusus sententias copiose exponens, varioque in lumine collocans, easque expoliens ornansque affert legentibus lucem omnem, ut rem plene intelligant: amat periodos ut plurimum longas, ornamentorum copiam, magnificentiam, amplificationem <sup>4)</sup>. At concisus sententias quam brevius potest perstringit, significantiora usurpat verba, *Φράσις* omnem, quae vim rei non augeat, uti redundantem amputat, rem semel sed maxima in luce offert, ornamenta et figuras adhibet quidem, sed quae non tam gratiam quam robur addant; periodo delectatur brevi, in qua struenda vim potius, quam numerum quaerit: tandem brevitate ita gaudet, ut multa sagaci auditorum menti intelligenda relinquat <sup>5)</sup>. Stili partes.

Stilus diffusus.

Conciscus.

1) Cic. de Sen. c. XV. XVI. Ovid. Rem. v. 169...

2) Liv. lib. I. c. 4. Virg. Aen. VIII. v. 190 et seqq...

3) Cic. pro Archia, VII. — Horat. lib. IV. od. VIII.

4) Tullius, Livius — Guicciardini, Bartoli, in Historiis.

5) Sallustius, Tacitus — Compagni, Davanzati.

- Stili diffusi et concisi usus.** Sive diffusus, sive concisus sit stilus, dummodo extrema videntur, quae languorem vel obscuritatem orationi afferunt, in loco usurpatus uterque est optimus. Legentibus tamen iusta brevitās, audientibus temperata copia est opportunior: descriptiones conciso potius, narrationes diffuso etiam stilo celebrantur <sup>1)</sup>. Animi motus brevibus sententiis saepe excitantur: mens uberiora rerum argumenta explicationesque requirit. Brevibus sententiis concitatio, crebris periodis gravior fertur oratio: quae ne subtilior sit aut tardior, incisio, membris, periodis temperabitur. Veteres stilum Asiaticum vel Laconicum, Atticum vel Rhodium etiam nominabant: Asiaticus diffusi, Laconicus concisi stili est extremum: Atticus temperatus ex utroque: Rhodius Attico paullo est copiosior, sed et ipse optimus <sup>2)</sup>.
- Stilus languidus.** Stilus languidus stili diffusi, robustus stili concisi differentia habetur: at saepe diffusi etiam scriptores robusti sunt. Nam infirmitatis vel vigoris fundamenta sunt sententiae, quae, si non plene percipiuntur, otiosis involvantur epithetis, verbis efferuntur impropriis; tum dicendi formae erunt genericae, constructiones aut debiles aut confusae orientur. E contra cum res clare pleneque sentiuntur, diffuso aequae ac conciso stilo nervose exponuntur: scriptor enim, qui rem plane perspexit, illam vi significat, verba usurpat significantiora, ac materiam dictionibus figurisque omnibus accurate exprimit, et evidentioribus usque coloribus depingit <sup>3)</sup>. Quod si quis maiori feratur impetu, verbisque utatur, quae a phantasia excitatisque animi motibus proficiscuntur, tunc stilus vocatur vehemens <sup>4)</sup>.
- Siccus. Planus.** Stilus siccus seu exanguis omnem excludit ornatum, rem significare contentus. Planus siccum non plurimum supergreditur, paucos adhibet ornatus, et fere solum de rebus rerumque intelligentia est sollicitus; amat tamen perspicuitatem, puritatem, proprietatem, et quandoque etiam vigorem ac festivitatem. Stilus siccus vix in praeceptionibus est tolerabilis: ubi tamen melius adhibetur planus.
- Nitidus.** Stilus nitidus excipit planum, et ornatum sectatur sed mediocrem, modestumque: sermonis delectatur pulchritudine, sed ea, quae ex verborum delectu et apta eorumdem collocatione nascitur: sententias amplectitur paucis sed clare, periodos bre-

1) Herod. et Liv.—Thucyd. et Sall.—2) V. Bartoli, Uomo di lettere.

3) Tullius, Herodotus, Virgilius. — 4) Demost. et Chrys.

ves verbisque superfluis carentes, figuras venustas potius quam vehementes, breviter, proprietatem, atque varietatem in omnibus diligit, sed sine aperto studio. Si quae de stilo nitido diximus, ad eam perfectionem accedunt, ut in verbis, in dicendi formis, in metaphoris, in figuris, in sententiis nullus sit ornamentum defectus, nullus excessus, sed multus solum delectus, tunc stilius dicitur elegans. Elegans enim est scriptor, qui et instruit dicendo, aures animosque delectans, et suas sententias omnibus gratis, sed sine fuco et calamistris adornatas perspicue, pure propriè exponit, quae aptiora sunt adamans.

Elegans.

At stilius floridus ornamenta omnia studiose conquirat, et omnes verborum figurarum ac sententiarum lepores deliciasque largo luxu et sumptuosa copia profundit: quare, si certa quaedam paullo hilariora scripta excipias, in scriptoribus maturae praesertim aetatis nullo modo probari potest, ac vix pueris est permittendus ob eam, quam Fabius affert rationem: *Audeat haec aetas plura, et inveniat, et inventis gaudeat, sint licet illa non satis sicca interim ac severa. Facile remedium est ubertatis, sterilia nullo labore vincuntur. Illa mihi in pueris natura minimum spei dederit, in qua ingenium iudicio praesumitur* <sup>1)</sup>. Quare etiam Tullius. *Volo enim se efferat in adolescentibus foecunditas* <sup>2)</sup>. At recentiores nonnulli videant num omnes inter pueros haberi velint. Puerile enim est, ne dicam stultum, florido ac poetico dicendi genere uti, cum stricte argumentari opus est, aut cum apud imperitam dicitur multitudinem, quae verborum strepitu et intempestiva magnificentia opprimitur.

Floridus.

Ubinam usurpandus?

Ut venustus mediocris stili, sic gravis magnifici est adfectio: quare prior gratiam leporem atque festivitatem, alter vim maiestatem atque decus in verbis figuris, periodicis sententiisque omnibus maxime consecratur.

Stilus venustus, et gravis.

Tandem ut stili simplicis naturam cognoscamus, oportet primum tenere, quid proprie sit simplicitas. Iam simplex accipitur vel prout pluribus partibus in oratione aut carmine, vel prout multo in sententiis excogitandis studio opponitur: quare est vel idem ac unum, vel idem ac spontaneum et naturale. Praeterea simplex in stilo non ornatus speciem, sed facilitatem spectat, nativamque dicendi rationem, quae cum maximis etiam

Stilus simplex varie.

1) Lib. II. c. 4. — 2) II. Orat. II.

Stilus adfectatus

ornamentis saepe coniungitur, uti apparet in Homero. Hoc sensu stilus dicitur simplex, cum nullo fertur aperto artificio, ingenuum ostendit candorem (quem maxime suspicimus in auctoribus qui primi in aliqua re floruerunt) ac verba, sententiae, figurae, et ornatus omnis ab ipsa auctoris rerumque natura sponte prodire videntur <sup>1)</sup>. Qui contrariis afficitur vitiis, stilus adfectatus dicitur, et ex nimio studio artificioque dignoscitur <sup>2)</sup>. Auctores qui medii sunt fere naturam arte non omnino occulta describunt, sed priores rerum delectu superare solent <sup>3)</sup>.

#### § IV.

##### *De ratione stili comparandi*

Necessitas stili proprii.

Quid praecipere hic potest?

Quae sententiae?

Ut ea scribamus, quae cum ab omnibus qui nobiscum sunt, tum a posteris nostris et legantur et suspiciantur, nihil est tam necessarium, quam optimus stilus, qui suis propriis coloribus res nostras illuminet. Cum hic stilus sit certa quaedam scribendi ratio cuiusque propria, difficile est peculiare quasdam eius comparandi leges certo statuere, quin necessaria inveniendi disponendiue libertas ingenio adimatur. Ceterum stilus ex sententiis, ex verbis, quibus ipsae sententiae quodammodo vestiuntur, atque ex scribendi exercitio praecipue enascitur. Quare de his rebus generatim aliqua tradi possunt: reliqua ex cuiusque iudicio, gustu et cultu plurimum pendent.

Atque in sententiis quidem primum, ut alias diximus, curandum est, ut sint verae aut saltem verisimiles; deinde, ut sint perspicuae; postremo, ut sint argumento idoneae, et auditoribus; si apud eos res agitur, accommodatae. Quapropter praecipuum studium in hoc conferemus, ut rem, qua de loquimur vel scribimus, clara, accurata, plenaque cognitione complectamur: nam si rei cognitio est confusa, obscura, imperfecta, eosdem defectus induet stilus, qui cognitioni semper respondet: *Dicendi enim virtus, nisi ei, qui dicit, ea, de quibus dicit,*

Horatii mens. *percepta sint, exstare non potest* <sup>4)</sup>. Quare Horatius:

*Scribendi recte sapere est et principium et fons;*

*Rem tibi Socraticae poterunt ostendere chartae,*

*Verbaque provisam rem non invita sequentur* <sup>5)</sup>.

1) Aeschylus, Ennius, Dantes. — 2) Roberti, Caesari. — 3) Sophocles, Virgilius, Ariostus. — 4) Cic. I. Or. XI. — 5) Epist. ad Pis. v. 309.

Maximam etiam ad optimum stilum comparandum vim affert <sup>Linguae Studium.</sup> plena patriae linguae, aut certe illius, quo scribimus, idioma-  
tis cognitio: frustra enim quis stilum formare aut ostendere  
affectat, si linguam, in qua praecipue stilus consistit, impruden-  
ter negligit. Nam cum perfecta ac plena grammaticorum prae-  
ceptorum cognitio exquiratur, tum maxima copia verborum, sive  
propria sive translata: ad haec, necessarius est phrasium  
modorumque dicendi magnus veluti thesaurus, qui non nisi ab  
assidua optimorum scriptorum lectione hauriri potest.

Nec vero omnis scriptorum lectio erit utilis. Ille enim proba- <sup>Qui versan-</sup>  
bilem stilum assequetur, qui solum optimos quosque auctores <sup>di auctores?</sup>  
nocturna diurna manu verset, eorumque locutionem, ratio-  
nemque dicendi, periti aurificis quasi statera, examinet. Ad rem  
Fabius: *Ac diu non nisi optimus quisque, et qui credentem*  
*sibi minime fallat, legendus est: sed diligenter, ac pene ad*  
*scribendi sollicitudinem: nec per partes modo scrutanda o-*  
*mnia, sed perlectus liber utique ex integro resumendus* <sup>1</sup>). Qua-  
re Gerdilius animadvertit illustres quosque, qui litteris florue-  
runt, viros certum quemdam auctorem tantummodo familia-  
rem habuisse. Quod vehementer crebroque adolescentibus est  
commendandum: qui saepissime non studii gratia, sed aut de-  
lectationis causa, aut superbiae aestu (turpe enim putant, quos-  
dam auctores non legisse) omnes libros solent revolvere.

Ac ne sola quidem optimi auctoris consuetudo ad stilum ef- <sup>Scribendum</sup>  
figendum sufficit: praestat egregium eiusdem auctoris locum <sup>lectis aucto-</sup>  
bis terque attente legere; mox, relicto libro, eadem vos scribere <sup>ribus.</sup>  
couri, ut deinde nostram dicendi rationem cum optimo ex-  
emplari conferamus. Qua in re iuvat plurimum, si vel alterius  
sententias nostris verbis adornemus, vel sententias nostras alte-  
rius sermone induamus, vel tandem, quod est praeclarius, sen-  
tentiam elocutionemque probati scriptoris aemulari nitemur:  
quae est triplex imitandi ratio in exercitio stili probanda. Nam  
certi cuiusdam auctoris uotas phrases exscribere, surripere sen-  
tentias, vel stilum ipsum studiose adfectare, puerile est, et quod  
ingenii nostri paupertatem prodit. Prodest etiam multum prae-  
claros alienae linguae auctores vernaculos facere: hoc Latini,  
imprimis Tullius; hoc Itali nostri XIV et XVI seculo prae-  
stiterunt: Cavalca, Concordio, Firenzuola, Caro, Casa, Davan-  
zati, Segneri, alii <sup>2</sup>).

1) Lib. X. c. 1.—2) V. B. Puoti, Arte di scrivere in prosa, vol. 1.

Scribendi exercitium maximum sit. Tullius.

Scribendi exercitium maximum esse debet: nam qui calamo parcat, ingenio parcat. *Caput autem est, inquit Tullius, quod, ut vere dicam, minime facimus (est enim magni laboris, quem plerique fugimus) quam plurimum scribere. Stilus optimus et praestantissimus dicendi effector ac magister: neque iniuria. Nam si subitam et fortuitam orationem commentatio et cogitatio facile vincit; hanc ipsam profecto assidua et diligens scriptura superabit. Omnes enim sive artis sunt loci, sive ingenii cuiusdam atque prudentiae, qui modo insunt in ea re, de qua scribimus, inquiringibus nobis, omnique acie ingenii contemplantibus ostendunt se, et occurrunt; omnesque sententiae, verbaque omnia, quae sunt cuiusque generis maxime illustrata, sub acumen stili subeant et succedant, necesse est; tum ipsa collocatio conformatioque verborum perficitur scribendo <sup>1)</sup>.*

Scribendi regula. Fabius.

Mora tamen in initio non celeritas scribendi est laudanda. *Sit primo, inquit Fabius, vel tardus, dum diligens, stilus: quae ramus optima, nec primo se offerentibus gaudeamus: adhibeatur iudicium inventis, dispositio probatis: delectus enim rerum verborumque habendus est, et pondera singulorum examinanda... Nam praeter id quod sic melius iunguntur prioribus sequentia, calor quoque ille cogitationis, qui scribendi mora refrizit, sic recipit ex integro vires, et velut repetito spatio sumit impetum... Interim tamen, si feret flatus, danda sunt vela, dum nos indulgentia illa non fallat: omnia enim nostra, dum nascuntur, placent, alioquin nec scriberentur. Sed redeamus ad iudicium et retractemus suspectam facilitatem: sic scripsisse Sallustium accepimus... Virgilium quoque paucissimos die composuisse versus auctor est Varrus... Itaque hanc moram et sollicitudinem initiis impero: nam primum hoc constituendum, hoc obtinendum est, ut quam optime scribamus: celeritatem dabit consuetudo, paulatim res facilius se ostendent, verba respondebunt, compositio sequetur, cuncta denique, ut in familia bene constituta, in officio erunt. Summa haec est rei: cito scribendo non fit ut bene scribamus: bene scribendo fit, ut cito <sup>2)</sup>. Tandem in scribendo idem Quintilianus verborum curam, rerum vult esse sollicitudinem: quare sententiis argumentisque maior danda est opera, quam verbo-*

1) 1. Orat. XXXIII: — 2) Lib. X. c. 3.



rum figurarumque ornamento; praesertim cum hoc studium, si nimium est, ingenii vela cohibeat.

Caput vero in scribendo est *limae labor et mora*, sive diligens et diuturna emendatio: de qua graviter, ut par est, scribit Horatius <sup>1)</sup>. Itaque emendatione amputantur superflua, mutantur ambigua frigida obscura, adiiciuntur quae exciderunt sententiae, ordo structura transitiones dicendi ratio perficitur. Quod melius accidet, si scripta aliquandiu relinquamus. *Nec dubium est*, ait Fabius, *optimum esse emendandi genus, si scripta in aliquod tempus reponantur, ut ad ea post interval- lum velut nova et aliena redeamus, ne nobis scripta nostra quasi recentes foetus blandiantur* <sup>2)</sup>.

Videtur hic locus postulare, ut de auctorum, qui in scholis exponendi sunt, ordine dicamus: quod quidem absolutam studiorum rationem exigit. Sed nos aliquid saltem attingemus, si duo primum ut certissima teneantur: alterum, quamlibet studendi methodum a tenuibus ad graviora, a facilioribus ad difficiliora progredi debere: alterum non omnia adolescentibus proponenda esse, sed quae sunt optima, eademque cum delectu et probatissima: digna enim esse debent, quaediu multumque una, ut par est, versentur.

Itaque ex Graecis prior Aesopus et Babrius; deinde Luciani <sup>Ordo quo sunt</sup> dialogi, et Xenophontis Cyropaedia; tum oratores, imprimisque <sup>versandi</sup> Demosthenes, sunt Graeci. quibus coniungendi Poetae, Anacreon, Epigrammatum Anthologia, Theocritus, Homerus, Pindarus: ad extremum Dramatici et Historici, nec praetereundi Patres graeci, qui tanta eloquentia floruerunt. Ex Latinis prior <sup>Latini.</sup> esse potest Phaedrus, qui orationi fere accedit; tum Cornelius, Epistolae Ciceronis, Caesar, eiusdem Ciceronis Officia, et Orationes, Livius, Sallustius, Tacitus: Poetae autem sic versentur, ut primus sit Ovidius, qui forte diu est legendus, tum Tibullus, Propertius, Catullus, Virgilius, Horatius, Terentius, Plautus. Reliqui Historici et Poetae proponendi cum delectu et iudicio. Immorandum vero plurimum, ne dicam solum, in Tullio, Virgilio, et Livio.

Tandem ut de Italis loquar, nemo est, qui, si sapiat, non prae- Itali. ponat adolescentibus scriptores primum seculi XIV imprimisque Concordium, Passavanti, Cavalca, Pandolfini: tum praeci-

1) A. v. 288 ad finem. — 2) Lib. X. c. 4.

puos seculi XVI auctores, Caro, Firenzuola, Casa, Giambullari, Guicciardini, aliosque similes, quos inter Segneri, Pallavicino, Bartoli. Ad poëtas quod pertinet, fere solum Aligherius, Petrarca, Ariostus et Tassus sunt adolescentibus praeponendi, hique electis primum et purgatis locis: accedet postea Chiabrer et Filicaia: tum aliqua poëmatum recentiorum, quae videbuntur optima.

## § V.

### *De Imitatione*

Quid proprie est imitatio?

Quemadmodum qui Romantici vocantur nullam rem acrius quam imitationem insectantur; ita qui habentur Classici nihil interdum defendunt remissius. Praecipua huius rei causa in eo est, quod imitationis naturam non omnes assequuntur: plerique enim exscribere idem esse putant ac imitari, et utriusque pro-

Quid exscribere, quid imitari?

prietates ac leges permiscunt. Sed exscribere est rem eandem ex proposito exemplari iisdem coloribus pingere aut verbis efferre; ita ut accuratum exemplum habeatur: imitari autem est uno vel pluribus propositis exemplaribus, ex acquisitis pulchritudinis formis et ex optima exemplarium specie aliquid proprio ingenio et marte conari; ita ut non modo nusquam pateat exemplum, sed ea etiam sola existat similitudo, quae vix summis hominibus sit conspicua.

Necessitas imitandi.

Si ita intelligatur imitatio, non solum est probabilis, sed utilis imprimis et necessaria. Nam quae imitari possumus, vel ex natura vel ex auctoribus petuntur. Quis autem non videt quamlibet artem in eo esse, ut quae praeclara sunt in rerum hominumque natura eligat et componat; ut quidquam, origine tantum naturale, repraesentans, iis, quos natura ipsa gigneret, similes effectus proferat? Ex natura enim res, cogitationes, imagines, mores, affectus, ornamenta omnia, atque ipsa ars, quae late patet, est ducenda, si quid proficere scribendo volumus. Quare scriptoribus et auctoribus omnibus nihil unquam saepius et vehementius, quam diligens naturae et hominum studium, commendatur: qui vero naturam melius sunt commutati, ut Homerus et Aligherius, maxime praestiterunt.

Quae curanda in imitatione?

Quoniam pulchrum, licet natura idem semper sit, multam tamen varietatem ex regionum ex hominum ex morum ex tem-

porum conditione nascitur; harum rerum omnium praecipua ubique ratio habenda est. Pleraque igitur, quae in Achille sunt optima, in Guitfrido essent vitiosa, et contra: neque aliud magis quam hoc iudicium Aligherium nostrum supra ceteros poetas extulit: qui tamen et ipse forte minus etiam mythologiae indulgere debuit. Sed de mythologiae usu jam plurima ubique traduntur <sup>1)</sup>.

In auctoribus vel artem vel res imitari possumus. Ars certis quibusdam operum legibus continetur: huiusmodi vero leges ab ipsa natura ducuntur: propterea nullo modo contemni possunt. Sed cum natura varios agendi modos in quibusdam sequitur, variae quoque sunt interdum leges: quare ii, qui veterum scriptorum leges sequi nolunt, in quibusdam recte id facere queunt, in plerisque omnino falluntur: nam saepe naturalis operis ratio vel una est, vel certe una est aliis longe melior. Qui vero omnes veterum leges ad arbitrium confictas existimant, nae hi quidem nimis sapiunt: quod quidem patet ex operum prodigiis, quae, neglectis veterum regulis, nonnulli temporibus nostris submiserunt. Quis autem nescit artes et scientias omnes, ut opimas hereditates, longo temporum intervallo et sedulo multorum hominum cultura crescere augeri perfici?

Auctorum imitatio duplex. Imitatio artis.

Ad res quod attinet, ex illustrium auctorum exemplaribus non res ipsas, sed optimum imprimis naturam imitandi modum opportune ad rem nostram exprimemus: nam nullus auctor, sed sola natura imitationis exemplar esse debet. Itaque in auctoribus artem imitandi naturam diu multumque commentabimur, eandemque ad institutum nostrum, prout rerum personarum et locorum conditio postulabit, apposite deducemus. Huius imitationis exemplum est in Homero, qui equi descriptionem ferre videtur imitatus ex Iobi libro, ubi equus, ut ait Caussinius tam audaci ingenio describitur <sup>2)</sup>.

Imitatio modorum.

*Numquid praebebis equo fortitudinem, aut circumdabis collo eius hinnitum? — Numquid suscitabis eum quasi locustas? Gloria narium eius terror. — Terram ungula fodit, exsultat audacter; in occursum pergit armatis; — Contemnit pavorem, nec cedit gladio. — Super ipsum sonabit pharetra, vibrabit hasta et clypeus. — Fervens et fremens sorbet terram, nec*

Huius imitationis exemplum.

1) V. Gherardini, Elem. di Poes. Part. I. c. 6. — A. Manzoni, Romanant. in Italia. — 2) V. Caus. De Eloq. lib. XV.

*reputat tubae sonare clangorem.—Ubi audierit buccinam, dicit: Vah. Procul odoratur bellum, exhortationem ducum et ululatus exercitus 1).*

Ως δ' ὅτε τις στατός ἵππος, ἀκοιτήσας ἐπὶ Φάτνῃ,  
Δεσμὸν ἀπορρήξας θείῃ πεδίοιο χροαίνων,  
Εἰωθὼς λούεσθαι ἐν ῥέειο ποταμοῖο,  
Κυδιόων. ὑψοῦ δὲ κάρη ἔχει, ἀμφὶ δὲ χαῖται  
Ὡμοῖς ἀϊσσονται. ὁ δ' ἀγλαΐῃφι πεπειθὼς  
Ρίμφα ἔ γούνα Φέρει μετὰ τ' ἦθ' εἰ καὶ νομὸν ἵππων 2)

Eiusdem iudicium. Iam etiamsi Homerus Iobi librum forte cognoverit, suo tamen obsecutus est ingenio; ut uterque scriptor solam naturam videatur contemplatus. Atque haec est vera imitandi ratio. Sed eandem equi descriptionem non imitari, at exscribere videntur Virgilius ex Homero, ex utroque Torquatus a).

*Qualis ubi abruptis fugit praesepia vinclis  
Tandem liber equus, campoque potius aperto,  
Aut ille in pastus, armentaque tendit equarum,  
Aut assuetus aquae perfundi flumine noto  
Emicat, arrectisque fremit cervicibus alte  
Luxurians, luduntque iubae per colla per armos 3).*

Sapientia A- Sed optimae imitationis auctor extitit Aligherius, qui, quam-  
ligherii in i- quam aperte profitetur se Virgilii imitatoremsse 4); tamen fere  
mitando. nemo imitationem advertit: quod non fit semper in Torquato, qui  
plus auctores, quam naturam secutus identidem apparet. At Ali-  
gherius proprietates illas, quae cuiuslibet scribendi generis pos-  
sunt esse communes ex Virgilio exprimens, cetera omnia ex na-  
tura hausit, et suorum temporum moribus ac verae religioni, quod  
praeclare fecit idem Torquatus, accommodavit: ita ut novae om-  
nino imagines propriis coloribus expressae existerent. Hinc est  
quod illa ipsa loca, quae apertius ex Virgilio ducuntur, nullo  
modo dici possunt exscripta: ut Acherontis et Charontis descri-

1) Iob, cap. XXXIX.—2) Hom. Iliad. VI. v. 506.—3) Aen. XI. v. 492.—4) Inf. I. v. 79.

a) Come destrier che dalle regie stalle,  
Ove all'uso dell'armi si riserba.... G. IX. 75.

ptio <sup>1)</sup>, serpentium implicatio <sup>2)</sup>, homines in arborum formam mutati <sup>3)</sup>.

Ex postremis Aligherii exemplis patet alia imitandi ratio, quae res ipsas auctorum exprimimus; sed ita tamen ut non pueriliter imitari, verum sapienter aemulari videamur: quare plurimum celebratur Pyladis et Orestis fabula, quam Ariostus in Rogerio et Leone, Torquatus in Olyndo et Sophronia ex Tullio *De Amicitia* expressit <sup>4)</sup>. Nec vero hac in re audiendi sunt nimium critici: nam si ad vivum res semper resecuntur, cum probati auctores optima quacque naturae iam selegerint atque praeclare tractaverint, vel nihil amplius pulchri possemus conari, vel deteriora quaelibet deberemus persequi, vel nostros contemnentes, transalpinoos, uti iam multi faciunt, non sine dedecore imitari. Verum intemperantis critices non movebimur iudicio, et quod praeclari viri fecerunt, id nobis etiam licere<sup>1</sup>, quatenus venia dari potest, arbitramur. Etsi enim plurima in Terrentio, Virgilio, Ariosto, Tasso, ceterisque poetis et scriptoribus non sint nisi priorum scriptorum pene exempla; auctores tamen illi, etiam inventa aesthetica, suo semper sunt in pretio, sedulo ab omnibus versantur studio, magna novaque in dies admiratione et delectatione leguntur: siquidem qui legunt, non unde res petantur, sed quam pulchrae sint, quam belle expressae, considerant; praesertim cum in iis ipsis, quae aliunde ducuntur, novi aliquid et pulcherrimi semper accedit. Quare hoc imitationis genus, quod res ipsas ex auctoribus interdum exprimit, non respuemus, sed ad prioris imitationis rationem textu, forma, dictione, ceterisque artis subsidiis quam proxime revocabimus <sup>5)</sup>. Qua in re cavendum tamen, ne, dum melius aliquid conamur, ruamus in peius: quod saepe accidit Lucano et Senecae.

Quae rerum imitatio probanda?

Critices intemperantia.

Sunt qui varios imitandi modos aliter tradunt <sup>6)</sup>. Sed illa vix ad exercitium stili pueros iuvant: atque hac ipsa in re minuta quaeque praecepta obsunt potius quam prosunt discipulis: adiuvant enim excogitandi libertatem, et ingenium quibusdam veluti catenis cocercent. Audeant aliquid suo Marte etiam adolescentes, quod postea magistri iudicio temperent vel corrigant:

Aliae imitationis rationes.

1) Aen. VI. v. 293. Inf. III. v. 76.—2) Aen. II. 203. Inf. XXV. v. 49.—3) Aen. III. 22. Inf. XIII. v. 16.—4) V. Pallav. Stile, cap. XI. e segg. Gherardini, P. I. c. 4. — 5) V. Caussini, lib. III. c. IX. et seqq.—6) V. De Colonia, Elem. Rhet. De Imitat.

*Par est enim, inquit Tullius, omnes omnia experiri, qui res magnas et magno opere expetendas concupiverunt* <sup>1)</sup>.

Quid de imitatione Fabius?

Ego, ut de auctorum imitatione certum aliquid teneatur, Fabii praecepta ante oculos haberi velim: imitationem utilem esse ac necessariam; sed ante omnia per se ipsam non sufficere; quia pigri est ingenii contentum esse alienis inventis. Turpe etiam illud, satis habere id consequi, quod imiteris: nihil enim crescit sola imitatione; cum tamen in iis quoque, qui maximi habentur, nemo est, in quo nihil aut desideretur aut reprehendatur. Etiam qui summa non appetunt, contendere potius, quam sequi debent: necesse est enim semper sit posterior qui sequitur. Adde quod plerumque facilius est plus facere, quam idem: adde quod quidquid alteri simile est, necesse est minus sit eo, quod imitatur: adde quod ea, quae in auctore maxima sunt, imitabilia non sunt, ut ingenium, inventio, vis, facilitas, et quidquid arte non traditur. Exactissimo igitur iudicio examinanda sunt omnia: ac primum quos imitemur; deinde in ipsis, quos elegerimus, quid sit imitatione dignum: tandem quatenus imitari liceat <sup>2)</sup>.

1) Orat. I.—2) V. Quint. Instit. Lib. X. c. 2.

## PARTITIO ALTERA

### De Scriptis Didascaliciis

Nemo profecto mirabitur nos non a re oratoria, ut plerique solent, sed a didascalica dicendi praecepta aggredi. Hominis enim facultatum ordinem secuti, scribendi genera, quae ad mentem pertinent, primum complectimur. Quamquam vero oratoria eloquentia ceteris dicendi generibus gravitate et dignitate longe praestat; plurimi tamen facienda sunt etiam reliqua genera, quae magna hominum utilitate et familiari vel frequenti usu celebrantur. Cuiusmodi sunt praecipue scripta didascalica, quae ad mentem cognitione augeendam propriis regulis principiisque certaue methodo scribuntur. Nec solum artes omnes scientiaeque; sed descripta professionis aut muneris iudicia vel sententiae, multa forensis, plura etiam sacrae eloquentiae capita, penne omnes academicae lucubrationes, et infinitae rerum eruditiones, aut tractationes hoc uno dicendi caractere efferuntur. Quorum rerum oratio, ut concinne ut diserte ut ornate ut graviter, prout cuiusque rei natura postulat, feratur, ab ea eloquentiae partitione, de qua iam egimus, fere omnia mutuatur. Nec nimis audiendus est Antonius, cum apud Tullium disputat, oratoris esse proprium diserte dicere, idque si quis in alia arte faciat, assumpto alicunde uti bono, non proprio nec suo <sup>1)</sup>. Ut ut enim hoc verum sit, oratoriae facultatis praecepta, in quibus veteres fere solum sunt versati, ad artes quaslibet scientiasque posse accommodari; propriae tamen ad hanc rem explicandae sunt leges. Quare primum generatim aliquid, deinde etiam singillatim de scriptis didascalicis dicemus. Quoniam vero epistolae cum ad docendi formam usurpantur, tum maxime ob certam stili similitudinem ad scripta didascalica proxime accedunt, de epistolis etiam in hac partitione institutum est agere.

Praeceptorum hac in re necessitas.

Quae hoc genere continentur?

Non sufficiunt praecepta generalia.

1) Cic. II Orat. IX.

## CAPUT I.

## DE RE DIDASCALICA GENERATIM

Illic perti-  
nent artes et  
scientiae.

Rhetoris of-  
ficio his in  
rebus.

Ea sunt praecipue scripta didascalica, quae ad artes aut scientias vel per certa praecepta vel per causarum cognitionem ad-  
discendas exarantur: ut grammatica, ut rhetorica, ut poetica,  
philosophia, theologia universa, civiles facultates, omnesque  
urbanorum rusticorumque hominum disciplinae. Quare de his  
omnibus rebus praecepta tradere alienum a re nostra videri de-  
bet: singulae enim artes scientiaeque certas habent leges, et  
propria principia, quae a rei cuiusque natura ducuntur, nec di-  
serte explicari possunt, nisi ab iis, qui easdem artes vel scien-  
tias profitentur. Sed in qualibet arte aut scientia, licet una  
sit rerum materies et ad proprios auctores spectet; duplex  
nihilominus est forma: alia certis artis scientiaeque legibus  
temperatur: alia communibus scribendi regulis subiicitur.  
Item modus docendi seu stili ratio partim ex ipsis disciplinis,  
partim ex universa dicendi arte praesertim existit. Quare ad ip-  
sas artes et scientias Rhetoris officium extenditur: nam quicum-  
que alios instruere curat, rerum delectu, ordine, methodo et  
accommodo dicendi genere attentos animos detinere et suaviter  
informare debet: quod in bene dicendi facultate continetur. Hac  
in re totus est aureus de stilo tractatus Sfortiae Pallavicini, qui  
contra adfectatam quarundam scholarum barbariem strenue  
pugnabit a). Nos itaque de docendi arte tum formam seu dispo-  
sitionem, quantum ad nos attinet, universim attingemus, tum  
stili rationem. Sed primum de materia ipsa, quae a forma et  
stilo nequit omnino separari, pauca saltem libabimus.

a) Lo stile era un'arte a lui cara molto, e molto studiata; e però  
nel medesimo tempo aveva condotta una bellissima operetta, che in-  
titolò *Trattato dello stile e del dialogo*: nella quale non meno da sot-  
tile filosofo, che da esperto rettorico, si propose d'insegnare quale  
forma di scrivere specialmente convenisse alle materie scientifiche:  
e dimostrolle capaci di venustà e di eleganza, ed affatto escluse la  
barbarie da lui chiamata *incivile*, che adoperavano gli scolastici. P.  
Gordani, Disc. sulla vita e sulle opere del C. Sf. Pallavicino.



## § 1.

*De materia Rei Didascalicae*

Optima rei omnis litterariae divisio a Bacone traditur <sup>1)</sup>: omni enim rerum humanarum cognitionem in tres partes ita distribuit, ut omnes artes et scientiae, quia praecipuas hominis facultates, memoriam scilicet, vim imaginandi, et mentem spectant, ad Historiam Poësim et Philosophiam commode revocari possint. Sed huiusmodi divisio, ut ut praeclara, ad rem nostram hic minus facit: commodior est ineunda. Itaque omnis humana doctrina in arte vel scientia posita est. Artes vero aut serviles sunt, ut sutrina, ut fabrica, ut argentaria, ut alia: aut liberales, ut grammatica, ut rhetorica, ut poetica, ut musica, ut pictura, ut eae omnes, quae ab ingenuis hominibus exercentur. Qua in re illud animadvertere libet: non omnes liberales dici etiam pulchriores: quinque enim proprie pulchriores habentur: Poësis scilicet, Pictura, Sculptura, Architectura, Musice. Quibus aliqui adiciunt cum chorearum tum hortos disponendi artem: in his enim quoque inest pulchritudo.

Rei litterariae divisio.

Partitio Artium.

Artes Pulchriores.

Scientiarum aliae sunt profanae, aliae sacrae. Profanae mathematici, physica, et philosophia imprimis constant: sed ex mathematici et physica existunt mechanica, hydraulica, nautica, acustica, optica, astronomia: cum ipsa physica arcto vinculo coniunguntur Botanice, Zoologia, Mineralogia, Geologia, alia: tum chemia, anatomia, medicina, chirurgia, et quae harum scientiarum sunt partes. Philosophia in Logicam, Metaphysicam, et Morum Scientiam optime dividitur: hinc autem sunt Ethice, varia iuris genera, oeconomia, politicae. Sacris scientiis continentur Theologia, Sacra Biblia, Ius Canonicum, et Historia Ecclesiastica. Sed Sacra Biblia Hermeneutica et Exegetica explicantur: Theologia vero alia est Dogmatica, alia Polemica, alia Scholastica, alia Moralis, alia Mystica. Atque haec haberi debet praecipua solum artium scientiarumque divisio: nam extant etiam cum aliae divisiones, tum alia atque alia de artibus scientiisque scripta.

Scientiae Profanae.

Scientiae Sacrae.

Iam vero qui in arte vel scientia aliqua prodenda laborat, illud primum sibi proponat, novum aliquid, idque admodum u-

Novi aliquid afferendum.

1) De dign. et augm. scient. Lib. II cap. 1.

Quid illud  
novi erit?

tile, ab ipso expectari: ad hoc itaque ingenium, vires, industriam omnem admoveat. Quare ipsam artis vel scientiae materiam, quanta est, diu multumque animo reputet, quaeratque quid sit illa, quid esse debeat, quid boni desit, quid sit in eadem minus perfectum. Enimvero omnes artes scientiaeque ut propriam materiam certumque finem iam habent; ita certis legibus, clarisque principiis iam temperantur: ex quo fit, ut difficile sit, in tanta rerum cognitione, novam artem aut disciplinam de integro proferre. Sed tamen artes atque scientiae, quaecumque sint, ut multorum hominum observatione et studio nascuntur, omniumque aetatum sunt veluti patrimonium; sic novis in dies incrementis continenter perfici possunt. Quamquam igitur plurimam artium scientiarumque materiem, tum multas leges ac rerum principia ab aliis nos mutuari oportet; plura tamen ex proprio afferre debemus. Praeterea in ipsa artis scientiaeve natura explicanda, in materie proferenda, in vestigandis causis, in consequentibus cernendis, in legibus ipsis et principiis, qua examinandis vel exponendis, qua perficiendis vel emendandis, quot adhuc diligenti et praestantis ingenii scriptori vel inveniendae vel in meliorem formam probatamque adornanda relinquuntur? Itaque si nihil aliud moliri possumus, haec saltem, quae modo diximus, nova aggrediamur artium scientiarumque argumenta. Legendi quidem sunt optimi quique in aliqua re auctores: sed omnino necesse est, ut adscita ab aliis materia, marte proprio propriisque accessionibus artes scientiasque augeamus.

Veritatis in-  
dagatio.

Ut autem officium nostrum praestemus, omnem curam in indagatione et inventione veri collocabimus. Qui enim maxime perspicit quid in re quaque verissimum sit, quique acutissime et accuratissime potest rerum rationem et videre et explicare, is artes et scientias rite excolere atque augere solet. Sed indagatione veri non solum diuturna mentis commentatione, verum naturae etiam notatione et animadversione, tum rerum usu, experientia, historia perficitur. *Quo in genere et naturali et honesto, ut cum Tullio loquar, duo vitia vitanda sunt: unum ne incognita pro cognitis habeamus, hisque temere assentiamur: quod vitium effugere qui volet (omnes autem velle debent) adhibebit ad considerandas res et tempus et diligentiam. Alterum est vitium, quod quidam nimis magnum studium multamque operam in res obscuras atque difficiles conferunt, easdemque*

Vitia in hoc  
fugienda.

*non necessarias. Quibus vitiis declinatis, quod in rebus honestis et cognitione dignis operae curaeque ponetur, id iure laudabitur: ut in astrologia C. Sulpicium audivimus: in geometria Sex. Pompeium ipsi cognovimus: multos in dialecticis, plures in iure civili*<sup>1)</sup>.

Cum magnam rerum materiem diligenti et assiduo studio comparavimus, tunc opus est delectu. Delectus vero apparebit primum in materie tractanda, quae sit viribus aequa, et communi bono idonea: valet enim hic maxime illud: *Nisi utile est quod facimus, inanis est gloria*. Erit autem materies utilis, si non solum ad artes vel scientias addiscendas faciat, sed, ut iam monuimus, vel sit nova vel novis incrementis aucta, vel certe quae elegantiori forma proposita magni momenti commoda prae se ferat. Magnus etiam delectus adhibendus est in rerum inventarum usu: ita ut cum plurima inventionis methodo excogitaverimus, ea denique solum proponamus, quae ad peculiarem cuiusque tractationis finem cum perfectius tum etiam facillius conducant. Nec vero minori utemur diligentia ut cum investigaverimus ea praecepta vel principia, quae et ab ipsa natura proficiscantur et fecundiora sint, eam adornemus methodum, qua hominum mentes maiori temporis compendio et pleniori rerum cognitione imbuantur.

Delectus triplex.

## § II.

### *De Rei Didascalicae Dispositione*

In rei didascalicae dispositione duo potissimum considerantur: ipse nimirum rerum ordo, et opportuna explicandi ratio, seu methodus. Quae duo ex ipsa artis vel scientiae, quae traditur, natura constituuntur. Ars proprie in cognitis penitusque perspectis et in unum exitum spectantibus ac nunquam fallentibus rebus seu praeceptis consistit<sup>2)</sup>. Scientia vero est rerum per causas, quibus eadem res continentur, perspicua cognitio.

Quid Scientia?

Iam vero, ad ordinem quod spectat, rerum series easdem ferre, quas oratio, habet partes, sed longe diversas. Atque in primis exordii loco erit prooemium, quod, ut ipsa vox sonat, viam ad rem totam parare debet: quare et ipsum didascalicum esse

Prooemium.

1) Cic. I. Off. VI. — 2) Cic. I. Orat. XX.

oportet, nimirum ad erudiendum utile. Veteres propterea cum ipsa tractatione proœmium coniungebant. Quod exemplum si sequi nolumus, ea saltem praefabimur, quae et ad rem sunt, et lectorum animum nobis vel potius operi nostro conciliant. Quae in re cavenda sunt communia vitia: superbe enim faciunt et sani iudicii paupertatem produnt, qui operam suam extollunt: inurbane etiam, qui ut seipsos venditent, egregios quosque auctores, quos fortasse ne legerunt quidem, inducto supercilio reprehendunt vel contemnunt. Infimorum enim hominum est inverecundo optimorum contemptu velle clarescere.

Proœmii vitia.  
Sequitur Definitionis.

Proœmium excipit rei definitio: nam cum in arte tum in scientia rei primum, de qua agitur, natura est explicanda: quod sit accurata definitione. *Omnis enim, inquit Tullius, quae a ratione suscipitur de aliqua re institutio, debet a definitione proficisci, ut intelligatur quid sit id, de quo disputetur* <sup>1)</sup>. Atque in re didascalica maior etiam cura adhibenda est, ut res quam optime definiamus. Nam ex definitione, quae rei naturam explicat, institutionis gravitas, finis, partes, leges, methodus, et alia sunt cognoscenda.

Variae definitiones.

Iam definitionum aliae verbi significationem nunc ex etymo vestigant, ut virtus est a viro; nunc ex industria determinant, ut Dei nomine primum rerum omnium principium intelligo: aliae rei ipsius naturam et proprietates explicant, ac philosophicae vel descriptivae sunt. Philosophicae rem exponunt per principia eiusdem rei naturam constituenta: principia vero aut metaphysica sunt, seu quae genere et differentia constant, ut homo est animal ratione pollens; aut physica, seu quae naturam ipsam physice conflant, ut homo est compositum quoddam corpore *organico*, ut aiunt, et anima intelligenti instructum. Descriptivae definitiones ex rei proprietatibus adiunctisque rem ipsam explicant, et a ceteris omnibus secernunt, ut: *Animal hoc providum, sagax, multiplex, acutum, memor, plenum rationis et consilii, quem vocamus hominem, praecleara quadam conditione generatum est a summo Deo* <sup>2)</sup>.

Rebus omnibus conveniunt.

Haec definitionum genera cum artibus omnibus scientiisque, tum virtutibus etiam vitiisque varie accommodantur, nec ulla res est, quae aliqua definitione circumscribi et determinari non possit: nam, ut vel de proprietatibus sciam, qualibet in re

<sup>1)</sup> Cic. I. Off. II. V. Orat. XXXIII. — <sup>2)</sup> Cic. lib. I. De Leg. VII.

semper est aliud quod generis vim, aliud quod speciei seu differentiae rationem habeat, ut in probatis iam rerum definitionibus videre est. Definitionis autem leges sunt: ut definitio re definita sit clarior; ut genere proximo et differentia ultima, vel rebus, quae generi et differentiae aequivaleant, constet; ut cum re definita mutuo converti possit; ut nihil redundans habeat, nihil desideret; ut rem, qua parte haec definitur; minime complectatur; ut brevis sit, et quae facile mente teneatur.

Definitionis  
leges.

Ex ipsa rei natura per definitionem explicata cuiusque rei tradendae finis constituitur. Finis dicitur id, cuius gratia aliquid fit: eius vero divisiones sunt primo in ultimum, proximum, et intermedium; deinde in praecipuum et secundarium; tertio in finem, qui appetitur, et finem cui appetitur; tandem in finem operis et finem operantis. Ex rei porro natura et fine cognoscitur rei ipsius utilitas et gravitas: quae duo primum in qualibet re didascalica diserte, si causa postulat, sunt explicanda.

Finis, qui est  
varius.

Cum rei natura eiusque gravitas iam clare patet, tunc rem totam in suas partes distribuemus: partes autem ipsae iterum definiendae sunt, iterum distribuendae et explicandae, donec institutio omnis absolvitur. Nam quaelibet institutio definitionibus potissimum divisionibus et explicationibus componitur, et propria forma atque unitate donatur. Ut autem divisiones optime fiant tenendum est eas non ingenii voluptate, sed necessitatis ac perspicuitatis gratia solum fieri, et ex ipsa re nasci debere: cum enim rem totam saepe uno intuitu distincte percipere ac tenere non possumus, illam in proprias partes accurate dividimus, ut mentis humanae imbecillitati, et plenae rei cognitioni consulamus. Id tanti faciebat Plato, ut in Phaedro diceret: *Si nactus fuero ducem qui recte partiri sciat, eius ego vestigia tamquam Dei cuiusdam sequar.* Divisionis regulae sunt; ut sit clara et brevis; ut membra invicem omnino separret; ut eas partes consecutetur, quae et fere aequae sint, et rem divisam totam comprehendant, expleantque.

Partium dis-  
tributio.

Eius utilitas  
et leges.

Sequitur proxima partium dispositio, sive ordo et textus cuiusque institutionis, quicum explicandi methodo una continetur. Explicandi autem methodus duplex est: aut enim a partium notitia ad totius cognitionem, et ab universis ad particularia procedimus; aut contra a singularibus ad generales notiones, et a composito ad eius partes ascendimus. Prior ratio, in qua mens rem veluti componit, dicta est synthetica: altera in qua mens

Partium dis-  
positio.

Methodus  
duplex.

resolvit, appellatur analytica. Utraque methodus utilis est ad docendum: sed quoniam analytica propria est *inventionis*, synthetica *doctrinae*, hac potissimum in docendo adhiberi solet: quamquam nemo potest ita alterutram adamare, ut aliam prorsus excludat.

Ordo partium.

Verum haec alii subtilius disputent: nos, quacumque tandem methodo utamur, si maiorem perspicuitatem rebus afferre volumus, eam partium dispositionem eligemus, in qua vel pars una ab altera nascatur, vel partes eodem, quo rem componunt aut gignunt, ordine explicentur. Nec vero semper contemnenda est illa partium distributio, in qua vel facilitatis vel dignitatis ratio habeatur. Quaecumque autem sit partium dispositio, illum perpetuo ordinem ac nexum servabimus, quo res auditorum animis et se insinuent suavius, et tenacius haereant. Ad hoc necesse etiam est tum ut res una ex altera apte neclatur, tum ut a facillioribus imprimis et generalioribus praeceptis aut principiis iam constitutis ad rem totam aperiendam firmandam atque illustrandam paulatim deveniamus.

Tractationis exitus.

Tractationem omnem claudet vel ipse rei, de qua agitur, exitus finisque; vel ad summum rerum epilogus, in quo veluti unico intuitu ea omnia, quae tradita sunt, conspiciantur. Sed solent esse speciosiores etiam clausulae, ut illa Tullii: *Habes a patre munus, Marce fili, mea quidem sententia magnum: sed perinde erit, ut acceperis. Quamquam tibi hi tres libri, inter Cratippi commentarios, tamquam hospites, erunt recipiendi. Sed ut, si ipse venissem Athenas (quod quidem esset factum, nisi me e medio cursu clara voce patria revocasset) aliquando me quoque audires, sic quoniam his voluminibus ad te profecta vox mea est, tribues his temporis quantum poteris: poteris autem, quantum voles. Cum vero intellexero, te hoc scientiae genere gaudere, tum et praesens tecum propediem (ut spero) et, dum aberis, absens loquar. Vale igitur, mi Cicero, tibi que persuade, esse quidem te mihi carissimum; sed multo fore cariorum, si talibus monumentis praeceptisque laetabere<sup>1)</sup>.*

1) Cic. III. Offic.

## § III.

*De stili ratione in re didascalica*

Τεχνικόν seu philosophicum, ut aiunt, dicendi genus nudam *Stilus in do-*  
 proponere debet veritatem, eamque certis rationibus accurate cendo.  
 confirmare: nec tamen omnem stili gratiam respuit. Non solum  
 enim maxima perspicuitate, multa facilitate, et accommoda bre-  
 vitate illud nitere oportet; sed sobria quadam urbanitate, et oc-  
 culta elegantia temperari. Non unus autem est stilus in scriptis  
 didascalicis; sed diversus pro rerum atque auditorum diversi-  
 tate. Nam alius est servilium artium stilus, alius liberalium :  
 tum alius scientiarum, alius earum rerum, quae ad morum  
 sanctitatem a viris doctrina et pietate praestantibus traduntur.

Iam vero serviles artes, non dico solum fabricam aut pistoriā, *Stilus artium*  
 sed ipsam agriculturam et pastoriciam, quae saepe ab ingenuis servilium.  
 hominibus praeceptis exponi solent, unam illam sed praecipuam  
 optime erudiendi virtutem exposcunt; ut nimirum sententiae  
 sint accuratae, verba maxime propria, dicendi modi usitatiores.  
 Nam huiusmodi artes si paullo ornatius tradantur, auctor non  
 ad instruendum sed ad delectandum potius scribere videbitur.  
 Neque enim si Hesiodo et Virgilio ob carminis naturam pluri-  
 ma ornandi gratia largimur, continuo idipsum in pedestri ar-  
 tium oratione probabitur; cum in ipsis liberalibus artibus scien-  
 tiisque ut foeda quorundam negligentia est culpanda, sic re-  
 prehendenda etiam aliorum affectatio, et turgidive nimium or-  
 nati stili genus <sup>1)</sup>).

Sed artes liberales seu politiores, ut grammatica, ut rhetori- *Stilus artium*  
 ca, ut poetica, ut musica, ut pictura, ut cetera, duplici ratione liberalium.  
 tradi possunt: vel ut adolescentibus in scholis explicentur a ma-  
 gistro; vel ut a provectoribus viris publice aut privatim legan-  
 tur. Quae in scholis a magistro sunt explicandae, concisum po-  
 tius stilum postulant: ut et a discipulis, quorum ingenium ac-  
 cuant, facilius retineantur, et magistris ipsis longe lateque res  
 exponendi occasionem praebeant. Itaque haec scripta, praeter  
 breve aliquod exemplum aut similitudinem, omnem ornatum  
 respuunt, verborum proprietate et ingenuo quodam dicendi ni-

1) V. B. Puoti, *Arte di scrivere in prosa*, vol. III. Prol. § IV.

Quae figurae  
et ornamenta?

tore contenta. Sed si legenda aut audienda tantum proponantur, tum elegantiores etiam stilum admittunt, communes et tenuiores metaphoras usurpant, ornantur figuris, quae rerum veritati respondere possint, neque semper reiiciunt amplificationem, quae sit omnino gravis solum rei affirmatio. Quin et graphicae quaedam descriptiones et appositae in loco digressiones lectorum vel auditorum animos allicere ac erigere solent. Praecipua vero in docendi genere ornamenta, quae et delectationem afferrant, et utilitatem, sunt varia ex historiis deprompta exempla, aptae similitudines, et solertes peculiari rerum, quae traduntur, usus explicationes. Haec enim cum tractationem grata quadam varietate distinguunt, tum et mentem recreant et saepe ipsis demonstrationibus sunt potiora. loci etiam et facetiae solent usurpari: sed tenendum imprimis quid deceat.

Scientiarum  
stilus.

De scientiarum stilo facienda est eadem distinctio, quam in politioribus et ingenuis artibus nuper proposuimus, atque sua cuique parti stili ratio tribuenda: nimirum ut quae in scholis sunt praelegenda perspicue et proprie sed breviter; quae vero sunt versanda privatim, diserte etiam et, quantum deceat, ornate scribantur. Hoc unum alteri membro adiungendum videtur; ut in politioribus artibus venustas, in scientiis gravitas praesertim eluceat. Quae gravitas et temperatum stili cultum et verborum proprietatem ac urbanos et civiles dicendi modos maxime admittit. Neque enim adhuc sunt ea tempora, quibus stili negligentia et verborum barbaries adfectabantur. Nam putabant aliqui graviores disciplinas stili cultu vilesce-re! quod quam falsum sit, nemo est qui non videat. Multa et praeclara de hac re scribit Pallavicinus, qui legendus est. <sup>1)</sup> Ego brevius Heineccii sententiam nunc recitabo: *Cave ergo existimes, docentium esse, stilo sicco et barbaro uti. Non magis hic character docentes decet, quam philosophum pallium et pera Diogenis. Non unguenta redolent viri sapientes, sed nec sordes amant. Non ferendi ergo in tanta litterarum luce, qui in theologicis vel philosophicis doctrinis tradendis, Latinae linguae puritate atque elegantia omnino neglecta, barbaro atque exotico stilo utuntur. Docuerunt sane quamplurimi nostrorum temporum posse de rebus etiam theologicis puro ac terso orationis genere disseri. Feliciter idem iuris prudentiam tentarunt Cuiaci, Bris-*

Heineccii  
sententia.

1) V. Trat. dello Stile o dialogo. cap. XXVI e segg.



sonii, Hotomani, qui Ulpianum et Papinianum, quam Iasonem vel Accurtium maluerunt imitari. Medicos Celsus purius scribere docuit, philosophiam pene innumeri elegantissime pertractarunt. Quis ergo hodie in tanta litterarum luce umbratiles doctores imitaretur, et fruge reperta, glandibus vesci mallet? <sup>1)</sup>

Multa praecipi solent de usu metaphorarum in scientiis tradendis vel pertractandis. Nos tamen tria haec potissimum servabimus: ut, cum rerum naturam et proprietates explicabimus, omnia quam maxime proprie efferamus: accuratae enim rerum intelligentiae saepe ob similitudinem nocere potest metaphora. Cum ceteras tractationis partes exponemus, nulli nobis erit religioni metaphoras temperate adhibere, imo ipsas figuras, quae solum mentem acuunt: nam, ubi prius rerum natura perspicue est constituta, nullum fere est errandi periculum. Cum vero de scientiis, quae mores spectant, agitur, vel religiosae civilesque sunt, metaphorarum figurarumque plusculum indulgebimus ornamentis: nam in moribus et in rebus religiosis aut civilibus cum ipsa verba maxime accommoda ex metaphoris saepe ducuntur, tum rebus sensilibus sunt erudiendi et retinendi animi.

Optima docendi ratione inter Graecos praestiterunt Xenophon, Auctores optimi. Plato, Aristoteles, Theophrastus: tum Plutarchus, Epictetus, Longinus. Ex Latinis laudantur maxime Tullius, Vitruvius, Celsus, Columella, Plinius, Seneca, Quintilianus: sed Tullius, si libros de Officiis et Topica ad Trebatium ac oratorias partitiones excipias, oratoriis modis nimis fortasse indulget: Seneca autem adfectione, obscuritate, plurimisque suorum temporum vitiis laborat: Plinius ipse nec puro stilo nec nativa et minime turgida dicendi ratione semper commendatur. De vulgari eloquentia in re didascalica, ne alios sine certo doctiorum iudicio commemorem, <sup>2)</sup> optime meriti sunt Bembo, et Casa: sed probantur Galilaeus, Pallavicinus, Reditus, Magalotti, Algarotti, Bonafede, tum Tiraboschi et Spallanzani: Segnerius vero in scriptis etiam didascalicis, sapientorum iudicio, nulli est secundus.

Quae ad morum religionisque informationem pertinent, dum pure proprie et emendate scribantur, indita rerum gravitate se

Morum ac religionis libri.

1) Fund. St. P. I. c. 2. n. LVI.

2) V. Ranalli, Amm. lib. I. c. 2. n. 13. e segg.

Eorumdem  
ornamenta

ipsa commendant: a stili luxu maxime abhorrent, quippe quae naturali pulchritudine, virtutis propria, adornantur: elegantiae studium, nedum adfectionem, omnino aversantur. Qui enim res huiusmodi graviter et decore tractant, unice student, ut rerum ipsarum utilitate et dignitate hominum animis se insinuent, intimosque cordium recessus penetrent: quod non fit nisi quaedam caelitus infusa sapientia, qua illi informantur, qui doctrina simul et pietate praestant. Verum quemadmodum non sunt quaerendi stili flores, sic non contemnendi nativi illi colores, quibus virtus aut vitium describuntur; ut unius amor, alterius odium animis penitus insideant. Figurae autem, metaphorae ac venustiores dicendi rationes tantum adhibeantur, quantum pietatis et virtutis affectum non restinguant, sed inflamment. Nam si hunc affectum libri huiusmodi excitent, omnes rhetoricae flosculos aspernabimur: meliora enim sunt poma aurea in vimineis canistris, quam in vasis aureis poma marcescentia; atque in horto arbor pulchris frondibus vidua sed onusta fructibus pulchrior est, quam arbor ornata foliis sed vacua pomis.

Scriptores  
probabiles.

Infiniti sunt harum rerum scriptores; quorum plerique divina prorsus doctrina, multi probabili etiam dicendi genere celebrantur. Graeci profecto multo lepore et gratia scribunt: nimis vero delicati sunt, qui nedum sequioris aevi scriptores, sed Hieronymi, Cypriani, Ambrosii, Augustini, Leonis et Gregorii stilum omnino fastidiunt. In vulgari idiomate scriptores seculi XIV optima ad rem lingua praestant, sed saepe carent methodo, et iusto stilo: multo postea Pallavicinus arte et elegantia scripsit, sed teneram illam virtutis ac pietatis dulcedinem non fovet: Bartolus nimia eruditione et superfluis verborum ornamentis sua opuscula obcaecat: castigatior est Mariani, sed fortasse nimis gravis. Segnerius itaque hac etiam in re principatum sibi vindicat: sed eius etiam stilus magis adhuc temperandus cum aurea seculi XIV simplicitate: tunc enim et teneri quoque affectus magis vigeant, et minus patebit certa quaedam dicendi severitas: praeterea profanae eruditionis parcius usus esse debet, ac divina oracula nec frequentanda, praesertim latine, nec nimis urgenda, ut interdum in *Manna*.

## CAPUT II.

## DE RE DIDASCALICA SINGILLATIM

Qui docendi munus suscipiant, id una e tribus ratione face- Docendi for-  
 re solent: vel enim absentes familiari modo alloquuntur; vel mae tres.  
 quasi praesentes graviori aliquanto sermone instruunt: vel tan-  
 dem certas personas de aliqua re interrogantes ac disputantes  
 inducunt. Quare iure merito triplicem docendi formam quidam  
 constituerunt: Epistolam nimirum, Tractationem, et Dialogum. Dialogus.  
 Enimvero dialogo primum traditae sunt praeclariores quaeque  
 doctrinae: quam formam in Graecis Plato, in Latinis Tullius  
 maxime dilexerunt: imo optimi italicae linguae auctores, sa-  
 pientiaque praestantes, ut Galilaeus, ut Pallavicinus, ut Tor-  
 quatus, Speronius, aliique dialogo sunt delectati. Aristoteles, Tractatio.  
 quamquam ex Platonis schola profectus, quod in rerum om-  
 nium scientia faciliori methodo plurimum studeret, tractatio-  
 nem inexit: quae deinde a sapientioribus quoque viris adhibi-  
 ta saepius est, atque hodie fere sola obtinet. Epistola vero etsi Epistola  
 eruditis iam viris solum videtur accommoda, plures tamen dia-  
 logi et tractationis proprietates complectitur, et ab egregiis  
 scriptoribus ad docendum serius quidem, sed praeclare est u-  
 surpata. Verum de Epistolis, uti diximus, mox agemus: hic de  
 Dialogo primum, deinde de Tractatione, tertio de quibusdam  
 scriptis, quae cum tractatione congruunt, sermo erit.

## § I.

*De Dialogo*

Dialogus est fictum inter viros, praesertim celebriores, collo- Quid dialo-  
 quium, quo vel variae de materia quadam dubia sententiae ex- gus?  
 penduntur, vel res quaelibet, ut alacrius ornatiusque describa-  
 tur, scena quadam exponitur. Dicitur autem dialogus a re, de Dividitur a re-  
 qua agit, Physicus, Philosophicus, Politicus, Moralis, alius: a et forma.  
 dicendi vero forma seu ratione Historicus et Comicus. Ille quid  
 inter personas actum sit historice narrat, ut sunt Ciceronis dia-  
 logi De Oratore, De Finibus, De Divinatione, aliique: alter sine

scriptoris narratione sermones personarum directa oratione proponit, cuiusmodi sunt dialogi Platonis et Luciani <sup>1)</sup>).

Utilitas dialogi controversa.

Fuerunt nonnulli, recentioribus praesertim temporibus, qui dialogum ad res tradendas minus aptum existimarent a). Contrariam sententiam amplexus Pallavicinus, illam multis argumentis confirmaverat <sup>2)</sup>. Enimvero vel sola admirabilis illa dicendi pulchritudo, quae in Platonis et Tullii dialogis emicat, non modo ad legendos sed ad scribendos etiam dialogos nos al-

Quid sentientium?

licere deberet. Sed tamen dividenda sententia est: ut dialogus, si vere dialogus est, in subtilioribus quibusdam rebus, quae maxima unitate et perspicuitate vigere debent, atque in adolescentium institutionibus non semper opportunus videatur: cum autem pro doctioribus viris scribitur, et alliciendi ac sublevandi sunt homines, ut ad rem cognoscendam alacriter appellant animum, tum dialogus, qui multa variaque admittit ornamenta, et ipsa actorum contentione plurimum lectores excitat, non solum probetur, sed ceteris etiam dicendi generibus anteponatur.

Partes dialogi historici.

Dialogi historici partes sunt: primo *Παρασκευή*, seu exordium, complectens tum prologum, qui ab ipsa re vel ab adiunctis loci temporis et personarum duci potest, tum narrationem quae viam aperit ad colloquium, et, quae fuerit sermocinandi occasio, significat. Deinde sequetur *Ἀγών*, seu tractatio, quae ipsum colloquium exponit. Qua in re variae de quaestione sententiae inter personas colloquentes sunt distribuendae, et primae partes ei plerumque deferendae, qui opinionem vel vulgarem vel paullo absurdiorum defendit: tum alter respondet, qui prioris argumenta partim probans, partim refellens, quid sibi videatur, proponit. Idem faciant reliquae personae, si plures sint: solent enim vel confirmare vel dividere et explicare sententiam. Potest autem accedere veluti arbitrer, qui totam litem componat. Tandem *Ἐπίλογος*, qui ut plurimum brevissimus

1) V. Cic. *De Amic.* prooem. — 2) V. Pallav. *Trat. dello stile e dialogo* cap. XXX e segg.

a) Ora i dialoghi, quando sembrava che onorati da sì nobili penne francesi ed italiano dovessero prender più voga, pare al contrario che siano caduti di moda, e sono appena adoperati da' moderni scrittori, nè molto stimati da' critici i quali credono che la forma dialogistica possa più pregiudicare alla precisione ed alla rapidità del didascalico discorso, che giovare alla chiarezza ed amenità. *Andres*, *Orig. e Progr.* tom. III. p. I. c. IV.

est, vel solum quomodo absolutum fuerit colloquium dicit, vel quid rei consecutum sit indieat: quare aut aliquid, quod revere acciderit, est narrandum, aut verisimile quidpiam fingendum.

In dialogo comico partes sunt eadem, quae in dialogo historico. Sed tamen, quoniam non narratur historiae quid inter se sermocinati sint amici, verum, ut comici solent, ipsi aetores loquentes inducuntur; *Παροισι* nec prologum nec narrationem complectitur: solum enim ipsum ostendit sermonis initium et oratione directa prodit quo ordine colloquentes in sermonem incederint.

Universim autem in dialogis haec potissimum eurabimus: ut personae, si verae sint, eadem aetate vivant, aut melius vixerint, et verisimile sit sermonem illum habuisse: ut eadem personae vario sint charactere, quem singulae eustodiant, variisque sentiis: ut licet una persona primas obtineat, reliquae tamen ingenio et doctrina polleant, nec sint solum approbatores, sed vere oppositores aetoresque a). Quibus ex rebus fiet, ut ex praeclariorum hominum exemplo ad doctrinam et virtutem vehementius incitentur animi, dialogus ornatu, adfectibus,

Partes dialogi comici.

Dialogorum dotes.

a) Un dialogo sopra qualche soggetto filosofico, morale o critico, ove sia ben condotto, occupa fra le opere di gusto un luogo eminente; ma il bene eseguirlo è assai più difficile di quel che si possa immaginare. Imperocchè non ha già ad essere una semplice introduzione di più persone che parlino a vicenda. Vuole essere la rappresentazione animata d'una real conversazione: offrir deve i caratteri e le maniere di diversi interlocutori, e secondo i caratteri di ciascuno mostrare quella particolarità di pensieri e d'espressioni che distinguono l'uno dall'altro. Un dialogo così condotto dà al lettore un piacevolissimo trattenimento; poichè per mezzo de' dibattimenti che nascono fra i personaggi che parlano, egli prende una chiara e piena cognizione delle ragioni dell'una e dell'altra parte, nel tempo stesso che è diletto da una gentil conversazione, e dalla rappresentanza di bene espressi e ben sostenuti caratteri. Un autore che abbia l'abilità di bene eseguire un sì fatto componimento, ha in poter suo l'istruire insieme o il diletto. Ma la maggior parte de' moderni scrittori di dialoghi non hanno di tali componimenti la giusta idea; e preso di loro, tranne l'esteriore forma di conversazione, è che uno propone, e l'altro risponde: nel rimanente è lo stesso come se l'autore tutto dicesse in persona propria. Egli introduce una persona A, e una persona B, che dopo gli usati reciproci convenevoli, e dopo...  
*Ugo Blair, Vol. II. p. II. lez. XII.*

et amplificatione saepe erigatur, ac magna lectorum delectatione immensae varietatis segeti pateat locus.

Dialogorum  
stilus

Dialogorum stilus supra communem docendi rationem extollitur. Huiusmodi enim scriptionum forma familiares amicorum sermones imitatur: omnes autem imitationis artes perfectius res exprimere conantur. Praeterea personarum, quae loquentes inducuntur, ratio habenda est: quare, licet huius generis stilus sit plerumque tenuis, ut in Luciano et Xenophonte; potest nonnunquam medioeris esse, ut in Platone et Tullio. Immo res ipsae, quae aguntur, interdum postulant, ut stilus ad quamdam dignitatem et gravitatem assurgere debeat. Dotes vero huius naturae orationis hae sunt; ut cum eloquentium amor et modestia tum rerum veritas et virtutis studium eluceat. Ad haec, requiritur magna locorum copia, opportunus urbanitatis lepor, et ingenua quaedam colloquendi festivitas <sup>1)</sup>.

Dialogorum  
auctores.

Celebrantur ob dialogos Xenophon, Aeschines, Plato, Lucianus inter Graecos: inter Latinos eminet Tullius et Auctor de Causis corruptae eloquentiae. In vulgari autem idiomate laudantur maxime ob elegantiam Angelus Pandolfini, Balthassar Castiglione, Ioannes B. Celli, Benedictus Varchi: ob sapientiam etiam Galilaeus Galilei, Torquatus Tasso, Sfortia Pallavicino a). Franciscus M. Zanotti, Franciscus item Algarotti, tum Gaspar etiam Gozzi, Vincentius Monti, atque Antonius Cesari et Bresciani alius alia re multum commendantur.

## § II.

### *De Tractatione*

Quid tractatio?

Tractationum nomine significamus volumina illa, quae apta materiae dispositione et in libros, capita ac paragraphos divi-

1) V. Heinecc. Eund. St. cul. Par. II. c. IV.

a) Voleva trattare ampiamente e profondamente tutta la sapienza morale: e ne gittò le fondamenta ne' quattro libri che in lingua italiana scrisse Del Bene, in forma di dialoghi, sottilissimamente investigando quale sia il vero Bene della natura umana: e quelle sottigliezze veramente finissime, e spesso fuggevoli ad intelletti non assuefatti, seppe incorporarle e adornamente vestirle con eleganza e rudita e molto dilettevole di stile... E ne' dialoghi del Bene fece con vivo esempio vedere di quanta grazia e amabilità possa un valente scrittore abbellire anche le questioni più aspre. P. Giordani, loc. cit.

sione de re quapiam docendi causa scribuntur. Huius generis volumina a re ipsa, in qua versantur, sortiuntur titulos; ut a mathesi, a physica, a philosophia, a morum scientia, a theologia, a politica, a rethorica, a poetica, ab aliqua liberalium aut mechanicarum artium. Praecipua vero tractationum divisio sic habet; ut aliae de scientia aut arte aliqua, cognitionis tantum gratia, apposite disserant: aliae autem de ratione solum cum ipsas scientiarum artiumque tractationes tum omnis generis descriptiones apte componendi disputent. De prioris naturae tractationibus, praeter ea quae superiori capite generatim attingimus, nihil hic attinet singillatim dicere. Cum enim proprius rerum delectus, ordo, et methodus ab ipsa scientiae aut artis natura pendeat, illi haec constituere debent, qui artes ipsas et disciplinas primo profitentur: theologi nimirum, philosophi, iurisperiti, politici, mathematici, physici, medici, musici, architecti, pictores, sculptores, singuli tandem cuiusque artis vel scientiae periti.

Tractationum divisio.

Quae res ipsae tradunt

Quae rectam omnium generum lucubrationes scribendi rationem tradunt, haec sunt: Grammatica, Rhetorica, Poetica. Grammatica emendate, pure et proprie loquendi leges praescribit: Rhetorica, latius accepta, prorsa oratione apposite ad quodlibet dicendi genus utendi doctrinam suppeditat: qua auditores delectando instruendo movendo id, quod nobis propositum est, efficacius assequamur. In hoc ipso est Poetica, quae versa oratione et propriis viis artibusque ad aliquid obtinendum contendit. Iam vero cum Grammatica, tum Rhetorica et Poetica praeceptis, exemplis, et methodo maxime continentur.

Quae rectam scribendi rationem.

Praecepta ex ipsis exemplis, quae perfecta habentur, sunt ducenda: quare cum huiusmodi exempla optimi cuiusque iudicii iam sint probata, nihil fere novi in artium principiis conari adhuc datur: nisi forte quis adeo se diligit, ut plus, quam Aristoteles, Longinus, Dionysius, Tullius, Horatius, Fabius, Bembo, Torquatus, Pallavicinus, alique praestantis ingenii viri, se videre existimet. Duo nihilominus ad ipsa praecepta exponenda afferre possumus: certior scilicet legum rationem; et ad nostra tempora aptiorem earundem usum. Certior ratio novis exemplis et optimis argumentis constare debet: sed in argumentis cavebimus, ne temere in philosophiam pedem inferamus.

Vigent praeceptis: horum ratio.

Aptior vero legum usus in hoc erit; ut, quoniam temporum Legum usus.

tractu, et continua opinionum in philosophia perversitate artes ipsae, quae ex philosophia plurimum pendent, in deterius solent ruere, ii, qui operae pretium facere student, nitantur sanum in re litteraria hominum iudicium servare, corrigere vitiosum. Id autem plerumque assequemur ipsis veterum principiis: ad quae artes, si forte alio deflectunt, diligenter revocabimus. Quae in re nostrum aetate praeclare meriti sunt Gozzi, Parini, Costa, Cesari, Perticari, Colombo, Puoti, Fornaciari, Paria, Ranalli, aliique. Qui omnes novis morbis antiquis medicinis remedia fecerunt. Nec vero omnia statim sunt repudianda: tum sive respiciamus aliquid, sive admittimus, non partium studio, sed veritatis causa id fieri debet.

Exempla: horum delectus.

Exempla alia sunt veterum, alia recentiorum. Quae veterum sunt caeco quodam studio solent interdum admitti: nos iudicium adhibebimus: sunt enim multa optima, quaedam quae meliora fieri possunt, non pauca etiam vitiosa. Itaque nos, quae praeclara sunt deligemus, ac cum ubi sit virtus indicaverimus, vitium quoque interdum significabimus; ut quae melior sit scribendi ratio, assequamur. Sunt qui omnia nova contemnunt: hi, sive rerum ignorance sive auctorum invidia id faciant, nihil ab artium studio iam expectant, et naturam ipsam iamdiu effeta existimant. Quod quam inurbanum, quam stultum, quam falsum sit, nemo est qui non intelligat. Castiganda quidem hodie est hominum quorundam superbia, qui nimium se posse arbitrantur; sed ad aliud extremum non est accedendum. Nos igitur, ubi res postulat, recentiorum etiam exempla probabimus, sed caute: facile enim est ut a rerum novitate decipiamur: adolescentibus autem proponenda sunt quae habentur certa et praeclarissima. Id quoque cavendum, ne dum de oratione loquamur, carmina in exemplum sine iudicio afferamus: quod plerique inconsulto factitarunt.

Omnia nova non contemnenda

Methodus, quae constat.

Verum etiam si in praeceptis atque exemplis componendis ac confirmandis nihil novi possemus, plurimum tamen semper esset in methodo vestigandum. Methodus autem hic est propria cuiusque auctoris rem tractandi ratio seu forma: quae partium dispositione, praeceptorum iudicio, exemplorum delectu, et certo stili caractere continetur. De partium dispositione satis multa superiori capite diximus: unum tantum hic rursus monemus, ut ordo maxime eluceat, et rerum series facillime teneatur. Praeceptorum vero iudicium in hoc praecipue erit, ut non so-

Partium dispositione.

Praecepto-



lum certiora sint, verum etiam utiliora: utiliora autem habentur, rum iudicio.  
 quae maxime sunt generalia. Ea enim cum ad plures res facile  
 traduci possunt, tum ingenii vires explicant, atque minutulas  
 illas regulas exterminant, quibus multa temporis iactura, et im-  
 plexa mentis defatigatione adolescentium animi veluti pedicis  
 constringuntur. Curandum etiam ne praeceptorum loco excep-  
 tiones ponantur: quod in vitium incidunt illi, qui non reputant,  
 in ipsis probatissimis scriptoribus plurima esse, quae commu-  
 nes regulas praetergrediuntur: quare non omnia uti leges habe-  
 ri possunt. Imo, quantum fieri potest, exceptiones sunt praeter-  
 mittendae, ne iuvenum mentes confundere, et ipsa praecepta de-  
 struere videamur.

Delectus exemplorum postulat, ut non modo ex optimis au- Exemplorum  
 ctoribus petantur, sed ad leges confirmandas maxime valeant. delectu.

Id fit, si et praecepta perspicue confirment, et illustriora ceteris  
 sint exempla. Praeterea exempla longiora identidem velim, cre-  
 briora neququam; ne ipsa exemplorum copia praecepta obruat.  
 Stili denique character perspicuitatem, proprietatem, puritatem Cetero stilo.  
 desiderat, et tenuitate ac simplicitate commendatur. Maxime au-  
 tem diligentia adhibenda est, ut pure et emendate scribamur:  
 nam ipsae institutiones saepe litterarum sunt corruptelae. Qua in  
 re, ne aliorum incurramus offensionem, satis est meminisse No-  
 vae methodi Claudii Lancellotti, quam Portus Regalis Gramma-  
 ticam vulgus appellat. Nonne absurda illa, et incondita carmi-  
 na, ut cetera mittam, omne aurium iudicium a teneris in pueris  
 restinguunt <sup>1)</sup>?

Iam cum tot et tanta observanda sint in methodo, quis non in- Ex novis in-  
 telligit multa in his rebus quotidie renovari posse? Semper e- stitutionibus  
 nim methodus aliqua inveniri aut componi potest, quae cum ce- commoda.  
 teris sit faciliior et iuvenibus magis profutura, maiori etiam tem-  
 poris compendio disciplinas tradat. Nolim quidem alias atque  
 alias eiusdem rei tractationes in dies proferri, ne aut ingenia re-  
 gularum mole deprimantur, aut hominum vita in legendis scri-  
 bendisque praeceptis teratur: sed certe multae, modo praecla-  
 rae, scribendae essent; ut melioribus saltem fieret aditus tum  
 ad gymnasia tum ad privatas quasdam publicasque scholas: in  
 quibus novae institutiones aut ignorantur, aut contemnantur.

1) V. Hier. Lagomarsini Orat. II. pro Gramm. Italiae scholis.

## § III.

*De aliis scriptis didascalicis*

Historia litteraria.

Quae primum ad docendi genus etiam spectat, litterarum atque artium historia est. Haec enim quamvis multa ad civilem historiam pertinentia complectitur; id tamen proprie sibi assumit, ut de artis ingeniique operibus iudicet: quod certe docendi munere continetur. Age, litterarum artiumque historia ita dividi potest, ut alia cum studiorum ac disciplinarum originem causas et progressionem, tum etiam scriptorum vel auctorum vitam, et operum relationem atque criticam persequatur: alia certis quibusdam temporum periodis breviter definita et parum vel nihil omnino de scriptorum et artificum vita sollicita, eorum tantum opera respiciat, et optimis ac probatis artis vel scientiae legibus examinet. Prima politicae historiae, ex qua etiam multa praecepta mutuatur, pars haberi potest; sed tamen, proprio fine constituto, amplioribus terminis vagatur, et in rebus, quae litterariae aut *τεχνικαί* sunt, diiudicandis opus absolvit suum: quare eruditorum solum hominum ingenio maxime videtur accommodata. Altera in operum stilo et rerum perfectione existimandis consistit potissimum, si finem suum attingit: haec enim tantum adolescentes, in quorum bonum scribi debet, plurimum iuvant. Verum admittere etiam deberet varias studendi rationes, quibus viri egregii ad litterarum artiumve gloriam pervererunt: quod quidem, si sobrie fiat, caput est, ut putb, in hac re; sed fere ab omnibus praetermissum.

Communes utriusque dotes.

Quidquid autem erit institutum, quae de auctorum vita et temporum historia traduntur, ea esse debent, quae ex certa cuiusque vivendi ratione, ex rerum publicarum ingenio et vicibus, ex locorum opportunitate manifestent quid praecipue ad artes scientiasque colendas augendasque conferat. Cum vero proprium huiusmodi historiae officium sit de ipsis operibus rectum iudicium proferre, in hoc potissimum scriptoris prudentia appareat: nam huius generis iudicia saepe artium scientiarumque leges ac normae habentur. Quare illi artium et scientiarum historiam conscribere deberent, qui praeclare in iisdem sint versati: quod cum plerumque fieri nequit, necesse omnino est, ut saltem iudicia a peritissimis in re qualibet viris petan-

Qui scribere deberent?

tur. Quo in genere illi praestant, qui non a proprio cuiusque aetatis gustu, sed certis et nunquam fallentibus pulchritudinis legibus res quaslibet iudicant. Huius iudicii defectu, ex temporum vel personarum conditione orto, praeclari quique etiam peccant, ut Tiraboschius Interdum et Andresius: multo magis alii, qui minus excellunt.

Ex quo Academiae percubuerunt, quod oratoriae eloquentiae in foro defuit, academicis orationibus accessit. Sed huiusmodi orationes, quia fere solum in re didascalica versantur, huc pertinent, et sermonum, dissertationum, ellogiorum, ac lectionum forma praesertim exarantur. Quarum scriptionum finis non est vaga solum alicuius veritatis cognitio, multo minus canorae verborum nugae; sed singularis cuiusdam doctrinae explicatio, quae ex temporum personarum ac locorum ratione ad commune aliquod bonum traducatur. Difficile est sermonum et dissertationum discrimen certo definire: nam dissertationis hoc solum proprium ac perpetuum est, ut de re multum controversa vel in dubium revocata, tam de eruditione potissimum habeatur. Ceterum tam sermo, quam dissertatio ad hoc contendunt, ut civilis aut litterarii emolumenti gratia verum aliquod explicant, confirment, illustrent. Ipsa tamen controversiae forma et stili ratio, tum ingenii acumine cum orationis copia dissertationis naturam constituit et a sermone satis distinguit: qui arte et concinnitate praecellit.

Orationes Academicae.

Sermo et Dissertatio.

Ellogia ad laudationis genus proprie pertinent, atque illinc sua argumenta ducunt: differunt tamen a panegyri, quod in hac illustriores et optimi quique viri multa oratoriae artis facultate celebrantur; in ellogiis minores etiam homines laudantur, et simpliciori artificio ducitur oratio. Quare in panegyri, quae nunc fere solum de sanctorum caelitibus habetur, praeclariora vitae facta ad certam insignemque propositionem confirmandam recensentur: in ellogiis vita ipsa, qua est illustrior, constitutis quibusdam partibus, breviter, etsi ornate, narratur. Unitatis tamen gratia certae quaedam ingenii vel animi virtutes eligi solent, ad quas vita ipsa revocari possit, ut egregium virtutum exemplum, omnium imitatione dignum, auditoribus proponatur. Motus etiam aliquis in his orationibus semper esset adhibendus: quare, ut quisque videt, etsi ob artes vel scientias, de quibus saepe est agendum, huc referri possint ellogia; tamen multum admodum cum oratorio genere commune habent.

Ellogia.

A Panegyri discrimen.

Lectio.

Lectio est oratio, quae Magistri ex cathedra discipulos alloquentis sermonem imitatur: quare eius brevitatis proprio scholae tempore definitur. Quamvis autem quaelibet lectio determinatam habeat materiam; tamen fere nunquam sola consistit: sed cum aliis atque aliis coniuncta lectionibus integram rei alicuius tractationem absolvit. Singulae vero lectiones doctrinae utilitate, gravitate sermonis, explicationis perspicuitatis et confirmationis robore commendari debent. Admittunt etiam praeter exordium et conclusionem, multa ornamenta, quae in ceteris docendi formis essent supervacanea. Quamvis in qualibet academica oratione licet plusculum stilo indulgere: nam in academiis praesertim plurima delectationis habenda est ratio.

*Dictionaria.*  
Tria genera.

Instruendi officio funguntur etiam *Dictionaria*: quorum multa sunt genera. Alia enim perbreve virorum illustrium vitam; alia scientiarum et artium varias cognitiones; alia linguarum voces continent, eademque *Vocabularia* satis proprie dicuntur. Quae tria genera varie item, ex materia, ex forma, ex officio dividi solent, atque ex his elementis suam unitatem sortiuntur, si recte fiant. Prioris generis libri plurimum ad hominum eruditionem conferre possunt: praebent enim concisas sed accuratas cuiusque viri, arte ingenio et virtute clari, notitias, singula eiusdem opera apposito iudicio recensent, et fontes, unde maior cognitio hauriri possit, aperiunt: gravitate itaque, diligentia, et pura sed brevi stili ratione delectantur.

Artium et  
Scientiarum  
*dictionaria.*

De artium scientiarumque *Dictionariis* variae adhuc esse possunt doctiorum sententiae: difficile enim est de certa harum descriptionum utilitate aequum iudicium ferre. Duo tamen videntur indubia: alterum Graecos et Latinos atque ipsos Italos, qui ante seculum XVI floruerunt, sine huiusmodi libris, et solis auctorum optimorum operibus, egregios in omni artium et scientiarum genere viros habuisse: alterum, horum librorum usum doctis hominibus nullius vel admodum parvi esse adiuventi: minus autem eruditos plus superbia, quam scientia, augere consuevisse. Nam docti solum longo rerum et auctorum studio, ac diuturno stili exercitio in arte vel scientia excellunt: indocti vero ex verborum scientia et confusam admodum cognitionem acquirunt et ipsa doctrinae levitate extolluntur.

Quae probantur?

Verum, licet haec ita habeant, *Dictionaria* peritis iuxta et imperitis interdum multo usui esse possunt, si magnum in rerum delectu habeatur iudicium, si capita ita disponantur ac tra-

cientur, ut aequa artis aut scientiae fiat explicatio, si res singulae brevi sed accurata descriptione definiantur, si tandem haec opera non ob turpe lucrum, vel ad inertiam et superbiam fovendam, se ad hominum diligentiam acuendam, et illustrium auctorum excitandum studium scribantur. Huius enim generis scripta neque ad solam delectationem, neque ob vanam hominum eruditionem, sed ad maiorem discendi docendique facilitatem, diligentiusque res, quas didicimus, in memoriam revocandas, exarari debent.

Ex omnibus *Dictionariis* utiliora videntur *Vocabularia*. Cum enim in infinita sermonis materie multa saepe occurrunt nova, multa facile memoria excidunt, praesto sunt libri, qui vocum significationem, usum, auctoritatem declarent. Immo non utilia modo, sed omnino necessaria sunt *Vocabularia*: nam linguae aut moriuntur, ut accidit Graecae et Latinae, aut corrumpuntur, ut interdum usuvenit Italicae ceterisque recentioribus. Quare lingua, cum in pollenti hominum sermone non amplius vigeat integra, addiscenda est ex auctoribus, qui, cum lingua maxime erat in honore, florebant. Ad hoc autem plurimum prosunt *Vocabularia*, quae dici possunt scripta linguarum magisteria.

Quatuor vero in *Vocabulariis* emicare debent: copia, delectus, iudicium, auctoritas. Copia id postulat, ut nihil praetereamus, quod ad totius linguae cognitionem pertinet: quare diu multumque probati omnes scriptores sunt evolendi; ne propter nostram investigandi inscitiam aut negligentiam lingua minus perfecta, minusque dives locuplesque appareat. Sed ne, dum copiam sectamur, sermonis puritatem corrumpamus, utemur delectu: quo primum eligemus vocabulorum fontes, qui ad illa spectent tempora, in quibus nec inchoata solum erat lingua, nec infuscata vel corrupta; deinde voces ipsas secernemus: ut enim non sunt repetenda verba, quae omnino periere, nisi ad auctorum intelligentiam; sic prorsus abstinendum est a novis vocabulis, quae sine aperta res novas significandi necessitate a recentioribus quibusdam scriptoribus magna licentia obtruduntur.

Atque haec fere sunt diligentiae: iudicium erit potissimum in vocabulorum etymo vestigando, in eorumdem vi definitionibus declaranda, in explicatione optimis exemplis confirmanda. Quae omnia quanta eruditione, quantaque scientia indigeant, quis est qui non sentiat? Verum ne in tanto negotio aut prolixus aut confusus, aut nimium subtiles, magnum iterum iudi-

Utiliora sunt  
*Vocabularia*.

Quatuor habent:  
Copia.

Delectum.

Iudicium.

Auctorita-  
tem.

cium adhibebimus. Demum quaecumque afferemus, auctoritate inniti debent: nam lingua fere sola auctoritate constat. Auctoritas autem claris optimorum scriptorum exemplis constituitur. Quare exempla huiusmodi maxime propria esse debent, et ad rem nostram optime facere: quod obtinebimus, si nihil rude, nihil licentiosum sit in vocibus; si verba pluries ab eodem vel diverso auctore in eadem significatione sint usurpata; si in iisdem verbis, temporum tractu, nulla accesserit probabilis immutatio. Quamquam nec omnia nec multa exempla sunt proferenda; ne librorum moles sine fructu excrescat: sufficit unum aut alterum certissimum, ex optimis auctoribus petitur. Quod si aliqua in re pauca sint exempla, tunc id quidem diligentissime notabitur: quae enim semel aut raro adhibentur, praesertim cum aliena videntur, legum vim habere non debent.

Cetera doctrinae et eruditionis genera.

Reliquum esset, ut cetera eruditionis genera persequeremur; characteres nimirum, prooemia, commentaria, scholia, notas, indices, relationes, constitutiones, leges, edicta, et quae sunt alia huius generis et naturae <sup>1)</sup>. Sed ab harum rerum omnium praeceptis tradendis hic abstinemus: non quod intemperantis et otio abutentis ingenii id videri possit, sed quod nostrarum institutionum limites transgrederetur. Ceterum, nisi ingenium deest, facile ex cuiusque generis natura et fine, atque ex personarum rerumque adiunctis materies, forma, stilus, perspicuitas, brevisitas, ceteraeque scriptionis virtutes praefiniri possunt, et legibus temperari; praesertim si praeclara quaeque exempla intueamur.

### CAPUT III.

#### DE EPISTOLIS

Quid est Epistola?

Epistola, ut eius origo et etymon declarat, est: Scriptum quod ad absentes mittitur alicuius rei significandae gratia. Presse definiri potest: Brevis facilis atque candida nostrarum sententiarum nostrorumque adfectum ad homines procul absentes scripta expositio. Multi multa de epistolis scripserunt, sed fere sine

Ars Epistolarum.

testibus, vel sine iudicio. Nam, quamvis, ut ait Andres, nullum eloquentiae genus tam communiter tamque late, cultioribus praesertim temporibus, pervagatum fuerit; tamen cum ad sin-

1) V. Ranalli, *Amm. Lib. III. cap. III. n. 51. c segg.*

gulos epistolae mitterentur, nec in publicum prodirent, accidit, ut nemo plenior epistolas exarandi artem scripserit<sup>1)</sup>. Cuius rei aliam etiam causam affert Heineccius, qui illos, qui multa praecepta de epistolis tradiderunt, merito reprehendit. *Liberrima, inquit, est epistolas conscribendi ratio: sunt enim epistolae familiares inter absentes colloquium: atqui familiares sermones regulis et formulis se circumscribi haud patiuntur. Ex quo consequitur, ut quo simpliciora brevioraque sunt praecepta epistolica, eo meliora iudicanda sint*<sup>2)</sup>. Quare quae maiori utilitate de epistolis praecipi possunt, tria videntur: primo natura earum, quae dicuntur eruditae; deinde materia et dispositio familiarium; postremo universa earumdem stili ratio.

Heineccii  
mens.

## § I.

### *De Epistolis Eruditis*

Tullius videtur nonnullis tria epistolarum genera fecisse: Epistolarum scribit enim: *Epistolarum genera multa esse non ignoras; genera sed unum illud certissimum, cuius gratia inventa res ipsa est, ut certiores faceremus absentes, si quid esset, quod eos scire aut nostra aut ipsorum interesset. Huius generis litteras a me profecto non expetis. Tuarum enim rerum domesticarum habes et scriptores et nuntios: in meis autem rebus nihil est sane novi. Reliqua sunt epistolarum genera duo, quae me magno pere delectant: unum familiare et iocosum: alterum severum et grave*<sup>3)</sup>. Verum Cicero genus heic, ut alias saepe, pro qualitate usurpare videtur: quare multa epistolarum genera esse dicit, sed tria tantum in re sua meminit. Recentiores, ut plurimum, materiem epistolarum in tot genera considerunt, quot sunt peculiare fines, quorum gratia litterae scribuntur: puta gratulandi, consolandi, commendandi; plurima autem illa capita ad tria genera a Tullio commemorata revocare nituntur<sup>4)</sup>. Nobis commodior videtur divisio, qua epistolae in Eruditae et Familiare; Familiare item in Communes et Gravioris distribuuntur.

Commodior  
divisio.

Litterae eruditae dicuntur illae, quae in scientiarum artium- Litterae eruditae.

1) Dell'Orig. e Progr. tom. III. P. I. c. 3. — 2) Fund. St. P. II. c. I.

3) Lib. II. Fam. Ep. 4. — 4) V. Giardini, Stile Epistolare,

ve argumentis versantur: sunt autem vel philosophicae, ut Seneca, vel theologicae ut Hieronymi et Augustini, vel philologicae ut Iusti Lipsii et Aldi Manutii; vel criticae, mathematicae, historicae, iuridicae. In vulgari idiomate habemus non solum, qui de aliqua re plures huiusmodi epistolas conscripserunt, ut Magalotti, Algarotti, Bettinelli; sed etiam, qui alia agentes multas eruditas epistolas ediderunt, ut Caro, ut Casa, ut Redi, aliique. Quamquam autem in hoc epistolarum genere, praeter quosdam dicendi modos litterarum proprios, et festivorem stili rationem, praecepta omnia a consueta scientias artesque tradendi methodo pctantur; tamen, si epistolae dignitatem tenere velimus, certo etiam docendi modo litteris accomodato utemur.

**Earum origo.** Atque ut rem altius ordiamur, etsi epistolae ad mentis sententias animique motus cum iis, qui procul absunt, communicandos primum natae sint; postea tamen alios etiam variosque usus habuere: quare orationis, narrationis, et tractationis locum pro argumentorum varietate obtinuerunt. Enimvero quaedam Tullii epistolae omnes orationis partes habent; quaedam ad historiam accedunt; multae praeclara morum praecepta continent. Sed non est hic de his epistolis sermo, quae cum familiaribus facile commutantur. Fuere sequioribus temporibus epistolae, quae tractationis loco omnino adhiberentur: hae proprie eruditae dicuntur: nam tum instruendi solum causa tum docendi etiam modo apertius exarantur.

**Earundem  
commoda.**

Quae per epistolas erudiendi forma multa habet comoda: primum enim fingentes ad amicos scribere, quadam utimur libertate, quae in tractatione esset vitiosa; deinde maiori fiducia res promimus: siquidem non universum hominum genus alloqui, sed privatos homines edocere, eosque sententias nostras benigne excepturos reputamus. Multa praeterea, quae in tractationibus commode exponi non possunt, apposite explicantur per epistolas, quae neque certa materia definiuntur, neque perpetua ducuntur stili gravitate. Ad haec accedit magna rerum varietas, quae partim a digressionibus, partim a dicendi forma et stilo epistolarum proprio nasci solet.

**Ordo textus-  
que.**

Ut huiusmodi epistolae re et verbo dicantur litterae, necesse est, ut tum materies ipsa, tum partes earumque dispositio, tum maxime universa stili ratio epistolarum naturae obsequatur. Materia itaque ea esse debet, quae in utramque partem disputari facile possit, idque nec acute nec nimis graviter: nam si ar-



gumentum certum erit, deerit illa disserendi varietas, qua epistolae fiunt amoeniores: subtilitas autem aut nimia gravitas in litteris efficit, ut initium solum et exitum teneamus epistolae, ceterum veram tractationem scribamus. Ad partes quod spectat, eadem erunt, quae in familiaribus epistolis: epistolae enim eruditae familiares etiam sunt, atque hoc solum habent proprium, quod non de privato aliquo vel publico negotio, sed de aliqua artis scientiae vel historiae parte agant. Quare ipsa re- Proprietates.  
rum dispositio nullum apertum artificium patitur: imo argumenta omnia, explicationes, difficultates consueto familiariter colloquentium modo proponi debent: oportet enim epistolam, ut ut ad docendum scriptam, suae naturae gratias praeferre. Ex quo fit, ut epistola erudita a ceteris docendi formis potissimum differat: nam non solum omnes ceterarum litterarum proprietates, sed ipsos iocos, sales, et facetias admittit. Quamquam meminerimus nos ad familiares revera non scribere, sed ad eruditos homines, quos fere nunquam eognovimus: in his igitur epistolis paululum temperandum est ab iis dicendi modis, quos cum amicis coniunctisque liberius adhiberemus.

Qui eruditae epistolas scribere velit, is consulat saepe repetatque illustres auctores, quos superius nominavimus. Nos Plinii iunioris ad Capitonem epistolam afferemus, ut breviter saltem, quid potissimum hoc in genere praestandum sit, videamus. Plinii exemplum.

*Suades, ut historiam scribam, et suades non solus: multi hoc me saepe monuerunt, et ego volo; non quia commode facturum esse confido (id enim temere credas, nisi expertus); sed quia pulchrum in primis videtur, non pati occidere, quibus aeternitas debeatur, aliorumque famam cum sua extendere. Me autem nihil aequae ac diuturnitatis amor et cupido sollicitat, rei homine dignissimae, praesertim qui, nullius sibi conscius culpa, posteritatis memoriam non reformidet. Itaque diebus ac noctibus cogito, SI QUA ME QUOQUE POSSIM TOLLERE HUMO (id enim voto meo sufficit); illud supra votum, FICTORQUE FIRUM VOLITARE PER ORA. QUAMQUAM O! Sed hoc satis est, quod prope sola historia pollicere videtur. Orationi enim et carmini parva gratia, nisi eloquentia est summa: historia quoquo modo est scripta delectat. Sunt enim homines natura curiosi, et quamlibet nuda rerum cognitione capiuntur, ut qui sermunculis etiam fabellisque ducantur. Me vero ad hoc studium impellit domesticorum exemplum. Avunculus meus,* Stadium Historiae.

idemque per adoptionem pater, historias et quidem religiosissime scripsit. Invenio autem apud sapientes honestissimum esse maiorum vestigia sequi, si modo recto itinere praecesserunt. Cur ergo cunctor? Egi magnas et graves causas. *Has* (etiamsi mihi tenuis ex eis spes) destino retractare, ne tantus ille labor meus, nisi hoc, quod reliquum est, studii addidero, mecum pariter intercidat. Nam si rationem posteritatis habeas, quidquid non est peractum, pro non inchoato est. Dices, potes simul et rescribere actiones, et componere historiam. Utinam! sed utrumque tam magnum est, ut abunde sit alterutrum efficere. Undevicesimo aetutis anno dicere in foro ceppi, et nunc demum quid praestare debeat orator, adhuc tamen per caliginem video. Quid si huic oneri novum accesserit? Habent quidem Oratio et Historia multa communia, sed plura diversa in his ipsis, quae communia videntur. Narrat sane illa, narrat haec, sed aliter. Huic pleraque humilia et sordida, et ex medio petita; illi omnia recondita, splendida, exelsa conveniunt. Hanc saepius ossa, muscoli, nervi; illam tori quidam et quasi iubae decent. Haec vel maxime vi, amaritudine, instantia; illa tractu et suavitate, atque etiam dulcedine placet. Postremo alia verba, alius sonus, alia constructio. Nam plurimum refert, ut Thucydides ait, monumentum sit, an certamen, quorum alterum oratio, alterum historia est. His ex causis non adducor, ut duo dissimilia, et hoc ipso diversa quod maxima, confundam misceamque, ne tanta quasi colluvione turbatus, ibi faciam quod hic debeo. Ideoque interim veniam (ut ne a verbis meis discedam) advocandi peto.

Tu autem iam nunc cogita quae potissimum tempora aggrediamur. Vetera et scripta aliis! parata inquisitio, sed onerosa collatio. Intacta et nova? graves offensae, levis gratia. Nam praeter id quod in tantis vitiis hominum plura culpanda sunt, quam laudanda; tum si laudaveris, parcus; si culpaveris, nimius fuisse dicaris; quamvis illud plenissime, hoc restrictissime feceris. Sed haec me non retardant: est enim mihi pro fide satis animi. Illud peto: praestruas ad quod hortaris, eligisque materiam, ne mihi iam scribere parato alia rursus cunctationis et morae iusta ratio nascatur. Vale.

Auctoris impedimenta.

Orationis et Historiae discrimen.

Rei difficultas.

## § II.

*De Materia et Dispositione Familiaris Epistolae*

Magis ad rem nostram faciunt epistolae familiares; scilicet eae, quae aut negotiorum agendorum, aut testandi amoris, aut animorum conciliandorum gratia scribi solent. Eas, si de rebus

Familiaris  
Epistolae  
Duplex Ge-  
nus.

privatis et ad privatas personas vel inter proceres mutuo scribantur, communes dicemus; si ad magnos viros aut de rebus paullo severioribus mittantur, graviores appellabimus. Communis epistolae materia sunt res eadem, quae privatis hominum consuetudine et colloquio aguntur: nimirum res enarrare, quas nostra vel aliorum interest scire, aliquem commendare, consilium petere vel dare, rem postulare, gratias agere, fausta precari, gratulari, consolari, condolere, hortari, dehortari, laudare, reprehendere: quae omnia occasionem otiosioribus grammaticis praeberunt epistolas in totidem genera dividendi. Materia gravioris epistolae solent esse res eadem, quas modo recensuimus, sed ex adiunctis praesertim personarum, et ex negotii vel officii magnitudine induunt quamdam gravitatem tum quoad sententias tum quoad stilum. Utraque vero epistolarum ratio, quod maxime curandum, maiori, quam in privato colloquio, temperari debet prudentia, modestia, verecundia, urbanitate.

Epistolae  
communis  
materia.

Materia epi-  
stolae gravio-  
ris.

Exemplo communis epistolae esse possunt primae quatuor litterae, quas Tullius scribit Terentiae <sup>1)</sup>: in his enim facilius perspicitur harum epistolarum natura, quae maximo sunt in usu, quaeque saepe aut turgidae sunt aut adfectatae; ut pateat ex animo non scribi, sed ex artificio, quod maxime abesse debet ab epistolis a). Gravioris epistolae exemplum habes in pri-

Exempla  
communis  
epistolae.

1) Cic. Epist. ad Div. Lib. XIV. 1. 2. 3. 4.

a) Signor sì, signor sì, che il sig. priore Luigi Ruccellai mi fece favore in nome di V. S. Illustriss. di darmi il bellissimo capitolo intitolato Il Sacrificio, che ella gli ha mandato. Non solamente me lo diede; ma lo leggemo ancora insieme in casa mia più d'una volta, e sempre da me fu ammirato come opera in suo genere eccellentissima: e se ho da riferire a V. S. Illustriss. quello che dopo molte letture io dissi al medesimo sig. priore Ruccellai, le scriverò che alla buona ed alla schietta io dissi che, dal tempo di fra' Guittone in-

Gravioris E-  
pistolae e-  
xemplum.

ma Ciceronis ad Quintum Fratrem epistola <sup>1)</sup>, quam Heineccius litterarum reginam appellare solebat. Ego brevior memorabo: *Ut legi tuas litteras, quas a Furnio nostro acceperam, quibus mecum agebas, ut ad urbem essem; te velle uti consilio et dignitate mea, minus sum admiratus: de gratia et de ope quid significares, mecum ipse quaerebam: spe tamen adducebar ad eam cogitationem, ut te pro tua admirabili ac singulari sapientia de otio, de pace, de concordia civium agi velle arbitrarer: et ad eam rationem existimabam satis aptam esse et naturam et personam meam. Quod si ita est, et si qua de Pompeio nostro tuendo, et tibi ac reipublicae conciliando cura te attingit; magis idoneum, quam ego sum, ad eam causam profecto reperies neminem: qui et illi semper et senatui, quum primum potui, pacis auctor fui; nec sumptis armis, belli ullam partem attingi, iudicavique eo bello te violari, contra cuius honorem, populi Romani beneficio concessum, inimici atque invidi niterentur. Sed ut eo tempore non modo ipse fautor dignitatis tuae fui, verum etiam ceteris auctor ad te adiuvandum; sic me nunc Pompei dignitas vehementer movet: aliquot enim sunt anni, quum vos duo delegi, quos praecipue colerem, et quibus essem, sicut sum, amicissimus. Quamobrem a te peto, potius omnibus precibus oro et obtestor, ut in tuis maximis curis aliquid impertias temporis huic quoque cogitationi, ut tuo beneficio bonus vir, gratus, pius denique esse in maximi beneficii memoria possim: quae si tantum ad mei-*

fino al corrente giorno, io non avea trovata poesia che mi fosse piaciuta più di questa. Veramente è una bella cosa, facile, gentile, e tra la sua natural gentilezza, ripiena di robustissimi concetti. Carò il mio riveritissimo sig. Vincenzo, me ne rallegro con V. S. Illustriss. e me ne rallegro con tenerezza e di cuore. Non vorrei già che ella avesse a continuare in simili poesie affittive. Iddio benedetto mi vede il cuore; ed io so qual riverentissimo affetto io porto al suo sommo merito, ed alla sua gran virtù. Mi dà la burla V. S. Illustriss. con lo scrivermi, che io corregga e riformi. Io non sono abile a farlo; ma quando pur anco fossi abile, e che cosa vuole ella, ch'io trovi da correggere e da riformare in un'opera così pulita? Or via su le dirò, che ho cercato col fuscellino, e non mi è stato possibile trovarvi cosa veruna correggibile. Mi creda, e si acquieti. Mi continui il suo affetto, come cordialmente la supplico, e le fo divotissima riverenza. *Fr. Redi* al sig. Vincenzò da Filicaia.

1) Lib. I.

*psum pertinerent, sperarem me a te tamen impetraturum. Sed, ut arbitror, ad tuam fidem et ad rempublicam pertinet, me e paucis, et ad utriusque vestrum et ad civium concordiam, per te quam accomodatissimum conservari. Ego, quum antea tibi de Lentulo gratias egissem, quum ei saluti, qui mihi fuerat, fuisses: tamen lectis eius litteris, quas ad me gratissimo animo de tota liberalitate beneficioque misit, eandem me salutem a te accepisse putavi, quam ille: in quem si me intelligis esse gratum; cura, obsecro, ut etiam in Pompeium esse possim <sup>1)</sup>.*

Si epistola plures res, ut plerumque fit, complectitur, tunc propositiones, de quibus scribere volumus, ante oculos ponamus eo ordine, qui videbitur melior: deinde dispiciamus, an habeant aliquid commune, vel plane dissimilis sint naturae: simile enim et dissimile multam praebent res eleganter coniungendi facultatem. Tandem expendamus singulas propositiones, an probari illustrarique debeant brevibus argumentis, similitudine, exemplis, testimoniis. Tunc vero, nullo vel brevi admodum principio, epistolam conscribamus uno illo tenore, qui ex rerum ipsarum connexionem nascitur, vel aptis transitionibus inducitur. Quam multas, quam facili nexu coniungat saepe res Tullius, nemo non admiratur: breve exemplum proponi potest in eius epistola ad Varronem: *Etsi munus flagitare.* <sup>2)</sup> a).

Epistola de pluribus rebus.

1) V. Lib. IX. ad Att. Ep. XI.—2) Lib. IX. ad Div. Ep. VIII.

a) E non portava il pregio, che voi vi rompeste il sonno per rispondere a me, di cosa massimamente che nulla montava. Che se ben io sono desideroso di aver vostre e d'intender nuova di voi, non sono però tanto importuno che non voglia più tosto il vostro comodo ch'il mio piacere. Dico così, perchè so che lo scrivere oziosamente non vi suole andar troppo per la fantasia. E io ne' termini che voi siete, vorrei nè da me, nè da altri vi fosse data noia; anzi che tutto il mondo vi consolasse. Or tanto maggior obbligo ve ne tengo, quanto con maggior disagio l'avete fatto. E della risposta e della raccomandazione che m'avete mandata alla signora donna Giulia, ho ricevuto tanto piacere, quanto sento dispiacere e cordoglio delle tante ingiurie che la fortuna vi fa e che tutto giorno v'apparecchia. Di che non vi posso dir altro di quello che per l'altra vi dicessi. Alla signora detta feci presentar la vostra e quella di Gandolfo, e subito S. Signoria mandò per me, rinnovandomi per vostro amore quelle offerte e quelle accoglienze che m'aveva già fatte per sua gentilezza. Nè solamente S. Signoria, ma ognuno qui mi fa cortesia per vo-

De re una E-  
pistola.

Sed si epistola de una re exaratur, brevissimum exordium vel commune est, vel proprium: commune aut de alterius valetudine quaerit, aut petit scribendi veniam, aut acceptarum epistolarum sententiam paucis amplectitur. Proprium autem ab occasione causaeque scribendi ducitur, ac propterea non solum melius sed facilius est. Exordium excipiet propositio, quae firmis potius quam multis munienda est argumentis. Argumenta vero suppediabant ipsae *περιστάσεις*, seu res cum adiunctis. Neque enim operae pretium faciunt, qui in epistolarum praeceptis multos argumentorum locos, puta ab utili, ab honesto, iucundo, facili, decoro, ostendunt. Ipsae tantum res et adiuncta suggerunt apta argumenta. Nam si cui gratulandum sit novum munus, ipsa ratio, alibi erudita, docebit ostendendum esse munus esse optabile, honorificum, hominis virtute dignissimum, ex eoque multum decoris in cives et in rempublicam redundare. Simile quid aliis in rebus erit, dummodo versus, *Quis, quid, ubi, per quos, quoties, cur, quomodo quando* sententia paullo diligentius expendatur. Illustris hac in re est epistola Tullii ad Lucceium: *Coram me tecum eadem haec agere conantem* <sup>1)</sup>. De sola consolatione etiam scribit idem Tullius ad Titium. *Etsi*

Exemplum.

stro rispetto; perchè mi s'è levata tra questi Napolitani una nominanza ch'io sia l'anima vostra; ed avendo voi per quel singolare uomo che siete, non vi potendo onorar presente, onorano me di parte degli onori vostri. Di che alla vostra virtù ne son grato, ed a voi gli appresento, ritenendone quel poco d'ombra che me ne può rimanere d'esser stato degnato da voi per amico, e dagli altri per luogotenente delle vostre lodi. Pensate, se veniste qua voi, quello che vi farebbono! Con mess. Gandolfo, oltre all'ingiuria che m'ha fatta di piantarmi, ho una collera bestiale che m'abbia infamato per poeta per tutto Napoli, e per autore della Nasea: perchè non posso passar per la strada che non mi vegga additare e non senta dirmi addietro: *Quegli è il poeta del Naso*. E chi non sa il fatto o non mi ha veduto in viso, mi corre innanzi pensandosi ch'io abbia il naso grande. E fannomi una nasata intorno, che vorrei piuttosto portar la mitera. Questo obbligo ho io prima con quel nasuto di mess. Gio. Francesco, ed ora col Gandolfo; al quale io non rispondo, perchè, secondo che mi scrive, lo fo partito per di qua. Io mi sforzerò di tornare più presto che potrò. Non so il quando, perchè sto a' comandamenti del padrone. Intanto mi raccomando a voi, e prego Dio che vi consoli.

Caro, Di Napoli alli 25 di maggio 1528

1) V. Lib. V. ad Diver. Epist. XII.

ex omnibus minime sum ad te consolandum accommodatus, quod tantum ex tuis molestiis cepi doloris, ut consolatione ipse egerem: tamen, cum longius a summi luctus acerbitate meus abesset dolor, quam tuus, statui nostrae necessitudinis esse, meaeque in te benevolentiae, non tacere tanto in tuo moerore tamdiu: sed adhibere aliquam modicam consolationem, quae levare dolorem tuum posset, si minus sanare potuisset. Est autem consolatio pervulgata quidem illa maxime, quam semper in ore atque animo habere debemus, HOMINES NOS UT ESSE MEMINERIMUS, ea lege natos esse, ut omnibus telis fortunae proposita sit vita nostra: neque esse recusandum, quo minus ea, qua nati sumus, conditione vivamus: neve tam graviter eos casus feramus, quos nullo consilio vitare possumus: eventisque aliorum memoria repetendis nihil accidisse nobis novi cogitemus. Neque haec neque ceterae consolationes, quae sunt a sapientibus viris usurpatae, memoriaeque litteris proditae, tantum videntur proficere debere, quantum status ipse nostrae civitatis, et haec perturbatio temporum perditorum: cum beatissimi sint, qui liberos non susceperunt; minus autem miseri, qui his temporibus amiserunt, quam si eodem bna, aut denique aliqua republica perdidissent. Quod si tuum te desiderium movet, aut si tuarum rerum cogitatione moeres; non facile exhauriri tibi istum dolorem posse universum puto. Sin illa te res cruciat, quae magis amoris est, ut eorum qui occiderunt, miserias lugeas; ut ea non dicam quae saepissime et legi et audiui, nihil mali esse in morte, in qua si residet sensus, immortalitas potius illa, quam mors dicenda sit; sin sit amissus, nulla videri miseria debeat, quae non sentiat: hoc tamen non dubitans confirmare possum, ea misceri, parari, impendere reipublicae, quae qui reliquerit, nullo modo mihi quidem deceptus esse videatur. Quid est enim iam non modo pudori, probitati, virtuti, rectis studiis, bonis artibus, sed omnino libertati ac saluti loci? non, mehercule, quemquam audiui hoc gravissimo, pestilentissimo anno, adolescentulum aut puerum mortuum, qui mihi non a Diis immortalibus exceptus ex his miseriis, atque ex iniquissima conditione vitae videretur. Quare, si tibi unum hoc detrahi potest...<sup>1)</sup>.

In epistolis conscribendis hoc etiam servabimus, ut in propo- Qui rerum ordo?

1) V. Cic. Lib. V. ad Diver. Ep. XVI.

sitionibus ordinem illum teneamus, quem ipsa natura rerum nobis suggeret: in responsionibus autem, ut plurimum, eandem seriem, quam secutus est scriptor, diligamus. Quem vero locum habeant affectus in epistola, facile ipsius natura significat: epistola enim argumentis, quae vocantur ἡθικά, tota aspersa esse debet; significationibus nimirum amoris, existimationis, benevolentiae, obsequii, et virtutum omnium, quas civiles appellant. Sed quae παθητικά sunt argumenta, quamvis cum dignitate etiam soleant usurpari, raro tamen et parcius sunt adhibenda.

Quae conclusio?

Conclusio epistolae vel propria est vel communis. Propria ex ipsa re nascitur: nam, ut exemplo utar, si cui gratulandum est, conclusio vel votum aliquod, vel cohortationem, vel commendationem nostri, vel aliud huiusmodi complectetur: si gratiae agantur, subiicietur vel votum vel grati animi pollicitatio, vel aliae officiosi hominis significationes. Conclusio vero communis ea est, quae variis epistolarum generibus accommodari potest: cuiusmodi est officiorum communicatio, commendatio valetudinis, amicorum salutatio, flagitatio responsionis, et similia: in quibus omnibus et res ipsa, de qua scribitur, et decorum personarum attendendum est. Inapte enim quis post acrem reprehensionem consuetis comitatis officiis molliter concluderet: inurbane autem qui gravibus hominibus mandata daret. Conclusionum formulas mutuari possumus ex Tullio et ex doctioribus nostris auctoribus: sed curabimus ut christianae sint, non ethnicae aut persus profanae.

### § III.

#### *De Epistolarum Stilo*

Qui stilus epistolarum?

Epistolarum stilus est sermone familiari paullo adcuratior, sed dictione elaborata remissior: quem Demetrius Phalaréus ex tenui et venusto mixtum esse definit <sup>1)</sup>. Potest tamen litterarum stilus interdum attolli, quum vel rei gravitas, vel personarum conditio id exposcit. Praecipuus autem huiusmodi stili character exigit, ut genus dicendi sit ubique moratum: scilicet ut epistola revera privata referat hominum colloquia, licet sit in sen-

1) V. Traduz. di M. Adriani sez. XII.



tentiis castigatio, adornatio in verbis. Qui moratus character adeo est necessarius, ut, si absit ille, epistola esse desinat: quare qui de rebus gravissimis subtiliter disputant, non epistolas, sed tractatus potius scribere dicendi sunt: quo in genere sunt litterae Senecae, qui nullum fere morati stili vestigium habet.

Nec vero una eademque dicendi ratione omnes conscribendae sunt litterae. Iocosae enim et valde familiares quotidianis, ut ait Cicero, exarantur verbis <sup>1)</sup>: itaque in his epistolis nimia cura, quae apparet in Manutio, non probatur. Hortatoriae, expostulatoriae et huius generis aliae concitato feruntur stilo: exemplo est integer liber III epistolarum Ciceronis ad Appium Pulchrum, atque imprimis epistola septima. Commendatitiae et petitoriae mediocrem, civiles et, quae ad magnos viros scribuntur, gravem dicendi rationem postulant.

Iam vero communi plurimorum iudicio quatuor proprietates epistolis tribuuntur: simplicitas nimirum, facilitas, urbanitas, et brevitās. Simplicitas in quadam nuda et naturali rerum expositione consistit: sed tamen non excludit neque festivas dicendi formas, neque metaphoras aut figuras parce adhibitas. Facilitas est dicendi ratio quae ita res describit, ut, etsi graphice etiam omnia depingantur, nullum tamen adpareat studium. Urbanitas non solum a rudibus verbis et plebeis vel humilibus dicendi modis abhorret, sed maxime humanitatis et comitatis significationes amat: quae tamen miscendae sunt gravitate atque interdum severitate. Brevitas denique in epistolis sic intelligenda est, ut, licet, quemadmodum scribit Seneca <sup>2)</sup>, sinistram manum eae implere non debeant; non sint tamen aridae et exsanguis, multo etiam minus ita concisae, ut interprete egeant. Iocosae profecto longiores esse solent, eisque quam maxime se oblectari scribit Tullius.

Atque haec generatim: illud est proprium, ut quaelibet epistola suum servet decorum: de quo pulchre Erasmus: *Ego epistolam optimam iudico, quae argumento, loco, tempore, personae quam maxime sit accommodata; quae amplissimis de rebus agens sit gravissima, de mediocribus concinna, de humilibus elegans et faceta; in iocis acumine delectet ac lepore, in encomiis apparatu, in exhortando vehemens sit et animosa, in consolando blanda et amica, in suadendo gravis et senten-*

Non semper  
idem.

Epistolarum  
proprietates  
quatuor.

Decorum E-  
pistolarum.

1) V. Lib. IX. ad Div. Epist. XXI.—2) Epist. XLV.

*tiosa, in narrando lucida et graphica, in petendo verecunda, in commendando officiosa, in rebus secundis gratulabunda, in afflictis seria. Neque rei solum obsecundabit epistola, verum etiam temporum personarumque habebit rationem, nec eadem de re quovis tempore nec apud quosvis loquetur: alia specie sese offeret senibus, alia iuvenibus, alia tetricis ac severis, alia iis qui festiviore sunt ingenio, alia aulicis, alia philosophis, alia familiaribus, alia ignotis, alia vacuis, alia negotiosis.*

Epistolarum  
scriptores  
Graeci.

Verum epistolarum stili natura et proprietates ex probatis auctoribus facilius intelliguntur, quam ex praeceptis. Sed Graecorum epistolae maximo rei litterariae damno sunt deperditae: nam, quae circumferuntur, epistolae Themistoclis, Isocratis, Platonis, Aeschinis, Demosthenis, et aliorum graecorum vel spuriae sunt vel dubiae. Posterioribus tamen temporibus graeco lepore et gravitate scripserunt Libanius, Basiliius, Gregorius Nazianzenus, Chrysostomus, Isidorus Pelusiota. Atticorum autem gratia venustate ac vi praestat Basiliius, cui merito cedit ultro ipse Libanius.

Latini.

Ex Latinis Tullius, Seneca, et Plinius iunior maxime celebrantur. At sermones seu tractatus potius, quam epistolas Seneca scribit: Plinius puro et eleganti stilo utitur; attamen nimium studium, antitheta, sententiarum acumina, et concisae periodi non parum offiunt simplicitati, facilitati, et gravitati Romanorum. Unus ergo Tullius est omnium absolutissimus, qui tot tamque varii generis exaravit epistolas, ut in illis perfectum, integrum atque admirabile aureae aetatis monumentum habeatur. Non solum enim infinitas Tullii epistolas, sed cum iisdem quam plurimas eius aetatis scriptorum litteras habemus. Ciceronis dictionem accuratissime expressit Manutius; sed spiritum et vigorem etiam hausit M. A. Muretus: quem inter tot tamque insignes recentiores reliquis omnibus anteponit Heineccius. A Lagomarsinio et Zanottio paucae, sed toto romano lepore epistolas accepimus.

Italici.

Infinitos epistolarum scriptores enumerat Italia: sed emicant Bembo, Casa, Castiglioni, Caro, Gambara, Tasso T., Bentivoglio, Bonfadio, Magalotti, Redi, Galilei, Tolomei, Roberti, Bettinelli, Monti, Cesari, Leopardi: qui tamen omnes alius aliis maculis inficiuntur. Communi autem doctorum hominum iudicio maxime probantur Carus Bonfadius Redius. Sed Bonfadius in-

Qui maxime  
probantur?

terdum sententiarum levitate aut verborum redundantia peccat: Carus nimis gravis, nimis facilis videtur Redius. Quapropter Cari gravitas et facilitas Redii simul est temperanda. Sed cave de nostrorum scriptorum epistolas in selectis quibusdam legas. Quis enim unquam repetens tot minutulas epistolas, quas Giardini tribus chartis concessit, epistolarum, non dico dignitatem, sed naturam, fines, legesve perspiceret?

Reliquum esset, ut de complicandis etiam, obsignandisque epistolis aliqua diceremus. Sed hac in re nihil teneri potest, nisi probata nostrorum temporum consuetudo. Tantum enim haec valet, ut etiam cum latine scribimus, eum in titulis et subscriptione modum usurpare debeamus, qui a barbarie et novitate alienus, antiquitatis tamen adfectione non reprehendatur. Plurimum itaque sententia Heineccii nobis probatur: qui, cum ad familiarem aliquem latine scribimus, veterum more, titulorum syrma omitti posse censet; at si viris magnis scribimus, tunc nemini auctor est, ut antiqua illa formula utatur. Satius tunc erit titulos quosdam honoris in vocandi casu epistolae praemittere, atque ad litterarum calcem, recentiorum more, adiungere subscriptionem. Atque haec de epistolis visum est e re tradere. Ceterum si quis brevius etiam vult praecipua hac in re praecepta assequi, adeat celeberrimam Sancti Gregorii epistolam, quam ex graeco in selectis litteris Gaspar Gozzi vernacule edidit.

Ratio complicandi ob-  
signandique.

Tituli.

## PARTITIO TERTIA

### De Facultate Oratoria

- Quid Elo-  
quentia? Eloquentia universim est ea dicendi facultas, qua efficacius ad orationis finem obtinendum enitimur: ille enim eloquens habetur, qui ad, quod contendit, assequendum aptissime loquitur. Haec eloquentiae descriptio cum oratoriae facultati, tum ceteris scribendi generibus, uti epistolis, praeceptionibus, aliis convenit. At si eloquentia in suo veluti regno sit, tum vim facultatemque oratoris proprie spectat, atque ab Aristotele pulchre definitur: *Ἔστω δ' ἡ ῥητορικὴ δύναμις περὶ ἕκαστον τοῦ θεωρῆσαι τὸ ἐνδεχόμενον πείθανον. τοῦτο γὰρ εὐδαιμονίας ἑτέρας ἐστὶ τέχνης ἔργον*. Sit autem Rhetorice facultas in re quaque videndi quod contingit esse idoneum ad persuadendum: hoc enim nullius alterius facultatis est munus <sup>1)</sup>: *primum autem oratoris officium est dicere ad persuadendum accommodate* <sup>2)</sup>.
- Quid persua-  
sio? Persuadere autem est tum mentem revincere, tum animum movere. Ad quae requiritur validiorum argumentorum delectus, clara rerum expositio, spectata oratoris probitas, apta dicendi ratio, et venusta ac concinna motuum et vocis actio. Quare Tullius: *In oratore autem acumen dialecticorum, sententias philosophorum, verba prope poetarum, memoria iurisconsultorum, vox tragoedorum, gestus pene summorum actorum requirendus est* <sup>3)</sup>.
- Quid oratio? Quas partes orator excipit oratione, quae est sermo ad aliquid tradendum suadendumque apte et decore compositus. Rhetoris vero officium est praecepta tradere, quibus oratio ab ipsis fundamentis excitari possit: quare ea praeceptorum probanda est series, quam orator in ipsa oratione elaboranda insistit. Iam vero orator cum ad orationem ordiendam accedit, primum cuiusmodi generis sit causa perspicit; ut controversiam et propositionem constituat: deinde argumenta vestigat, quibus vel fidem faciat vel adhibeat motum: tum demum ipsas, quas invenit, res disponit ac orationem perficit. Tria igitur primum erunt praeceptorum capita: causarum constitutio, earumdem materies, et
- Eiusdem  
praecepta.

1) Rhet. lib. 1. c. 2.—2) Cic. I. Orat. XXXI.—3) I. Orat. XXVIII.

orationis dispositio: deinde eadem praecepta, quae sunt maxi- Civili et sa-  
 me communia, tum ad civilis tum ad sacrae eloquentiae gene- crae eloquen-  
 ra deducuntur, ac probatis actionis legibus absolvetur partitio: tia accom-  
 actio enim fere primas in omni eloquentia tenet. modanda.

## CAPUT I.

## DE CAUSARUM CONSTITUTIONE

Solent nunc temporis multum in orationis deformatione <sup>1)</sup> im- Generatim  
 morari, nec dubitant omnia oratoriae praecepta huc referre, ut, praecipien-  
 rerum chronologico aut logico, ut aiunt, ordine constituto, minu- dum.  
 tas quasque sermonis partes definiant, disponant, coniungant.  
 Nos ut, vere fateamur, sic sentimus, ne auctores quidem, si quid  
 boni componant, illis praeceptis inhaerere: liberius quoddam  
 opus est oratio. nec alias patitur leges, quam eas quas mox in  
 orationis partibus recensendis ex natura describemus. Quare  
 generatim ea solum tractabimus, quae studium quidem et dili-  
 gentiam oratoris acuant, ingenii vero alacritatem et affectus im-  
 petum moderentur, non restringunt. Cum scribendum quid, Quid prius o-  
 dicendumve orator suscipit, debet in primis sibi singillatim pro- ratori intuen-  
 ponere quem in finem dicere velit, seu quid dicendo velit asse- dum?  
 qui: puta, ut Ligarius perduellionis crimine liberetur, Pompe-  
 ius in bellum Mithridaticum dux constituatur, Caesari grati a-  
 nimi significationes pateant. Quem finem alicuius rei persuasio-  
 ne obtinebimus. At persuasio, quippe quae oppositionis aliquid Unde contro-  
 et repugnantiae semper innuit, controversiam perpetuo implici- versia?  
 tam habet: controversia autem gignitur a quaestione. Nemo e-  
 nim laborat, ut persuadeat id, de quo non disputatur, neque  
 iure disputatur de re aliqua, si non sit obnoxia quaestioni, quae  
 recte dicitur dubitabilis propositio, et controversiae propterea  
 locum praebet. Iam quaestio alia infinita est, alia finita, quae Quid causae  
 proxime ad oratorem spectat, et cum ipsa causa confunditur: constitutio?  
 hinc fit ut ex quaestione et controversia oriatur causae consti-  
 tutio, seu id, in quo tota causa consistit. Quare hic primum de  
 quaestione universe; deinde de causarum generibus, quibus fi-  
 nitae quaestiones ad certa quaedam capita revocantur; tandem  
 de controversia seu de causae statu dicemus: in controversia

1) *Piano del discorso.*

enim perspicue cognoscenda, graviterque tractanda optimi oratoris facultas maxime cernitur.

## § I.

### *De Quaestione Universe*

Quid quaestio?  
Duplex est.

Quaestio est id circa quod totius causae cardo vertitur, et ex quo controversia nascitur. Duplex est: prima infinita, Graecis *θέσις*, Latinis Propositionum, quae remotis personis temporibus et locis in utramque partem tractatur: ut, Praestat ne vitam in civitate ducere. Altera finita seu definita, Graecis *ἑρώσις*, Latinis Causa et Controversia, quae ex adiunctis personarum locorum et temporum circumscribitur: ut Praestat ne Tullium Clodii insidiis circumventum in commota civitate vitam ducere.

Infinita necessaria oratori.

Quaestio infinita non videtur huius loci: sed quoniam causa, seu quaestio finita, continetur, uti in principio, in infinita, ad quam orator saepissime debet assurgere, imo omnia, ut ait Cicero, referre, necesse est aliqua saltem de infinita quaestione praemittere. Enimvero Tullius, ut probet Milonem reum non esse eo quod occiderit Clodium aggressorem, ostendit licitum esse *Vim vi repellere*.

Quaestionis cognitionis.  
Genus primum.

Quaestionis infinitae duo sunt genera: cognitionis alterum, cuius finis est scientia: alterum actionis, quod ad aliquid faciendum refertur. Cognitionis quaestio in tria genera distribuitur. Primum *sit nec ne?* ut, ius in natura est an in more: quod coniectura est vestigandum, et duas alias quaestiones parit: una est, *Possit ne aliquid effici*; ut si quaeratur num quis sapiens esse possit: altera *Quemadmodum quid fiat*; ut quonam pacto virtus acquiratur.

Genus alterum.

Alterum *Quid sit?* ut sitne ius id quod maiori parti est utile. Hoc definitionis est, et duo etiam quaestionis habet genera: in altero aliud an idem sit disputamus et ex rerum definitione iudicium facimus; ut libertas et licentia, perseverantia et pertinacia: in altero descriptio personae vel rei alicuius, et quasi imago est exprimenda, ut cum, qualis sit avarus, quid superbia, depingimus.

Genus tertium.

Tertium denique *Quale sit?* ut, iuste vivere est ne utile? Id qualitatis dicitur: quae aut simpliciter quaeritur; ut sitne utile in republica administranda versari, sitne aequum amicos cognatis anteferre, honestumne sit pro amico periculum aut invi-

diam subire: aut comparate, idque dupliciter, vel comparatione facta duorum, vel multorum superlacione: non enim solum quaeritur quid utile, quid aequum, quid honestum; sed etiam quid utilius, quid aequius, quid honestius; atque etiam quid honestissimum, quid aequissimum, quid utilissimum.

Actionis duo sunt genera: unum de bono persequendo, et de malo vitando: alterum de commodo usuque rerum, quibus bene vel male uti possumus. Nam tria rerum genera nobis parantur: quaedam bona, quae natura persequimur, ut gloria: quaedam mala, quae declinamus, ut invidia: hinc prima actionis quaestio: Quibus rebus adipisci gloriam possumus, aut quomodo invidiam vitabimus. Quedam autem sunt media, utpote quae bene vel male adhiberi possunt, ut paupertas, ut reipublicae administratio: hinc altera actionis quaestio: Quemadmodum est in paupertate vivendum, aut quemadmodum respublica administranda.

Quaestionis actionis genera duo.

Ex infinita quaestione finita descendit: in omni enim generali utique inest specialis. Quod ut exemplis pateat, infinitae quaestiones sunt; An bellum necessarium sit suscipiendum, An civis perniciosus reipublicae sit expellendus, An ab iniusto aggressore licet se armis defendere: finitae; An bellum Mithridaticum sit necessarium, An Catilina sit civis reipublicae perniciosus, An Clodius fuerit iniustus aggressor. Quis hinc non intelligit finitam quaestionem non posse cum dignitate tractari sine infinitae adiumento? Sed finita proxime ad orationis propositionem pertinet: facultas enim oratoris in animis hominum subeundis, in motibus ciendis, atque imprimis in ipsa voluntate expugnanda maxime explicatur: quae ut obtineantur, necesse est, quaestionem infinitam adiunctis rerum et personarum circumscribere, et finitam hoc est causam constituere: ea enim animos conciliant, motus excitant, flectunt voluntatem, quae propius homines attingunt.

Quaestio finita ex infinita.

Est propria oratoris.

Causa recte dici potest: quaestio finita, quam orator pertractandam suscipit; idque semper ut persuasionem aliquam inducat. At causa sic inspecta adeo generalis est, ut omnes divisiones, quas tribuimus Proposito, admittat, nec adhuc viam oratori aperiat, qua ille proposita quaestione et propositionem statuatur, et ad argumenta, quibus eam conficiat suadeatque, deducatur. Quare Rhetores quaedam genera causarum constituerunt, ut genere causae cognito, natura quoque et eius tractandi ratio

Quid causa?

Unde causarum genera?

facilius cognosceretur. Quae genera nos persequimur: tum ne discedamus ab Aristotele, a Tullio, a Fabio; tum quia et ratione probantur et multo usui et commodo esse solent.

Quid sunt? Causarum genera sunt capita quaedam artis dicendi, ad quae omnes orationum divisiones revocari possunt. Nam cum eloquendi facultatis materies longe lateque pateret, veteres tribus orationum generibus, quae causarum genera vocarunt, eam sapienter definiverunt: deliberativo, demonstrativo, et iudiciali.

Tria sunt. Homo enim ad aliquid movetur vel utilitate, quae in deliberatione, vel honestate, quae in laudatione, vel iustitia et aequitate, quae in iudiciis spectatur. Quae partitio ex causarum fine sumitur: potest autem ex auditorum etiam genere fieri. *Nam, ait Tullius, aut auscultator est modo qui audit, aut disceptator, id est, rei sententiaeque moderator: ita ut aut defectetur, aut statuatur aliquid: statuit autem aut de praeteritis, ut iudex; aut de futuris, ut senatus. Sic tria sunt genera, iudicii, deliberationis, exornationis* <sup>1)</sup>.

Recentiorum divisio. Recentiores ex loco tantum ut ipsi aiunt, ut ego credo, ex auditoribus ex loco, et ex re ipsa ita dicendi genera dividunt, ut eloquentia alia publicarum concionum sit, alia fori, alia sacri suggestus. Quae divisio, etiamsi tractationi videatur interdum accommoda, veteri tamen causarum generum partitioni nullo modo potest suffici: nam ut alia mittam, publicarum concionum eloquentia non deliberativum solum, sed exornativum quoque genus admittit: sacra vero eloquentia in deliberativo et exornativo aequae versatur: quare recentiorum divisione non possumus diversi generis argumenta ad certa capita revocare: cuius rei gratia genera causarum sunt inventa. Itaque divisione illa praetermissa, veterum genera omnino retinemus.

## § II.

### *De triplici causarum genere*

Causae ad certum genus referuntur. Orator, quaecumque de re dicit, de actione aliqua dicit, eamque, si facienda proponitur, suadet vel dissuadet; si est facta, vel defendit aut accusat, vel laudat aut vituperat. Iure propterea singulae orationes ad certum et proprium causarum genus re-

<sup>1)</sup> Part. Orat. III.



feruntur: ad deliberativum scilicet, vel ad iudiciale, vel ad exornativum. Sunt quidem aliquae orationes, quae plura genera videntur complecti: laudationem et iudicium, ut est oratio pro Marcello; deliberationem et laudationem, ut est oratio pro Lege Manilia; iudicium et laudem, ut est oratio pro Archia Poëta: quae orationes forte non incongrue cum Mureto mixti generis dicerentur. Sed cum in qualibet oratione sit tum quaestio primaria, tum secundariae et incidentes, simplicius quaecvis oratio a primario causae genere nominatur.

Iam, in causarum generibus principem locum habet demonstrativum, quo nullum aliud est uberius ad dicendum; nam in eo orator explicare potest omnes dicendi virtutes: nullum utilius genus civitatibus; quia, ut ait Tullius, non ad bene dicendum tantum sed etiam ad honeste vivendum valet, hortatur ad virtutes, revocat a vitiis, commendat bonos, vituperat improbos, implet animos admirabili quodam amore virtutis <sup>1)</sup>. Praeterea deliberatio utitur iisdem rebus aliter positae honestis et utilibus, ac in ipsis iudiciis generi exornativo plurimus saepe locus est.

Sed ad rem propius accedamus. In quolibet genere spectantur finis partes et materia. Genus demonstrativi, quod Graecis *Ἐπιδεικτικόν*, et *Ἐγκωμιαστικόν* dicitur, finis est honestas: partes laus, qua dignitatem, et vituperatio, qua indignitatem rei prosequimur: materia autem quaecumque sunt cum virtute aut cum vitio coniuncta. *Omnia enim*, inquit Cicero, *sunt profecto laudanda, quae coniuncta cum virtute sunt, et quae cum vitiis vituperanda* <sup>2)</sup> Quae autem virtuti vel vitio obnoxia sunt, numerantur: Personae, Quasi-Personae, Res, et Facta. Personae sunt Deus, Angeli, Homines: Quasi-Personae animalia bruta: Res sunt, loca, tempora, maria, flumina, arbores, lapides, similia: Facta demum sunt bella, victoriae, et quicquid praeclare ab aliquo gestum est, ut pericula pro amicis subisse, pro patria vel salute animarum et gloria Dei fudisse sanguinem.

Laus ab uno honestatis fonte est petenda: sed quoniam ea etiam laudantur, in quae honestas non cadit, ut sunt res inanimae vel rationis expertes, honestas latius sumitur, et dicitur aliquod honestum vel quia virtus est, vel quia virtutem gignit,

1) V. Cic. Par. Orat.—2) Part. XXI.

vel quia virtutis est effectus. Nomine virtutis veniunt cum mentis tum animi praeclari quique habitus; ut artes ut scientiae, ut iustitia, ut temperantia: quod virtutem gignit, aut extra nos est, ut omne Dei beneficium, exempla maiorum vel externorum, educatio, opes, et quicquid virtutis instrumentum esse potest; aut cum nobis coniungitur, ut ingenium, iudicium, memoria, morum facilitas, forma, sanitas, robur. Effecta virtutis sunt res quaeque cum virtute gestae, monumenta, tropaea.

**Laudis Loci.** Dei, Angelorum, et Hominum laudes proxime ducuntur a sacris litteris, a Patrum scriptis, a philosophia, ab historia. Quasi-personae laudantur a genere, a robore, a colore, ab iis quae vel sensuum vel corporis dotes spectant, a loco, ab utilitate, quam homini afferunt. Res ab auctore, a magnitudine, ab elegantia, a praestantia, a copia, ab utilitate celebrantur. Factorum tandem laudes maxime sumuntur ab honesto, utili, glorioso. Ab his enim tum scientiarum tum virtutum commendatio proficiscitur, uti videre est in Tullio pro Archia <sup>1)</sup> et pro Lege Manilia <sup>2)</sup>.

**Deliberativi Finis.** Genus deliberativum, graece συμβουλευτικόν et ἐκκλησιαστικόν, id suscipit ut utilia suadeat, absterreat a noxiis: eius igitur finis est utilitas, quae tamen cum honestate coniungatur:

**Partes.** nihil enim est utile quod non sit honestum. Eiusdem partes sunt tum *suasio*, qua ad aliquod faciendum impellimus, tum *dissuasio*

**Quid est hic Suadere?** qua a faciendo reducimus. Verum hic *suadere* non est probare et fidem facere: hoc enim est omnibus causarum generibus commune: sed pressius est consilium dare, ut aliquid suscipiatur vel omittatur: ut temperantia, puta, excolatur, ut scientiae adhibeatur opera, bellum non inferatur, non vindicentur iniuriae.

**Deliberationis materies.** Materies generis deliberativi sunt res libere contingentes, neque tamen omnes, sed eae quae nostram potestatem non effugiant, ut: An iubenda lex; An bellum suscipiendum; An instituenda Academia; An templum aedificandum; An vitanda spectacula. Ad suadendum argumenta generatim peti possunt ab utili et honesto: nam possibile subintelligitur, necessarium ad utile vel honestum revocatur, facile et iucundum tunc adhibentur cum iam patet utilitas et honestas. Cum itaque aliquid suadendum proponitur, inspecta rei natura et locorum ac personarum conditione, quaerendum est quid utilitatis et honestatis sit

**Argumenta.**

1) VI. VII. — 2) XIII. XIV. V. Cic. Part. XI. XXII. XXIII.

ex re obventurum: tum ea seligenda argumenta quae facilius auditorum mentes convincere et animos movere possint <sup>1)</sup>).

Iudiciali generi, quod graece *δικανικόν* est, finis proponi- Iud.cii finis.  
tur aequitas: leges enim et quae proficiscuntur a legibus et iure civili ad facilitatem et aequitatem solent ab oratore referri. Iudiciorum partes sunt Accusatio et Defensio: materies Partes.  
generatim est ius. Ius in privatum et publicum Romani <sup>2)</sup> divide- Materies.  
bant: hinc iudicia privata, quae nos *civilia* dicimus, et iudicia publica, quae *criminalia* appellamus: illic proprie ius cuique in rem suam vindicatur; hic crimen absolvitur vel punitur. Sed et factum quodlibet legibus subicitur, et ius factis eorumque adiunctis involvitur. Quare etsi in prioris generis causis pluri- Leges et fa-  
mum de iure et legibus, in aliis de crimine et poena potissi- cta iungun-  
mum disputetur; in quolibet tamen foro tum ius tum facta u- tur.  
berrimam materiam praebent.

Ius vero universim acceptum complectitur legem et ea om- Legum par-  
nia, quae vim legis habent. Lex alia est naturalis, qua inuata tes.  
vi praecipiuntur religio, pietas, gratia, observantia, veritas, ce-  
tera: alia positiva, quae non ducitur a natura, sed naturae legi-  
bus est consona; eaque vel est divina, ecclesiastica, canonica;  
vel humana, quae est gentium, aut civilis: seu a gentibus re-  
cepta, vel a principibus sancita. Vim legis habent omnia testi-  
monia scripto exarata, quae tabularum nomine dicuntur, et sunt  
pacta, conventa, contractus, stipulationes, testamenta, et huius-  
modi.

In factis spectantur potissimum adiuncta personarum, loci, Spectandum  
temporis: tum causae, eventa, iudicia, testimonia imprimisque in factis.  
rerum negotiorumque natura: omnia enim haec et causae ar-  
gumenta et dicendi copiam in iudiciali genere suppeditant;  
praesertim cum status causae est coniecturalis, de quo mox  
dicendum.

### § III.

#### *De Controversia et Causae Statu*

Ut de re aliqua eloquenter dicamus, primum contemplamur Quid contro-  
rei vim et naturam, et quo dicendi genere continetur; deinde versia?  
quid proxime disputetur: ut causae quasi momentum statuatur.

1) V. Cic. II. Orat. IX.—2) V. Aul. Ant. Rom. P. I. c. 7.

Controversia propterea est animovolvenda, quae est: conflictio duarum propositionum, quarum una adfirmat, altera negat: ut *Fecisti, Non feci: Iure feci, Non iure fecisti: Pompeius scientia militari excellit, Pompeius scientia militari non excellit. Facile est perspicere causae statum hinc oriri, hoc est id quod et orator praecipue sibi obtinendum, et iudex aut auditor spectandum maxime intelligit: 1) in hoc enim causa consistit: ut, Fecisti, Non feci: An feceris. Sed Tullio status est idem ac controversia.*

Tres sunt status.

Tres autem sunt status, seu controversiae oratoriae: tria enim praecipue de re quapiam quaeri possunt. *An sit?* quod est coniecturae. *Quid sit?* quod est definitionis. *Quale sit?* quod est qualitatis sive accidentis. Status itaque triplex: coniecturalis, definitivus, et qualitatis. Cum qui accusatur, reponit *Non feci*, status est coniecturae: si respondet *Quod feci, non est hoc, vel hoc nomine non est appellandum*, status est finis seu definitionis: si tandem dicit *Quod feci, iure et recte feci*, status est qualitatis. Quare in oratione pro Coelio, in qua quaeritur An Coelius venenum paraverit, status est coniecturalis: in oratione pro Plancio, cum quaeritur utrum pecuniae largitio, ab ipso facta, sit ambitus, status est definitionis: status qualitatis est in oratione pro Milone, ubi quaeritur iure an iniuria Milo Clodium occiderit.

Status coniecturalis.

Status coniecturalis est ille, qui nascitur ex contentione de re aliqua vel praeterita vel praesenti vel futura. Quaeri enim coniectando potest: An res fuerit, An sit, An futura sit. Atque huc referuntur quaestiones: Unde orta sit vel oriatur res: Quibus causis effecta sit vel efficiatur: An ab eo quod est in aliud mutari possit. Plerumque tamen status coniecturalis est in re praeterita: quare Fabius tres omnino coniecturales locos recenset: An voluerit, An potuerit, An fecerit 2).

Status definitionis.

Status definitivus est ille, in quo rei natura aut nomen in controversiam venit: quare rerum definitionibus opus est. Quaelibet autem definitio tum ex hominum opinione formari debet, tum multis rationibus confirmari; ut orator factum aliquod criminis vel non criminis fuisse ostendat. Interdum necesse est etiam cum adversarii definitione suam disserendo conferre, ut pateat utra sit honesta, utilis, aequa 3).

Status qualitatis.

Qualitatis status dicitur ille, in quo non natura aut nomen,

1) V. Quint. Lib. III. c. 5.—2) Lib. VIII. c. 2.—3) V. Cic. II Inv. 17.

sed rei attributa bona vel mala exquiruntur: unde tamen vis etiam naturae et genus ipsius rei cognoscitur: *generalis* propterea a Tullio dicitur. Duplex est: *Negotialis* et *Iuridicialis*, prout Est duplex :  
Negotialis. qualitas est futura vel praeterita. *Negotialis* enim ex controversia de re futura vel facienda oritur, et ab eodem Tullio definitur: *Constitutio, in qua quid iuris ex civili more et aequitate sit consideratur* <sup>1)</sup> Quare eius loci sunt aequum, utile, honestum, gloriosum. Quos locos Cicero pertractat in oratione pro Archia, ubi quaerit sitne Archias ex lege Plautia Papiria in civitate retinendus.

Status autem *Iuridicialis* nascitur ex controversia de re iam *Iuridicialis*. facta, et, ut eius nomen indicat, semper cum iure coniungitur. Definitur a Tullio: *Constitutio, in qua aequi et iniqui natura, et poenae aut praemii ratio quaeritur* <sup>2)</sup> Prout autem ex sese vel aliunde argumenta desumit, *iuridicialis* status distribuitur in *absolutum* et *assumptivum*. *Absolutus* habetur ille, cuius Absolutus. qualitas in se iusti rationem continet, qua factum defendatur: utcum quis concedit factum, sed iure admissum contendit: puta, Milo iure interfecit Clodium.

*Assumptivus* vocatur status, cum eius qualitas excusatio quaedam est, qua non factum sed eius voluntas purgatur, qui factum admisit. Huius defensionis partes quatuor a Tullio recensentur: *Comparatio*, *Relatio criminis*, *Remotio criminis*, et *Concessio*. *Comparatio* seu *compensatio* est, cum factum per se Comparatio. iainquam ex eo defenditur, quod si aliter res gesta esset, vel deterius aliquid, vel nihil boni obvenisset: ut, si quis dux recto arma hostibus permisisse contenderet, ne iis servatis omnes milites interirent. *Relatio criminis* seu *recriminatio* est, cum in Relatio criminis. eum ipsum, cui illatum est damnum, culpa confertur: quod facit Cicero cum, ut defendat Milonem, ostendit Clodium snipsius mortis causam fuisse. *Remotio* seu *translatio criminis* est cum Remotio criminis. crimen in alium ad causam non pertinentem, aut in rem, quae in iudicium vocari nequit, transfertur: ut Legati Rhodii qui de non obita legatione accusati, obiectum crimen in Quacstores, qui pecuniam, dari solitam, non dederint, reiciunt: et apud Plutarchum in vita Pyrrhi quidam iuvenes vini impotentiae tribuunt contumelias, quibus audacter regem oneraverant. *Con-* Concessio. *cessio* denique est, cum reus consulto fecisse negat, petitque

1) I. Inv. 2.—2) Ibid.

excusationem ab imprudentia, a casu, a necessitate : ad hanc confugit Tullius pro Ligario. Cui purgationi plerumque subii- ci solet deprecatio, uti praestat idem Cicero ibidem, praesertim ad extremum orationis <sup>1)</sup>).

## CAPUT II.

## DE CAUSARUM MATERIE

<sup>1)</sup>Orationis vis. *Ratio omnis dicendi tribus, ait Tullius, ad persuadendum rebus est nixa : ut probemus vera esse ea quae defendimus : ut conciliemus nobis eos qui audiunt : ut animos eorum ad quemcumque causa postulabit motum vocemus <sup>2)</sup>*. Quamquam igitur causae seu orationis materies proxime est quaestio et controversia, quae inde oritur; constituta tamen controversia et propositione, orator exquirat argumenta, quibus et fidem faciat iis, quos in suam sententiam vult deducere, et motum eorum animis, ad conciliandum vel persuadendum, affe-  
 Materies pro-  
xima. rat: ratiocinatione enim et affectu eloquentia constat. Argu-  
 Materies re-  
mota. menta huiusmodi sunt materies remota causarum, atque haec est, de qua nunc quaerimus. Age, argumenta duplicis sunt generis: alia ad propositionem confirmandam sunt comparata, et dicuntur demonstrativa, graece ἀποδεικτικᾶ; alia ad animos movendos: quae si ad conciliandum, ἡθικᾶ, si ad concitandum sedandumve adhibentur, παθητικᾶ nuncupantur. Non solum autem duplex hoc argumentorum genus invenire, sed rationem etiam orator excogitare debet, qua eadem augeat et amplifiet non copioso et ornato solum dicendi genere, quod est facundiae: sed gravi et vehementiori rerum explicatione, in quo potissimum vis eloquentiae proditur <sup>3)</sup> Trīa itaque hic sunt quaerenda: primo quae sunt argumenta ad fidem faciendam; deinde quae ad animorum motus varie tractandos pertinent; postremo quae est amplificandi ratio.

1) V. Chrys. Hom. in Epis. Flaviaui reditum.—2) II. Orat. XXVII.

3) V. Cic. l. c.

## § 1.

*De argumentis ad fidem faciendam*

Quoniam arguere est ostendere seu patefacere, argumentum Quid argu-  
erit id, unde natura alicuius rei cognosci potest, signum, indi-  
cium, coniectura. Quintiliano argumentum est: Ratio certa vel  
mentum?

probabilis, iudicium rei praestans, qua colligitur aliud per al-  
liud, et id quod est dubium per id quod non est dubium con-  
firmatur<sup>1)</sup>. Semper itaque in argumento contineri debet aliquid  
quod certum aut sit aut videatur. Quae pro certis habentur sunt, Diversae na-  
quae sensibus percipiuntur, quae unanimi hominum consensu turae est.  
tenentur; quae legibus sunt constituta, vel consuetudine et mo-  
ribus firmata; quidquid inter partes convenit. Post certa sequun-  
tur credibilia, quae in tres classes tribuuntur: alia enim fere  
semper accidunt, ut filios a parentibus amari: alia saepius, ut  
eum, qui recte vult, in erastinum perventurum: alia quae  
interdum, ut furem non omnia surripere.

Id vero, unde argumentum petitur, dicitur sedes vel locus Loci insiti.  
argumenti: loci alii insiti sunt, qui inhaerent ipsa re, graece *ἐντε-*  
*χνοί*; alii assumpti sive remoti, qui sine arte putantur, graece  
*ἄτεχνοί*. Qui rebus ipsis sunt infixi, hi praecipue censentur:  
Definitio, Enumeratio partium, Genus, Forma, Causa, Effectus,  
Antecedentia, Consequentia, Adiuncta, Similia, Dissimilia, Ex-  
empla, Comparationes. Est autem definitio: *Earum rerum, Quid defini-*  
*quae sunt eius rei propriae, quam definire volumus, brevis et* tio?  
*circumscripta quaedam explicatio*<sup>2)</sup>. Quae sit ex genere et dif- Varie defini-  
ferentia, ut; animal est corpus sensu praeditum: ex genere et mus.  
proprietas, ut; ales est animal volatile: a similibus, ut; con-  
tinentia est in rebus propriis, quod abstinentia in alienis: a dis-  
similibus, ut; mater est quae cura et amore filios educat, no-  
verea quae negligentia et invidia: a contrario, ut; *Virtus est*  
*vitium fugere et sapientia prima Stultitia caruisse*. Definitio- Quid descri-  
ni affinis est descriptio, quae est fusior et aperta personarum ptio?  
rerumque explicatio, et ab oratore definitioni anteponitur: nam  
in genere praesertim deliberativo et demonstrativo, ut res ab

1) V. Quint. lib. V. c. 10.—2) Cic. I. Or. XLII.

omnibus teneantur, orator assequitur non illa subtili dialecticorum definitione, sed evidenti rerum descriptione <sup>1)</sup>).

Usus definitionis.

Definitio confirmationi inservit et amplificationi. Arguit Tullius: *Quod si rerum tuarum immortalium, C. Caesar, hic exiit futurus fuit, ut, devirtis adversariis, rempublicam in eo statu relinqueres, in quo nunc est, vide, quaeso, ne tua divina virtus admirationis plus sit habitura, quam gloriae: siquidem gloria est illustris ac pervagata multorum et magnorum vel in suos vel in patriam vel in omne genus hominum fama meritorum* <sup>2)</sup>. Amplificat Chrysostomus: Σταυρὸς Χριστιανῶν ἐλπίς, σταυρὸς τυφλῶν ὁδηγός, σταυρὸς πλανωμένων ὁδός. σταυρὸς ἀδικουμένων ἐκδικός, σταυρὸς πλουσίων χαλινός, σταυρὸς ὑπερηφάνων ἀντιτάγμα. σταυρὸς δουλεόντων ἐλευθερία, σταυρὸς βαρβάρων Φιλανθρωπία, σταυρὸς βασιλέων μεγαλοπρέπεια..... <sup>3)</sup>.

Enumeratio.

Saepius argumentatio constat enumeratione, quae est oratio genus, vel totum aliquod in suas partes distribuens, ut modo affirmando vel negando, modo partim affirmando, negando partim rei naturam cognoscamus. Haec autem enumeratio complectitur etiam adiuncta, causas, effecta, eventus, antecedentia, consequentia. Exempli sunt obvia. *Iam vero virtuti Cn. Pompeii, quae potest per oratio inveniri* <sup>4)</sup>?

Genus et Species.

Genus dicitur id sub quo plures partes, quae vocantur species aut formae, comprehenduntur: ut animal quod hominem et belluas, ut virtus, quae iustitiam temperantiam fortitudinem prudentiam, ut arbor, quae platannum, cypressum, pinum, abietem complectitur. A genere Archiam laudat Tullius: *Sit igitur sanctum apud vos humanissimos homines hoc Poëtae nomen, quod nulla unquam barbaria violavit. Saxa et solitudines vocat*... <sup>5)</sup>. Sed genus debet esse proximum: tunc enim genus cum thesi facile confunditur: a thesi autem ad hypothesim veluti a genere ad speciem optima est argumentatio. Verum si genus sit remotius, raro a genere ad speciem licet argumenta petere cum dignitate: nam facile est a re proposita longius aberrare, et audire poetam: *Sed dic, Posthume de tribus capellis*: ut si quis de caritate dicturus, in virtutis laudes excurreret.

Causae quatuor.

Gravius confirmamus a causis et effectis, quae rem proxime

1) V. Quint. VII. c. 3.— 2) Pro Marc. VIII.— 3) Hom. in Cr.—

4) Pro Leg. Man. V. Segneri Pan. del Nome di G. n. 2. 3.—

5) Pro Arch. VIII.



attingunt. Causa universim est id unde aliquid proficiscitur. Quare causa est efficiens, quae aliquid efficit vel producit: finalis, quae est ratio propter quam aliquid fit: materialis, quae est ipsa materia, ex qua aliquid fit: et formalis, quae speciem formamque rei tribuit. In Iovis simulacro Phidias est causa efficiens: finalis duplex; *operis*, seu ipsum Iovis simulacrum, et *operantis*, seu gloria, pecunia, alia: materialis marmor: formalis imago, seu species illa, quam, prius in mente conceptam, in marmore Phidias expressit, ut Iovis simulacrum haberetur. Ex causis docet Tullius Clodium insidias Miloni fecisse: Quoniam igitur pacto probari potest insidias Miloni fecisse Clodium? <sup>1)</sup>

Effectus, seu effecta, sunt ea, quae oriuntur ex causis, qui- Effectus.  
bus cum sint similia, magnam argumentorum segetem prae-  
bent. Idem Tullius nomine Archytæ voluptatem ab effectibus  
exagitat: Accipite enim, optimi adolescentes orationem Archy-  
tae Tarentini magni in primis et praeclari viri... <sup>2)</sup>.

Loco causarum vel effectuum numerantur interdum antecede- Antecedentia  
dentia vel consequentia: priora dicuntur ea, quibus positis, et Conse-  
necesse est alia consequi, ut: ortus est sol; ergo dies est. Al-  
tera sunt quae rem necessario praesumunt, ut: est copia fru-  
ctuum; ergo et florum fuit. Sed haec dialecticorum sunt pro-  
pria: eadem orator latius accipit; ut sint ea omnia quae rem  
vel praecesserint vel sint consecuta.

Uberrima argumentorum seges sunt adiuncta: ea nimirum, Adiuncta.  
quae cum re non necessario, sed probabiliter sunt coniuncta,  
seu quae rem quoquo modo circumstant. Tria genera numeran- Quorum tria  
tur: Adiuncta rei, ut locus et tempus: Adiuncta animi et cor- genera.  
poris, ut scientiae, artes, virtutes, vitia, valetudo, pulchritudo,  
deformitas: Adiuncta fortunae, ut genus, opes, honores, divi-  
tiae, paupertas, inimicitiae. Ex his facile ducuntur argumenta:  
Plana est Apulia, facile sternuntur viæ: Inculta est Calabria,  
difficile victu est: Hyems erat, exercitum non duxit: Autu-  
mnus propinquabat, fructuum patebat ubertas: Militiae peritus,  
manus egregie apparabit: Cupidine reguli incensus, bellum in pa-  
triam infert: Aeger erat, domo non exiit: Deformis est, contem-  
ptui habebitur: Nobili genere natus, magnum animum prae se  
tulit: Deliciis affluens luxui se corrumpendum dedit. Praeci-

1) Pro Mil. XII.—2) De Senect. XII.

pua adiuncta, ut facta et eventa diiudicemus, sunt in vulgato versiculo: *Quis, quid, ubi, per quos, quoties, cur, quomodo, quando*. Facile est in qualibet excellentium auctorum oratione adiuncta eorumque vim perspicere: sed praestat fere omnia contemplari in oratione Tullii pro Milone.

**Similitudo.** Similitudo ad illustrandum, exemplum ad probandum etiam maxime valet: in hoc autem differunt, quod exemplum sit rei gestae utilis ad persuadendum commemoratio; similitudo re-

**Exemplum.** rum, ceteroqui disparium, collatio in eo, in quo conveniunt. Similitudinem et exemplum coniungit Tullius: *Iam hoc non ignoratis... 1)*. Exemplis utitur Segnerius concione tertia. A dissimilibus etiam argumenta petuntur 2).

**Comparatio.** Comparatio est oratio, qua duo vel plura in tertio aliquo, quod illis sit commune, conferuntur. Comparamus autem A minori, ut: *Maiores vestri saepe, mercatoribus ac naviculato-ribus iniuriosius tractatis, bella gesserunt; vos, tot civium Rom. millibus uno nuntio atque uno tempore necatis, quo tandem animo esse debetis? 3)*. A pari: *Quare ista coniuratio, si patefacta per me est, tam patet Hortensio, quam mihi. Quem cum videas hoc honore, auctoritate, virtute, consilio praeditum, non dubitasse, quin innocentem P. Sullam defenderet, quaero cur qui aditus ad causam Hortensio patuerit, mihi interclusus esse debuerit? 4)*. A maiori: *Quo tandem animo hoc tibi ferendum putas? Servi mehercule mei, si me isto pacto metuerent, ut te metuunt omnes cives tui, domum meam relinquendam putarem: tu tibi urbem non arbitraris? Et si me meis civibus iniuria suspectum tam graviter atque offensum viderem, carere me aspectu civium, quam infestis oculis omnium conspici mallet: tu cum conscientia scelerum tuorum agnoscas odium omnium iustum et iam diu tibi debitum, dubitas, quorum mentes sensusque vulneras, eorum aspectum praesentiamque vitare? 5)*.

**Loci remoti.** Loci remoti sunt ii, qui, cum ipsa re non inhaerent, aliunde assumuntur. Ad testimonium a Tullio revocantur: siquidem sola auctoritate nituntur. Testimoniorum duo sunt genera: divinum et humanum: Divinum, ut oracula, ut auspicia, ut vaticinationes, et responsa sacerdotum, haruspicum, coniectorum:

1) Pro Cluent. XXV — 2) V. Cic, Pro Mur. III. — 3) Pro Man. V.

4) Pro Sull. II. — 5) I. Cat. VII.

quae omnia ethnicorum erunt : apud nos valent solum oracula, vaticinationes, responsa sacerdotum, sed meliori sensu. Humanum, quod spectatur ex auctoritate et ex voluntate, et ex oratione aut libera aut expressa: in quo insunt scripta, pacta, promissa, iurata, quaesita. A Fabio sex numerantur: Leges seu praecidia, Rumor et fama, Tabulae seu documenta scripto exarata, Iusiurandum, Tormenta seu quaestiones, denique Testes <sup>1)</sup>. Nolim tamen tormenta quidquam unquam probasse nisi tortorum barbariem.

## § II.

### *De argumentis ad animi motus tractandos*

Neminem latet, *maximam vim*, ut inquit Cicero, *existere oratoris in hominum mentibus vel ad iram, aut ad odium, aut dolorem incitandis, vel ab hisce iisdem permotionibus ad lenitatem, misericordiamque revocandis*; <sup>2)</sup>. Id autem obtinemus adfectuum cognitione imprimisque usu. Liceat propterea nobis aliqua de affectibus dicere; ut breviter noscamus saltem, qui quibusque rebus sint vel excitandi vel sedandi vel conciliandi: haec enim tria orator praestare debet.

Adfectus, quos Graeci *παθή*, Latini motiones animi vocant, sunt: Sentientis animae ex boni vel mali opinione natae commotiones. Quae sic gignuntur: primo obicitur cognitioni res bona vel mala: deinde cognitione *reflexa*, qua actus boni vel mali rationem inducere incipit, rem libere perpendimus; possumus enim primam cogitationem amplecti vel respicere: tertio rei veluti imaginem per evidentiolem cognitionem in mente exprimimus: quarto de re proxime iudicamus eamque bonam vel malam, iure vel iniuria, ducimus: quinto, ex hac animi opinione, delectatione movemur vel dolore: sexto ex alterutro ad amorem vel odium impellimur. Sic enim nati sumus, ut quemadmodum intellectus ad verum, ita voluntas ad bonum feratur, atque ut ille a falso, ita haec a malo abhorreat. Itaque moventur univ-  
Adfectum vis.  
Quid adfectus?  
Eorum Genes.  
Adfectus motio.

versim adfectus primum rei repraesentatione; deinde optima rei descriptione et consideratione accurata: tertio viva et vehementi rei imagine ab oratore in animis expressa: atque ad hoc conferunt tum metaphorarum et figurae, tum interdum digressiones.

1) Inst. lib. V. c. I.—2) Orat. XII.

Unde et quid  
amor?

Cognito evidenter bono, sequitur in voluntate amor, desiderium, spes, et voluptas seu gaudium: sed spei est affinis confidentia. Amor Aristoteli est appetitus in bonum, sive verum hoc sit, sive tale putetur: a Dionysio, vulgo Areopagita, definitur. Συγχαρτική δύναμις ἐν τῷ καλῷ καὶ ἀγαθῷ διὰ τὸ καλὸν καὶ ἀγαθόν, scilicet: vis quaedam, qua animus pulchro et bono adhaerescit, qua pulchrum et bonum est. Quare germanus amor belle dicitur: Adfectus quo alicui bene volumus, non nostra sed illius causa. Huius amoris natura postulat, ut ei, quem amamus, bona optemus, nec optemus modo, sed pro virili procuremus, ac id omne illius tantum gratia. Ad amorem vero excitandum vel conciliandum causae ac viae praecepue sunt: spectata alienius animi voluntas, collata beneficia, comitas, humanitas, iustitia, prudentia, praeclara quaeque virtus: demum, quicquid est bonum, pulchrum, honestum, utile, iucundum.

**Desiderium.** Desiderium oritur ex amore, ac est viva quaedam et constans cogniti boni, quod abest, videndi, assequendi, possidendi cupiditas. Differt a spe, quod spes est de bono futuro arduo; desiderium de bono futuro absoluto, quippe a difficultate abstrahit. Quam valeat hic adfectus ad bonum adipiscendum ex eo intelligi potest, quod praeclara quaelibet actio ex ardenti desiderio fere sequatur, et ad virtutes praesertim acquirendas nihil magis conferat, quam desiderium continenter iucensum. Incenditur autem iisdem rationibus, quibus spes.

**Quid est spes?** Spes, ait Tullius, est expectatio boni: respicit aliquid futurum, sed certum et fixum ex parte rei, ex parte vero nostra ferre arduum et difficile obtentu: erigitur autem primum honestate, pulchritudine, ac magnitudine rei: tum enumeratione honorum, quae, spei compotes, sumus consecuturi: tandem certis propositis auxiliis ad illa comparanda. Auxilia sunt opes, vires, industria, prudentia, amici, gratia, humanus et divinus favor: quae omnia tanto magis spem excitabunt, quanto minora in adversariis esse scimus.

**Quid confidentia?**

Soeia spei est confidentia, *Per quam magnis et honestis in rebus multum ipse animus in se fiduciae certa cum spe collocavit.* <sup>1)</sup> Confidunt praecipue qui vel mala nondum sunt experti, vel a multis calamitatibus incolumes evaserunt: qui praefidenti sunt animo, ac opibus viribusque pollent, quibus impen-

1) Cic. II. Inv. LIV.

dentia mala avertant: sed omnium maxime, qui, cum nihil aggre-  
diantur nisi divino nixi fretique auxilio, illud ubique prae-  
sto esse credunt. Quare confidentia oritur a copia, a praestan-  
tia, a praesentia auxiliorum, et a contentione nostrarum cum  
hostium viribus, quibus superiores esse videamur.

Cum quidpiam vehementer amatum in usum potestatemque nostram concedit, si exoritur motus quidam servidus et vehe-  
mens, qui plerumque pulsat pectus, aperit cor, risum exciet,  
gaudium, laetitia, exultatio dicitur: si motus ille erit modera-  
tior, sequitur hilaritas, quae mentem serenat, cor laetificat, vul-  
tum grato florentique colore perfundit: si tandem animus ex  
laetitia vel hilaritate recedit, sitque sedatior, oriri solet delecta-  
tio et voluptas, quae est voluntatis in bono suavissime conquie-  
scentis tranquillitas. Qui adfectus, si praecipue quaeruntur, uti  
in exornationibus, cidentur personarum rerum vel factorum bo-  
nitate, pulchritudine, praestantia: describuntur honorum fru-  
ctus, commodorum accessio, ludii, pompae, triumphi, regum,  
pontificum, clarorumque virorum in civitates ingressus, populi  
concursus, acclamationes, encomia: quaecumque enim rationem  
habent boni vel corporis vel animi, excitant in illo laetitiam, in  
hoc gaudium. Quod si hi adfectus adhibentur praesertim ad a-  
nimos detinendos, tunc efferuntur exquisitis argumentis, novis,  
ingeniosis, utilibus, et oratione culta, molli, facunda, vernanti,  
picta, varie figurata.

Gaudium.

Hilaritas.

Voluptas.

Ad bonum assequendum valet et aemulatio, quae ex Aristotele est : *Dolor ex alienis bonis exortus, non quod illa alteri sint, sed quod nos illis careamus*: quare ad virtutes imitandas et praecliora aggredienda nos excitat. Aemulatio ab invidia eo differt, quod invidi alios bonis spoliare discipiunt, aemuli simile bonum assequi exoptant. Movetur autem aemulatio, cum bona, quae in aliis excellunt, proponimus, eorumque praestantiam describimus: ad hoc iuvant maxime exempla maiorum, eorumque, qui vel patriae, vel sanguinis, vel alia cognatione ad illos attinent, quos exhortamur.

Quid aemulatio?

Obiecta mali cogitatione, oritur maxime odium, fuga seu horror, timor, et tristitia seu dolor. Odium est adfectus animi a-  
versantis illud, quod malum esse sentimus. Quibus excitetur odium, patet ex eo quod de amore diximus: contrariis enim rebus movetur; ab insigni nimirum rei malitia et turpitudine, a probrosis personarum vitiis, improbitate, superbia, illatis iniuriis.

Ex malo cognito sunt odium.

**Fuga.Horror.** Fuga est conatus ille declinandi a re, quam malam cogitamus : horror est vehemens a re mala, praesertim turpi, aversatio non sine corporis animique commotione. Fuga et horror per-

**Metus seu timor.**

celluntur iisdem rebus, quibus metus seu timor, qui est: Perturbatio exorta ex opinione mali impendentis, quod perniciem vel molestiam afferre possit: parum enim vel nihil timetur malum, nisi impendens sit, aut credatur. Ad metum faciunt: primo malum aliquod magnum ac grave denuntiare, illudque evidenter describere, ut bellum, pestilentiam, pauperiem, infelicem vitam, turpem mortem: deinde ostendere malum vel iam prope esse vel imminenti periculo, et magnis velut itineribus nobis accedere et ingruere: proponere demum mala non solum publica, sed maxime privata, quae nos magis movent, et acriori doloris sensu feriunt, eaque amplificare, praeccludendo omnia effugia, quibus homines solent mala illa vel minuire vel nimis remota putare.

**Quid tristitia?  
Quid dolor?**

Tristitia est motus asper animi ex cogitatione mali coniuncti aut impendentis: Dolor est asper motus corporis vel animi ex praesentia aut opinione mali. Orator itaque studebit tum rebus externis sensus percellere, tum malorum descriptione mentem implere, ut dolor et tristitia sentiatur: ac, quoniam hi motus proficiuntur cum ex malo coniuncto, tum ex bono amisso, praestat vel magnitudinem et gravitatem unius, vel pulchritudinem, commodum, et praestantiam alterius ex adiunctis augere.

**Motus sedandi.**

Non solum excitare, sed compescere etiam motus saepe debet orator. Accidit enim ut motus quidam iniqui sint turpesque, vel rei malitia vel excessus ratione: quare orator, praesertim sacer, omnia adhibebit, ut auditores a pravis adfectibus purget. Quod obtinebit ratione prorsus contraria illi, qua motus excitantur: deluendo nimirum vel tenuando ea omnia, ex quibus amor odium et qui suboriuntur adfectus solent vel turpiter foveri vel nimium incendi.

**Qui frangitur odium?**

Odium in homines lenimus, si frangimus tristitiam illam ac rigorem, qui odiorum perpetuus est comes: si accendimus animos spe et cupiditate certa ab inimico vel ab aliis adipiscendi aliquid, quod utile sit, aut iucundum, aut honestum et gloriosum: si removemus causas, quibus odium exarsit; ut si ostendas eum, qui odio habetur, vel nihil id mereri, vel ea fecisse, quibus praeteritae omnes iniuriae sunt deletae: tandem ad misericordiam provocando, quae sola vel ferreis animis vim admovent.

Ira seu indignatio restinguitur mansuetudine et misericordia. Qui ira et iniuria? Mansuetudo enim seu lenitas, ac clementia omnino opponitur diguatio? irae: quare dicitur irae remissio et mitigatio. Mitigatur autem ira et conciliatur mansuetudo ingenua quadam culpae confessione et dolore, suspicionum remotione, supplicis demissione animi: dicimus quoque eum, qui peccavit, non dedita opera id fecisse, non egisse, ut eum, quem habet iratum, contemneret. Praeterea irato prudenter ostendimus, quantum mansuetudo praestet non solum vindictae cupiditati, sed claris etiam virtutibus: in reo autem commendamus probitatem, virtutem, bona praeterita, vel quae expectari possunt in posterum.

Misericordia dicitur a Tullio: Aegritudo ex miseria alterius, Quid misericordia? iniuria praesertim laborantis. Quae miserationem conciliant, sunt omnia ἀναισθητικά, ut ait Aristoteles; hoc est quae perdendi perimendique vim habent: ut morbi, ut pauperies, senectus, supplicia, cruciatus, solitudo ab amicis vel propinquis, deformitas et debilitatio corporis, ac cetera damna, quae in corpora, animos et fortunas cadere solent. Quae omnia augentur praesertim ab adiunctis personarum, locorum, temporum.

Conciliatio in hoc est, ut et auditorum animos in nos nostras Conciliatio: partes. que res propensos benevolosque faciamus, et ab adversariis rebusque nobis contrariis eos avertamus. Id fit argumentis, quae ἡθικὰ audinat: ac primo si in oratoris moribus probitas benevolentia et prudentia elucet. Probitas apparebit ex sincero virtutis amore, benevolentia ex voluntate in auditorum commoda prona, prudentia ex quadam in dicendo modestia, nulla audaciae labe infecta. Ad haec, auditores pro dignitatis, aetatis, fortunae, regionum, ac morum diversitate, diversa ratione tractabimus: qua enim pronior se dabit via, illac facilius quosque ad veritatem ducemus. Refert autem multum virtutes aut vitia commemorare, et parvis descriptionibus ante oculos auditorum ponere; idque fere dissimulanter, et per ἀντίθεσιν, qua rerum gravitatem, vel elatium conditionem extollamus.

Verum nolim, quae de conciliatione dixi, ita adhibeantur, ut Conciliationis usus. orator, sacer praesertim, in alliciendis animis nimium sollicitus videatur. Tota oratione ita sunt adspargenda, ut auditores sensim, et quin advertant, in nostras partes concedant: quare prudenter curabimus identidem, ut sententiae, ut figurae, ut praesertim adiuncta res omnes personasque, quas volumus, effluant 1).

1) V. Cic. II Orat. XLIII.

## § III.

## De Amplificatione

Quid ampli-  
ficatio ex Lon-  
gino?

Amplificatio-  
nis partes  
tres.

Efficax loco-  
rum exposi-  
tio.

Quae figurae?

Amplificatio definitur a Longino: Συμπλήρωσις ἀπὸ πάντων τῶν ἐμφερομένων τοῖς πράγμασιν ὀρίων, καὶ τόπων ἰσχυροποιούσα τῇ ἐπιμονῇ τὸ κατασκευαζόμενον <sup>1)</sup>; scilicet: Plenitudo quaedam, quae ex omnibus rerum adiunctis terminis ac locis commoratione roborat orationem. Brevius a Tullio: *Est igitur amplificatio gravior quaedam affirmatio, quae motu animorum conciliat in dicendo fidem: ea et verborum genere conficitur et rerum* <sup>2)</sup>. Eius, ut nobis videtur, tres sunt partes: in argumentis ad mentem revincendam efficax locorum expositio: in iis, quae motum concitant, vehemens dicendi ratio: in utrisque accommodus verborum ornatus, delectus, visque in primis <sup>3)</sup>.

Ex locorum expositione oritur evidentia, qua res quaeque mentem pervadat. Ad efficacem locorum expositionem faciunt graves disertaeque definitiones et descriptiones; distincta rei, in suas partes distributae, explicatio; adiunctorum, causarum, effectuum, eorumque, quae rcm praecedant vel consequantur, enumerationatio: tum similitudo, comparatio, exempla, et figurae, quae ad illustrandum valent magis, ut hypothesis seu fictio a) sermocinatio, antithesis, communicatio, sustentatio, correctio. Praestat autem in primis, ut, rem ipsam diu multumque commentati, vel eius naturam ac vim graviter et copiose explicemus b), vel evidentiora adiuncta, ex quibus ipsa natura innote-

1) Περὶ ὕψους λόγου.—2) Part. Orat. XV.—3) V. Cic. Part. Or. XV. XVI. XVII.

a) Il che acciocchè voi più chiaramente conosciate, io prego Vostra Maestà per quel puro affetto, che a prendere la presente fatica m'ha mosso, e se ella alcuna considerazione merita da voi, che non abbiate a schifo di ricevere nell'animo per breve spazio una poco piacevole finzione, e che voi degniate d'immagiarvi che tutte le città, che voi ora legittimamente possedete, sieno cadute sotto la vostra giurisdizione, non con giusto titolo nè per eredità, nè.... Casa Oraz. a Carlo V.

b) Se giammai sulla nostra fronte apparir potesse qualche ombra di rossore, non sarebbe egli in questo giorno, che ci stringe a pub-



scit, de industria evolvamus a), quo proposita veritas auditorum et menti haereat, et insideat animis.

Quod vehementem dicendi rationem spectat, ut oratio magnitudinem illam prae se ferat, qua auditores extra se rapi quodammodo videantur, ac illuc, quo vult orator, deduci, non solum magnis rebus sed magna etiam contentione prolatis efferrī debet: ita enim poterimus eorum mentes qui audiunt, aut inflammare dicendo aut inflammatas restinguere. Quod consequimur si quae argumenta ad affectum praesertim adhibendum usurpabimus, non familiari quodam modo, sed graviore oratione et vehementioribus eloquentiae instrumentis significabimus.

*Sine dubio enim qui dicit expugnatam esse civitatem, completitur omnia, quaecumque talis fortuna recipit: sed in affectus minus penetrat brevis hic velut nuntius. At si aperias haec, quae verbo uno inclusa erant, apparebunt effusae per domos ac templa flammae, et ruentium tectorum fragor, et ex diversis clamoribus unus quidam sonus, aliorum fuga incerta, alii in extremo complexu suorum cohaerentes, et infantium seminarumque ploratus, et male usque in illum diem servati fato senes: tum illa profanorum sacrorumque direptio, offerentium praedas repetentiumque discursus, et acti ante suum quisque praedonem catenati, et conata retinere infantem suum mater. Licet enim haec omnia, ut dixi, complectatur eversio, minus est tamen totum dicere, quam omnia <sup>1)</sup>.*

Quare ad hunc locum maxime conferent figurae, quae ex incensis animi motibus proficiscuntur, ut hypotyposis, interrogatio, exclamatio, dubitatio, imprecatio, deprecatio, prosopopoeia, apostrophe b). Quae figurae tum adhibendae sunt, cum motio, in qua

Vehemens  
dicendiratione.

Fabii doctri-  
na.

Figurae quae  
et quando ad-  
hibendae?

blicare le umiliazioni portentose del Dio che annunziamo, le onte ricevute, le debolezze manifeste, i suoi languori, i suoi tormenti, la sua passione, la sua morte? Tuttavia, diceva il grande Apostolo, a petto... Bourdaloue, Pred. XXXII. pel Venerdì Santo.

a) Fate pur le vostre allegrezze in questo di funestissimo, o peccatori... Segneri, Pred. XXXV. pel Venerdì Santo.

b) Oh gloriose, oh ben nate e ben avventurose anime, che nella pericolosa ed aspra guerra della Magna seguiste il duca e di sua milizia foste, e le quali per la gloria e per la salute di Cesare i corpi vostri abbandonando, ed alla tedesca fiera del proprio sangue e di quel di lei tinti lasciandoli, dalle fatiche e dalle miserie del mondo vi dipartiste: vedete voi ora...

Casa, Oraz. a Carlo V.

1) Quint. lib. VIII. c. 3.

oratoria vis triumphat, eo pertingere debet, ut animos vehementer inflamet, rapiatque ad amandum vel detestandum, ad suscipiendum vel repudiandum aliquid magni momenti: nam tunc denique eloquendi facultas omnia orationis vela pandit, et snam omnem naturam prodit. Quod quidem non obtinetur, nisi ipse orator ab objecta rei vel magnitudine et honestate, vel utilitate et gravitate, vel etiam malitia et atrocitate maximo animi ardore aestuque succendatur. Id autem omne a rerum, temporum, ac locorum conditione atque indole maxime pendet.

Ornatus, delectus, et vis verborum.

Ornatus tandem, delectus, et vis verborum tum vigent, cum aptioribus epithetis seu appositis, adverbis, quae valde conveniunt, et praeclarioribus dicendi formis, prout res quaeque postulat, sententias nostras significabimus: cum appositae periphrases, probatas synonymias, prudentes hyperbolas, et verba quaedam, quae cogitationes nostras illuminent magis, usurpabimus: denique cum cuilibet dicendi generi proprias evidentioresque metaphoras adhibebimus, et diversis verborum figuris pro rerum ipsarum varietate utemur. *Nam illud quidem perspicuum est, non modo partes orationis, sed etiam causas totas, alias alia forma dicendi esse tractandas*<sup>1)</sup>. Sed hoc unum

Res sensilibus formis vestiendae.

est maxime commune, ut orator sensilibus semper formis, ex sensilium rerum metaphoris, similitudine, imagine, exemplo ductis, mentem animumque auditorum subeat a). In hoc enim Oratio a ceteris dicendi generibus potissimum differt: homines autem sensuum praesertim et phantasiae opera delectantur, instruuntur, moventur. Atque haec pauca de amplificatione praecepta, opportune exposita, non solum oratorio, sed omnibus scribendi generibus plurimum conferre possunt. Nam ceteri Rhetores operam saepe, ut minus dicam, hac in re perdunt; qui vel amplificationis naturam pervertunt, vel ante tempus explicant. Exempli ad ea omnia confirmanda, quae de augendi vi diximus, in medio sunt posita: imo plurima suis in locis iam attulimus<sup>2)</sup>.

Quare pauca de amplificatione?

1) Cic. Orat. XII.—2) V. Caussini, lib. V. c. 2. et seqq.—Ranalli, Amm. lib. II. c. 2.

a) Quanto dunque dovrebbi consolare mirar quasi in un'occhiata tanti gloriosi compagni, che vi danno animo? Portate il guardo in Egitto, voi vi vedrete un Giuseppe... Segn. Pred. VIII. n. 3.

Mi sapreste voi dire, signori miei, qual fosse il merito grande del patriarca Abramo... n. 4. Quando io mi voglio figurare questo giubilo, sapete che mi figuro?... n. 5.

## CAPUT III.

## DE ORATIONIS PARTIBUS

Causam aggressi omnia cogitando, quoad facere possumus, Quando ag-  
 prosequemur, ac quum et argumenta causae et eos locos, qui- gre-dienda o-  
 bus auditorum animi conciliantur, et illos quibus permoven- ratio?  
 tur, vidimus atque cognovimus; tum ad orationem ipsam exor-  
 diendam accedemus. In qua primum conciliandi sunt eorum Eius natura-  
 animi, qui audiunt; deinde demonstranda aut narranda res lis constitu-  
 est, quae omnis reliquae orationis sit fons. Sequitur, ut ponat- tio.  
 tur id, in quo caput causae et summa constituitur. *Tum sugge-  
 rendae sunt firmamenta causae coniuncte, et infirmendis con-  
 trariis et tuis confirmandis: namque una in causis ratio quae-  
 dam est eius orationis, quae ad probandam argumentationem  
 valet. Ea autem et confirmationem et reprehensionem quaerit;  
 sed quia neque reprehendi, quae contra dicuntur, possunt,  
 nisi tua confirmes; neque haec confirmari, nisi illa reprehenda-  
 das; idcirco et natura et utilitate et tractatione coniuncta  
 sunt. Omnia autem concludenda plerumque rebus augendis,  
 vel inflammando iudice, vel mitigando: omniaque, cum supe-  
 rioribus orationis locis, tum maxime extremo, ad mentes iu-  
 dicum quam maxime permovendas, et ad utilitatem nostram  
 vocandas, conferenda <sup>1)</sup>*. Non immerito igitur ab aliquibus sex Sex partes ha-  
 partes tribuuntur orationi: Exordium, Narratio, Propositio, Ar- bere videtur.  
 gumentatio, Motio animorum, et Peroratio. Fabius propositio-  
 nem respuit: alii partitionem et egressionem addiderunt. Sed  
 propositio perspicuitatis gratia admitti potest: ad propositionem  
 partitio, egressiones partim ad argumentationem, ad motionem  
 partim spectant: cum enim rem aliquam magnam narraverimus  
 aut confirmaverimus, ad amplificationem aut affectum digre-  
 dimur <sup>2)</sup>. Itaque paucis ea explicabimus, quae in ea Rhetori- Quid dispo-  
 cae parte traduntur, quam dispositionem appellant: est autem sitio?  
 dispositio ordo et distributio rerum, quae demonstrat quid qui-  
 busque locis sit collocandum.

1) Cic. II. Orat. LXXXI.—2) V. Quint. lib. IV. c. 3.

## § 1.

## De Exordio

- Quid exordium? Exordium dicitur a Tullio: *Pars orationis auditorum animos idonee comparans ad reliquam orationem* Dividitur autem primo in duo genera: in principium, et insinuationem. Principium, graece *προοίμιον*, est oratio perspicue et protinus perficiens auditorem benevolum aut docilem aut attentum: insinuatio, graece *ἔπος*, est oratio quadam dissimulatione et circuitione obscure subicus auditoris animum, ut docet Tullius <sup>1)</sup>. Verum ipse Tullius videtur alibi tria exordiorum genera facere: ait enim: *Omne autem principium aut rei totius, quae agitur, significationem habere debet, aut aditum ad causam et munitionem, aut quoddam ornamentum et dignitatem* <sup>2)</sup>.
- Principium. Tria exordiorum genera. Rei totius, quae agitur, significatio habetur, cum summam causam breviter exponimus, ut dociles sint auditores: quod facit Cicero pro Ligario et contra Antonium oratione tertia. Aditum ad causam et communitio est, cum auditorum animos, ut benevoli sint, insinuatione praeparamus, ea asserendo, quae nobis favent, et removendo, quae obesse possunt: huius generis est exordium pro Lege Manilia et pro Milone. Ornamentum denique et dignitatem habet exordium, cum causam laudibus exornat et in sublime effert, ut audientiam sibi faciat orator: atque huc pertinet exordium pro Marcello et pro C. Rabirio. Fateor equidem haec tria in uno exordio convenire posse, imo interdum debere; sed si rem diligentius inspicimus, ut plurimum, unum ex tribus assumitur, aut certe praecellit.
- Insinuatio. Abrupte dicere. Sunt qui aliud exordii genus vocant abruptum vel ex abrupto: sed abrupte dicere est sine exordio dicere, vel quia vehementiori animi motu ad ipsam statim causam aggrediendam ferimur, vel quia nihil opus est praefari. Quod extremum accidit in parvis atque frequentibus causis, in quibus ab ipsa re orationem inchoare saepe est commodius.
- Exordii munus. Exordii munus, quod iam supra attigimus, explicat Fabius: *Causa principii nulla alia est, quam ut auditorem, quo sit nobis in ceteris partibus accommodatior, praeparemus. Id fe-*

1) Inv. XV. — 2) II. Orat. LXXIX.

ri tribus maxime rebus inter auctores plurimos constat, si benevolum, attentum, docilem fecerimus; non quia ista non per totam actionem sint custodienda, sed quia in initiis maxime necessaria, per quae in animum iudicis, ut procedere ultra possimus, admittamur <sup>1)</sup>).

Loca, ex quibus ducuntur principia, sunt eadem quae adhibemus ad probandum, ac praecipue ad movendum: motuum enim pertractatio, licet sicuti sanguis in corporibus sic illa in perpetua oratione fusa esse debeat, proprie tamen in principiis conciliando, et permovendo in peroratione locum habet. Ducitur itaque exordium ex personae rei et fortunae adiunctis, a plana simplici causae expositione, ab insigni aliqua sententia, vel exemplo: quae omnia audientium animos excitare debent, et leni quodam motu ad nostram sententiam parare. Maxime autem principia non extrinsecus alicunde, sed ex ipsis causae visceribus sunt sumenda. Namque pertentata atque perspecta causa, et locis omnibus inventis atque instructis, tum denique Considerandum est, quo principio sit utendum. Ita enim, inquit Tullius, principia et momenti aliquid afferent, cum erunt pene ex intima defensione deprompta, et apparebit ea non modo non esse communia, nec in alias causas posse transferri, sed penitus ex ea causa, quae tunc agatur, effloruisse <sup>2)</sup>. Quare non omnino immerito ait ibi Antonius se, ceteris omnibus orationis partibus consideratis, tum denique id, quod primum est dicendum, postremum solere cogitare, quo uteretur exordio: nam si quando id primum voluerit invenire, nullum sibi occurrisset, nisi aut exile, aut nugatorium, aut vulgare, aut commune. Quod etsi Quintiliano <sup>3)</sup> non probatur, monet tamen nos quid faciendum sit, ne inepti videamur.

Iam prima exordii virtus est, ut sit causarum proprium; quod qui fiat, nuper ex Tullio audivimus: tum ut occultiori arte ducatur accuratum et acutum, ac instructum sententiis, aptum verbis. *Prima est enim quasi cognitio et commendatio orationis in principio, quae continuo eum qui audit permulcere atque allicere debet* <sup>4)</sup>. Ad haec, habeat exordium cum reliqua oratione proportionem: oportet enim, ut aedibus ac templis vestibula et aditus, sic causis principia proportionem rerum prae-

Unde sumitur exordium?

Quando faciendum?

Exordii proprietates.

1) Inst. lib. IV. c. 2.—2) II. Orat. LXXVIII.—3) Lib. III. cap. 9.

4) Cic. II. Orat. LXXVIII.

nere: idque non solum de magnitudine, sed de ipsa potissimum rerum natura est intelligendum; ne aut magna parvis, parva magnis praeponamus, aut exordii gravitati non respondeat oratio <sup>1)</sup>.

Exordii cum oratione conexio.

Tandem, quod caput est, *principium ita sit conexum consequenti orationi, ut non tanquam citharoedi prooemium affectum aliquod, sed cohaerens cum omni corpore membrum esse videatur. Nam nonnulli, cum illud meditati ediderunt, sic ad reliqua transeunt, ut audientiam sibi fieri velle videantur. Atque huiusmodi illa prolusio debet esse, ut non Samnitum, qui vibrant hastas ante pugnam, quibus in pugnando nihil utantur, sed ut ipsis sententiis quibus proluserunt vel pugnare possint* <sup>2)</sup>. Hoc autem sic faciendum est, ut auditores neque ex exordio, neque ex propositione totam orationis materiam praecipere possint: quod saepe causae plurimum obest.

## § II.

### *De Narratione et Propositione*

Quid narratio?

Cum per exordium paravimus auditores, maxime naturale est, ut rem de qua dicturi sumus indicemus. Id facimus narratione, quae est rerum gestarum, aut perinde gestarum, expositio.

Narratio triplex.  
Poëtica.

Triplicis vero generis est narratio: poëtica, historica et oratoria. Ac poëtica quidem rem fictam, vel certe commentitiis fabulis et ornamentis aspersam, eo temporum et locorum ordine qui ad carminis pulchritudinem magis confert, exponit atque omnibus

Historica.

artis coloribus expolit atque pingit. Historica autem rem omnem gestam naturali temporis et rei ipsius serie persequitur, iis tantum artis instrumentis adhibitis, quae rem in maiori luce

Oratoria.

collocent, nullo veritatis detrimento. Oratoria tandem rem illam vel rei partem explicat, quae in controversiam venit: propterea dicitur rerum in eo negotio, de quo agitur, explicatio. Cuius explicationis id est praecipuum, ut cetera dissimulando vel minuendo, ea tantum demonstramus, quae et causae nostrae favent, et argumentorum materiam praestituunt, omni fictae falsaeque rei suspitione remota: id enim oratore maxime est indignum.

1) V. Runalli, lib. 3 c. I n. 2.—2) Cic. II. Orat. LXXX.

Iam vero oratoriae narrationis, de qua nunc est sermo, virtutes sunt: iucunditas, probabilitas, et perspicuitas. Alii brevitem addunt: sed brevis appellanda est, cum verbum nullum redundat. Nam si brevis sic intelligitur ut tantum sit verborum, quantum necesse sit, *aliquando*, inquit Tullius, *id opus est; sed saepe obest vel maxime in narrando, non solum quod obscuritatem affert, sed etiam quod eam virtutem, quae narrationis est maxima, ut iucunda et ad persuadendum accommodata sit, tollit* <sup>1</sup>).

Oratoriae  
narrationis  
dotes.

Brevis.

Ut autem iucunda sit narratio, non tam a verbis habebit quam ab expositione, quae sit distincta personis, interpuncta sermonibus, appositis morata. Quibus rebus eminere debet probabilitas; si quae narrantur, personis locis et rebus convenient, si eventus cuiusque causa indicetur, confirmeturque aliquo testimonio; si quae proferuntur sint cum opinione, lege, ac religione coniuncta; si qui narrat sit notae fidei atque probitatis. Verum Cicero primas partes tribuit perspicuitati: nam licet totam orationem apertam esse oportet, hoc magis in narratione elaborandum est, *quod et difficilius est non esse obscurum in re narranda, quam aut in principio, aut in argumento, aut in purgando, aut in perorando; et maiore periculo haec pars orationis obscura est, quam ceterae: vel quia si quo alio in loco est dictum quid obscurius, tantum id perit, quod ita dictum est; narratio obscura totam obcaecat orationem: vel quod alia possis, semel si obscurius dixeris, dicere alio loco planius; narrationis unus est in causa locus. Erit autem perspicua narratio, si verbis usitatis, si ordine temporum conservato, si non interrupte narrabitur* <sup>2</sup>).

Iucunditas.

Probabilitas.

Perspicuitas.

Narratio locum habet potissimum in genere iudiciali, sive de crimine, ut in Miloniana, sive de iure, ut in Quintiana, sit quaestio: neque tamen semper, aut eodem modo: nam cum res constat et ius quaeritur vel crimen excusatur, saepe nulla opus est narratione. Deliberationi etiam praepositur narratio, sed fere est non tam rei gestae quam negotii expositio, uti videre est in Maniliana. At in genere exornativo ea obtinet narratio, quae et festivior sit, et per totam orationem aspersa: nam quae ibi narrantur tum ad delectandum movendumque, tum ad confirmandum identidem adhibentur. Huius generis narrationes, quae

Narrationis  
locus.

Narratio ge-  
neris exorna-  
tivi.

1) 1 II. Orat. LXXX. 2) C c. l. c.

cum descriptionibus etiam coniunguntur, plurimae sunt in Ver-  
rinis, in Catilinariis, in Philippicis. Vide praesertim Verrinam  
secundam, in qua Lampsaci urbs describitur et Verris facinora  
narrantur <sup>1)</sup>: tum nonam Fabii declamationem, ubi pauperis fi-  
lius pugnat usque ad mortem pro divite amico. Illud autem  
imprimis tenendum alias esse narrationes, quae totam praeci-  
pui causae facti rationem solide complectuntur: alias, quae res  
gestas inducunt ad confirmationem, expolitionem, amplifica-  
tionem.

Descriptio  
rei.

Solet autem iu causis accidere, ut, omissa narratione, natu-  
ra rei, de qua disputamus, sit primum aperienda: tunc vero con-  
fugimus ad definitionem, seu gravius ad descriptionem. *Etenim  
definitio*, inquit Tullius, *primum reprehenso verbo uno, aut  
addito aut demto, saepe extorquetur e manibus; deinde gene-  
re ipso doctrinam redolet, exercitationemque pene puerilem;  
tum in sensum et mentem iudicis intrare non potest: ante e-  
nim praeterlabitur, quam percepta est* <sup>2)</sup>. Huius descriptionis  
exemplum est in Tullio: *Lex est iustorum iniustorumque di-  
stinctio, ad illam antiquissimam et rerum omnium principem  
expressa naturam, ad quam leges hominum diriguntur, quae  
supplicio improbos afficiunt, defendunt et tuentur bonos* <sup>3)</sup>,  
Nec vero hanc descriptionem, seu oratoriam definitionem, lon-  
giorem volumus: tum enim pura dilucida ac distincta, tum e-  
tiam brevis esse debet, ut ab auditoribus facile teneatur.

Quid propo-  
siti?

Vel ab ipso exordio, vel certe a narratione sponte fluere de-  
bet illa, quam in studio causae et controversiae constitu-  
tione iam praefinivimus <sup>4)</sup> propositio, seu oratio, qua profite-  
mur, qua de re sumus dicturi: quod quidem, si res patet aut  
tacita melius suadet, aperte non facimus. Aliud probandum  
orator assumit, aliud inde obtinendum sibi proponit. Duplex  
itaque est propositio: Praecipua, seu id, ad quod assequendum  
omnia naturae atque artis praesidia admovemus: et Assumpti-  
va, seu id quod probandum suscipimus, quo tanquam impellen-  
ti ratione priore consequamur. Assumptivae propositionis vir-  
tutes multae recensetur; ut sit quam clarissima; ut omnia ora-  
tionis argumenta partesque omnes in illam concurrant; ut tra-  
ctari copiose et ornari facile possit; ut auditorum animos vel

Est duplex.  
Praecipua et  
Assumptiva.

Huius dotes.

1) In Ver. lib. 1. n. 63. — 2) II. Orat. XXV. — 3) II. De leg. n. 3.

4) V. Broeckaert, LE GUIDE P. 5 s. 2. c. 1 a. I § 3.



novitate, vel utilitate, vel rei magnitudine et gravitate excitet et attentos reddat: sed una est potissima; ut sit controversa. Qua in re saepe oratores, praesertim sacri, falluntur, eas propositiones eligentes, quae nec controversae sunt nec dubiae apud auditores: aerem propterea verberant. Ut enim in Miloniana accusator frustra laborasset ostendendo Milonem mortem intulisse Clodio, quia non de facto sed de iure erat controversia; sic orator sine utilitate ostenderet poenitentiam sontibus necessariam esse, si non de necessitate sed de tempore esset quaestio: id enim, quod culpae conscios arceret a poenitentia, non esset ignorantia necessitatis, at credulitas poenitentiam alio tempore faciendi. Quare ut orator cum fructu loqueretur, id, in quo auditores errarent, assumere deberet, ac ostendere nunc faciendam esse poenitentiam. Ex quo fieret ut validiora arma sumeret, et continus cum auditoribus manus consereret. Dicenti praeterea nec oratio nec calor deesset: non enim ficta sed vera esset pugna, quae non verborum vel optimorum inani sonitu, sed gravi sed vehementi, sed fecunda, sed forti et ad ultimum constanti oratione dirimeretur.

Propositio, quam praecipuam diximus, una sit oportet: nam cum in voluntate ad aliquid inflammanda fere contineatur, nemo sapiens auditorum voluntatem ad plura eodem tempore impellet. Sed assumptiva potest esse simplex et distributa; licet haec etiam, rei unius alteri subiectae ordine, una semper esse debeat. Simplex, quae et melior, dicitur illa, quae rem unam tantum proponit; ut: *Sin hoc nemo vestrum ita sentit, illud iam in iudicium venit, non occisus ne sit, quod fatemur; sed iure an iniuria, quod multis antea in causis iam quaesitum est* <sup>1)</sup> Distributa autem est ea, quae rem totam in certas easque paucas partes dividit, ut: *Primum mihi videtur de genere belli, deinde de magnitudine, tum de imperatore deligendo esse dicendum* <sup>2)</sup>. Quae divisio tunc adhibetur cum maius lumen rei afferre volumus, cum nostram vel auditorum memoriam iuvat, cum audientium vel animum erigit, vel fastidium levat. Quidam seiunctam etiam propositionem faciunt, et utuntur priori exemplo; sed inepte: unum enim ibi assumitur <sup>3)</sup>.

Sit controversa.

Est simplex.

Et distributa.

1) Pro Milone XI.—2) Pro Leg. Men. II.—3) V. Quint. lib. IV. c. 5.

## § III.

*De Argumentatione*

Quid est argumentatio? Propositionem excipit argumentatio, quae est potissima, et summa orationis pars, in qua firmamenta seu robora causae afferuntur. Duo complectitur: Confirmationem, in qua ea, quae pro nobis sunt, firmamus ac stabilimus; et Confutationem, in qua contrarias adversariorum rationes refellimus. At sive probamus vera esse, quae defendimus, sive ad ea, quae adfert adversarius, respondemus, argumentatio nihil aliud est, quam argumentorum, quae ex propriis locis sumimus, gravior explicatio tractatioque. Quare iuvat varias argumentorum tractationes ante cognoscere. Eas plurimas numerant dialectici; sed quae nobis usui esse possunt, si oratorio modo efferantur, sunt: Syllogismus, Epicherema, Enthymema, Dilemma, Inductio, et Exemplum.

Argumentorum tractationes.

*Syllogismus* est argumentatio constans tribus propositionibus sic inter se connexis, ut prioribus duabus concessis, quarum altera maior, minor altera dicitur, necessario concedenda sit tertia, quae *consequentia* appellatur, ut: Quod gloriosum est, est appetendum; Sed vivere in negotio sine periculo est gloriosum: Ergo vivere in negotio sine periculo est appetendum. *Epicherema* est syllogismus, cuius maiori, vel minori, vel utrisque adiungitur probatio. *Enthymema* est pars syllogismi, seu syllogismus imperfectus: duas enim habet partes, *Antecedens*, et *Consequens*, ut: Omne noxium est fugiendum; Ergo pravorum societas est fugienda. *Dilemma* constat duabus partibus, quae utrimque adversarium capiant, ut: Omnis dolor aut est vehemens aut levis: Si levis, facile fertur: Si vehemens, certe brevis est. Cum e multorum similium enumeratione aliquid colligitur, *Inductio* est: at ut probet, necesse est ut, quae sumuntur, certissima sint, et quod inde deducimus, illis sit simile. Si vero argumentum non a pluribus, sed ab uno simili ducitur, *Exemplum* dicitur, aut inductio imperfecta.

Dilemmatis.

Dilemmate inductione et exemplo sicutitur orator, ut eorum membra ornate et copiose augeat, distinguat, illuminet. Dilemma adhibet Cicero: *Debit tibi C. Quintius: nunquam petisti: mortuus est ille: res ad heredem venit: cum eum quotidie vi-*

deres, post biennium denique appellas: dubitatur utrum sit probabilius, Sext. Naevium statim, si quid deberetur, petiturum fuisse; an ne appellaturum quidem biennio? Appellandi tempus non erat? at tecum anno plus vixit. In Gallia agnon potuit? at et in provincia ius dicebatur, et Romae iudicia fiebant. Restat ut, aut summa negligentia tibi obstiterit, aut unica liberalitas: si negligentiam dices, mirabimur: si bonitatem, ridebimus <sup>1)</sup>. Pulcherrima est Senecae inductio: Navis bona dicitur, non quae pretiosis coloribus picta est, nec cui argenteum aut aureum rostrum est, nec cuius tutela ebore caelata est, nec quae fisci ac opibus regis pressa est, sed stabilis et firma, et iuncturis aquam excludentibus spissa, ad ferendum incursum maris solida, gubernaculo parens, velox et consentiens vento. Gladium bonum dices, non cui deauratus est balteus, nec cui vagina gemmis distinguitur; sed cui et ad secundum subtilis acies, et mucro munimentum omne rupturus. Regula non quam formosa, sed quam recta sit, quaeritur. Eo quodque laudatur, cui comparatur, quod illi proprium est. Ergo in homine quoque nihil ad rem pertinet, quantum aret, quantum foeneret, a quam multis salutetur, quam pretioso incumbat lecto, quam pellucido poculo bibat; sed quam bonus sit <sup>2)</sup>. Exemplum est in Miloniana; Negant intuitu luce esse fas ei, qui a se hominem occisum esse fateatur. In qua tandem urbe hoc homines stultissimi disputant? nempe in ea, quae primum iudicium de capite vidit M. Horatii fortissimi viri: qui nondum libera civitate, tamen populi Romani comitiis liberatus est, cum sua manu sororem interfectam esse fateretur.

Inductionis.

Exempli usus.

Syllogismi dialectici nullus vel rarus est usus in eloquentia. Syllogismo opus est oratorio: quem quinque partibus instructum vult Tullius; propositione nimirum, propositionis probatione, assumptione, assumptionis probatione, et conclusione: idque duobus exemplis praeclare illustrat <sup>3)</sup>. Verum neque huic ratiocinationis formae nimis indulgendum. Omnium itaque argumentationum optima est syllogismus oratorius latiori sensu acceptus; scilicet ut propositiones non semper, sed, cum opus est, solum probentur vel illustrentur, ac ut immutari possit earum ordo, disertisque particulis necti. Ad huiusmodi syllogis-

Qui usurpandus?

1) Pro Quint. n. 41. — 2) Epist. 76 — 3) I. Inv. XXXIV. et XXXVIII.

Enthymema oratoris. mum accedit enthymema, non dialecticum illud, sed oratorum proprium, quo propositis et exornatis antecedentibus, quae consequentia vel consentanea sint, explicantur. Harum argumentationum perpetuus est usus in oratoribus, ut eorum argumenta diligentius consideranti patebit.

Quid in argumentatione cavendum? In qualibet autem argumentatione cavendum est maxime, ne aut morem aut ordinem scholarum sequamur. Omnia enim propriis dicendi luminibus sunt efferenda. *Tractatio enim varia esse debet, ne aut cognoscat artem qui audiat, aut defatigetur similitudinis satietate. Proponi oportet quid afferas, et id quare ita sit ostendere; et ex iisdem illis locis interdum concludere, relinquere alias, alioque transire: saepe non proponere, ac ratione ipsa afferenda, quid proponendum fuerit, declarare: si cui quid simile dicas, prius ut simile confirmes; deinde quod agitur, adiungas: puncta argumentorum plerumque ut oculos, ne quis ea numerare possit; ut re distinguantur, verbis confusa esse videantur<sup>1)</sup>. Varia argumentationum genera, et illustria exempla affert Caussin<sup>2)</sup>.*

Argumentorum Collocatio. Ad argumentorum collocationem quod attinet, Tullius ita statuit: *Res hoc postulat ut eorum expectationi, qui audiunt, quam celerrime occurratur: cui si initio satisfactum non sit, multo plus sit in reliqua causa laborandum. Male enim se res habet, quae non statim, ut dici coepta est, melior fieri videtur. Ergo ut in oratore optimus quisque, sic et in oratione firmissimum quodque sit primum: dum illud tamen in utroque teneatur, ut ea, quae excellent, servantur etiam ad perorandum: si qua erunt mediocria (nam vitiosis nusquam esse oportet locum) in mediam turbam atque in gregem coniciantur<sup>3)</sup>* Ad haec addit Fabius: *Quaesitum etiam potentissima argumenta primo ne ponenda sint loco, ut occupent animos; an summo ut inde dimittant; an partita primo summoque, ut homerica dispositione in medio sint infirma; an a minimis crescant. Quae prout ratio causas cuiusque postulabit, ordinabuntur, uno, ut ego censeo, excepto, ne a potentissimis ad levissima decrescat oratio<sup>4)</sup>.*

Confutatio- nis ratio. Cum vero refellimus, quod praeoccupatione saepe fit, tunc

1) II. Orat. XLII.—2) Lib. VI. c. 33. et seq.—3) II. Orat. LXXVII.

4) Lib. V. cap. 12.

utimur aut mera negatione, aut excusatione: pari aut etiam maiori re adversariis obiecta: indignatione, atque contemptu: compensatione, cum neque factum negamus, neque iure factum esse contendimus, sed alio quodam praeclare facto affatim compensari ostendimus. Utile etiam interdum erit iocos sales et facetias, etiam in rebus gravibus, adhibere: sed cavendum maxime, ne iniuriis magis quam argumentis respondeamus. *Illud* Usus ridiculi. *admonemus tamen, ridiculo sic usurum oratorem, ut nec nimis frequenti, ne scurrile sit: nec subobsceno, ne mimicum: nec petulanti, ne improbum: nec in calamitatem, ne inhumanum: nec in facinus, ne odii locum risus occupet: neque aut sua persona, aut iudicium, aut tempore alienum: haec enim ad illud indecorum referuntur* <sup>1)</sup>. Quod si adversarii nostrae interdum sint partes, tunc id erit officium, ut quo capite infirmior videtur causa, inde rem aggrediamur.

Atque hic est locus, ut de egressione aliquid dicamus. Ea vel Egressio. ad affectus permovendos spectat, vel ad aliquid aliunde in nostram causam arcessendum. Prima non est nisi subiecta admo- Egressio ad- vendos vel conciliandos animos oratio: de qua Tullius. *Digressum. di tamen ab eo, quod proposueris atque agas, permovendorum animorum causa, saepe utile est. Itaque vel narrationes exposita datur ad commovendos animos digrediendi locus, vel argumentis nostris confirmatis, vel contrariis refutatis, vel utroque loco, vel omnibus, si habet eam causa dignitatem atque copiam, recte id fieri potest: eaeque causae sunt ad agendum et ad ornandum gravissimae atque plenissimae, quae plurimos exitus dant ad eiusmodi digressionem, ut his locis uti liceat, quibus animorum impetus eorum, qui audiunt, aut impellantur, aut reflectantur* <sup>2)</sup>.

Alterius generis egressio, graece *παράβασις*, est alienae Egressio re- rei, sed ad utilitatem causae pertinentis, extra ordinem procur- rum.rens tractatio. Non solum enim plurima sunt, quae rebus nihil secum cohaerentibus inseruntur, quibus iudex reficitur, admonetur, placatur, rogatur, laudatur; sed plures etiam res existunt, quae per totam orationem varios habent excursus: ut laus hominum, locorumque, ut descriptio regionum, ut expositio quarumdem rerum non modo gestarum, sed et fabulosa- rum <sup>3)</sup>. Ad affectus egreditur saepe Tullius in oratione pro Se-

1) Cic.Or.XXVI.—2) Cic.II.Or.LXXVII.—3) V.Quint.lib.IV. c.5.

to Roscio: alterius digressionis exempla sunt Siciliae laus, et Proserpinae raptus, et candelabri descriptio, aliaque in Verinis.

## § IV.

### *De Animorum Motione et Peroratione*

Motionis necessitas.

Excitandi vel sedandi affectus locus erit fere in peroratione, interdum etiam inter ipsa argumenta. Qua in re id primum curabimus, ut antequam dicamus, diligentissime consideremus, quid maxime sit accommodatum ad auditorum animos ad id, quod volumus, commovendos. Quod cum invenerimus, omne studium huc conferemus, ut audientium animis certum motum adhibeamus. Eum enim oratorem dicimus, qui, ut ait Tullius, *scelus fraudemque nocentis possit dicendo subticere odio civium, supplicioque constringere: idemque ingenii praesidio innocentiam iudiciorum poena liberare: idemque languentem labentemque populum aut ad decus excitare, aut ab errore deducere, aut inflammare in improbos, aut incitatum in bonos mitigare: qui denique quemcumque in animis hominum res et causa motum postulet, eum dicendo vel excitare possit vel sedare* <sup>1)</sup>.

Auditorum animi cognoscendi.

Iam vero, quibus modis excitentur vel sedentur affectus, superius demonstravimus. Sed cum loca illa sunt usurpanda, omni mente in ea cogitatione curaque versabimur, ut odoremur quam sagacissime possimus, quid sentiant, quid existiment, quid velint, quo deduci oratione facillime posse videantur auditores, ut aut oderint aut diligant, aut metuant aut spernant, aut cupiant aut abhorreant, aut laetentur aut moereant, aut misereantur aut punire velint <sup>2)</sup>.

Oratoris ardor.

Omnium igitur maxime, ad affectus pertractandos, animorum cognitio requiritur, ut ea attingamus, quibus auditorum pectora vehementius percillantur aut sedentur. Deinde opus est ut non solum nos incendere auditores sed iidem ardere videamur. *Neque enim fieri potest, ut doleat is qui audit, ut oderit, ut invideat, ut pertimescat aliquid, ut ad fletum, misericordiamque deducatur, nisi omnes ii motus, quos orator adhibere ve-*

1) I. Orat. XLVI. — 2) V. Cic. II. Orat. XLIV.

lit iudici, in ipso oratore impressi esse, atque iniusti videbuntur <sup>1)</sup>). Valet itaque hic etiam Horatii mens:

*Ut ridentibus arrident, ita flentibus adsunt  
Humani vultus. Si vis me flere, dolendum est  
Primum ipsi tibi: tunc tua me infortunia laedent  
Telephe, vel Peleu <sup>2)</sup>.*

Verum orator non debet affectum excitare in alterius vo-  
luntate prius quam illius mentem argumentis convicerit: dees-  
set enim ratio praesens cur animus permoveretur. Imo sic ora-  
tione paranda est ad affectum via, ut auditor non advertat, nos  
eum excitare velle, sed sensim et sine studio commoveri se sen-  
tiat: alias iam praeoccupatus orationi resistet. Quare etiam u-  
temur sermone, qui in animorum motibus apparere solet: sim-  
plici nimirum, non adfectato; evidentioribus quidem ac vehe-  
mentioribus figuris corroborato, sed sine pigmentis. Teneamus  
praeterea subtiles longasve argumentationes, alienas digressio-  
nes, similitudines, atque id omne quod cultum et splendorem  
praefert, animi ardorem restinguere, non inflammare.

Sermo affe-  
ctuum.

Peroratio dicitur: ultima orationis pars, in qua id quod tota  
oratione expetebat orator, maiori vehementia evincere et obti-  
nere contendit <sup>3)</sup>. Tribus fere partibus constat: enumeratione  
seu epilogo, animorum commotione, et conclusione. Enumera-  
tio potiora, quae per totam orationem sparsa sunt, summatim  
colligit, et sub uno veluti adspectu collocat. Animorum com-  
motio teneros potius quam vehementes affectus ciet, atque non  
solum praecedere vel subsequi epilogum, sed huic ipsi immi-  
sceri etiam potest. Conclusio denique paucis id, quod praecipue  
quaerimus commendamusque, comprehendit, atque in audito-  
rum animis defixum relinquit.

Quid Pero-  
ratio?

At vero, quas perorationi fecimus, partes non ita intelligen-  
dae sunt, ut omnes semper simul obtineant: nam saepe epilo-  
gus, uti iam diximus, commotioni inservit; utimur enim prae-  
cipuis, quae attulimus, argumentis ad movendos animos: inter-  
dum vel sola permotio, vel tantum enumeratio aut conclusio  
orationem explet. Habes, ut pulchriora commemorem, epilogi  
exempla in oratione pro Lege Manilia et pro Archia: commotio-

Eius partes  
non semper  
adhibendae.

1) Cic. II.Or.XLV.—2) Ep.ad Pis.v.101.—3) V.Quint.L.b.VI.c.1.

nis in orationibus pro Sexto Roscio, pro Fonteio, et pro Miloue a): conclusionis in I. et XIII. Philippica Ciceronis.

## CAPUT IV.

## DE CIVILI ELOQUENTIA

Unde petenda divisio eloquentiae?

Ex fine eloquentia civilis est aut sacra.

Confirmatur materia.

Divisionem, qua omnem oratoriam facultatem in publicarum concionum, in fori, in sacri suggestus eloquentiam vulgo partuntur pro causarum generibus substitui non posse iam diximus. Sed nec ipsa per se partitio illa probatur. Nam divisio vel ex officio vel ex fine, vel ex oratoris materie est petenda. Ex oratoris officio nullus quidem est huiusmodi divisioni locus: nam cuiusque oratoris officium idem est; dicere scilicet ad persuadendum apposite, idque docendo delectando et movendo: quare Tullius universe: *Erit eloquens is, qui ita dicit ut probet, ut delectet, ut flectat: probare necessitatis est, delectare suavitatis, flectere victoriae*<sup>1)</sup>. Finis vero, qui in eloquentia spectari potest, vel proximus est, vel ultimus: proximus ubique unus est, persuadere nimirum: ultimus est bonum hominum: nam utilitas, honestas, iustitia et aequitas huc recidunt, atque in omnibus causis, ut ait Fabius, considerantur. At hominum bonum vel naturale est et civile, vel supra naturam et caeleste. Duo igitur primo sunt eloquentiae genera: civile et sacrum. Quae partitio ex subiecta oratori materie confirmatur: proxime enim civilis orator ius humanum, orator sacer divinum spectat: alter philosophia et humana auctoritate; alter auctoritate divina, et locis, qui cum eadem nectuntur, potissimum innititur. Dividimus itaque pressius eloquentiam in civilem et sa-

## 1) Orat. 69.

a) Questi le tenere braccia ed innocenti distende verso V. Maestà, timido e lagrimoso; e con la lingua ancora non ferma mercede le chiede: perciocchè le prime novelle, che il suo puerile animo ha potuto per le orecchie ricevere, sono state morte e sangue ed esilio; e i primi vestimenti, co' quali egli ha dopo le fasce ricoperto le sue piccole membra, sono stati bruni e di duolo; e le feste e le carezze, che ha primieramente dalla sconsolata madre ricevute, sono state lagrime e singhiozzi, e pietoso pianto e dirotto... Casa, Orazione a Carlo V.



cram. De civili, quae nunc est nobis proposita, primum quaeremus naturam generatim, deinde partes in orationibus tum publicarum concionum tum fori disseremus, tandem subsidia indicabimus.

## § 1.

### *De Civilis Eloquentiae Natura*

Civilis eloquentia, rudis illa quidem et adhuc impolita, nata est cum ipsa hominum societate: imo societatis parens nutritrixque extitit. Primum enim hominum coetus non nisi sermonis beneficio interse coaluerunt: deinde cum viderent nec rempublicam nec personas aut opes sine legibus et iudiciis tutas esse posse, leges et fora instituerunt, quae, orationis vi inducta, oratorum facultate gubernarentur. Descripsit haec praeclare Tullius: *Ac mihi quidem videtur hoc nec tacita nec inops dicendi sapientia perficere potuisse, ut homines a consuetudine subito converteret et ad diversas vitae rationes traduceret. Age vero, urbibus constitutis, ut fidem colere et iustitiam retinere discerent et aliis parere sua voluntate consuescerent, ac non modolabores excipiendos communis commodi causa, sed etiam vitam amittendam existimarent, qui tandem fieri potuit, nisi homines ea, quae ratione invenissent, eloquentia persuadere potuissent?* <sup>1)</sup>.

Origo civilis  
Eloquentiae

Quare ex ipsa rei origine intelligimus civilis eloquentiae naturam tum in publico bono curando tuendoque, tum in civium personis fortunisque defendendis sitam esse: ita ut oratoris munus sit vita et eloquentia tum reipublicae tum privatorum commodis servire. Unde fit, ut non is qui egregia solum eloquendi facultate polleat, sed qui publicum bonum et privatum civium commodum in senatu atque in foro artis et orationis vi procuret, orator habeatur. Quod adeo verum est, ut Isocratis orationes, quamquam elocutionis virtute illustres, in verae eloquentiae patrimonio non collocentur: cum enim auctor nunquam in publicis negotiis vel in forensibus causis sit versatus, non immerito a Tullio iudicatur *pompae magis quam pugnae aptior, ad voluptatem aurium accommodatus potius, quam ad iudi-*

Eloquentiae  
civilis natu-  
ra.

1) I. Inv. Rhet. I.

*ciorum certamen.* Contra, verae eloquentiae laudem meruere Iohannis Casae orationes ad Venetam Rempublicam cum Summo Pontifice Gallia et Helvetia adversus Carolum V. coniungendam scriptae: nam etsi nunquam recitatae fuerunt, tamen praesenti civium bono sunt susceptae, et vel lectae solum finem sunt consecutae. Qua etiam de causa Demosthenes et Cicero apud omnes celebrantur: nam eorum orationes vel contra infensos patriae hostes, vel pro fortunis et vita civium habitas fuisse accepimus.

Communi bono inservit?

Iure igitur Tullius non quaecumque eloquentiam, sed quae in impendentibus reipublicae civiumque necessitatibus explicatur, tot tantisque laudibus passim prosequitur. Praestat vel unum locum audire, ex quo natura quoque eloquentiae melius innotescat. *Neque vero mihi quidquam, inquit, praestabilius videtur, quam posse dicendo tenere hominum coetus, mentes allicere, voluntates impellere quo velit, unde autem velit deducere. Quid est... tam potens tamque magnificum, quam populi motus, iudicum religiones, senatus gravitatem, unius oratione converti? Quid tam regium, tam liberale, tam munificum, quam opem ferre supplicibus, excitare afflictos, dare salutem, liberare periculis, retinere homines in civitate? Quid autem tam necessarium, quam tenere semper arma, quibus vel tectus ipse esse possis, vel provocare improbos, vel te ulcisci lacessitus? <sup>1)</sup>*

Eius duae sunt partes.

Quibus ex rebus facile patet duas esse civilis eloquentiae partes: quarum altera in suasionibus et dissuasionibus viget; altera in controversiis et iudiciis. Hinc civilis eloquentia genus tantum deliberativum et iudiciale videtur complecti. Sed in publicis hominum coetibus laudes etiam illustrium virorum iam olim efferebantur: unde huiusmodi orationes panegyres sunt dictae. Pertinet igitur huc genus etiam demonstrativum. Quin imo deliberationis genus, quoniam spectat praecipue utilitatem cum honestate coniunctam, plurima a laudationis genere mutuatur. Quare eloquentia civilis sic dividi potest, ut alia sit publicarum concionum, alia fori.

Quid complectuntur?

Publicae autem conciones sic intelligi debent, ut complectantur non orationes modo, quae apud senatores, vel populares coetus habentur, sed eas etiam, quae fiunt vel ad militum copias, vel in artium, litterarum, scientiarumque Collegiis et A-

1) I. Orat. VIII.

cademiis. Eloquentia vero fori, quamquam in uno genere iudiciali versatur, et propterea solum iudicia spectat; tamen, quia in iudiciis orator vel opes vel personas tnetur, ob ipsam rerum frequentiam et diversitatem, duo fora peperit: *civile*, in quo tractantur iudicia *privata*, hoc est iura civium in res; et *criminale*, in quo exercentur iudicia *publica*, hoc est iura civitatis, quae crimine laeduntur.

Oratoris facultas in instruendis mentibus permovendisque voluntatibus perspicitur. Ibi igitur magis dominatur eloquentia, ubi maior rerum cognitio requiritur, et plures animi motus sedandi vel commovendi sunt. Quare maxime in publicarum concionum eloquentia omnem dicendi vim orator, ut nunc sunt tempora, expromere potest: est enim et scientia retinenda rerum plurimarum, et omnes animorum motus, quos hominum generi natura tribuit, mores augent, tempora mutant, penitus sunt cognoscendi. Ipsa praeterea senatorum concilia, ipsi populares coetus, ad quos orationes habentur, rerum magnitudo, amor communis boni, hostium molimina, privatae publicaeque gloriae cupiditas, necesse est ut magnos ac varios pugnantisque affectus excitent, quos alios sedare debemus, alios ad nostram sententiam bonumque commune ducere. Quae quidem ita se habent, si publicarum concionum eloquentia et plena sit et omnium civium in bonum commune ardore celebrata: at ubi vel illa nulla est, vel publica negotia verbis solum consilio multitudinis, re fraudibus paucorum hominum et secretis conclavium tricis reguntur, praestat procul dubio eloquentia fori: ita tamen ut si in iure et litibus versatur, in re legum cognitione vindicanda plurimum nunc valeat; si in crimine et iudiciis, in animorum quoque motibus pertractandis multam vim saepe exerat. Neque enim eorum opinioni assentimur, qui, Ugonem Blairium secuti, fere omnem motum a nostrorum temporum foro vulgo expellunt: quod adeo absonum est, ut nos ipsi noverimus iudices, qui in re quoque civili vel sola rerum notitia vehementer commoverentur. Potest igitur orator hac saltem animorum conditione ad causam suam uti: quod si potest, illud erit curandum, non ut a motu adhibendo omnino abstineamus, sed ut videamus qua in re, qua arte, et quatenus animi sint vel subeundi, vel ciendi, vel sedandi. Quamobrem motuum tractatio, sine qua fere nulla est eloquentia, ab hodierni fori natura legumque multitudine non respuitur, sed difficilior iam facta est.

Praestat eloquentia Concionum.

Eloquentia Fori.

Blairii sententia respuitur.

Veteris et hodierni Fori discrimen.  
Veterum Forum.

Quod ut illustrius perspiciatur, tenendum imprimis est verum discrimen, quod inter Graecorum Romanorumque et nostrae aetatis forum intercedit. Itaque primo legum codex nec plenus nec longus erat: quare pleraeque res in causis iudicium sapientiae et prudentiae relinquebantur. Ipse praeterea iudicum numerus multitudini, quacum animi motus plurimum valent, fere comparabatur: octoginta supra ducentos in Socratis causa Athenis convenerunt: apud quinquaginta iudices et eo amplius Tullius pro Milone Romae peroravit. Ad haec, summus interdum magistratus, totius reipublicae vel integrae provinciae nomine, in iudicium vocabatur: ut Ctesiphon per Aeschinem, et Verres per Tullium: interdum ob viri dignitatem et partium studium populus ipse iudicio intererat non spectatoris, sed iudicis quasi more. Quae omnia efficiebant, ut apud Graecos et Romanos eloquentia, tota quanta est, in foro maxime dominaretur, atque universa delectandi, docendi, et movendi instrumenta plenissime expromeret. Hinc est ut pueri mature ad eloquentiae studium a parentibus deducerentur, et iuvenes communi plurimorum aemulatione optimi oratores evaderent: non solum enim opum, sed tum praemiorum et honorum, tum dignitatum et immortalis gloriae via forensium oratorum curriculum habebatur. Quare veteres litterarum institutionem in fori eloquentia maxime ponebant: cuius rei argumento esse possunt vel soli Quintiliani libri, quibus omnes Romanorum hac in re artes et industriae exponuntur. Tullius vero, qui ab artis oratoriae praeceptis tradeudis fere nunquam destitit, eam forensis eloquentiae speciem animo informaverat, ut satis verbis illam significare diffideret.

Eloquentiae studium apud veteres.

Forum hodiernum.

Quae laudes nequeunt universe fori eloquentiae nunc tribui. Nam hodierni fori forma et consuetudo multa immutavit, pleraque imminuit. Infinita enim recentiorum legum series, quae singulos fere rerum casus attingunt, ut omnia notat adiuncta, sic parum admodum oratoris eloquentiae iudiciumque arbitrio relinquit: exiguus iudicum numerus, qui quidem tot legum custos et vindex est, quasi diligentem solum et consideratam ratiocinationis severitatem patitur: spectatores et pauci sunt, et nullam vim in ipsum iudicium habent. Quibus ex rebus efficitur, ut desit vehemens illa inter accusatorem et patronum contentio, quae apud veteres tantopere celebratur: desunt propterea stimuli illi, quibus orator ad omnia eloquentiae vela

pandenda incitetur. Quare non solum ea, quae quamdam scenae speciem ad motus acrius ciendos olim invehebant, ut reorum vestes, familiarum luctus, amicorum lacrimae, in hodierno foro omnino prohibentur; sed vehementiores quidam affectus ut plurimum inopportuni essent, interdum ridendi.

Neque tamen ex his quis inferat, nihil vel parum eloquentiam in foro nunc posse. Lex enim, ut ut plena, quippe quae hominis opus est, nunquam perfecta haberi potest: multa propterea saepe non praevidet, in aliquibus obscura est, in aliis non defuita; nec raro legis littera et spiritus, ut aiunt, pugnare videntur. Interdum etiam rerum et legum relatio non est perspicua, argumenta dubia vel ambigua, iudicia et coniecturae hinc inde, vel inter sese, confligentes. Quod si de crimine agitur, et factum ipsum in controversiam cadit, tunc in coniecturali statu, qui late apud veteres patebat, omnem fere eloquentiam orator prodere potest. Fac enim, quacso, ut illustris quidam vir parricidii accusetur, imo etiam homicidii solum, et omnia vel plurima, quae in Sexto Roscio fuere adiuncta, ut fieri potest, conveniant, nonne omnis Tullii eloquentia oratori erit adhibenda? Tandem sint quidem iudices pauci, sint integri, sint severi: homines nihilominus sunt, animi perturbationibus subiacent, praeiudiciis decipi, fraudibus, quae tot tantaque nectuntur, vel imprudentes capi possunt. Itaque in hodierno etiam foro leges vel deducendae vel declarandae vel examinandae sunt; facta nunc inficienda nunc probanda; revelandae iniustitiae, vincenda praeiudicia, hominum quoque voluntates flectendae: adde potentium hominum et infelicium reorum conflictus: adde quarundam causarum magnitudinem, quae publicum studium et communem expectationem excitet: plurima profecto adhuc habemus, quae magnum nostrae aetatis hominibus ingenii et eloquentiae theatrum in foro aperiunt.

In ipso plurimum eloquentia valet.

In legibus.

In factis.

In affectibus.

## § II.

### *De Eloquentia publicarum concionum*

Quod Graeci *πρῆπον*, Latini decorum dicunt, varios intellectus habet. Decorum enim primum est in verbis, idque duplex: unum ex honestate; alterum ex opportunitate eorumdem. Secundo spectatur quid deceat in rebus: quod metimur ex earum

Decorum multiplex.

natura, cum locorum temporum et personarum conditionibus comparata. Tertio est decorum in personis ipsis, si orator ita loquatur ut teneat quid sibi, quid iudicibus, quid auditoribus, pro rerum ac locorum conditione, maxime conveniat. Quarto denique consideratur decorum in ipsa oratione tum quoad rei seu causae argumentorumque naturam, tum quoad singulas orationis partes apte et convenienter sibi invicem respondentes; tum demum quoad stilum seu dicendi formam, quae et orationem integram et singula eiusdem membra maxime deceat. De his decori partibus multa passim attingit Tullius, plurima docuit Fabius <sup>1)</sup>: nos universe aliqua de decoro hic exponemus, ac praesertim ea, quae sic afficiunt orationem, ut quodlibet eloquentiae genus a ceteris omnino separent vel distinguant; ac proinde eloquentiae cuiusque quasi characteres constituent.

Genus laudationis.

Genus deliberationis.

Oratoriae politici virtutes.

Atque ut a publicis concionibus initium faciamus, hoc in genere considerantur omnes orationes, quae in politica, ut nunc aiunt, eloquentia versantur, et genus tum deliberativum tum demonstrativum complectuntur. Demonstrativi generis sunt potissimum ellogia, orationes funebres, panegyres: sed ellogia, quae Academiarum plerumque sunt, nuper fere a recentioribus hominibus coepta sunt celebrari: duo reliqua genera iam sibi iure suo vindicavit sacra eloquentia, ex qua, si opus est, ducentes sunt leges. Quae deliberationis sunt orationes reipublicae salutem et prosperitatem, publica negotia, communia civium commoda spectant, ac vel in privato Principum consilio, vel in frequenti procerum consessu, vel in popularibus coetibus habentur. Harum propterea orationum finis publica omnium utilitas est, morumque honestas. Agitur enim de optima reipublicae administratione, de ferenda vel abroganda lege, de inferendo vel arcendo bello, de communi tuenda pace, de civium bonis tum fortunae tum praecipue animi promovendis. Quare princeps politici oratoris virtus erit ingens publicae honestatis decorisque amor, et incensa communis boni voluntas. Quoniam vero res publicae in deliberantium coetu sententiarum contentione, partium studia, et vehementiores animorum vel motus vel perturbationes ut plurimum pariunt; ea animi fortitudine constantiaque orator esse debet, ut non privata solum commoda sed sa-

<sup>1)</sup> Lib. XI, c. I.

ludem ipsam suam contemnens, communem civium utilitatem sibi suisque omnibus anteponat <sup>1)</sup>).

Sed haec, quamquam praeclarissima et omnino necessaria, nihil reipublicae prodessent, nisi immensa rerum scientia accederet. Tenenda enim in primis omnium legum peritia, non earum modo, quae ad propriam regionem pertinent, sed earum, quibus exterae quaeque gentes reguntur: tum publicae et politicae oeconomiae cognitio, mutua diversarum nationum varia negotia tractandi consuetudo, Ars militaris, Historia, Geographia. Qui enim haec omnia cognita et perspecta non haberet, neque ad peculiare rerum necessitates et casus descenderet, neque salutaria consilia proponeret. Noscendi etiam sunt regionis mores, temporum natura, hominum voluntates, populi religio: atque in his singulis hodierna societas cum superiorum aetatum societate est comparanda, ut ab iis, quae olim nocuerunt, animi deterreantur; ad ea, quae reipublicae saluti et gloriae fuerunt incenduntur.

His rebus instructus orator non arripit quamlibet dicendi occasionem, sed expectabit tempus: in publicis enim concionibus felix orationis exitus ab una fere opportunitate pendet. Tunc non longo vel saepe nullo principio (qui enim deliberant sua causa sunt parati) sententiam suam clare et distincte exponit orator, ut intelligenter et attente audiatur <sup>2)</sup>: a propositione ad rem confirmandam continuo accedit: saepius enim nihil est narrandum. Omnis autem oratio ad fidem et motum est adhibenda: siquidem in deliberationis genere persuasio et adfectuum motio omnem sibi locum vindicant. Nam in concionibus semper aliquid vel communis boni vel spectatae virtutis proponitur aggrediendum exprimendumve: ad quod deliberantium aut audientium impellitur multitudo. Sed animorum motionem plena et firma antecedit argumentatio, uti animadvertere est in Demosthene. Quare primum omnium oportet ut orator ipse sententia, quam proponit, plene informatus sit inflammatusque: raro enim aut nunquam eloquens ille est, qui ex animo non loquitur. Ut autem validiora argumenta, sic etiam firmiorem causae partem semper contemplabimur, ac summa perspicuitate ordine et dicendi vi adseremus.

Ad argumentorum delectum quod attinet, Tullii meminere- Natura argu-

1) V. Broeckart, P. III. s. 3. c. 3.—2) V. Cic. Part. VIII.

mentorū. mus praeceptum. *Quoniam, inquit, non ad veritatem solum, sed etiam ad opiniones eorum qui audiunt, accommodanda est oratio: hoc primum intelligamus, hominum duo esse genera: alterum indoctum et agreste, quod anteferat semper utilitatem honestati: alterum humanum et politum, quod rebus omnibus dignitatem anteponat. Itaque apud homines bene institutos plurimum de laude et de honestate dicemus: maximeque ea virtutum genera tractabimus, quae in communi hominum utilitate tuenda, augendaque versantur. Sin apud indoctos imperitosque dicemus; fructus, emolumenta, voluptates, vitationesque dolorum proferantur: addantur etiam contumeliae et ignominiae. Nemo enim est tam agrestis, quem non, si ipsa minus honestas, contumelia tamen et dedecus magnopere moveat <sup>1)</sup>.*

Affectus tractandi.

In voluntatibus sive alliciendis sive excitandis, sive compescendis omnia illa cognoscenda, quae tum de affectibus tum de animorum permotione traduntur. Neque vero magnis semper motibus utetur orator. Cum auditorum animi sunt inflammandi ad arduum aliquod patriae bonum, vel pravi homines sunt comprimendi; tunc ardens et vehemens erit eloquentia: at si argumenta erunt de communi utilitate et prudentia, sedata et gravis feretur oratio: praesertim cum, ut saepius fit, de lege ferenda vel non ferenda est quaestio, eaque iam fere iudicata in publicum senatum affertur. Sed si res affectus postulat, id magnopere nitimur, ut omnis ambitionis, gloriae, et privati commodi suspicio absit: nihil enim magis honestum virum dedecet, nihil magis cives boni indignantur, quam ut quis, ubi publicum omnium agitur commodum, ibi suum quaerat. Curandum praeterea, ut causae amor, et dicendi impetus rei ipsi reique adiunctis sint accommodati; ut non simuletur ardor ille animi, qui in nobis non est; ut etiamsi ardor sit verus et iustus, non feratur nimium; ut decorum, in summa, quod ex tempore et personis metiemur, suum semper obtineat locum: ne non tam libertatis et iustitiae aut honestatis causa moveri, quam animi perturbationibus agitari videatur orator.

Quid curandum in affectibus?

Conciones populares

Quamquam ea, quae de publicarum concionum eloquentia generatim diximus, spectant etiam populares orationes; tamen in populari oratore, si recte iudicamus, aliquid aliud requiri-



tur. Nam huius generis eloquentia magnis prudentiae legibus gubernatur. Videndum enim est quando ad populum dicere expedit; cui liceat; qua de re liceat; qua ratione sedentur, qua excitentur populi adfectus. Atque in animis excitandis potissimum summa esse debet prudentia cautioque; ne, ut fere semper solet accidere, incitati populi in id ruant, quod ne a perditis quidem civibus potest sine summa ignominia probari.

Huc spectant orationes, quae habentur ad milites: suasionem enim et hortationem continentur. Suademus autem ratione et consilio, hortamur motu atque impulsu: quare suasio argumentis docet quid facto sit opus: hortatio vero animos affectibus commovet atque inflammat, ut velint atque audeant. Argumenta ex honestate ex utilitate, ex necessitate praecipue sumuntur: id porro hic dicitur necessarium, sine quo salus aut dignitas nequit consistere. In affectibus excitandis primum amor, et desiderium: tum spes et fiducia: plurimum quoque valet aemulatio alienae gloriae: sed nihil magis movebit militum animos, quam si eorundem laudes recenseantur. Id et experientia comperimus et docemur exemplis: quorum plurima et praecliora habentur in Livio, in Tacito, in Curtio, nec desunt in probatis rerum italicarum scriptoribus a).

Orationes ad milites.

Orationes, quae in Academiis recitantur, hic recte collocari possunt. Hae partim ad genus laudationis pertinent, atque indeo illinc et argumenta petunt et praecepta: partim ad deliberationem. Deliberatio autem vel de instituenda promovendaque Academia, vel de artibus scientiisque excolendis augendisque plerumque tenet: ad primum faciunt argumenta ducta ex utilitate et gloria, quae civibus obveniunt ex rebus propositis: augentur vero exemplis tum maiorum tum aliarum vel civitatum vel gentium. Ad alterum argumenta ducuntur maxime ex historia, et ex natura ipsarum artium et scientiarum, quae promoven- tur b). Ad utrumque uberrimam argumentorum copiam sup- peditabunt leges et praemia ipsius Academiae, ratio et metho- dus quae adhibentur, et secuti vel secuturi mox fructus cum artibus et scientiis ipsis, tum civibus, familiis, genti universae.

Orationes A-  
cademicae.

Publicarum concionum stilus ex ipsa rerum natura ut graves Publicarum

a) Se le violente ed acerbe... *Giambullari*, Stor. dell'Eur. lib. I.

Dove, dove sono fuggite al presente. .. Id. ib. lib. II.

b) V.P. *Giordani*, Della più degna gloria della Pittura e Scultura.

concionum  
stilus.

sententias, sic vehementiores eloquentiae figuras, quae ex accensa phantasia et impulsu animorum motu oriantur, nonnullis videtur admittere. Quod interdum erit opportunum: sed plerumque stilus erit planus, liber, virilis, et robustus et moratus, uti est in Demosthene: *Tota enim oratio, ut de hac re praecipit Tullius, simplex et gravis, et sententiis debet ornatiores esse, quam verbis*<sup>1)</sup>. Universim vero dicendi ratio usurpanda concisa aut diffusa, vehemens aut tranquilla, gravis aut hilarior quandoque, prout res ipsae et auditores postulant: nam in publicis consiliis animi constantia et gravitas, in populorum coetibus et in re militari ardor et concitatio, in doctorum Collegiis et Academiis amoenitas et festivitas ut plurimum celebrantur: quare dicendi ratio varia sit oportet.

### § III.

#### *De Eloquentia Fori*

Forensis oratoris officium.

Civium opes et fortunae, vita et libertas, et, quae cum his copulantur, honor vel dedecus, divitiae vel paupertas familiarum in foro aguntur. Forensis autem orator vel in summa iudicium integritate et tot iam legum sapientia constitutus, ob variam et difficile naturam querelarum, quas afferunt accusatores, et excusationum, quibus se defendunt rei, plurimum adhuc potest oratione, tum ut reddatur cuique suum vel iniqua vexatione liberentur insones, tum ut crimine absolvantur vel immodica poena non plectantur clientes. Quapropter duae erunt in forensi oratore summae virtutes: magna iustitiae et aequitatis non solum aestimatio, sed maxime possessio: magnum in causis primum cognoscendis tum defendendis studium. Quarum virtutum alterutra si deerit, aut pecuniae vel gratiae causa potentium et subdolorum hominum fraudibus atque calumniis patronus suffragabitur, aut negligentiae et torporis vitio reos adversariorum fallacis et criminationibus opprimendos permittet.

Eius virtutes.

Probitatis nomen.

Hinc extitit ut illustre probitatis nomen fuerit in ipsis ethnicis praecipua optimi oratoris conditio: quare Fabius. *Oratorem autem instituimus illum perfectum, qui esse nisi vir bonus, non potest; ideoque non dicendi modo eximiam in eo facultatem*

1) Part. XXVII.

tem, sed omnes animi virtutes exigimus <sup>1)</sup>). Quam ob rem vitandae quoque sunt quaedam causae, non solum quae aperte sunt iniustae, sed eae, quae magnam invidiam possunt iure excitare: cum enim tanta privatae utilitatis cupido nunc invadat homines, facile est ut causam non iustitiae amore sed proprii commodi gratia suscepisse videamur.

Legum in dies excrescens copia, et mutata iudiciorum forma, hodierni oratoris arti et arbitrio multa profecto adimunt, in quibus olim vis eloquentiae plurimum vigeat. Verum ipsa nostrorum iudiciorum conditio maiorem in eo, qui defendit vel accusat, eruditionem et solertiam exquirat. Quaecumque enim res in foro agitur, omnis actio in eo praesertim est ut cognitis versatisque legibus, quae ad illam referuntur, naturae rei, quae disceptetur, penitus intellecta, causa cum legibus comparatur ex eaque comparatione iudicium fiat. Duo igitur forensis oratoris facultatem potissimum nunc declarant: scientia nimirum legum, et cognitio causae cum iisdem comparatae. Legum scientia in Patrono plena primum esse debet, tum intelligens, tandem ab ipsis principiis hausta.

Erit autem plena legum scientia, si vulgarium iurisprudentiae institutionum finibus non terminetur; sed primo ad ipsum communium legum corpus se extendat, quod Iustiniani Imperatoris nomine circumfertur: tum in Reipublicae Constitutionibus et Capitulis, in tribunalium Ritibus, in Regum Pragmaticis, in legibus, quae per interregnum initio huius seculi prodiderunt, in Novo Codice, in frequentibus Regis decretis, in Rescriptis, in superiorum iudicium, qui difficiliore quaestiones iam iudicarunt, sententiis versetur. Ad legum intelligentiam pertinet, ut earumdem finis optime teneatur, ut sententiarum et verborum percipiatur vis, ut si quae leges inter sese vel cum aliis pugnare videntur, consuetudine, sapientiorum hominum iudicio, et optima mentis ratione diiudicentur: quare non solum ipsae leges diurnis nocturnisque laboribus sunt versandae et examinandae, sed tum veterum iurisconsultorum ingenia sunt adeunda, tum multi recentiorum, qui plurimum probantur, interpretum commentarii evolvendi. Nihil autem magis Abipsis principiorum facultatem explicat atque ostendit quam si ab ipsis principiis hauriantur leges <sup>2)</sup>. Age, quaelibet lex ut a ratione

Magna legum scientia.

Debet esse plena.

Intelligens.

Abipsis principiorum

1) Inst. Prooem.—2) V. Cic. Part. XXXVII. XXXVIII.

semper proficisci debet, sic plerumque rei vel facti alicuius occasione fertur: quare forensi patrono necessaria sunt tum legum Historia, tum iuris philosophia. Historia legum mentem legislatoris, et finem legis ostendit: Philosophia iuris de natura et aequitate legis iudicium fert: utraque, utpote vera legum principia, mirum quantum et dicendi copiam, et arguendi materiem et orationis dignitatem in foro probet!

Cognitio causae.

Tullii hac in re industria.

Cum cliente loquendum.

Parvo iustitiae et honestatis amore caperetur is, qui sine magna causae cognitione civium opes vitam et libertatem defendendam susciperet: omnis enim actio incondita oratione, altercationibus et clamoribus solum haberetur, summo dicentis dedecore, et maximo reorum damno. Sed praestat audire illustrem Tullii locum, quo et rei necessitas et causam cognoscendi ratio ab exercitato iam oratore aperiatur. *Ut aliquando ad causas deducamus illum, quem constituimus, et eas quidem, in quibus plusculum negotii est, iudiciorum atque litium.... hoc ei primum praecipimus, Quasculumque causas erit acturus, ut eas diligenter penitusque cognoscat. In foro tabulae, testimonia, pacta, conventa, stipulationes, cognationes, affinitates, decreta, responsa, vita denique eorum, qui in causa versantur, tota cognoscenda est: quarum rerum negligentia plerasque causas, et maxime privatas (sunt enim multo saepe obscuriores) videmus amitti. Ita nonnulli, dum operam suam multam existimari volunt, ut toto foro volitare et a causa ad causam ire videantur, causas dicunt incognitas: in quo est illa quidem magna offensio, vel negligentiae, susceptis rebus; vel perfidiae receptis: sed etiam illa maior opinione, quod nemo potest de ea re, quam non novit, non turpissime dicere... Equidem soleo dare operam, ut de sua quisque re me ipse doceat, et ut ne quis alius adsit, quo liberius loquatur, et agere adversarii causam, ut ille agat suam, et quidquid de sua re cogitarit, in medium proferat. Itaque cum ille discessit, tres personas unus sustineo, summa animi aequitate, meam, adversarii, iudicis <sup>1)</sup>. Hac Tullii industria pluries cum reo est colloquendum. Multa ille exponet vel superflua, vel aliena: sed longo sermone ea saepe prodet, quae aut verum quaestionis statum declarant, aut naturam argumentorum, aut*

1) II. De Orat. XXIV.

etiam subdolorum hominum fraudes, et frequentes rudium errores <sup>1)</sup>).

Cognita causa statuendum est summa cum perspicuitate, in quo causae vel litis eardo vertitur, quid proprie negandum, quid affirmandum, qua in re ab adversario discedendum: deinde omnes orationis partes, et praesertim argumenta magno ordine disponenda sunt ita ut nihil sit confusi, nihil permixti, nihil quod iudicium vel mentem fatiget, vel alienet voluntatem. Hae perspicuitatis et ordinis virtutes, licet sint semper quaerendae, in foro tamen maxime sunt necessariae: ex iis enim felix causae forensis exitus consequitur.

Communes exordii et narrationis leges quas superius exposuimus a patrono in foro praecepae sunt servandae. Nam ipsa iudicialis controversiae natura aliquod exordium semper postulat: narratio autem huius loci adeo propria est, ut fere omnis causae sit fundamentum: vel enim de crimine, hoc est de facto, quod propterea narrandum est, agitur, vel de iure, quod univarse cum facto aliquo coniungitur. In argumentatione distinguendae sunt iudiciorum causae: causa enim, ut recentiorum verbis utar, vel *criminalis* est, cum de crimine, vel *civilis* cum de iure agitur. In criminali accusator primum crimen commissum fuisse probat; deinde, quae leges violatae sint, ostendit; tertio quae poenae ex iustitia et aequitate infligendae sint, aperit. Crimen autem probatur ex facto ipso, ex vestigiis facti, ex testium auctoritate, ex reorum confessione, ex coniectura sumpta ab antecedentibus, a consequentibus, ab adiunctis. Quae singula Tullius ita declarat: *Ante rem quaeruntur quaetalia sunt, apparatus, colloquia, locus, constitutum, convivium. Cum re autem pedum crepitus, strepitus hominum, corporum umbrae, et si quid huiusmodi. At post rem, rubor, pallor, titubatio, et si quae alia signa conturbationis et conscientiae: praeterea restinctus ignis, gladius cruentus, ceteraque quae suspicionem facti possunt movere* <sup>2)</sup>. Defensor ex iisdem argumentorum fontibus aut factum omnino negat, aut non eostare probat, aut certe minuire illud aut poenam eius contendit.

Ad civilem causam quod attinet, ius continetur aut legibus, Utriusque officium in causis iuris. statutis, consuetudine, aut possessione et praescriptione, aut conventionibus, testamentis, donationibus, privilegiis: quarum

1) V. Quint. Lib. XII. c. 8.—2) Top. 12. Vid. H. Orat. 40.

rerum qui adfirmant, τὸ ὑπάρχειν et robur, verborum et sententiarum intelligentiam comparando, ostendunt, vim extollunt, aliis atque aliis monumentis asserunt: qui vero negant, legis vel scripti infirmant auctoritatem et elevat pondus, alia et contraria adferunt documenta, praecindicia, testimonia. Quare hoc in genere plurimum locum habet legum interpretatio et disceptatio: verissime enim hac in re de hodierno foro dicitur oratoris finem saepe solum in convincendo esse, nec propriam eloquentiae vim sed ingenii potissimum acumen promi posse.

Ubi affectus  
locum ha-  
bent?

At animorum motio hodie in causis *criminales* maxime adhibetur. Nam ibi de facto agitur, quod interdum non liquido constat, saepe iis adinnectis instruitur, quae difficillime iudicari possunt: quare aditus arbitrio fit et voluntati. Si accedunt illustres quaedam rerum conditiones, vel potentium accusatorum invidia et calumnia, tunc forti oratori plurima affectus movendi offertur occasio. In litium autem iudicio patronus fere id curat, ut clare ostendat id quod verum est, quod iustum, quod aequum, neque laborat ut motu adhibito indices flectat: siquidem id plerumque non inopportunum solum, sed iniuriosum nunc esset.

Demosthenis  
et Tullii ex-  
emplum.

Cum motus adhibendi sunt vel sedandi, Demosthenem et Tullium sequemur. Ob optimorum enim oratorum inopiam hi solum evolvendi et versandi sunt ab iis, qui eloquentiae dignitatem tueri volunt. Qua in re videndum quid imitandum. Tullii hiperboles, amplificationes, dicendi copia multa cum prudentia nunc usurpari debent: diligens autem utriusque studium ad animos auditorum vel flectendos vel inflammandos solum, ubi fas est, summoque cum iudicio usui esse potest: nam ne ipsi quidem veteres sine gravibus ad mentem revincendam prolati iam argumentis animis motum adhibebant: quod existimare possumus ex orationibus pro Milone et pro Fonteio. Quod si quis uni potissimum auctori velit inservire, Tullium proponam: plura enim imitatione digna habet <sup>1)</sup>. Modum enim controversiam proponendi, aptam in iudicium animos insinuationem, distinctam facti narrationem, aut explicationem rei, ordinem expositionemque argumentorum nunc etiam ex Tullio optime exprimere possumus. Quin illam vivos personarum characteres effluendi rationem solum a Romano oratore discemus; qui tan-

1) V. Caussinum Lib. I. c. 62 et seqq

quam aliud agens apte et decore vitam et mores hominum graphice describit.

Si recte intelligatur, pro rerum ratione, in nostro quoque foro valet adhuc forma dicendi, quam praescribit Tullius: *Esse igitur perfecte eloquentis puto non eam solum facultatem habere, quae sit eius propria, fusa lateque dicendi, sed etiam vicinam eius atque finitimam, dialecticorum scientiam assumere* <sup>1)</sup>. Quamquam hodie ad dialecticorum formam licet magis accedere: quare stilus plerumque erit temperatus et planus et fere solum ratiocinationi aptus: nisi quod evidentioribus interdum coloribus res quaedam, praesertim aridae, sunt effendae: ardor etiam dicendi quidam oratorem, qui clientium personam agit, multum decet, dummodo temperetur in rebus dubiis, nec adversarios, vel quod esset peius, iudices ipsos offendant. Puritas nitor et proprietates sermonis eluceat, viteturque verbosa illa dicendi ratio, in qua oratores tantopere arguuntur: perspicuitas erit maxime in controversia statuenda, in facti narratione, in explicatione rei, in legibus interpretandis, idque breviter et praecise: sed argumentatio diffusa potius; ut factorum ambages et multarum legum tenebrae variis artibus solvantur, vario disiiciantur lumine.

Stili ratio in foro hodie no.

#### § IV.

##### *De subsidiis Civilis Eloquentiae*

Ea civilis eloquentiae subsidia aestimantur, quae vel excolunt vel augent vel perficiunt oratoris facultatem, si habeantur dona naturae: magna nimirum fortissime sentiendi et acerrime imaginandi vis, imprimisque vigor et firmitas iudicii; vasta et penetrans res quasque earumque principia et adiuncta celeriter arripiendi ordinandi et promendi virtus; animi fortitudo et praestantia, quam, ut ait Fabius, *nec metus frangat nec acclamatio terreat nec audientium auctoritas ultra debitam reverentiam tardet* <sup>1)</sup>; ad haec, praeclarae quaeque corporis et oris vultusque dotes. Quapropter Tullius: *Sic igitur, inquit, censeo: naturam primum atque ingenium ad dicendum vim afferre maximam... Nam et animi, atque ingenii celeres quidam*

Dona naturae prius habenda.

<sup>1)</sup> Orat. XXXII.

*motus esse debent, qui et ad excogitandum acuti, et ad explicandum ornandumque sint uberes, et ad memoriam firmi, atque diuturni. Et si quis est qui haec putet arte accipi posse, quod falsum est (praeclare enim se res habet, si haec accendi aut commoveri arte possint...) quid de illis dicet, quae certe cum ipso homine nascuntur? linguae solutio, vocis sonus, latera, vires, conformatio quaedam, et figura totius oris et corporis <sup>1)</sup>?*

Ars necessaria.

Naturam primum excolit ars, ex ipsa natura proficiscens. Notatio enim naturae et animadversio artem peperit. Nam cum primum homines naturali dicendi facultate eloquentiae vim promere ceperunt, extiterunt qui et orationis praestantiam admirarentur, et rei causas indagarent: quare sensim nata sunt praecepta, quibus certa via et ordiue naturam ipsam sequendo ad eloquentiam perveniremus. Merito igitur Cicero statuit non eloquentiam ex artificio, sed artificium ex eloquentia esse natum. Arte vero naturae dona, quae sunt bona fiunt meliora, et quae non optima aliquo modo acui tamen et corrigi possunt: doctrina praeterea fit, ut oratio sit culta et polita; ut explicetur, si haereat, si redundet, coerceatur; ut per partes apte et apposite intra decori limites ducatur. Non multum ergo saperent patroni, qui omnem artem aut verbis in sermone, aut re, quod est peius, in foro continerent, existimantes se omnia ingenio solum posse: quod nec Demostheni, nec Tullio datum est.

Optima Exemplaria.

Verum plenior artis ratio hauritur ab optimorum oratorum exemplaribus, in quibus idoneus praeceptorum usus cum ipsa ingenii natura coniunctus reperitur. Optimi vero oratores habentur classici, hoc est hi, qui communi et constanti totius reipublicae litterariae consensu in eloquentia palmam tulerunt. Quare probatorum exemplarium studium perennem experientia compertum est plurimum utilitatis afferre: optimos enim quosque attente et cogitate legendo non solum tutam viam certosque duces nanciscimur, sed paullatim eorum disserendi rationi, res explicandi modo, ordini, perspicuitati, sermonis virtuti, magnitudini sententiarum, dicendi pulchritudini assuescimus.

Quae esse debent?

Nec vero civili oratori hoc oneris imponimus, ut omnes, qui ceteris eloquentia praestiterunt, auctores evolvat. Tullius fere

1) I. Orat. 23.



unum Demosthenem adamabat: nos uouum Tullium studio et diligentia assidue versabimus. Nam in vulgari eloquentia difficile est optima exemplaria inuenire: laudantur quidem in publicis concionibus Ioannes Casa, Albertus Lollius, Speronius; sed vix Ioannis Casae orationes et paucae quaedam conciones, quae in optimis Italicarum rerum scriptoribus occurrunt, uti exemplaria proponi possunt a). In sermonibus academicis praestant Saluianus, Torquatus, Salvinus aliique recentiores: sed in fori eloquentia fere nullus nostrorum multo cum fructu legi potest: si qui nostra aetate in foro excellere visi sunt, argumentorum vi et sententiarum forte gravitate pollent; oratoria arte et praesertim optimo dicendi characterē multum peccant. Itaque verborum copiam et italici sermonis proprietates ab optimis, qui Quid a Tullio sumendum?

multi habentur, auctoribus discemus; vim et facultatem eloquendi a Cicerone, qui in omnibus causarum generibus dux et magister esse debet. Nam si eius vestigiis insistendis adhibeatur studium, et res omnes ad nostros usus nostrumque forum prudenti iudicio ducantur, civilis quoque eloquentiae gloria, quae una adhuc deesse videtur, Italiae adiicietur. Ad hoc autem eo vehementius ferri debemus, quod eadem via, et in re quidem dissimili, iam illud assecutus fuerit Segnerius, qui propterea Tullius Italicus appellatur.

Duo quae meminimus civilis eloquentiae subsidia, ars et exemplaria, aut viam tantum ostendunt oratori, aut aliorum produnt facultatem, acunt et promovent nostram: quae ipsam dabit eloquentiam, plena et multiplex rerum scientia erit <sup>1)</sup>. Quare Tullius et saepe testatur dicendi facultatem ex intimis sapientiae fontibus fluere, et primo de oratore: *Ac mea quidem sententia, inquit, nemo poterit esse omni laude cumulatus orator, nisi erit omnium rerum magnarum, atque artium scientiam consecutus. Etenim ex rerum cognitione efflorescat, et redundet oportet oratio* <sup>2)</sup>.

Positum sit igitur imprimis sine philosophia non posse esse eloquentem. Nam quantum opus est dialectica, ut genus et speciem cuiusque rei cernamus, ut definiamus, explicemus, tribuamus in partes; iudicemus quae vera sint quae falsa, videamus consequentia et repugnantia, distinguamus ambigua? Qui Philosophiae necessitas.

1) V. Cic. I. Or. V. XIV.—2) I. Orat. VI.

a) V. Guicciardini, nella Storia d'Italia.

haec ipsa praestabimus, orationisque adferemus materiem nisi aderit rerum physicarum, humanarum, divinarumque cognitio, in qua est pars altera philosophiae? Tertia autem pars illa, quae dicitur moralis, profecto tota est oratori propria et accommodata: de vita enim, de officiis, de virtute, de moribus agit: quarum rerum si magnam et ab ipsis principiis petitam scientiam quis non habeat, disertus fortasse esse poterit, eloquens non poterit <sup>1)</sup>).

Christianae  
Religionis  
sapientia.

Philosophiae coniungatur oportet Christianae Religionis sapientia, quae ipsam philosophiam stabilitate, amplitudine, perfectione donat, mentes hominum illuminat, dirigit voluntates, consilia actus mores temperat, alit, transfert in meliora, atque in novam, caelestem et veteribus penitus ignotam societatem humanum genus adstringit. Quidam contenti sunt certa Ecclesiae legum cognitione: sed parum est iuris canonici scientiam acquirere: hoc, sine quo nemo in foro dicere et iudicare potest, vix pragmaticorum est. Vita et spiritus Christianae Religionis est hauriendus; ut oratione digna causis, digna nobis, digna iis, apud quos in concionibus vel in foro loquimur, sapientissime utamur: nec solum in sententiis et iudiciis a vostra et auditorum vitae professione verbis saltem et agendi modo non discrepemus; sed facto civilem societatem et religiosam vel unam omnino esse vel difficillime distingui posse et separari comprobemus. Quod ipsi ethnici faciebant, qui etiam cum errore praesentissimis Religionis argumentis et auxiliis utebantur ad populos tum convincendos tum permovendos: cuius rei illustre exemplum est in orationibus pro Milone et Fonteio.

Quibus nititur  
legum  
cognitio?

Eruditio.

Magnis philosophiae et religionis fundamentis aedificanda est vasta et immanis illa scientiae legum moles, quae in hodierno oratore tantopere laudatur: vimirum iuris gentium doctrina, et iuris civilis, iuris publici, omniumque legum cognitio: quibus tum veteres tum praesertim novae respublicae gubernantur. Verum haec potius materies, in qua orator proxime versatur, quam civilis eloquentiae subsidia sunt dicenda. Cum tot ac tam variae tam diversae naturae legum studio copulanda est multarum rerum, quae plurimum oratorem iuvant, eruditio: scientiae enim primum sunt societatum origines, constitutiones, pro-

1) V. Quint. Lib. XII. c. 2.

gressionem, exitus felices aut infelices, negotiorum tractandorum rationes, et rei cuiusque causae, adiuncta, eventa, consequentia: tum penitus comprehendendi populorum atque hominum mores, gentium consuetudines, varia dissentientium civium ingenia. Quae omnia cum experientia, tum praecipue historia sunt acquirenda. Historia autem ad exempla etiam oratori est necessaria: *In primis enim, ait Fabius, abundare debet orator exemplorum copia: cum veterum tum etiam novorum: adeo ut non ea modo quae conscripta sunt historiis, aut sermonibus velut per manus tradita, quaeque quotidie aguntur, debeat nosse, verum ne ea quidem quae sunt a clarioribus potius ficta negligere* <sup>1)</sup>.

Historia.

Superest exercitatio, qua facilitas seu tum bona naturae, tum naturae ad eloquentiam subsidia prompte et feliciter expromendi facultas illa paratur, sine qua cetera, quamquam necessaria, non satis ad dicendi vim prosunt. Facilitatem autem multo scribendi, legendi, et dicendi usu consequimur: in his igitur assidua erit oratoris exercitatio. *Nam neque solida atque robusta fuerit unquam eloquentia, nisi multo stilo vires acceperit: et citra lectionis exemplum labor ille carens rectore fluit: qui autem scierit quo sint quaeque modo dicenda, nisi tanquam ira procinctu paratam quidem ad omnes casus habuerit eloquentiam, velut clausis thesauris incubabit* <sup>2)</sup>.

Exercitationis necessitas.

De scribendi exercitatione plura alibi sunt tradita: nunc id unum ad rem propius facit: Ut iuvenis, qui rationem invenienti eloquendi a praeceptoribus diligenter acceperit et exercitationem quoque modicam fuerit consecutus, oratorem sibi aliquem (quod apud maiores fieri solebat) deligat quem sequatur, quem imitetur; iudiciis intersit quam plurimis, et sit certaminis, cui destinatur, frequens spectator: tum causas vel easdem, quas agi audierit, stilo et ipse componat, vel etiam alias, veras modo, et utrimque tractet: et quod in gladiatoribus fieri videmus, in rebus actis (in veris negotiis) exerceatur <sup>3)</sup>.

Quae in scribendo?

In lectione tria sunt reputanda: qui auctores legendi; quid potissimum in his ipsis, quos eligimus, versandum; quomodo legendi. Nam non omnes, qui aliqua scientia aut eloquentia polent, sunt evolvendi, sed optimi quique: in his autem id praeci-

Quae in Lectione?

1) Lib. X. cap. 4.—2) Lib. X. cap. 1.—3) Lib. X. cap. 5.

pue intuendum, in quo seipsos magis adamarunt, et vitanda loca, si quae occurrant, vitiosa: tandem in lectionis ratione duae servandae leges. Altera Plinii: *Multum legendum esse, non multa*: altera Fabii, ut *Repetamus et tractemus*: et ut cibos mansos ac prope liquefactos demittimus, quo facilius digerantur; ita lectio non cruda, sed multa iteratione mollita, et velut confecta, memoriae imitationique tradatur <sup>1)</sup>.

Quam in dicendo necessaria?

Maxima vero esse debet dicendi exercitatio, ut comparemus dicendi ex tempore facultatem, sine qua nullus orator civilibus officiis interesse potest. Nam expedit quidem ut paratus quis dicere malit: sed dicere ex tempore plerumque est necessarium. Innumerabiles enim accidunt subitae necessitates continuo et sine ullo studio et praeparatione magnas causas agendi: ut cum vel in concionem novum et imminens affertur negotium, vel in foro acceleratur iudicii tempus, aut alia in dicendo suboritur quaestio. Adversario autem sine improvviso dicendi facultate plerumque nihil apte respondebimus: siquidem ea, quae opinati sumus, et contra quae scripsimus, saepe fallunt, et tota subito mutatur actio. Age, ad subitam dicendi facultatem confert quidem artis praecepta ita cognita et perspicua habere, ut uno mentis obtutu oratio in partes distribui possit: sed potissimum comparare primum debemus plurimam optimi sermonis materiem; deinde multo et fideli stilo sic formare orationem, ut scriptorum colorem etiam, quae subito effusa sint, reddant: tandem ut cum multa scripserimus, multa etiam vel soli, vel, quod est melius, coram optimo teste dicamus <sup>2)</sup>.

Unde haec comparatur?

## CAPUT V.

### DE ELOQUENTIA SACRA

Sacra eloquentia propria praecepta habet.

Communibus oratoriae praeceptis sacra eloquentia regitur: nam sacri quoque oratoris est et argumentis fidem facere, et animorum motibus voluntates flectere; idque iis orationis artibus, quas ab ipsa natura edocemur. Verum ob rei dignitatem et orationis materiem, quibus sacra a civili eloquentia longe distat, tum in ipsis orationis partibus sunt quaedam sacri oratoris ita propria, ut universis eloquendi praeceptis haud com-

1) Lib. X. cap. 1.—2) V. Cic. *Brutus*, 89 et seqq.

mode definiri possint, tum diversa orationum genera proprias quasdam leges sibi vindicant. Quare, posita sacrae eloquentiae natura, primum de sacrarum orationum partibus aliquid dicemus; deinde ipsas orationes ita dividemus, ut aliae ad deliberationis, ad exornationis genus aliae referantur. Propositum est Sacri oratoris enim sacro oratori mentes instituere, educare animos, mores <sup>ris</sup> institutum: formare; ut homines, qui ad caelestis regni gloriam revocantur, veterem omnem conditionem exuentes, christianasque induentes virtutes, tum Deum rite sancteque colant, tum ad tantam adipiscendam dignitatem feliciter promoveantur. Ad haec opus est non solum auditorum animos a vitiis deterrere, ad virtutes inflammare; verum et caelestis doctrinae amplitudine praestantiaque imbuere, et divina quaedam sanctitatis exemplaria edocere: quae iidem intuentes in eisque defixi sublimioris vitae similitudinem atque imaginem exprimant. Duo igitur primo sunt sacrae eloquentiae genera: Conciones, quibus potissimum aut mores corriguntur et informantur, aut solum erudiuntur mentes: tum Laudationes, quibus vel Dei ipsius natura et maiestas, bonitas, amor, sapientia, providentia, iustitia, misericordia; vel divina Iesu Domini vita et caelestia decora, muniaque; vel sanctorum caelorum, qui illum, quoad licuit, proxime sunt secuti, virtutes celebrantur. Utroque hoc genere explicato, de reliquis orationibus, quae ad alterutrum revocantur, aliqua saltem edisseremus, ac postremo, ut ad omnes orationes sacras parati simus, propria sacrae eloquentiae auxilia demonstrabimus.

Ex quo varia orationum genera.

## § I.

### *De Natura Sacrae Eloquentiae*

Sacra eloquentia, licet serius perfecta, rerum tamen magnitudine et dignitate, ac instrumentorum varietate et copia illustrior, omnia civilis eloquentiae genera eo longius antecellit, quod illa caduca solum negotia agunt, haec immortalia maxime pertractat; illa humana sunt, haec est divina: quippe quae Deum ipsum auctorem habet et magistrum, rebusque caelestibus adeo constat ac afficitur, ut iis etiam, quae ex naturae contemplatione vel ex humana doctrina sibi in famulatum adsciscit, spiritum quemdam et fulgorem divinitatis impertiat. Nec

Sacrae eloquentiae dignitas.

enim graviora ipsa humanae cognitionis inventa, quae splendor quidam divinae sapientiae habentur, caelestis haec facultas respuit; sed in suam veluti possessionem transfert et efficit nobiliora.

**Eius natura.** Omnis autem sacrae eloquentiae vis in eo posita est, ut argumentis, ex Christianae fidei Religione vel desumptis vel confirmatis, humanum genus et ab immani culpa ac aeternae damnationis barathro relevet, et divinis excolat virtutibus, et ad caeleste regnum, quod Iesus nobis adeptus est, Dei ipsius

**Sacrioratoris munus.** nomine evehat ac perducatur. Nam Dei legatione fungitur orator sacer, Deique Filium agens verbum illud continenter annuntiat, quod a Patris ore ad hominum salutem Iesus attulit. Non enim Servator noster, cum in caelum rediit, Patris verbum secum tulit; sed Ecclesiae a se constitutae custodiendum, et Apostolis, ac iis, qui Apostolos exciperent, universo hominum generi praedicandum, commisit: ut sacrorum praeconum ministerio in iis omnibus, qui hereditatem capiunt salutis, formaretur Christus. Nam, ut cum Patribus loquar, quemadmodum Dei Filius humanam naturam induens et in similitudinem hominum factus, nos omnes in suam imaginem transtulit, ut in Dei Filios cooptati caelestis regni efficeremur heredes; sic Dei verbum, verbo humano, divina aucto virtute, coniunctum, Iesu Domini imaginem in hominibus vel exprimit, vel perpolit, vel excolit, ut immortalem illam gloriam consequantur.

**Sacrae eloquentiae Fons Dei verbum.** Videte iam sacrae eloquentiae fontem unum esse, eundemque verbum Dei: videte unde repetendi sint mirabiles illi christianae religionis per Evangelii praedicationem successus. At Dei verbum omnium veritatum est complexio, quas Christus Iesus, e caelo delapsus, hominibus praedicavit, quaeque tum in natura sunt, tum potissimum supra naturam: Deus nimirum ipse prius eiusque natura, divinae proprietates, cultus, religio; deinde homo, hominisque origo, caelestis constitutio, lapsus, reparatio, atque universa gratiae et sanctitatis per Iesum oeconomia: ut instituta a Iesu sacramenta, ut lex et morum virtutumque praecepta, ut divina fides, spes, charitas, ac reliquae divinitus additae virtutes.

**Verbum Dei Ex scriptura et traditione.** Verbum Dei non nisi ex sacra Scriptura et divina traditione hauritur: quae simul, Christi Ecclesiae magisterio subiecta, rerum credendarum agendarumque regula existunt. Sed traditio doctrina Ecclesiae, cui Dominus Iesus integrum Fidei mo-

rumque depositum credidit, conciliis, praesertim oecumenicis, sacra liturgia, publica et solemni Ecclesiae in cultu et sacramentorum ritu consuetudine, sanctorum Patrum scriptis, Christianaeque Religionis monumentis transmittitur. Quare haec omnia in probata theologorum doctrina instructo oratori cum ad probandum tum ad movendum argumenta suppeditant, quae communibus artis locis dilatantur, augentur, expoliuntur. Argumenta consuetis locis tractantur. Nam hic quoque definimus seu describimus, ex vi verbi arguimus, distributione utimur, afferimus consentanea vel contraria, similia vel dissimilia; quae sunt rerum causae aut causarum eventus, quae rem praecedant vel consequantur, tum adiuncta, comparationes, alia explicamus.

Si quis autem fulgere, tonare, animos hominum permiscere Quae potiora? velit, ex sacris Bibliis potissimum et veterum Patrum libris id obtinebit. Quid enim eloquentius Prophetarum libris? Qui melius quam Patres christianae fidei capita et omnia morum praecepta aperuere? Enimvero quem ethnici oratoris locum huic Isaiae exemplo compares? *Et erit in die illa: cum requiem dederit tibi Deus a labore tuo, et a concussione tua, et a servitute dura, qua ante servisti: Sumes parabolam istam contra regem Babylonis, et dices: Quomodo cessavit exactor, quievit tributum? Contrivit Dominus baculum impiorum, virgam dominantium, Caedentem populos in indignatione plaga insanabili, subiicientem in furore gentes, persequentem crudeliter. Conquievit et siluit omnis terra, gavisata est et exultavit. Abietes quoque laetatae sunt super te, et cedri Libani: ex quo dormisti, non ascendet qui succidat nos. Infernus subter te conturbatus est in occursum adventus tui: suscitavit tibi gigantes. Omnes principes terrae surrexerunt de solis suis, omnes principes nationum. Universi respondebunt et dicent tibi: Et tu vulneratus es sicut et nos, nostri similis effectus es. Detracta est ad inferos superbia tua, concidit cadaver tuum; subter te sternetur tineae, et operimentum tuum erunt vermes. Quomodo cecidisti de caelo, Lucifer, qui mane oriebaris? Corruisti<sup>1)</sup>....* Quot huiusmodi exempla huc afferri possunt vel ex eodem Isaia vel ex aliis Scriptorum et Prophetarum libris? <sup>2)</sup>

1) Isai. XIV. 3. V. Sap. V. Psal. XXVIII. CXLIII.—2) V. Audisio, Sac. Elog. vol. 3.

Ad teneros autem vehementioresque affectus concipiendos legendus omnino Iobus <sup>1)</sup>, et Ieremias <sup>2)</sup>.

Diluvium ex  
Basilio.

Quod si adimus Patres, praesertim graecos, quanta eloquentiae admiratione percellimur? Audiamus brevi Basilium et Chrysostomum, alterum diluvii ruinam, alterum martyrum ad supplicia alacritatem describentem. Α'νωθεν οὐρανός χειμάρρους ἠκόντιζε, κάτωθεν ἡπειρος ἀβύσσους ἀνέπεμπε, καὶ πρὸς τὴν ὕδατος φύσιν ἡ κτίσις ἐστοιχειοῦντο. Οὐκ ἔτι ξηρὰς καὶ θαλάττης διάκρισις, ἐνὶ ρείθρῳ τὰ πάντα συνείχετο. οὐκέτι σπηγαί, καὶ λίμναι, καὶ κρήναι συνῆριτι ῥέουσιν, ἀλλ' ἀγρίοις πελάγῃσι κατεποντίζοντο τὰ σύμπαντα. Οὐ βλαστημάτων κάλλη, καὶ δένδρων ἄνθη, οὐ πόλεις, οὐ πιδιάδες, οὐχ' αἱ τῶν ὀρέων κορυφαί, ἀλλὰ πάντα τοῖς κύμασιν ἐναυάγει, κοινῶ καλυπτόμενα τάφῳ. Οἱ πολυάνθρωποι δῆμοι σὺν κακίᾳ τῆς γνώμης ἐκυβίστων ἐν μνήμασι. ἦν γὰρ ζῶντες ἐμόλυναν, ἀποθνήσκειν ἀπ' αὐτῆς οὐκ ἤξιουντο. Οὕτω μὲν οὖν τῇ τοῦ κατακλυσμοῦ περιβληθέντες σαγήνῃ, ἐν ταῖς τῶν κυμάτων πληγαῖς σφενδονούμενοι πρὸς ἑλευθέρῳ θανάτῳ τρόπον ὑπεφέροντο, ταῖς ἀλλήλων συμφοραῖς τιμωρούμενοι. οἱ μὲν ἀθρῶον χύσθοντες τοῖς ὕδασι, νεκροὶ τάχεις ἀπεδείκνυντο· οἱ δὲ ἐμπνέοντες, αἰσθήσει τοῦ πάθους μακρὸν ὑπέδεχοντο θάνατον. ἄλλοι δὲ καὶ πρὸς βραχὺ προσκατερήσαντες, μακροτέρην τοῦ θανάτου τὴν τιμορίαν ὑπέμειναν, κ. τ. λ.

Superne caelum torrentes emittebat, inferne terra abyssos relaxabat, et ad naturam aquae res creatas in sua clementia redigebantur. Nulla iam aridae marisque discretio; unius fluenti alveo continebantur omnia: non iam scaturigines, et lacus, et fontes cum voluptate fluentes; sed immanibus undis demergebantur universa. Non germinum species, et arborum flores, non urbes, non planities ulla, non montium vertices; sed omnia fluctus inter naufragio forebantur, communi operata sepulcro: frequentissimas gentes una cum animi improbitate volutabantur in monumentis: quae enim viventes se foedaverant, ab ea morientes non merebantur abungi. Ita diluvii sagena comprehensi, inter fluctuum vortices rotati, ac mutua calamitate puniti, miserando mortis genere surripiebantur:

1) Iob. III. XVI. XVII.—2) Ierem. Thren. I. II. III.



*hi confestim aquis oblimati, confestim mortui videbantur: illi spirantes non sine mali sensu longam excipiebant mortem: alii modico durantes tempore longiorem morte cruciatum sustinebant, et cetera 1).*

Οὐ γὰρ μόνον οὐκ ἐνέκοψε τῶν πεπιστευκότων τὴν προθυμίαν, ἀλλὰ καὶ ἐπίτινι πλείον, καὶ μείζω καὶ θερμοτέραν αὐτὴν ἐποίησεν. ἄνδρακας ὑπεσπτόρισά, φησιν, οἱ δὲ ὡς ἐπὶ ῥόδα ἔτρεχον· πῦρ ἀνῆψα, οἱ δὲ ὡς εἰς πηγὰς ὑδάτων ψυχρῶν ἑαυτοὺς ἐβρίψαν. κατέξανα τὰς πλευρὰς, καὶ βαθείας ἀνέτεμον αὐλακας, καὶ κατήγαγον ῥύακας αἱμάτων, οἱ δὲ ὡς χρυσίῳ πάντοθεν περιβρέμενοι, οὕτως ἐκαλλωπίζοντο. Τοῖς κρημνοῖς ἐβρίψα, καὶ εἰς πύλας κατεπόντισα, οἱ δὲ οὐχ' ὡς εἰς βυθὸν καταβαίνοντες, ἀλλ' ὡς εἰς αὐτὸν ἀναβαίνοντες τὸν οὐρανόν, οὕτω διέπειντό σκιρτῶντες καὶ ἀγαλλόμενοι, καὶ ὥσπερ ἐν ἱερᾷ πομπῇ χορεύοντες, καὶ ἐν λειμῶνι παίζοντες χλοερῶ. οὕτω τὰς τιμωρίας ἔκαστος ἤρπαζον, οὐχ' ὡς τιμωρίας, ἀλλ' ὡς ἀνθη λαμβάνοντες ἰάρινα, καὶ στεφανούμενοι, καὶ τῇ τῆς οἰκείας προθυμίας ὑπερβολῇ τὰς ἐμὰς προέφθανον τιμωρίας.

Martyrum alacritas ex Chrysostomo.

*Non solum enim animi alacritatem eorum qui crediderant non cohibuit; sed etiam magis auxit, eamque maiorem ac vehementiorem effecit. Carbones, inquit, substernebam: illi autem tamquam ad rosas currebant. Ignem accendebam: illi vero tamquam in fontes frigidarum aquarum seipsos proiciebant. Latera caedebam, profundos in eis sulcos faciebam, et rivos sanguinis deducebam: illi autem tamquam auro omni ex parte circumfluentes gloriabantur. Per praecipitia iaciebam, et in mare demergebam: illi vero non tamquam in profundum descendentes, sed tamquam in ipsum caelum ascendent, ita affecti erant, exilientes et exultantes, et velut in sacra pompa choreas ducentes, et in viridi prato ludentes: ita arripiebat unusquisque cruciatus, non tamquam cruciatus, sed tamquam vernos flores carpentes, seseque coronantes, et insigni animi sui alacritate cruciatus meos praeveniebant 2).*

*Ea, quae de natura sacrae eloquentiae libavimus, facile ostendunt, quae sint eiusdem praecipuae dotes, quae propria di-*

Dotes sacrae Eloquentiae.

1) Bas. Orat. in Noëmum.—2) Chrysost. In 8. Rom. M. Laud. I. n. 2.

cendi ratio. Summa virtutum est: *inspiratio*, quae ex divini verbi commentatione nascitur; gravitas, quae ex rerum magnitudine; ardor animi, qui ex hominum boni et Dei gloriae amore; ac molliens ille et insinuans loquendi modus, qui ex rerum gravitate et ardore animi, suavi motioni coniunctis, gignitur. Quam

Quid *Uinctio*? enim *unctionem* dicunt, nihil est aliud, quam tenera quaedam et deliniens dicendi ratio, ex rerum gravitate et incenso easdem auditoribus suadendi desiderio in oratore profecta. Quod tunc potissimum obtinetur, cum oratoris vita cum eiusdem oratione optime congruit: nam animi fere plus exemplo, quam dicentis verbis moventur.

Stilus sacrae Eloquentiae. Dicendi vero ratio perspicua erit in primis: ad omnes enim hominum coetus habetur oratio. Quare verba inusitata et minus obvia, praesertim si philosophica sint aut nimis poetica, non sunt usurpanda. Sed nihilominus sermo feretur semper gravis et nihil incultum, rude, abiectum, aut plebeium admittet. Ipsa praeterea rerum gravitas et magnitudo, tum oratoris ardor et studium saepe postulabunt stilum vivum, incensum, vehementem: quapropter metaphorae, similitudines, splendidiores figurarum rationes, dummodo prudenter adhibentur, sacrae eloquentiae maxime convenient.

## § II.

### *De sacrarum orationum partibus*

Exordium. Exordium ex eo etiam in sacra oratione est, ut ait Chrysostomus, necessarium, quod auditores ex rerum caducarum negotiis ad caelestium cogitationem sunt revocandi ac praeparandi: habet autem praeter communes leges, hoc proprium, ut amabilem quamdam modestiam caelestemque oratoris sanctitatem redeat. Meminerit orator, vel maxime in principio, se Dei praecone esse, auditores autem oratoris gravitate ad virtutem ac pietatem erigi. Quam etiam ob rem placent Gregorii Basilii et Chrysostomi exordia, quae hodiernis oratoribus sunt volvenda.

Invocatio. Exordio interdum subiicitur invocatio, quae et opportuna esse debet et affectibus distincta <sup>1)</sup>.

Narratio. Narratio, quae et saepe, in Homiliis praesertim, exordii lo-

1) Ved. *Segn.* Pred. I. n. I.— Angeli che sedete...

cum tenet <sup>1)</sup> et tota oratione spargitur, maiorem quam in civili eloquentia, splendorem ac dignitatem habet: ea enim plerumque exponit, quae vel ipsa sunt magnis laudibus efferenda, vel orationem exornant atque illuminant. Quod fit cum narratio probandi vel declarandi gratia adhibetur: quare ad descriptionem accedit, interpunctis tamen sententiis, et comparatione ad rem nostram subiecta <sup>2)</sup>. Raro profana narratur historia <sup>3)</sup>: fabulosa fere nunquam: quidquid vero affertur, sequatur maxime decorum. Mira est Ambrosii in Agnetis martyrio eloquentia. *Natalis est sanctae Agnetis: mirentur viri, non desperent parvuli, stupeant nuptae, imitentur innuptae... Fuitne in illo corpuscule vulneri locus? Et quae non habuit quo ferrum reciperet, habuit unde vinceret. At istius aetatis puellas torvos etiam vultus parentum ferre non possunt, et acu districta solent puncta flere, quasi vulnera. Haec inter cruentas carnificum impavida manus, haec stridentium gravibus immobilis traetibus catenarum, nunc furentis mucroni militis totum offerre corpus, mori adhuc nescia sed parata; vel si ad aras invita raperetur, tendere Christo inter ignes manus atque in ipsis sacrilegis focis trophaeum Domini signare victoris: nunc ferratis colla manusque ambas inserere nexibus: sed nullus tam tenuia membra poterat nexus includere. Novum martyrii genus! nondum idonea poenae et matura victoriae: certare difficile, facili coronari magisterium virtutis implevit, quae praesudicium vehebat aetatis. Non sic ad thalamum nupta properaret, ut ad supplicii locum laeta successu, gradu festina virgo processit: non intorto crine caput compta, sed Christo; non flosculis redimita, sed moribus. Flere omnes, ipsa sine fletu <sup>4)</sup>...*

Ambrosii exemplum.

De propositione nihil esset addendum, nisi disputassent non-Propositio an nulli de ipsius unitate et divisione. Ex Graecis Demosthenes in simplex? civili et Basilius, Chrysostomus, alique in sacra eloquentia continenter ab exordio in orationem rapiebantur: qui, nedum partitionem facerent, vel ipsam propositionem aperte non exponebant. Romae Hortensius primus divisionem adeo adamavit, ut irrideretur interdum a Tullio; qui tamen illam saepe ad-

1) V. Segn. Pred. IX.—2) V. Segn. Pred. VI. n. 6.—Gericuntini — Tornielli Pred. V.—Giuditta.—3) V. Segn. Pred. XIII n. 6.  
4) De Virgin. lib. I.

hibuit <sup>1)</sup> A sacrae eloquentiae instauratione Segnerius et Bourdalouins, alter in Italia, in Gallia alter oratorum facile princeps, contrariam iniverunt rationem: alter enim divisioni, prior unitati propositionis adhaesit. Quare alii partitionem extollunt, ut et auditorum animi ad ea, quae proponuntur, intenduntur, et maiori perspicuitate niteat oratio: alii unitatem anteponunt, quatum orator ad unam rem vires omnes referat, tum auditores unitate defixi crescentibus usque argumentis premantur, moveanturque.

Discrimen  
inter Gallos  
et Italos.

Quid ergo? fuerunt, qui quaestionem eluderent: dixerunt enim partitionem recte adhiberi, cum mentem instruere solum vult orator; at cum vult praecipue movere, praefarendam omnino esse unitatem. Verum de concionibus, quae potissimum movent, est controversia. Discrimen igitur, quod inter Gallos Italosque intercedit oratores, non est in hoc quod illi instruant, alteri moveant; sed quod priores ad amplam doctrinae materiem etiam se convertant, nostri animorum motioni praesertim studeant: quare pro re nata primi divisione, alteri unitate delectantur. Nos, quamquam unitatem <sup>2)</sup> et orationis gravitati, et Italorum, qui hac in re magistri nobis esse debent, ingenio magis accommodatam esse ducimus; tamen divisionem etiam <sup>3)</sup>, si recte fiat, interdum probabimus. Nam quod Fenelonius, qui quidem sententiam suam proprio exemplo destruit, olim ait divisionem scholasticorum inventum esse, non cogitavit non referre a quo quid sit inventum, sed quid ad rem conferat: praeterea vir eruditus, dum in alios vult invidiam commovere, non dubitat inscitiae fere notam sibi inrere, quasi nesciverit aut Hortensii Tulliique exempla, aut Fabii hac in re praecepta.

Fenelonius  
refellit.

Quae divisio  
probat?

At enim, inquit, divisiones orationis unitatem dissolvunt, impetum oratoris reprimunt, motum animorum retardant: nequit enim oratio continenti cursu ad finem usque crescendo progredi. Sed erit una oratio, si propositionis partes altera ab altera mutuo ita nectantur, ut in unum conspirent; si cum ex sacra aliqua sententia ducuntur partes, haec cum sententia naturali nexu contineantur; si, quod caput est, propositionis membra, gravia ampla et fecunda, ita collocentur, ut

1) V. pro Quintio, Divin. in Ver., pro Lege Manilia, pro Murena, Archia.—2) V. Segn. Pr. I. n. I. Pred. XI n. I. Pr. XXXIII. n. I.—

3) V. Bourdal. Pr. XXXII.—Pr. I. Avv.

tum quoad mentem tum quoad animum semper creseat oratio <sup>1)</sup>. Ex his etiam facile quis intelliget aequam divisionem neque oratoris impetum reprimere, neque animorum motum retardare posse. At quando maxime adhibenda est divisio? Cum res postulat ex ipsa causae natura, vel auditores plurimum sunt instruendi, ut moveantur. Illud unum monemus: ut propositio, quaecumque sit, simplex vel distributa, ab ipso exordio videatur naturali modo oriri, ut in syllogismo ex praemissis consequentia.

Quando adhibenda?

Quamquam in argumentorum collocatione parum videtur requiri studii, nam omnia argumenta sunt firmissima; adhibebit tamen sacer orator iudicium: sunt enim multa, quae magis auditorum vel mentem penetrant, vel animum percellunt. Eligetur itaque ille confirmationis ordo, qui videbitur orationis victoriae accommodatior. Quod si quis amet prius ex sacra Scriptura, deinde ex Patribus, tum ex aliis locis argumenta afferre, nec semper nec plurimum huic rerum seriei haereat, praesertim cum rei natura ex philosophia vel theologia saepe prius est explicanda, et orationis varietate vincenda est satietas. Invat vero ex plena causae cognitione attentaque consideratione omnia argumenta ad praecipua quaedam capita antea revocasse, atque ita disposuisse, ut magis ac magis ascendere possit oratio: tum in dicendo naturam et animum eorum induere, quorum exprimimus sententias. Ex quibus fiet, ut res perspicue enuntiemus, confirmemus graviter, evidentioribus pingamus coloribus, atque vim omnem argumentorum promamus. Qua in re iis, quas in amplificatione exposuimus, legibus utemur, curantes ut multum sensus phantasiamque oratione impellamus <sup>2)</sup>. Difficultates autem sponte e re nascantur, proponantur fere ab auditoribus, et saepe nova argumenta adducendi occasionem praebeant <sup>3)</sup>. In quibus dissolvendis, praeter communes leges, eniteat veritas; nihil enim nostra lux timet: tum multa sit dexteritas et urbanitas, ut oratoris prudentia et cum dignitate modestia eluceat.

Argumentorum collocatio.

Eorundem expositio.

Ad adfectuum motionem, reputet sacer orator quid adferre debeat, quos adfectus praecipue excitet, quem teneat in excitanda

Cura in affectibus.

1) V. Bourd. Pred. IV. Eleemosina — Pr. V. Avv. II. Penitenza.

2) V. Segn. Pr. III. n. 4. Disc. del SS. Sacr. n. 5.

3) V. Segn. Pred. III. n. 5. 6. Paneg. 8. Ignazio n. 5.

do modum. Ac primo summa debet esse oratoris sacri in affectibus tractandis cura et industria. Nam primum, ut ait Tullius, *Plura multo homines iudicant odio aut amore, aut cupiditate, aut iracundia, aut dolore, aut laetitia, aut spe, aut timore, aut errore, aut aliqua permotione mentis, quam veritate, aut praescripto, aut iuris norma aliqua, aut iudicii formula aut legibus*<sup>1)</sup>. Deinde sacro oratori longe gravius acriusque, quam forensi, auditorum resistunt animi. Hoc enim agitur, ut qui audiunt non de aliis sed de seipsis iudicium ferant, se damnent, sua vitia quae multum admodum diligunt, avellere et abiciere statuant, contractas labe graviter expiare incipiant, ac demissis iis, quibus maxime delectantur, ea sectanda aggrediantur, quae ardua et durissima existimant. Quod animorum motione praesertim obtinebimus: pauci enim inter eos, qui nos audiunt, sua defendunt vitia, nec multo opus est labore, ut errores abiciant: sed fere universi ad affectuum patrociniū se recipiunt: restringendi ergo pravi affectus, ut optimi inflammentur. Verum in hoc caveat diligenter orator, ne quid afferat, quod per aures ad animum transmissum bonis offensionem sit, malis periculo: de vitii sensuum praesertim, in quibus ob tempora praeclari etiam oratores liberiores interdum fuere, vel nulla facienda est singillatim mentio, vel si res omnino postulabit, sic est dicendum ut citra etiam, si ita loqui fas est, prudentiae fines, quos temporum et auditorum personae praescribent, loquamur.

Oratoris prudentia.

Fides, timor  
Spes, caritas.

Qui ciendi sunt potissimum affectus, ab ipsa Ecclesia constituuntur: Ecclesiae enim est non modo intellectum aeternae veritatis luce illuminare, sed voluntatis quoque affectus divinae caritatis igne purgare et sanctos efficere. Christiani vero affectus sunt: Fides, Timor, Spes, Caritas<sup>2)</sup>. Sed Fides haec non spectatur prout est purus mentis actus; verum prout imbuatur pio illo atque obsequenti voluntatis motu, qui ex consideratione caelestium veritatum divina ope vehemens in animis gignitur, totamque christiani hominis vitam alit et nutrit<sup>3)</sup>. Fidem excipit Timor: nam cognita per Fidei lumen sua malitia et aeterno, quod ineretur, supplicio inspecto, homo culpa obnoxius Dei iustitiam in primis extimescit, atque a prava vitiorum semita ut plurimum declinat. Solet autem quam maxime Dei vindicta timeri: at ubi menti occurrit Dei bonitas et misericordia,

1) Orat. XLII.—2) Trid. Ses. VI. c. 6.—3) V. Paull., Hebr. IX.

tunc exurgit spes, quae mirum quantum animos ad virtutem et sanctimoniam accendit. Sed animae christianae sanctitas perfectioque in Dei caritate consistit : cum Dei amore amor hominum coniungitur, qui est nostrae Religionis tessera.

Cum officium sacri oratoris sit auditores ad aeterna mala vitanda et ad aeterna bona adipiscenda deducere, patet affectus praecipue tractandos esse timorem et spem: ille aeternae iustitiae rigore, haec divinae bonitatis misericordia excitatur. Nunquam tamen timor et spes sunt separandi : nam cum auditores perculerit timore orator, spe erectos tandem demittere debet, ut ad vitam recte instituendam incensi proficiantur. Cientur etiam amor in virtutem aut in virtute praeditos, desiderium, confidentia, laetitia, et aemulatio in charismata meliora : tum odium, in vitia quidem non in homines, fuga, horror, dolor, et misericordia. Omnium affectuum causae ducuntur ex consuetis motuum sedibus; nisi quod ad sacra sunt deducendae, et argumenta mutuanda ex sacris litteris, ex sanctis Patribus, ex Religionis monumentis : ut actus, qui eliciuntur, sint christiani et caelesti merito imbuantur.

Ratio, qua affectus sunt excitandi, haec erit: ut gradatim vires animi sequamur, neque eas praeveniamus: nihil enim salutu natura operatur. Humanum igitur cor vestigabimus, et eo tempore, eo modo, ea gradatione, quibus in nobis affectus cieri animadvertimus, etiam in aliis excire conabimur. Quare non sapiunt, qui priusquam dixerint vel probaverint invehi incipiunt, nec illud Ciceronis meminerunt: *Si orator non praeparatis auribus inflammare rem coepit, furere apud sanos, et quasi inter sobrios bacchari vinolentus videtur* <sup>1)</sup>. Parandi sunt animi, adspargenda affectuum semina, sensim alenda, non turbanda iocis aut facetiis, non minuenda ineptis digressionibus; sed semper augenda, donec pervidemus auditorum pectora comparata esse ad commotionem excipiendam: tunc denique motum adhibebimus.

Solet perorationi aliquid praecire, quod alteram orationis partem vocant. In hac, qua maxime excellit Segnerius <sup>2)</sup>, cum iam plenissime argumentum in prima parte confirmaverimus, id solum contendimus, ut vel rem totam ad peculiarem vitae bene

1) Orat. XXVIII.—2) V. Segn. Pr. II. n. 11. — Pr. III. n. 9. — Pr. IV. n. 9.

instituendae rationem, quotidianosque usus deducamus, vel insignem aliquam difficultatem solvamus, ut faciliorem viam ad perorationem instruantes, voluntates vehementius commoveamus. Sed ut auditores ad postremam hanc partem audiendam maneant, erectoque adsint animo, opus est ut prius subtili quadam industria saltem sciendi cupiditate detineantur <sup>1)</sup>.

Peroratio.

Perorationem autem expeditis collatis argumentorum viribus simul ad mentem illuminandam, simul ad expugnandam voluntatem. Quamquam enim singulis orationis partibus opus est affectum illum praecipuum, quem excitare proposuimus vel sedare, semper prae oculis habere; eundem tamen urghimus praesertim in peroratione <sup>2)</sup>. Hic enim omnes orationis vires, uno quasi temporis puncto, colligit atque experitur orator. Curabit vero ut numquam suipsius causam sed solum virtutis et religionis patrocinium suscipere videatur. Paucae sunt orationes sacrae, quae tantum epilogo cum virtute et dignitate clauduntur: ut plurimum ipse epilogus animorum motioni permiscetur, ac ita argumenta repetimus, ut omnia ad affectus cingendos conferamus. Saepe precamur in fine Deum, Iesum Dominum, B. Virginem, Sanctos Caelitum: interdum aliqua sacrarum scripturarum, vel Ecclesiae precum expositione concludimus: possumus etiam vel brevi et ad vitae usum saluberrimo monito, vel acuto quodam dicto, quod auditorum mentem feriat, animisque infixum haereat, orationem absolvere <sup>3)</sup>.

Finis.

### § III.

#### *De Concionibus*

Quid concio? Ut compertum est, in sacra eloquentia, ipsa rerum gravitate, principem locum habet concio proprie dicta, seu oratio, qua mores corrigendos informandosque orator suscipit, in eaque maximas eloquendi vires exercet. Quare huius naturae conciones, praesertim quae per maioris ieiunii tempus habentur, summe ostendunt sacrae orationis virtutem, dignitatem, ac praestantiam. Concio duplex est: alia praecipue suadendi, alia in-

Est duplex.

1) V. *Segn.* Pred. II. — Pred. VI.

2) V. *Segn.* Pred. II. Pred. III. Pred. V. XIV. XXVIII.

3) V. *Segn.* Pred. IX. Pred. XIV. *Tornielli*, Pred. sul Giud. Univer.



struendi praesertim causa instituitur. Nam divini verbi praeco non solum voluntatem movere, eiusque malitiam expugnare imprimis debet, sed saepe mentem christiana fide et disciplina, ac virtutum, quas assequamur, et vitiorum, a quibus declinemus, apta scientia imbuere. Quamquam enim fere voluntatis pravitate, saepe tamen mentis errore et ignorantia homines a recto virtutis tramite deflectunt.

Cum suadendi potissimum causa habetur concio, non erit nisi sacra oratio, qua quis certam quamdam ad mores pertinentem ac christianam veritatem argumentis, ex auctoritate divina maxime desumptis, graviter probandam suscipit, ut auditores eadem veritate convicti commotique decernant abstinere ab eo, quod ea in re est prohibitum, et facere quod est praeceptum, ipsam pravam naturam et inveteratam quamlibet consuetudinem expugnando. Nec solum Religionis veritates, eaeque ad mores educandos plurimum facientes, proponi debent a); sed eligendae quoque illae, quae magis videntur profuturae, et magis sunt auditorum personis accommodatae. Non enim orator e suggestu dicit, ut reconditas subtilioresque humani ingenii vestigationes pandat; sed ut, res omnes cuiusque gentis moribus, temporum vicibus, locorumque adiunctis accommodans, homines cum virtutum amore ac vitiorum fuga, tum divinarum rerum fide veraeque pietatis officiis meliores efficiat. Quare vitiosa? re abstrusior philosophandi ratio, Scholasticorum subtilitates, ipsa denique dogmatica theologia, si intempestive usurpatur, non levia sunt oratoris sacri vitia: illa autem recentiorum quorundam res physicas, choemiam, botanicam, et huiusmodi alia iactandi libido inepta est, ne dicam stultam. Quod si primas ipsas religionis veritates, quae sua vigent auctoritate, suadere interdum praestat, id oblique solum fiat, atque ita, ut aliquid ad morum sanctitatem adducens continuo inferatur. Integri propterea sermones, seu tractatus potius, contra atheos, incredulos, et insanos philosophos, sapientiorum hominum iudicio, in suggestu non probantur <sup>1)</sup>).

Atque hinc illud quoque patet, sacri oratoris materiem, quam- Definita et

a) V. *Segneri*, Intr. al Quares. — Mi son proposto di provare ogni volta una verità, non solamente Cristiana, ma pratica, e di provarla davvero. id. ib.

1) V. *G. Audisio* Sac. Eloq. vol. I. lez. 5. e 6.

*actionis* esse quam definita non sit, et ab oratoris universim arbitrio determinari videatur, tamen, si prudenter eligitur, ab ipsis temporum et auditorum necessitatibus ad certum atque urgens argumentum revocari. Quo enim in numero haberi posset orator, qui vel generales tantum controversias tractaret, vel de moribus

Viva est.

non apta locis et personis oratione diceret? Quare, contra quam quis docuit, viva etiam sacrae eloquentiae materies est. An in tanta mentium perversitate, animorumque corruptela minime movebitur orator? An Dei verbum non continet sacra eloquentia? Atqui Dei verbum caelesti vita actuosum perpetuo operari debet <sup>1)</sup>. Amemus ergo propositiones illas, quae *actionis* sunt, et auditores proxime attingunt, easque multa unitate, summa argumentorum vi et magna eloquendi facultate in publicum afferamus: nec dubitemus ad nostram orationem omnes se commovere animos.

Concionis gravitas.

Huius enim generis conciones ita virtutes omnes ad persuadendum, et vitia ad insectandum complectuntur, ut omnia versent causarum genera, quibus Graeci et Romani tam mirifice floruerunt. Nam religionis orator caelestem virtutum omnium cohortem pulcherrima exornat splendoris et gloriae corona, non tam aureis dicendi floribus, quam miris humanae ac divinae imprimis sapientiae gemmis contexta: tum non caducarum rerum et brevis momenti negotia, sed res agit, quae Deum inter hominesque intercedunt, spectantque immortalem vitam et sempiterni gaudii, aeternarumque poenarum discrimen: tandem reos culpae homines non ad alterius mortalis iudicium, sed ad verendum Dei ipsius tribunal adducit. Quare omnia oratoriae facultatis instrumenta, et praesertim divinae ac humanae sapientiae thesauros adhibere debet, et eniti forensis eloquentiae amplitudinem excedere cum rerum delectu tum sermonis magnitudine atque venustate, et totius orationis gravitate, magnificentia, dignitate.

Eius partes et studium.

Iam, si concio suo officio erit responsura, primo ex adiunctis loci personarum et temporis aptam et valde gravem materiem seu argumentum summo delectu constituemus, et quod maxime personas afficiat: ut res novitatem quamdam induant, et ad reconditos animorum recessus descendant. Deinde multa et attenta meditatione eiusdem materiei claram et planam co-

1) V. Matth. XXVIII. 18. 19. 20.

gnitionem assequi studebimus: tum ex ipsius rei studio et id statuemus, quod concione universa obtinere volumus, et proponemus affectum seu animi motum quem praecipue excitare vel compescere debemus ad finem illum assequendum. Post haec amplam assumptionis propositionem inveniemus, qua graviter multaque cum vi quod est nobis constitutum expugnemus. Tandem argumenta cum ἀποδεικτικὰ, tum ἡθικὰ et παθητικὰ vestigabimus, ac quidquid ad argumentorum amplificationem, vim, et ornamentum commode faciat, accurata consideratione moliemur. Harum vero rerum copia totius orationis oeconomiam commentabimur.

Sed ut argumenti materiem, quae deceat, afferamus, et excitemus, qui convenient affectus, ipsam Ecclesiae mentem in maiori ieiunio et in variis, pro ratione temporum, Mysteriis attentio studio contemplabimur. Quae vero sit Ecclesiae mens, patet ex cuiusque diei liturgia<sup>1)</sup>. Illam igitur mentem animumque induemus: ut cum dignitate et fructu Dei verbum annuntiemus, nec blandiamur auditorum auribus, qui saepe ex interdictis theatrorum spectaculis ad famam aucupantium concionatorum oblectamenta transmitti videntur. Quod si de Mysteriis, quae per annum recoluntur, habetur concio, tunc ipsum cuiusque sollemnitatis mysterium et vastam orationis materiem, et proprium affectum inde ciendum suppeditabit. Neque timendum est, ne ad infimam homiliam divergat concio: nam tum ipsa mysterii doctrina graviter et eloquenti sermone tractata, tum vehementiori animorum motu sublimior efferetur. Quod praestat imprimis Bourdalouvius, qui hac in re est prope divinus: quamquam neque hic velim Italos a Segnerii eloquentia unquam discedere<sup>2)</sup>, dummodo aliqua, quae interdum incidunt, eius temporis vitia, evitentur.

Convenientia cum Liturgia.

Cum concio hoc sibi sumit, ut mentes praesertim instruat, Alterius generis concio. tunc erit oratio, quae certa quaedam fidei capita, vel melius christianae morum philosophiae praecepta explicanda aggreditur, ut auditorum mentes cruiat, ignorantiaeque tenebras, vitiis causas, expellat. Plerique enim aut virtutes parum excolunt, aut in vitiis turpiter marcescunt eo quod necessariae doctrinae expertes, et naturae propensioni, ac pravis aliorum

1) V. Audisio, El. Sacr. vol. I. lez. 15.—2) V. Audisio Eloq. Sacr. V. III. lez. 5.

moribus obsequentes, contra rationem et Fidei lumen agere ac Dei legis contemptores esse saepe non advertunt. Materies huiusmodi concionum erit interdum Fidei veritatum expositio, saepius explicatio alicuius praecepti divini aut Ecclesiae, ratio sacramenta cum fructu celebrandi, modus aliquam virtutem adipsi scendi, vel contrarium exuendi vitium, et alia quae huc commode referri possint. Stilus autem praestabit clarus, planus, distinctus, purus, nitidus: cuiusmodi est Segnerius in immortalis de christiani hominis institutione opere <sup>1)</sup>.

Eius oeconomia.

Ut vero cum successu haud poenitendo divina haec concionis ratio tractetur, opus est, ut primo accommoda audientium necessitati vel utilitati materies eligatur: tum informatur lata et perspicua eiusdem materiae cognitio: deinde totius orationis certus finis praefigitur. Hinc constituitur propositio, ut plurimum distributa, ad propositum finem obtinendum idonea, et argumenta seu probationes, tum comparationes, similitudines, exempla, alia singulis capitibus propria tribuuntur. Quibus ex rebus perspicua sermonis oeconomia manabit.

Rerum in unum conspiratio.

Quaecumque autem sint conciones, quamdam caelestium veritatum complexionem ad christianum hominem perfecte poliendum educandum perficiendum summa rerum conspiratione efficiant. Quapropter sacer orator, praesertim cum per adventus et maioris ieiunii tempus conciones est habiturus, diu multumque cogitet, quid sibi proponat, quibus veritatibus id obtineat, quo ordine se excipere debeant orationes. Ex huius enim studii negligentia saepe fit, ut sacrae ipsae expeditiones, et divina S. P. Ignatii exercitia vel a sanctissimis et doctis viris tenui et brevis admodum aevi fructu habeantur.

#### § IV.

##### *De Laudationibus Sacris*

Laudationis praestantia.

Laudationis genus nobilissimum atque amplissimum semper est habitum: quippe quod et totum continetur honestate, et cetera dicendi genera sic pervadit, ut quidquid habent decori, quidquid gloriosi, ab ipso mutuentur. Sed laudationes sacrae eo etiam sunt praestantiores, quod cum purius ab ipso virtutis

<sup>1)</sup> Christiano Istruito.

et sanctitatis fonte hauriuntur, tum latius ad praeclariora quaeque exornanda non sterili et infecundo veterum studio, sed caelesti quodam in Deum ipsum pietatis sensu excitantur. Deus enim ipse, Angelorum chori, Iesus Deus-Homo et Rex idem Angelorum, beatissima Virgo Dei et hominum mater, Apostolorum triumphum, Martyrum coronae, Virginum palmae, Sanctorum Caelitum decora, virtutum praeconia, ea omnia, quae hominum genus vel hic praeclare gerit, vel in futuro sempiternae felicitatis aëre exspectat, sacra eloquentia laudibus efferuntur.

Equidem instituti nostri ratio est, ut universim de Sanctorum laudibus tantum dicamus. Verum, quoniam ea, quae de Sanctis Caelitum attingemus, difficile admodum Mariae Sanctae Dei genetrici cum dignitate accommodari possunt, amor noster in tantam Virginem, et materna eius in nos pietas non modo postulat sed flagitat, ut aliqua saltem de B. Virginis laudationibus singillatim proponamus.

B. Virginis laudes sumuntur primum ex sacris litteris. A primo enim harum libro, in quo illa, utpote Servatoris Dei mater, inferni draconis caput contritura praedicitur <sup>1)</sup>, ad extremum usque, in quo Ioanni apparet signum magnum in caelo *Mulier amicta sole, et luna sub pedibus eius, et in capite eius corona stellarum duodecim* <sup>2)</sup>, tot sunt prophetiae, tot figurae, tot symbola, tot illustria loca, quae ad sanctam Virginem vel aperto sermone vel alludendo referuntur, ut non modo nulli unquam in ea laudanda deesse possit oratio, sed vel infantes ex tanta dicendi et exornandi copia divino quodam orationis flumine fiant diserti. Sed ut omnem sacrarum litterarum vim explicemus, consulemus imprimis sanctos Patres, qui in B. Virgine praedicanda non solum uberrimam immensae commendationis segetem, sed caelestem illam, qua par est, ut tam singularem mulierem summis laudibus extollamus, eloquentiam supeditabunt. Plurima etiam laudis argumenta capiuntur ex sacra liturgia, in qua Ecclesia instinctu afflatuque divino omnia ea collegit, quibus in S. Virginem vel admiratione percelleremur, vel inflammaremur amore. Accedamus praeterea ad Sanctorum vitas, atque infinita illa in communem hominum matrem pietatis exempla hauriamus; ut in nobis Reginae caelorum crescat existimatio, augeatur pietas, exardescat amor, maior in

Materies.

B. Virginis  
Laudes.Petuntur ex  
sacris litteris.Ex Patrum  
scriptis.Ex alijs lo-  
cis.

1) V. Gen. III.—2) V. Apoc. XII.

dies erigatur confidentia. Quod si convertimur adgentes, a quibus omnibus beatam se praedicatum iri ipsa Virgo praedixit<sup>1)</sup>, ex mirabili illo summe consentienti omnium populorum in Maria vel laudanda vel colenda concursu, mirum quantum magna rerum copia sponte parthenio se offeret praeconi, ut eius exultet et triumphet oratio. Quid plura? dicam quod sentio: nescio quo, sed amantibus loquor; in nobis ipsis diserta Virginis exorandae materies reperitur, eoque abundantior atque sublimior, quo maiori erga illam amoris incendimur flamma<sup>1)</sup>.

Laudes B.  
Virginis am-  
plissimae.

Iam vero, partheniam orationem exordientes continuo Virginis laudes cum Sanctorum Caelitum, cum Angelorum, cum Dei ipsius laudibus implicitas esse atque cobaerere videmus. Cum enim immaculatus Mariae conceptus, aut natalis eius dies, aut ab Angelo salutatio, aut triumphus, quo in caelum est recepta, aut aliud tantae Virginis praeconium celebratur, mira quadam conspiratione statim et hominum genus universum, et omnes Angelorum acies, et Deus ipse, cum laudis uberrimo augustissimae Triadis mysterio, interveniunt. Quare orator ex hac tanta praeclarae et sublimis laudationis materie omnia verset, omnia expendat; ut ea seligat, quae ad rem suam maxime faciant: ibi enim maior delectus ab oratoris iudicio est adhibendus, ubi fecundiores sunt argumentorum segetes.

Sacrarum  
laudationum  
origo.

Christianae laudationes natae primum sunt in cryptis et hypogaeis, in quibus recenti Christi fidelium multitudini, persecutionis causa in secessum receptae, ad pietatem fovendam et excitandam aemulationem, acta Martyrum aut legebantur aut narrabantur. Sed cum seculo quarto Iesu Crux, calido adhuc eiusdem sanguine suffecta, ex sepulcrorum tenebris emersa in militum vexillis, atque adeo in imperatorum fronte effulsit; tunc denique cum magnificis cultus divini pompis, apertisque Religionis triumphis propriam virtutem et splendorem extulerunt etiam sacrae laudationes: quarum praeclariora exempla habentur in Basilio, in Gregorio, in Chrysostomo.

Earum natu-  
ra.

Age, qui has orationes ex earumdem origine, ex optimorum exemplaribus, ac imprimis ex Religionis hac in re mente sapienter diiudicaverit, nihil aliud eas esse intelliget, quam sollemnes fortissimorum virorum, qui vel apostolicis laboribus, vel martyrii corona, vel praeclariorum virtutum exercitio mire

1) V. Luc. cap. 1.—2) V. Segneri, Divoto di Maria.

floruerunt, commendationes; quibus et admiratio in Deum Fideique nostrae gloriam, et obsequium pietasque in Sanctos, et christianarum virtutum amor atque aemulatio in auditoribus excitetur. Quocirca in Sanctis Caelitum laudandis hoc enitemur, Earumdem finis. ut rerum praeclare gestarum narratione tum gravissima ac ornatissima laudatione illos cumulemus, tum ad praeclaras eorumdem virtutes exprimendas exhortemur instruendo auditores: valet enim in omnibus, quod de Martyribus inquit Augustinus: *Sollemnitates Martyrum exhortationes sunt martyriorum; ut imitari non pigeat, quos celebrare delectat* <sup>1)</sup>.

Qua in re Galli, qui ad Religionis doctrinas diligenter evolvendas natura sunt proclives, res a Sanctis praeclare gestas. Galli et Itali in texendis laudibus. brevioribus finibus comprehendunt, ut instruendi locus latior pateat: contracta enim historia, ad mores hominum sanandos iuformandosque virtute gravi quadam maiestate feruntur. Sed Itali praeclara quaeque Sanctorum facta colligunt, atque summa unitate douant; ut magno laudum cumulo illos ornent, ac prudenti ipsa et suavi narratione virtutem auditoribus inspirent. Utraque ornandi ratio habetur probabilis: quae autem sit alteri praeferenda, docebit opportunitas, ac locorum temporum et rerum adiuncta. Ceterum, ut sollemnioribus Sanctorum diebus non reprehenderem, si quis praecipue admirationem gloriam et amplitudinem sancti viri extolleret; ita semper cuperem, ut in orationis fine ad virtutem, quam celebravit, commendandam aperte quisque descenderet. Implicita enim illa morum informatio nemini fere prodesse solet. Quid vero opportunius, quam, cum magnam de alterius virtute admirationem excitaveris, incensis iam auditorum animis aliquem ad imitationem motum adhibere ? <sup>2)</sup>.

Cum igitur panegyri duplex ille propositus sit finis, Sanctorum nimirum gloria et auditorum sanctitas, facile est ex illo leges orationis capessere. Quae continentur magna in oratore scientiae et pietatis doctrina, diligenti Sanctorum vitae lectione et studio, ac prudenti factorum delectu. Quod si propriae cuiusque res gestae et vitae ratio lateat, laudes ac morum doctrinas ex illius sanctitatis fonte hauriemus, qua quis insigni meriti corona redimitur: ut martyrium, ut virginitas, ut alia quaeque excellens virtus. Eligat autem orator non solum ea, quae

Legessacrae  
Laudationis.

1) Serm. XLVI. De Sanctis. 2) V. Cic. II. Orat. LXXXIV. LXXXV.

- mira sunt et ardua, ad admirationem; sed etiam quae facile exprimi possunt, ad aemulationem accendendam: non modo enim quod arduum quod magnificum quod sublime est, sed et facile et iucundum et utile tractabit, uteturque ornamentis, apta tamen morum informatione aspersis. Sed morum informatio ducetur ex ipsa re, atque ita ut cum vita rebusque a Sancto gestis intime coniuncta, et virum semper prae se ferat et orationis splendore illuminetur: sic enim Sanctorum laudationem et auditorum utilitatem quaerere debemus, ut vel una sit et perpetua oratio, vel saltem ab una re ad aliam facilis et suavis sit transitus. Ornamenta vero non solum in optimo dicendi genere, in descriptionibus figurisque, quae omnia cum dignitate sunt usurpanda; sed potissimum in variis illisque solidis aptisque pietatis ac sanctitatis luminibus consistent. Quae in re neque odiosas comparationes, neque eruditiones profanas, neque abstrusas et sophisticas doctrinas usurpabimus. In profanis quidem eruditionibus afferendis peccavit interdum Segnerius: sed longe maxime aberrant alii, qui cum Barberio, non bono laudationum auctore, res argumento alienas cum veritatis et prudentiae detrimento in sacrum suggestum ferunt.
- Duplex exornandae Panegyris ratio. Optimam sacrarum laudationum speciem amplexus est Segnerius, qui ab ipso exordio veram Sanctorum imaginem assequitur. Duplex enim in panegyri exornanda est ratio: artificialis scilicet et naturalis. Illa, temporum ordine non multum diligenter servato vel aliter exposito, omnia ad certa quaedam capita consulto refert: altera historiae et temporis ordinem servat, ac tria in tempora dividi solet: quod vitam antecesserit, quo quis vixerit, et quod mortem sit consecutum. Quae narrationis series probabilis videtur, eaque usus est praeclare Bossuetus in laudatione S. Sulpicii: sed ratio laudationis optima habenda artificialis, ususque apud nos obtinuit, ut perspecto virtutis genere, quo quis excelluit, illud veluti principium statuatur, ad idemque omnia alia revocentur. Ita facere consuevit Segnerius, qui in propria cuiusque sanctitatis idea constituenda et laudanda est plane admirabilis: non solum enim illam ita arripit, ut nemo quidquam melius excogitare possit; sed perpetuis illisque crescentibus usque argumentis, ex ipsa historiae, oratorie narrata, desumptis, confirmat, auget, expolit, atque in auditorum animis infixam relinquit. Quod si defensione opus sit, totam Ciceronis eloquentiam promittit: nec vero multum in peroratione pec-

Morum infor-  
matio.

Ornamenta.

Duplex exor-  
nandae Pa-  
negyris ratio.

Segnerii vo-  
stigia insi-  
stenda.



cat, ut imprudentes quidam cum Barberio cavillantur. Itaque repudiemus quidem plerosque eius titulos, qui aetatis fuere, perorationem, si volumus, adornemus aliter; sed tanti oratoris vestigia omnino insistamus.

## § V.

### *De Reliquis Orationibus Sacris*

Quae plurimum quoque in sacra eloquentia celebrantur orationes, hae sunt: Homilia, Sacrarum Litterarum Enarratio, et Oratio funebris: prima in mixto dicendi genere, reliquae in exornativo maxime versantur. Homilia, ἀπό τοῦ ὁμιλοῦ, qui coetus est et multitudo, ut inquit Augustinus, est sermo valde familiaris: sed tamen ex ipsa rerum, de quibus agitur, gravitate erigitur saepe homilia et grandiori dicendi ratione effertur. Propositum est his sermonibus, germen illud pietatis, quod Christiana Religio in sua liturgia excolendum atque alendum suis praebet, in auditorum animis inserere, ac plena rerum explicatione imis desigere radicibus; ut uberes sanctitatis fructus proferat. Nam in qualibet cuiusque misterii celebratione religiosa quaedam veritas inest, quae cum ad mysteria rite colenda mirum in modum valet, tum continenti serie cum ceterorum mysteriorum veritatibus neclitur: ita ut toto anni curriculo christianus populus progredienti luminum et affectuum ordine ad virtutis et sanctitatis perfectionem per quosdam veluti gradus ascendere possit. Qui igitur propriam homiliae eloquentiam vult expromere, mentem illam animumque, quem divino afflatu sentit et cum suis communicat Ecclesia, attenta consideratione hauriat, et propriis sacrarum rerum ornamentis coloribusque in auditorum animos transmittere studeat.

Duplex autem distingui debet homilia: alia enim ex universa sollemnioris alicuius diei liturgia, alia ex solius Evangelii expositione ducitur. Prioris homiliae, quam in concionibus attingimus, materies est id omne, quod in quavis sollemnitate Ecclesia sibi praestituit, et ex tota liturgia, ex divino scilicet Officio, et integra Missa notum perspectumque sit: ut Expectatio Servatoris, eiusdem Adventus, Praedicatio, Mors, Resurrectio, Ascensio, cum iis, quae ex singulis profisciscuntur cogitationes animique motus. Quibus in rebus orator hominis casum et re-

Quid Homilia?

Eius finis.

Mens Ecclesiae consideranda.

Prioris homiliae materies et natura.

staurationem, calamitatem et felicitatem, tum Dei bonitatem, pietatem, misericordiam maxime attendet; ut in hominibus poenitentiam faciendi, mores corrigendi, omnia officia colendi desiderium excitet. Divinarum igitur litterarum praesertim eruditione, et electa theologorum doctrina rem illustrabit, diversas, pro rerum diversitate, Dei virtutes commendabit, et adhibito motu animorum idonea paraenesi claudet orationem. Huiusmodi homiliae, quae stilum perspicuum, nitidum, elegantem, et saepe floridum saepius vehementem requirit, illustriora exempla sunt in Chrysostomo.

Alterius materies et partes.

Ad alterius generis homiliam, ut propria materies, spectant solum Evangelia: ad quae narranda et explicanda unius cum aliis Evangelii scriptoribus instituenda est collatio: tum veteris legis, quae illuc referuntur, prophetiae, figurae, et symbola eodem sunt ducenda. Verum ad morum doctrinam et Fidei capita illustranda plurimum conferet Epistolarum, quae cum Evangelio congruunt, commentatio. Ratio vero explicationis erit vel singulos graviores locos percurrere et sententias, quae ad vitam sancte informandam valent, exponere; vel, quod est optimum, ex toto Evangelii loco certam propositionem constituere, et ad eam confirmandam vel illuminandam omnia ea, quae in illo dicuntur, derivare. Qua in re id studio curabimus, ut, quodam sermonum veluti cursu, auditores Christi doctrina, praeceptis, et consiliis omnibus imbuamus. Proponantur, quae dicturi sumus, tum distribuantur in partes, et singula enucleentur: atque id omne fiat quadam rerum varietate et festivitate; quae tamen orationis tantummodo severitatem mitiget, eo generatim stilo, qui in docendo probatur, plano, claro, proprio.

Scripturae enarrandae ratio duplex.

Sacrae Scripturae enarrandae duplex est ratio: vel enim aliquem librum ordine atque integre edisserimus, vel insignis viri, qui in veteri aut nova lege floruerit, sic res gestas exponimus, ut non simplex quaedam narratio, sed viva quaedam et optime descripta repraesentatio habeatur. Nam ad illum virum omnia, quae in sacris litteris ad rem sunt, de industria referimus, omnia componimus ex rei fine et unitate, iam antea recte constitutis, et argumentis, quae ex rebus gestis praesertim ducuntur, confirmamus vel explicamus. Ac primum omnium veram libri virive ideam perspicue informet et teneat orator. Ex concepta enim et penitus perspecta illa idea lumen oborietur, quo et auditores ad sacras sententias capiendas iuventur, et o-

Studium et προλεγομένων.

rator ipse principium aliquod inveniat, quocum omnia apte componantur. Quod si opus est, *προλεγόμενα* interdum sunt praemittenda, quibus orator viam sibi et auditoribus sternat, pareti-que illam quasi scenam, qua omnes res ea pompa eoque ordine geri videantur, quibus necesse est, ut facilius tum admiratio alii-que excitandi affectus, tum praesertim divina ingerenda animis cognitio efflorescat. Qua in re multa altius sunt repetenda, multa ex aliis historiis accersenda, multa etiam ab externis mutuanda. Hoc enim modo aetas eiusque partes, tum facta eorumque causae et adiuncta cum perspicuitate constituuntur: ut causis cognitis, et re diu multumque provisa et cogitata, plenior rei, qua de agitur, intelligentiam et explicationem assequamur.

Ut autem ordo textusque orationis egregiussit utrumque foedus semper est coniungendum: sunt enim partes unius rei. Quare cum vetus foedus exponimus, prophetias resque quae ad Ecclesiam Messiamque spectant, diligenter explicabimus; et contra, cum novum enarramus, eadem illa, olim praedicta, iam impleta esse ostendemus: idque non scholarum more, sed graviter et cum eloquentia. Quod, maxime ad mores sanandos, plenius obtinebimus, si Bossueti principium amplectemur rebusque accommodabimus: omnia nimirum tum bona tum mala ad Dei Iesuque eiusque electorum gloriam ordinata vel permixta vel conversa esse <sup>1)</sup>. Nam cum horum quoque sermonum is sit finis, ut auditorum mores optime informentur, apta morum institutio. Morum institutio. ratorum doctrina tota distingui debet oratio: vel ipsa narratione sententias latenter insinuando; vel ad nostra tempora nostrosque homines aperte sub finem res componendo; ut moneamus auditores, moveamusque aliqua interdum digressione sed congrua. Nihil enim non deductum, nihil non coniunctum, nihil non suapte natura ex sacris libris profluens esse debet.

Verum non sunt imitandi neque ii, qui, brevi admodum Scripturae loco proposito, ad longas considerationes excurrunt: neque ii, qui sacram historiam fusius exponunt, sed nullam fere salutarem doctrinam tradunt, auditoresque frigidos ac ieiunos demittunt, cum illos delectare illuminare excutere deberent. Fugiendae etiam controversiae, quae ut minimum scholarum

1) V. Serm. De Hist. Univ

sermonem et tricas in suggestum inferrent: si quae incidunt difficultates, variae sententiae, loca obscura, et huiusmodi alia ex eruditis interpretibus sunt diluenda, sed quadam dissimulatione atque ita ut narratione ipsa omnia explicentur, quin orator in certamen descendere videatur. Neque omnis eruditio est probanda: in popularibus enim his orationibus a scopo aberrarunt, qui ut omnes, qui circumferuntur, errores profligarent, in eandem omnem rerum physicarum scientiam, mathesim, astronomiam intulerunt; nec intellexere se non amplius ad populum, sed ad eruditos homines, non ad mores formandos, sed ad animos peregrina solum scientia imbuendos iam loqui. Ea solum eruditio est usurpanda, quae parca sit, quae salutaris, quae praecipue ex sacris ipsis litteris, Sanctorum vita, Patrum scriptis accersatur.

Enarrationis  
Exitus.

Ad enarrationis finem quod spectat, cum orator, proposito universo quodam principio, quod omnia illiget et exponat, telam orsus, eam tandem variis orationibus absolverit; tunc pelliculo epologo rem totam repetit, auditorumque animos ad sententiam, quam praestituit, apposite revocat: ut eam in ipsis figat atque confirmet adhibito etiam affectu ad ea, quae consequuntur, quaeque ex factis ipsis deduxit, amplectenda. Solemus enim providam Dei gubernationem, vel quoad totum humanum genus, vel quoad singularem gentem, vel quoad unum hominem, quaquaversus intueri, suspicere, commentari: ut ostendamus Deum omnia vel ipsa mala ad suam gloriam hominumque salutem convertere; virtute praeditos extollere, malos poena afficere; nunc pietatem ac misericordiam adhibere, nunc iustitiam atque severitatem <sup>1)</sup>).

Orationis funebris tres partes.

Oratio funebris in hoc est, ut doloris significatione et demortui laudes efferamus, et auditorum animos qua consolemur, qua ad eius virtutes imitandas accendamus: atque hinc etiam oratio funebris differt ab elogio tum academico, quod hominis artem vel scientiam, tum historico, quod civilem vitam potissimum persequitur. Quare iure aiunt: *Orationem funebrem tribus omnino partibus constare: nimirum laude, consolatione, et paraenese sive adhortatione: laude mortui, consolatione parentum et adfinium, paraenese vero seu adhortatione ad su-*

1) V. Granelli, Zucconi, Rossi, Pellegrini, A. Cesari.

*perstites, ut in mortui vitam, atque virtutes, tamquam in exemplar, intueantur* <sup>1)</sup>);

Posito itaque principio, quod magis ad animos tum commiseratione tum attentione percendendos videbitur accommodatum, capita ipsa argumenti proponemus, ac tribus illis partibus orationem exornabimus. Mortui landes eadem, quam in panegyri descripsimus, ratione texemus; nisi quod rerum gestarum narrationem minus artificiosam ut plurimum vellem. Duo vero imprimis tota oratione prae oculis habenda: alterum ut illa non nisi moerorem et tristitiam spiret; cum tenero quodam ac alto religiosi doloris sensu tota debeat commoveri: alterum ut moratis et christiano homine dignis aspergatur sententiis. Eae enim huiusmodi orationes esse debent, ut in Ecclesia, quae veritatis et sanctitatis est domus, cum dignitate possint recitari. Qua in re praecipue excellit Bossuetus, qui in hoc dicendi genere sententiarum gravitate, et sacra quadam moestitia fert facile primas <sup>2)</sup>).

Moerentium autem dolorem consolabimur vitae a demortuo praeclare actae felici recordatione, honoribus viventi mortuoque habitis, certa spe aeterni gaudii, ad quod ille migraverit, filiorum nepotumque praesentia, qui paternae virtutis hereditatem sunt adituri. Virtutes denique, ad quas continenter ipsa oratione provocare debemus auditores, possumus interdum apertius illis imitandas motu aliquo proponere in peroratione. Qua etiam tum aeternam apud superos felicitatem mortuo adprecabimur, tum et immortalem apud posteros illius memoriam futuram pollicebimur, et magnum eiusdem in auditoribus excitabimus desiderium.

A ceteris sacrae eloquentiae orationibus, ne constitutos iam terminos praetereamus, consulto abstinemus: nam *Neque est omnino ars ulla, in qua omnia, quae illa arte effici possunt, a doctore tradantur; sed qui primarum et certarum rerum genera ipsa didicerunt, reliqua non incommode persequuntur* <sup>3)</sup>. Facile autem est earum naturam, argumenta, leges, et stilum ex rei cuiusque tractatione, ex fine, ex personarum conditione definire; praesertim si accedat magna oratoris prudentia, pietas, doctrina, et rerum experientia. Nam cum genera

1) De Colonia L. IV. c. 1. § 10.—2) V. Oraison funèbre de Louis de Bourbon.—3) Cic. II. Orat. 16.

illa concionum fere sunt partes, non video quid ad hoc afferre possint nova praecepta, quod non suggerat gravius et fructuosius sacri oratoris ingenium, animarum salutis amor, magnus rerum humanarum usus. Quidquid enim huc usque docuimus, id commodè deduci poterit ad minores quasque orationes, quae ad excitandum, movendum, et hortandum fiunt: tum ad eas, quae vel ad ingenuos adolescentes, vel ad virgines Deo devotas, vel ad iuvenes sacris praeficiendos, vel ad certum hominum coetum, vel ad populum ipsum habentur. Nam si prima genera tenentur, continuo videbimus quid utile quid aptum quid decorum, pro rerum locorum et personarum natura, postulet.

## § VI.

### *De Auxiliis Sacrae Eloquentiae*

Magna rerum  
cogitatio.

Magni imprimis faciendae optimorum oratorum experientia: non eorum modo, qui antea maxime floruerunt, sed eorum etiam qui forte aliqua virtute nunc celebrantur. Ait enim Augustinus: *Si acutum et fervens adsit ingenium facilius adhaeret eloquentia legentibus et audientibus eloquentes, quam eloquentiae praecepta sectantibus* <sup>1)</sup>. Scribendi quoque usus, agendique exercitium, quorum alterum, cum de stilo comparando agebamus, attigimus, alterum mox exponemus, maximo adiumento erunt. Sed haec immensam quamdam rerum doctrinam poscunt: quamquam enim non solum ea, quae in usitato philosophiae et theologiae curriculo, verum illa etiam, quae in optimis litterarum disciplinis ponuntur studia, ita sunt necessaria ut sine ipsis nullo in numero sit orator; non sufficiunt tamen ad informandum verum illum oratorem, quem quaerimus. Accedat oportet vasta et intima rerum cognitio, qua non solum rem, de qua dicimus, comprehendere et possidere, sed possidere ab eadem et comprehendere quodammodo ipsi videamur. Ex quo fiat, ut veritatem variis, quas inducere potest, formis subdium proferre liceat, abdita quaeque et verissima rerum principia pateant, gravioribus argumentis confirmentur sententiae, res mira quadam cognitionis amplitudine exponantur, facilis tandem plena et apta redundet oratio <sup>2)</sup>.

1) De Doct. Christiana, IV. 3    2) V. Cic. Orat. XXIX.

Sit igitur hoc primum solempne oratori nostro, ut in divinarum litterarum studio diligenter et assidue versetur: maxime enim ex sacris libris christiana religio, atque ideo ipsi sacrae eloquentiae fontes amplissime derivantur. Sed quanta rerum scientia requiritur, ut huiusmodi studium prosit! quanta iudicii solertia ac prudentia! Atque iudicii solertia in sensu Scripturae interpretando vigeat praecipue. Duo autem omnino sunt eiusdem sensus: alter littera ipsa seu verbis patet, ac *litteralis* propterea dicitur: alter litterae subiicitur, et coniungendo comparandoque innotescit: *mysticum* appellant. Primus est ille, quem verba ipsa prae se ferunt, aut propria, ut: *Tibi dico surge, tolle lectum tuum*: aut translata, ut: *Ignis succensus est in ira eius*.

Divinarum  
litterarum  
studium.

Earum sen-  
sus Litteralis.

Mysticus vero, quem *spiritualem* quoque dicunt, est ille, qui ex rerum similitudine christianaeque Fidei analogia efflorescit. Hic triplex est: *allegoricus*, cum antiqui foederis loca ad Iesum aut ad militantem Ecclesiam significandam deducimus: *tropologicus*, cum novae aut veteris legis exempla ad mores referuntur: *anagogicus*, cum ex sacrarum litterarum rebus ad sempiternae vitae bona, caelestisque iam triumphantis Ecclesiae gaudia erigimur. Quos sensus consueta perspicuitate exponit exemplo Segnerius, explicans Davidis sententiam: *Mirabilia testimonia tua: ideo scrutata est ea anima mea* <sup>1)</sup>.

Mysticus: qui  
triplex.

Nulli dubium est litteralem sensum, sive proprius sive translatus sit, alteri esse praefarendum, in eoque intelligendo, explicando, et ad res nostras apposite maximeque cum vi, ut consueverunt Bossuetus et Bourdalouius, afferendo omnia studia collocanda. Sed cum ille praecesserit, tunc valebit etiam mysticus, et ad res uberius ornatiusque exponendas, et ad orationem ipsam tum sensibus formis, adeo eloquentiae propriis, vestiendam, tum novis rationibus sustentandam. Multa enim litteralem sensum omnino aequiparant; puta cum Paullus in Epistola ad Hebraeos res omnes antiqui sacerdotii ad Iesu sacerdotium transfert, et Matthaeus populi electi reductionem ad Christi ex Aegypto reditum traducit: alia in christianae Fidei analogia tantam vim habent, ut nemo iisdem refragari possit. Nam cum omnia Hebraeis contigerint, ut ait Apostolus, in figura, sitque Iesus utriusque foederis centrum, et caput anguli utrum-

Litteralis  
praefertur.

1) V. Manna — 30 Decembre n. 2.

que coniungens, necesse est, ut res antiqui foederis conspicuae sint novi pacti imagines: siquidem inter *τύπον* et *ἀντίτυπον* magna intercedere debet similitudo.

Sensus attributus.

Est et alia divinarum litterarum significatio: *accommodatitiam* vocant: cuius vis neque ex verbis, neque ex rebus ducitur: quare nihil vel parum admodum ad rem facit. Sed tamen, si iudicium adhibetur, interdum iuvat ad orationem vel orandam vel illuminandam. Iudicium autem in hoc erit, ut illa significatio nec ad firmandum, nec nimium, nec sine aliqua saltem rerum convenientia afferatur. Quibus in rebus non solum vulgares sed optimi quique scriptores, temporum fluxu abrepti, multum peccarunt.

Sacrae Scripturae usus.

Sacris Bibliis utimur aut testimonium afferendo aut exprimendo phrases dicendique formas. Alterum non modo pondus et firmitatem rebus, sed dignitatem et reverentiam orationi conciliat: alterum magnam metaphorarum figurarumque copiam dabit, ad varietatem et acumen. Sed cavendum primo, ne ea testimonia sumantur, quae vel rei non congruunt, vel ab auditoribus minus intelliguntur, vel oratoriam non patiuntur explanationem: deinde ne Bibliorum auctoritatem aut sine iudicio, plurima simul continenter sarcentes, aut sine necessitate, aut, praesertim apud multitudinem, sine interpretatione usurpemus: quibus vitiis offendit interdum ipse Segnerius. Nec vero probatur semper interpretatione sola uti: nam saepe necesse est ob rei gravitatem ipsa sacrarum litterarum verba afferre: habent enim divina verba non incredibilem modo auctoritatem, sed caelestem quamdam vim, quae, uti experienti patet, nulla lingua exprimi potest. Quare etiam ii non laudantur, qui orationem verbis, phrasibus, integris quoque scripturae locis, vernacule ad verbum redditis, perpetuo exornant: in quo haec praesertim sunt incommoda, ut multa ab auditoribus non cernantur, multa nativam maiestatem amittant, pleraque efferantur barbare. Ceterum si sobrie et opportune sacra verba inducere volumus, id Mabillonii praecepto faciemus. *Cum auctoris lepores et figurae exprimi nequeunt, alias, iis quam maxime potest similes, reddito* <sup>1)</sup>.

Sermo biblicus.

Patrum doctrina.

Sed ad sacrarum litterarum interpretationem sanctorum Patrum doctrina accedet: quae cum earundem litterarum intelli-

1) De Stud. Mon. lib. II.



gentiam longe lateque aperiet, tum praeclaros quosque christianae eloquentiae fontes ornatusque suppeditabit. Patres enim et verae Religionis primum post sacras litteras sunt instrumentum, et vasta Fidei morumque cognitione ac egregio ut plurimum dicendi genere praestant. Huius naturae studium certas verasque habet leges: considerata enim sunt tempora, quibus quis scripserit; errores qui tunc fuerint; doctrinae quae percrebuerint profanae, gentium mores, cultus litterarum, auctoris ingenium, librorum institutum. Nolim tamen oratori nostro tantum oneris imponere, ut omnia Patrum scripta evolvere debeat: satis est si praecipuos quosque familiares sibi faciat: Segnerius quidem et Bourdalouius Chrysostomum imprimis adamarunt.

Quomodo paranda?

Cum superioribus studiis Ecclesiasticae et profanae historiae eruditio arcto et necessario vinculo coniungitur. Ecclesiastica enim historia est fere sacrarum litterarum per exempla expositio, quae Patrum mente et vita potissimum clarescit: profana vero si parce et cum delectu adhibeatur, multum facit vel ad res confirmandas, vel ad pervicaciores homines convincendos: utraque mirum in modum confert ad illam dicendi formam, quae rem quasi sub oculos ponit sensuumque imagine maxime triumphat. Exempla enim quippe quae ostendunt iam factum quod asserimus, et vel remota, nescio qua ratione, quasi in oculis incurrunt, non parum vel illustrent, vel confirmant, vel movent<sup>1)</sup>

Historia.

Addenda est plenior et philosophiae et civilis eloquentiae disciplina. Philosophia non solum necessaria est ad intimos animorum sinus cognoscendos et explicandos, sed in loco et prudenter adhibita saepe ad rerum naturam patefaciendam, interdum etiam ad hominum pervicaciam frangendam valet quamplurimum<sup>2)</sup>. Vix forte reprehendendi viderentur, qui, missis profanis oratoribus, toti ad Gregorium Basilium et Chrysostomum se reciperent. At vero sive in artis praeceptis sive in optimorum praecipue oratorum exemplaribus innumera prope sunt eaque gravissima, quae a civili ad sacram eloquentiam commode et cum dignitate derivari possunt: imo qui plurimum christiana eloquentia praesüterunt, vel ipsi Graeci, qui primam in hoc gloriam iure sibi vindicant, civilem non modo minime

Philosophia.

Civilis eloquentia.

1) Segneri Pr. VI.—2) V. Segneri Pr. XX.

neglexerunt, sed inflammato etiam studio sunt persecuti. Hinc Augustinus, monens eloquentiae divitias ex profanis auctoribus esse repetendas, ethnicorum instrumenta non solum formidanda non esse sed ab eis etiam tanquam ab iniustis possessoribus in usum nostrum vindicanda esse docet <sup>1)</sup>.

Aliarum rerum cognitio

Quibus rebus si adiiciatur vasta morum doctrina, exquisita virtutum scientia, et magnus rerum usus, tunc denique excellentis eloquentiae speciem et formam in publicum afferemus. Sponte enim affluet illud orationis flumen, illa vis et copia loquendi, sine qua, ut saepe videmus, sua ipsius paupertate rerumque angustiiis premitur atque haeret concio, laborat orator, auditores vero, si quid sapiunt, vel mirantur vel offenduntur. Quod si, uti fit, absumpta commentariorum doctrina, ad affectus praepopere declinet sermo, omnes animi frigeant, necesse est; praesertim cum rebus, quas protulimus, nec imbuti, nec commoti ipsi videmur: siquidem ut odium in vitium concitemus, magno in idem horrore comprehendere; ut in virtutem accendamus amorem, vehementi in eadem caritate ipsi inardescere debemus.

Oratoris probitas.

Quare quod veteres disputabant de oratoris probitate, id de oratore sacro omnino certum est: neminem oratorem nisi bonum esse posse. Qui enim sui muneris officia praestaret? arguere nimirum, ut ait Chrysostomus, errantes, obsecrare iustos, increpare sceleratos? Quod fieri nequit, cum in eo ipso, in quo alios reprehendimus, nos item reprehendi possumus: si nullus pudor vetat, fructu certe carebimus. *Loquendi*, inquit, Gregorius, *perditur auctoritas, quum vox opere non adiuvatur*. Nec valet simulatio: *Prodit enim se*, ait Fabius, *quamlibet custodiatur, simulatio: nec unquam tanta fuerit eloquendi facultas, ut non titubet ac haereat, quoties ab animo verba dissentiant* <sup>2)</sup>. Nec vero solum bonus, sed in optimis quibusque et virtutis exercitiis, et pietatis officiis excultus orator divinus esse debet: in his enim Dei hominumque alitur caritas, ex qua una vitam spiritumque ducit sacra eloquentia. Atque hinc etiam assiduae precationis apparet necessitas: nam et fructus concionum a Deo, a quo enixis precibus est postulandus, pendet, et ipsa precatio est sacrae eloquentiae propria adiutrix. Quapropter Borromaeus:

Precatio.

1) De Doctr. Chr. II. 40—V. Greg. N. Orat. fun. in Basilium.

2) Inst. lib. XII c. I.

*Pace multorum dicam id quod sentio: deberent omnes, qui hanc concionandi artem factitant, plurimum impendere precationi: non solum quia pertinet ea ad varias utilitates auditorum, ad fructum ipsius concionatoris, ad Dei gloriam; sed etiam quia videtur idipsum esse inter naturalia instrumenta persuadendi quidquid velimus.*

Atque haec, si diligens eorumdem usus erit, videntur mihi certa sacrae eloquentiae auxilia. Quod autem quidam omne studium in rerum novitate solum collocandum putant, nae hi a veritate longe aberrant. Quid si novitatis amor impediat morum animorumque cognitionem? Quid si res novae ad rem nostram non faciant? Quid si, ut nova et incerta consectoris, vetera et certissima ignores? Quid si recentibus morbis vetera remedia sint adhibenda? Ceterum multam profecto novitatem suggeret auditorum, ad quos dicimus, nostrique studium: multam dabit ipsa fuga tot vitiorum, quae vel in egregiis quibusque oratoribus iam sunt reprehensa. Nova praeterea erunt quae ex priscis, vulgo plerumque ignota, scite et apposite ad audientium animos sanandos arte et studio deducuntur: nova quae recentibus temporum ac locorum vicibus accommodabimus: nova denique illa omnia, quae ex sacrarum litterarum commentatione, ac veterum Patrum studio, et ex universa theologicarum rerum scientia nostro Marte possumus conari atque adornare.

## CAPUT VI.

### DE ACTIONE

Actio seu pronuntiatio, idem enim saepe sunt, est vocis gestusque pro rerum verborumque varietate apta conformatio. Quid actio? Eius tanta est vis, ut illi primas dederit Demosthenes, cum rogaretur quid in dicendo esset primum; illi secundas; illi tertias<sup>1)</sup>. Tullius omnia orationis ait perinde esse, ut aguntur: Actio, subdit, in dicendo una dominatur: sine hac summus orator esse in numero nullo potest: mediocris, hac instructus, summos saepe superare<sup>2)</sup>. Fabius vero, ut cetera mittam: Haec res ipsa, inquit, miram quamdam in orationibus vim ac ex Fabio. Eius gravitas potestatem: nec enim refert qualia sint, quae intra nosmeti-

1) V. III. Orat. LVI.— 2) V. Ibi.

Exempla.

psos composuimus, quam quomodo efferantur. Nam ita quisque, ut audit, movetur; quare nec probatio ulla, quas aliquo modo venit ab oratore, tam firma est, ut non perdat vires suas, nisi adiuvetur asseveratione dicentis; et affectus omnes languescant necesse est, nisi voce, vultu, totius prope habitu corporis inardescant. Nam cum haec omnia fecerimus, felices tamen, si nostrum illum ignem iudex conceperit, nedum eum supini securique moveamus, ac non et ipse nostra oscitatione solvatur. Documento sunt vel scenici actores, qui et optimis poëtarum tantum adiciunt gratias, ut nos infinite magis eadem illa audita quam lecta delectent, et vilissimis etiam quibusdam impetrent aures, ut quibus nullus est in bibliotheca locus, sit etiam frequens in theatro <sup>1)</sup>. Eumvero si supinus in actione est orator, causam ipsam tradit: unde celebre illud Tullii: *Tu istuc, M. Calidi, nisi fingeres, sic ageres?* <sup>2)</sup> Contra, Gracchus magnopere ferebatur, quod haec mirifice egisset: *QUO ME MISER CONFERAM? QUO VERTAM? IN CAPITOLIUM NE? AT FRATRIS SANGUINE REDUNDAT: AN DOMUM? MATREM NE UT MISERAM LAMENTANTEMQUE VIDEAM ET ABIECTAM?* Quas sic ab illo acta esse constabat, oculis, voce, gestu, inimici ut lacrimas tenere non possent <sup>3)</sup>. Quare ut in re tanta clariora sint omnia, primum de voce dicemus; tam de gestu; tandem de vocis et gestus in oratione usu.

## § I.

## De Voce

Actionis partes duae.

Sunt actionis partes duae: vox, et motus seu gestus; quorum alter oculos, altera aures movet, per quos duos sensus omnis ad animum penetrat affectus, quo movemur. Haec enim est admirabilis in homine corporis animique consentio, ut quaelibet animi sententia proprium in voce colorem, propriam habeat in gestu imaginem. Quare Tullius: *Omnis, inquit, motus animi suum quemdam a natura habet vultum et sonum et gestum; totumque corpus hominis, et eius omnis vultus, omnesque voces, ut nervi in fidibus, ita sonant, ut a motu animi quoque sunt pulsae* <sup>4)</sup>. Merito igitur ab ipso Tullio pronuntiatio nunc

1) Inst. lib. XI. c. 3. — 2) Brutus LXXX. — 3) III. Orat. LVI.

4) III. Orat. LVII.

*quaedam corporis eloquentia, nunc sermo corporis vocatur.*

Quae tamen eloquentia nequit proferri, nisi adiuvet natura, quae Naturae au-  
in hoc primas sibi partes omnino vindicat <sup>1)</sup>: sed multa, uti ac- xilium.  
cepimus de Demosthene, etiamsi natura fuerit avara, dare po-  
test ars et exercitium. In quo duo imprimis omnino curanda ;  
ut quae pronuntiare debemus , ea et lectissima sint et quam  
optime animo atque memoria teneantur.

Ut autem actionem voce tantum hic definiamus, vox divinum Vocis Quali-  
quiddam habet , quod articulatis sonis quamlibet mentis sen- tas et Quan-  
tentiam exprimat, quod mira eosdem sonos flectendi facilitate titas.  
omnes animi motus coloret, quod certo quodam accentu admi-  
rabilem in modum audientis animum detineat, penetret, percel-  
lat. In voce qualitas spectatur et quantitas. Qualitas est multi-  
plex: vox enim est candida et fnasca, et plena, et exilis, et levis,  
et aspera, et contracta et fusa, et dura et flexibilis, et clara et  
obtus: spiritus quoque longior breviorque. Quantitas autem  
simplicior: nam vox grandis est, aut exigua: sed inter haec ex-  
trema species sunt mediae, quae multos et varios habent gra-  
dus. Optime vero faciunt, qui, quod alii confundunt, vim vocis  
et tonum eiusdem distinguunt : vis est robur illud, quo inten-  
sius remissiusve prodit vox: tonus vero est nota vocis, seu alti-  
tudinis gradus, qua ipsa vox fertur: item ille multiplex est, sed  
continetur submisso, alto, et medio. Triplex.

De submisso nihil attinet dicere: altus neque necessarius; si- Medius adhi-  
quidem ut procul audiamur, sufficit vocem intensius proferre, bendus.  
quin a vehementiori communis sermonis more multum disce-  
damus: neque conveniens; nam et audientium aures offendit.  
et contra decorum est, quod id solum postulat, ut locus, in quo  
dicimus , suaviter impleatur: tum et suspicioni dat locum, ne  
clamoribus potius, quam rationibus quaeratur victoria; et syl-  
labas verbaque obtruncat, obscurat, confundit. Contra, medius,  
utpote magis naturalis et pacatus, oratoris tranquillitatem o-  
stendit, animi libertatem constantiamque vehementius commen-  
dat, auditorumque animos suavius subit, suadetque facilius:  
videtur enim familiariter et amice cum audientibus orator age-  
re. Ad haec, medius tonus agentem minus fatigat, efficitque ut  
voce plene dominetur, quo illam in loco attollat, temperet, fle-  
ctat pro rerum natura; nec auditoribus displiceat aut risum de-

1) V. Quint. lib. XI. c. 3.

beat, si quando, expansis vocis velis, in id incidat quod vehementius est efferendum. Tunc enim et raucas voces faciet, et falso ac deformi sono aberrabit <sup>1)</sup>).

Quae curanda ut sufficiat?

Medius igitur tonus in voce tenendus; qui cum intra extrema spatiari debeat, neque ad submissum descendat, neque ascendat ad acutissimum: nam cum urgetur vox, et suffocata saepe, et maiore nisu minus clara est, et affectata, quod est peius. At enim forte non audiemur. Praesto erit aperta pronuntiatio, et calor intentioque vocis; praesertim, si neque in cava, neque in res molliores, neque in loci extrema emittatur vox: vel enim nihil vel non aequae tunc reflecteret. Quare duo conabimur: alterum, ut loci opportunitatem cum privato teste prius experiamur: alterum, ut vocem in mediam ipsam multitudinem dirigamus, fingamusque cum iis, qui longius sunt, loqui: apta enim vox sponte tunc prodit.

Pronuntiatio sit emendata.

Sed quod maxime huc facit, est optima pronuntiatio et accurata: quae emendata, dilucida, apta esse debet. Emendata erit pronuntiatio, id est vitio carebit, si fuerit os facile, explanatum, urbanum seu in quo nulla neque rusticitas, neque peregrinitas sit. Quare primum eradenda vitia oris, si qua sunt: ut expressa sint verba, ut suis quaeque litterae sonis enuntientur, ut non permutentur cum similibus: tum ne verba in faucibus audiantur, ne oris inanitate resonent, ne extremae intercendant syllabae: quae, praesertim in exitu periodi, vehementius etiam sunt exprimendae. At saepe verba tota non exiguntur, sed pars devorari pars destitui solet, cum plerique ut priorum sono indulgeant, extremas syllabas non proferunt. Verum ut est necessaria verborum explanatio, ita omnes computare et velut enumerare litteras, molestum est et odiosum <sup>2)</sup>).

Dilucida sit. Pausa.

Atque haec ad dilucidam quoque pronuntiationem spectant. Verum illud in hoc valet, quod *pausam* nunc dicunt: ut qui dicit, non solum et incipiat, ubi oportet, et desinat; sed iuxta interpunctionem, quam quisque optime sibi constituerit, in loco vel sustineatur et quasi suspendatur sermo vel deponatur. Fabius exemplum affert: *Arma virumque cano*; ita ut ad *Lavinam* venit *Littora* post tres suspensiones incidat distinctio, quia inde alius inchoat sensus: sed protinus altero spiritus initio insequamur. Cum illuc venerimus, *Atque altae moenia Ro-*

1) Vid. Cic. III. Orat. LX. — 2) V. Cic. III. Orat. XI.

mae, deponamus et moremur, et novum rursus exordium faciamus. In distinctionibus autem tempus alias brevius, alias longius dabimus: interest enim sermonem finiat an sensum. Sunt aliquando et sine respiratione quaedam morae etiam in periodis, quae multa habent membra: sensus enim alii atque alii: sed quoniam una circumductio est, paulum quidem morandum in his intervallis, at non interrompendus contextus. Spiritum interim recipere sine intellectu morae necesse est: ita ut quasi subripiatur: alioqui si inscite recipitur, non minus affert obscuritatis, quam vitiosa distinctio <sup>1)</sup>).

Verum pausa seu morae non ad distinctionem solum faciunt, sed ad mentem animumque in gravioribus rebus cogitatione defixum parumper retinendum. Sunt admirationis quoque, ἐκστάσεως, horroris, aliorumque affectuum variae pausa, et saepe cum ἐμφάσει iunguntur: quae, si ubi res postulat et decore fiant, mirum in modum valent: si pueriliter quaerantur et adhibeantur inepte, putidae sunt et ridendae. In versibus duae sunt pausa: una carminis, altera sensus: quae si in fine versus non coincidunt, multam difficultatem faciunt, ut carminis μελωδία et sensus distinctio dispari loco sentiantur. In theatro fere nulla ratio habetur carminis: generatim vero aegrius sensus, quam carminis iacturam patimur.

Pausae varios usus habent.

*Illud vero maximum, ait Fabius, quod secundum rationem rerum, de quibus dicimus, animorumque habitus conformanda vox est, ne ab oratione discordet* <sup>2)</sup>). Aptā tunc dicitur pronuntiatio. Quae conformatio varia est pro verborum, sententiarum, et affectuum varietate. In quibusdam enim verbis, diversis accentibus, variata vox varios sensus elicit: ἐμφασιν vocant. Blairius duo affert exempla: *Redibis tu hodie in urbem? Tu tradis osculo Filium hominis?* In primo, prout ἐμφασίς unum aut alterum verbum afficit, quatuor efficit intellectus: in altero quater simul ἐμφασίς varie adhibita, plurima significat, quae multis verbis essent exprimenda. Ex quo patet ἐμφάσεως mirabiles usus habere, si opportune vehementes sint aut molles aut mediocres pro rerum natura: item neque adfectatae; stomachantur enim homines: neque nimiae; obscurant enim sensus non distinguunt: quod est earum officium tam perpetuum, ut, qui illis non utitur, nec bene legere nec recte pronuntiare pos-

Pronuntiatio apta verbis.

1) V. Quint. lib. XI. 3. — 2) Lib. XI. c. 3.

sit. Ut autem ἐμψύχοι recte utamur, tum rerum cum verborum vim antea optime teneamus: tunc et quando res postulat adhibebitur, et cum iudicio semper fiet.

De verbis iterum Fabius.

Fabius aliud de verbis tradit: *Verbis quoque accommodanda pronuntiatio non semper, sed aliquando. An non haec MISSELLUS et PAUPERCULUS, submissa atque contracta; FORTIS et REHEMENS et LALRO, erecta et concitata voce dicenda sunt? Accedit enim vis et proprietas rebus tali adstipulatione: quae nisi adsit, aliud vox, aliud animus ostendet. Quid? quod eadem verba mutata pronuntiatione indicant, adfirmant, exprobrant, negant, mirantur, indignantur, interrogant, irrident, elevant? Aliter enim dicitur: Tu mihi quodcumque hoc regni... <sup>1)</sup> et Cantando tu illum?... <sup>2)</sup> et Tunc ille Aenas?... <sup>3)</sup> et Meque timoris Argue tu Drance... <sup>4)</sup> Et ne morer, intra se quisque vel hoc vel aliud quod volet, per omnes affectus verset, verum esse quod dicimus sciet <sup>5)</sup>.*

Apta sententiis pronuntiatio.

In sententiis apta erit vocis conformatio, si neque dicamus clamose, quod insanum est, neque intra loquendi modum, quod motu caret, neque submisso murmure, quo debilitatur omnis intentio. In iisdem autem partibus, iisdemque affectibus sint tamen quaedam non ita magnae vocis declinationes, prout aut verborum aut sententiarum natura, aut depositio, aut inceptio, aut transitus postulabit: ut qui singulis pinxerunt coloribus, alia tamen eminentiora, alia reductioniora fecerunt, sine quo ne membris quidem suas lineas dedissent. Haec fere Fabius, qui rem miloniano exordio declarat <sup>6)</sup>.

In affectibus duo tenenda.

Ferre nihil in affectibus valet ars: duo tamen diligentissime praestabimus: ut consideremus tonorum varietatem, quam pro variis motibus ipsa natura nobis suggerit, idque accurate exprimamus: ut spectemus etiam alios, non scenicos quidem, sed eos, qui aliquo motu affecti, illum naturali modo, sed vi et cum ipsius naturae dignitate produnt. Quintilianus tamen multa praecipit in hanc rem: <sup>7)</sup> nec mirum, cum ipse Tullius in determinanda voce singulis motibus apta multum immoratur <sup>8)</sup>. Quae omnia ad eruditionem valent, ad usum fortasse non valent.

1) I. Aen. 82. — 2) 3. Ecl. 25. — 3) I. Aen. 621. 4) XI. Aen. 383.

5) Quintil. XI. cap. 3. — 6) Id. ib. — 7) Id. ib. — 8) III. Orat. LVII.



## § II.

*De Gestu*

Gestus est totius corporis motus et conformatio, quae et vo- Quid Gestus?  
ci consentiat, et animo simul cum ea pareat. Is quantum valeat,  
pluribus explicat Fabius: nos ad alia festinamus. In gestu duo  
spectantur: totus corporis status, et singula eiusdem membra.  
Actionis ingressus modestiam exigit <sup>1)</sup>, praesertim in oratore  
sacro, qui modesta quadam maiestate incipit, quo pateat a Deo  
ad dicendum mitti: quare etiam crucis signum primo facit, et  
tacite orat tantisper. Universe vero corporis status erit rectus, Corporis sta-  
promptus, et dignitate plenus, quo orator et existimationem sibi tus.  
conciliet et fidem: aequis autem deductisque pedibus ad per-  
pendiculum sustentetur: tunc enim pleno quodam nostri domi-  
nio ad dignitatem et decorum sponte componimur, et, ubi opus  
erit, toto trunco et virili quadam laterum inflexione movemur:  
nam neque in statuæ morem obrigescere debemus, nec crebris  
et incompositis corporis motibus agitari.

*Humeri sint remissi, ait Fabius, vultus severus, non mo-* Humeri, Vul-  
*stus, nec stupens, nec languidus: brachia a latere modice re-* tus, alia.  
*mota: manus sinistra, qualem supra demonstravi; dextra,*  
*cum iam incipiendum erit, paulum prolata ultra sinum, ge-*  
*stu quam modestissimo, vel expectans quando incipiendum*  
*sit. Vitiosa enim sunt illa, intueri lacunaria, perfricare bar-*  
*bam, et quasi improbam facere: tendere confidentia vultum,*  
*aut, quo sit magis torvus, superciliis adstringere: capillos a*  
*fronte contra naturam retroagere, ut sit horror ille terribi-*  
*lis: tum id quod Graeci frequentissime faciunt, crebro digito-*  
*rum labiorumque motu commentari, clare excreare, pedem*  
*alterum longe proferre: partem togae sinistra tenere, stare*  
*diductum vel rigidum, vel supinum, vel incurvum, vel hume-*  
*ris, ut luctaturi solent, ad occipitium ductis <sup>2)</sup>.*

Caput significat pluribus modis: annuendi, rennendi, confir- Caput, Cur-  
mandi, verendi, dubitandi, admirandi, indignandi; sed solum sitare.  
nunquam gestum facit. Sit autem rectum et secundum naturam,  
accipiatque aptos ab ipsa actione motus, ut cum gestu concor-

1) V. Ovid. Metam. XIII. v. 125...—2) Lib. XI. cap. 3.

det, et manibus ac lateribus obsequatur, nisi cum aliquid aut dammare aut non concedere, aut a nobis remove oportebit. Vitiosum est huc illuc cursitare; sed expedit ad dexteram sinistramque suggestus identidem accedere, modo auditores semper spectemus, neque eis latera aut quasi terga vertamus: amoris autem obsequii studiique est, se ad auditores interdum inclinare paululum.

Qui significant vultus, oculi?

Dominatur vero maxime vultus, in eoque plurimum valent oculi. Nam in actione secundum vocem vultus valet; is autem oculis gubernatur. Animi est enim omnis actio, et imago animi vultus est, indices oculi. Vultu supplices, tristes, hilares, erecti; submissi sumus, affectus promimus, auditores detinemus. Oculi vero, per quos maxime animus emanat, etiam citra motum significant, et hilaritate nitescent, tristitia nubilum quoddam inducunt: motu autem intenti, remissi, graves, mites, asperi, varii et diversi omnino, prout actus poscit, finguntur. Quot enim sunt animi motus, tot significationes et commutationes possunt efficere: in caelum sublatis orantem aliquid a Deo; aversi abhorrentem, fastidientem, negantem; clausi meditantem et cogitantem animum; demissi modestiam, pudorem, tristitiam significant. Iam in vultu, oculisque movendis hoc maxime praecipitur, ut dignitatem semper conservent, nec in singulos, sed aequè in omnes auditores intendantur.

Aliae corporis partes.

De fronte, de superciliis, de naribus, de labris, de cervice, de humeris, cum extra communem situm saepius vitii aliquid prae se ferant, et fere nullius sint virtutis, id solum praecipitur, ut nihil habeant, quod dedecet. Brachia nec deorsum pendeant, nec proiciantur immodice. Brachium extensum potentiam, auctoritatem, robur significat, vel audientiam nobis facit indicitque silentium. Brachia cohibita pudoris et verecundiae sunt signa: prolata et spatiantia vastitatem et copiam indicant.

Manus ex Fabio.

*Manus vero, inquit Fabius, sine quibus trunca esset actio ac debilis, vix dici potest quot motus habeant, cum pene ipsam verborum copiam persequantur. Nam ceteras partes loquentem adiuvant; hae, prope est ut dicam, ipsae loquuntur. An non his poscimus? pollicemur? vocamus? dimittimus? minamur? supplicamus? abominamur? timemus? interrogamus? negamus? gaudium, tristitiam, dubitationem, confessionem, poenitentiam, modum, copiam, numerum, tempus*

*ostendimus? Non eadem concitant? supplicant? inhihent? probant? admirantur? verecundantur? Non in demonstrandis locis atque personis adverbiorum atque pronominum obtinent vicem? ut in tanta per omnes gentes nationesque linguae diversitate hic mihi omnium hominum communis sermo videatur* <sup>1)</sup>. Sed ut aliquid propius dicamus; si de sententiis aliisque mentis operibus loquimur, manus admovetur fronti; si de affectibus, cordi; si de nobis rebusque nostris est sermo, pectori convertitur; si de auditoribus, ad ipsos extenditur; si de Deo, rebusque divinis, in caelum, in altare, vel in Crucis imaginem reverenter explicatur: contra, si de mundo eiusque vitiis est oratio, in partem altari oppositam fertur, idque optime sinistra. Manus tollere admirantium, vel Deo gratulantium est: demittere dolentium vel desperantium: iunctas levare supplicantium: pronas habere et gravi decentique motu depressas est confirmantium <sup>2)</sup>.

Qui significat manus?

In principio manus non solet extendi: cum vero effervescere cepit oratio, tunc manus cum illa exeritur, cum illa deponitur, nec praeit vocem, nec ferit suggestum: multo minus aliud a voce demonstrat, ut Rhetor ille qui caelum appellans, tellurem intuebatur, gestuque monstrabat. Sinistra raro sola gestum facit, sed frequenter se accommodat dexteræ, quæ optime a sinistro incipit latere, et dextero deponitur. Generatim autem manuum motus sint liberi, faciles, nobiles, venusti: quare inepti sunt motus, si manus lateribus haereant, si nimium extendantur vel parum; si non obliquius sed ad perpendicularum, quod est turpius, moveantur, si lentæ aut festinæ sint; si in vehementioribus motibus altera quiescat. Vitium est pectus aut femur ferire (nam nec pedem supplodere nunc licet); barbam demulcere; digitorum gestu iocari; manus supra caput attollere vel infra pectus dimittere, nisi interdum gravioribus urgemur affectibus.

In movenda manu leges.

### § III.

#### *De vocis et gestus in oratione usu*

Duo potissimum in oratione recitanda curabimus: ut vox sin- Vox singulis  
gulis orationis partibus sit accommodata, et in communia quæ- orationis par-

1) Lib. XI. cap. 5. — 2) V. Caussin. Lib. IX. cap. 9.

- tibus conveniens. dam vitia non incidat. Etsi pronuntiatio pro causarum natura in qualibet oratione varia sit; prooemio tamen lenis et submissa fere convenit: vox enim temperata et gestus modestas oratoris ostendit verecundiam, qua nihil est ad conciliandum gratius. Nihilominus interdum pro rei locique natura vehementius etiam fertur exordium. Ab exordio paullatim assurgit pronuntiatio: narrando enim utimur voce aperta, licet familiari sermone proxima, et frequentissime simplici, nisi aliud postulat affectus vel concitatus vel flebilis. Multiplex et varia est probationum pronuntiatio: partiri enim, proponere, interrogare, sumere contradictionem, quae etiam irridendo aliquando vel imitando pronuntiatur, simpliciores poscunt vocem. Argumentatio plerumque agilior est, et acrior, et instantior pro rerum natura: qua in re curanda est semper varietas, quae et gratiam praebet, et renovat aures, et dicentem ipsa laboris mutatione reficit. Egressionem, si sunt rerum, fere lenes et dulces et remissae sunt: si sunt affectuum, efferenda vox est pro varietate motuum: nam accendendi affectus plures sunt gradus. In peroratione tandem epilogus concisorum continuatione gaudet; motio affectuum vocem postulat excitatorem, eandemque singulis, qui sedandi vel ciendi sunt, motibus aptam variamque <sup>1)</sup>).
- In tota oratione servandum. In tota vero oratione neque volubilitate nimia confundenda quae dicimus; ita enim distinctio perit et affectus: neque tenuandus sermo nimia tarditate, quae et difficultatem inveniendi ostendit, et segnitia solvit animos: *Prorruptum*, inquit Fabius, sit os, non praeceptum: moderatum non lentum: spiritus quoque nec crebro receptus concidat sententiam, nec eo usque trahatur, donec deficiat.
- Vitanda Morositas. Quae de voce tradidimus, si omnia ad dicendum orator non poterit afferre, id saltem conabitur, ut minus inepte pronuntiet. Quare vitabit primo *μωροτητα*, quae et dicentem exanimat et auditores enecat. Nam ad vocem obtinendam nihil est utilius, quam crebra mutatio; nihil perniciosius, quam effusa sine intermissione contentio. Quid? ad aures nostras et actionis suavitatem, quid est vicissitudine, et varietate, et commutatione aptius <sup>2)</sup>?
- Vitandus Cantus. Vitabimus etiam cantum, seu illam uno ferme tenore subsultantem naeniam, qua varietas omnis perit: tum clamosam lo-

1) V. Cic. pro Mil. — Segneri Pred. III. — 2) Cic. III. Orat. LX.

quendi rationem, qua qui utuntur optimi oratores a plebecula habentur, Tullio latratores videbantur. Quod vitium perstringit Ioan. Lucas :

..... *Loquere; hoc vitium commune, loquatur  
Ut nemo, at tensa declamitet omnia voce:  
Tu loquere, ut mos est hominum: boas et latrat ille,  
Ille ululat, rudit hic (fari si talia dignum est);  
Non hominem vox ulla sonat ratione loquentem<sup>1)</sup>.*

Quae vitia hoc habent remedium: ut pueri humilia primum et familiaria aequabiliter et rotunde pronuntiare assuescant: ut eorum, quae pronuntiant, sententiam optime teneant: ut exercentur in illis orationibus, quae ob varios sensus variosque motus, varias inflexiones vocis postulant, et videant quo res quaeque modò sit efferenda.

Ad gestum quod spectat, universe dexteritatem quamdam, gratiam, facilitatemque gestuum acquirere studebimus, idque ipsam naturam consulentes: in quo tamen tum nostri tum auditorum adiuncta spectabimus, ut videamus quid deceat. In nobis aetas, indoles, sensus, auctoritas; mores gentium, cultus, dignitas, ingenium in auditoribus considerantur. Itaque iuxta huiusmodi adiuncta variandus ac temperandus est gestus. In quo haec potissima erit lex, ut nec affectum, quem intus non sentimus, nec ardorem, quem res non postulat, gestu fingamus. Contra, etiam cum affectus est naturalis, calorque a materia ipsa excitatur, curemus, ut intra limites varii apti et decori gestus maneamus: si enim nos ipsos moderari nescimus, multo minus regemus auditores. Quod si quis in popularibus concionibus ad gestum aliquid exterioris adiumenti velit adiungere, in veteribus probatissima habet exempla: sed videat quid expediat, quid deceat ex re, et ex auditoribus. Illud certe probatur maxime, Iesu Cruci affixi imaginem manu capere, et ostendere populo, numerare plagas, elicere affectus.

Sed de gestu illud est oratori maxime tenendum, quod gravissime monet Fabius: *Et ii quidem, de quibus sum locutus, cum ipsis vocibus naturaliter exeunt gestus. Alii sunt, qui res imitatione significant; ut si aegrum tentantis venas medici*

Qui temperandus gestus?

Gestus, qui imitatione significat, reprehenditur.

1) De gestu et voce orat.

similitudine, aut citharoedum formatis ad modum percutientis nervos manibus ostendas: quod genus quam longissime in actione est fugiendum. Abesse enim plurimum a saltatore debet orator, ut sit gestus ad sensus magis, quam ad verba accommodatus: quod etiam histrionibus paulo gravioribus facere moris fuit. Multa quidem licent in carmine; sed Aliud oratio sapit, nec vult nimium esse condita. Actione enim constat, non imitatione. Quare non immerito reprehenditur pronuntiatio vultuosa, et gesticulationibus molesta, et vocis mutationibus resultans <sup>1)</sup>. Eadem repetit alias, appellatque Tullium, qui Omnes autem hos motus, inquit, subsequi debet gestus, non hic verba exprimens scenicus, sed universam rem et sententiam non demonstratione sed significatione declarans, laterum inflexione hac forti et virili, non ab scena et histrionibus, sed ab armis, aut etiam a palaestra. Manus autem minus arguta, digitis subsequens verba, non exprimens: brachium procerius proiectum, quasi quoddam telum orationis <sup>2)</sup>.

Fabii conclusio.

Atque ut cum Fabio finem faciam, Haec sunt vel illustramenta pronuntiationis, vel vitia: quibus propositis, multa cogitare debet orator. Primum quid, apud quos, quibus praesentibus sit acturus. Nam ut dicere alia aliis, et apud alios magis convenit; sic etiam facere. Neque eadem in voce, gestu, incessu, apud Principem, Senatum, populum, magistratum, privato, publico iudicio, postulatione, actione similiter decent. Quam differentiam subiicere sibi quisque, qui animum intenderit, potest: tum qua de re dicat, et efficere quid velit <sup>3)</sup>. Haec

Fugienda affectatio.

Fabius: nos vero quaecumque de voce et gestu diximus, etsi pauca, sic procurari volumus, ut nihil omnino sit affectationis, nihil ab aliis imitatione effectum, nihil extra propriam cuiusque naturam petatum. Quidquid enim naturale est, quamvis defectibus aspersum, semper aliqua ratione placet: siquidem decentem eiusque animum ingenue ostendit; contra, quod est affectatum, vel nimio studio quaesitum, utpote quod artificium et fictionem statim prodit, mirum in modum displicet.

1) Lib. XI. cap. 3. — 2) Cic. III. Orat. LIX. — 3) Lib. XI. cap. 3.

## PARTITIO QUARTA

### De Rebus Historicis

Omnia, quae ad memoriam potissimum referuntur, et nar-  
rando scribi solent, historicarum rerum nomine comprehendi-  
mus. Quo in genere sunt primum omnes fabulae; tum quia nar-  
ratione continentur, tum quia saepe historiae aliquid vel imi-  
tantur vel complectuntur. Fabularum enim voce, praesertim  
cum rei adduntur apposita, plurima significantur, quae, sin ve-  
rae, certe verisimilis historiae naturam habent. Sequitur histo-  
ria proprie dicta, quae in hac partitione principem locum sibi  
vindicat; sed a nobis, rerum originem secutis, post fabulas  
collocatur: nam et principia cuiusque historiae, si sacram exci-  
pias, fabulosa sunt, et fabula ipsa prius, quam vera historia,  
est inventa vel perfecta, quippe quae plurimum ad poësim at-  
tinet. Ad historiam autem multa alia scripta revocantur, quae  
cum eadem coniungemus. Verum de Inscriptionibus etiam,  
quae vel historia sunt, vel certe ad historiam quam proxime  
accedunt, separatim hic dicemus: quantum enim institutum  
nostrum patitur, copiosius aliquid de hoc scribendi genere tra-  
dere debemus; ut mature caveamus ab iis erroribus, qui haec  
tam insignia rei litterariae monumenta, quae tandem summo  
iu honore esse videmus, iamdiu inficere consueverunt. Itaque  
huius partitionis tria denique erunt capita: quorum primum  
de Fabulis universim; alterum de Historia, tertium de Inscri-  
ptionibus nuncupabitur.

### CAPUT I.

#### DE FABULIS

Fabula, graece *μῦθος*, generatim est rei fictae narratio, quae  
ex apposita similitudine ad animos recreandos moresque insti-  
tuendos valeat. Fabula enim ob sensilem rerum imaginem mi-  
rum in modum auditorum animos delectat, et attentionem con-  
cilians facit etiam imprimis ad movendum, et quod praecipuum  
semper in arte est, ad corruptos mores emendandos. Dividi vero

- Fabularum divisio. potest in fabulam proprie dictam<sup>1)</sup>, fabulosam narrationem<sup>2)</sup>, et fabulam romanensem<sup>3)</sup>. Fabulosa enim narratio fabulae proprie dictae, cuius speciem quamdam amplificando imitatur, ob fictionem non videtur absimilis: fabula autem romanensis fere tantum magnitudine ac proinde actuum varietate et complexiori nodo a fabulosa narratione distinguitur. Sed meo iudicio fabula proprie dicta reliquis antecellit. Nam haec non solum praestitutum finem ab ipsa ferme origine consecuta est; sed et perfectos habet auctores, et cum ipsa per se praeclare pollet, tum multa dicendi genera vi et gratia et perspicuitate donat. Ceterae autem fabulae raro admodum finem assequuntur, multis vitiis adhuc scatent, atque ex propria natura et origine non videntur omnium bono comparatae.
- Fabulae propriae Praestantia.

## § 1.

*De Fabula proprie dicta*

- Fabulae natura et finis. Fabula proprie dicta est: conflictuae rei narratio veritatem effingens: exemplo enim quodam aut similitudine verum ac rectum homines docet. Quare Phaedrus:

*Exemplis continetur Aesopi genus  
Nec aliud quidquam per fabellas quaeritur,  
Quam corrigatur error ut mortalium<sup>4)</sup>.*

Enimvero quam bene Aesopus voluptarios monet! Εἴν τινα ταμείω μέλιτος ἐκχυθέντος, Μυῖαι προσπαῖσαι κατήσθιον. Εἴμπαγόντων δὲ τῶν ποδῶν αὐτῶν, ἀναπτῆναι οὐκ εἶχον. Αἴποπνιγόμεναι δ' ἔλεγον. αἰθλιαὶ ἡμεῖς, ὅτι διὰ βραχείαν βρώσιν ἀπολλύμεθα — Εἴπιμύθιον — Οἰμύθος δηλοῖ, ὅτι πολλοῖς ἡ λιχνεία πολλῶν κακῶν αἰτία γίνεται.

- Fabula rationalis. Triplex vero fabula distinguitur: fabula rationalis seu parabola; fabula moralis seu apologus; et fabula mixta. Fabula rationalis est illa, qua ad mores instruendos fingimus ab homine dictum vel factum quidpiam, quod reipsa nec dictum nec fa-

1) Favola.—2) Novella.—3) Romanzo.—4) Lib. II. Prol.



ctum fuit, sed tamen dici vel fieri potuit. Huius generis sunt admirabiles illae parabolae, quibus Iesus Dominus Apostolos, discipulos et populum undique circumfluentem ad omnem pietatem ac virtutem comparabat: idque faciebat tum ut se rudi plebis captui accommodaret, tum ut Palaestinorum indulgeret consuetudini, quae plurima hac in re viguit. Qui divinas Iesu parabolae non solum cum sempiternae vitae fructu, sed purissimi etiam stili delectatione legere velit, magni faciat libellum optimi S. I. scriptoris, qui easdem italica aureae aetatis lingua, nimis forte studiose sed multa cum laude, adornavit. Ego brevius exemplum subiiciam a). Duodecim circiter minora exempla habes etiam in pulcherrimo Phaedri libello.

a) Ebbevi già un uomo ricco, il quale essendo voglioso d'aggrandire suo stato si mise a voler comperare una bella possessione, la qual vicina era de' suoi poderi; e andandovi a visitarla, così come per diporto, e piaciendogli, seco medesimo divisava del quanto il signor ne vorrebbe: Or mentre così d'un solco nell'altro, ed' uno andamento in un altro passava, gli venne veduto certo luccicare per terra dietro una piccola macchiuzza, ch'era a lato d'un fossato. Laonde cominciò a frugare col bastoncello, che aveva tra mano, e levonne una bella moneta d'oro, e ricoltala trovò, che ben grossa era, e pareva che pur allora del conio ci venisse. Di che in sè medesimo forte maravigliato proseguì oltra pur frugando col bastone, e poco sotterra vide altre monete pur d'oro. Laonde quel che potesse essere indovinando, guatatosi diligentemente d'attorno e non vedutoci persona, si chinò in terra, e colle mani cavando, s'avvenne in un vaso di creta, che di cotali monete bellissime pieno era. Quivi la passione cominciò a stimolarlo, che le dovesse ricogliere e portarnele. Ma come uomo leale e diritto incontanente le ripose, e sopra tornovvi la terra come era, ed altre erbe vi soprapose a maggior guardia. Poi tornatosi a casa senza far motto a persona del ritrovato tesoro, tutto pieno di gioia, che in sè medesimo non capeva, ragunò quanti danari quivi di presente potette, e appresso l'altre sue possessioni e case e quanto si avea vendette con tanta sollecitudine, che ogni uomo ne maravigliava. E poichè gli parve d'aver tanto ragunato, che alla compra della possessione bastar dovesse, fu al signor di quella e domandogliela. Il signore rispose che, se non se a grandissimo pregio, nulla venderebbe. Diase l'altro: e io sono apparecchiato di venire a qual pregio vogliate voi, se pur tutto mio avere ne voleste. Il signore impromettendosene guadagno sempre maggiore, a tanto il trasse che quell'uomo dare gli convenne tutti li danari, che dalla vendizione de' proprii beni ragunati s'avea. Fu per alcuni del-

Fabula mor-  
ralis.

Apologi et  
Parabolae  
discrimen.

**Moralis fabula est illa, quae belluarum mores et indolem so-**  
let exprimere, ut mores hominum corrigit atque meliores fa-  
ciat. Non solum autem feras, sed arbores quoque et plantas,  
malleos, incudes, aliasque huiusmodi res loquentes inducimus.  
Fabula haec ab Aesopo, cui valde fuit in deliciis, dicta est ae-  
sopica: quamquam ante Aesopi tempora ab Homero et Hesio-  
do fuerit usurpata: quum enim sit quaedam allegoria, ex quo  
dicitur apologus, facile fuit ut veluti orationis ornamentum ad-  
hiberetur <sup>1)</sup>. Apologum inter et parabolam hoc interest, quod  
apologus sit earum rerum, quae fieri omnino nequeunt a para-

la terra, specialmente da' più accorti, rampognato come folle, e che  
la possessione non valeva pur la metà, e che non si doveva egli  
consigliare col solo amore di averla. Ma egli che ben più avanti sa-  
peva di loro, se ne rise. E così finalmente della desiderata posses-  
sione divenuto signore, siccome colui che 'l poteva, secondo che  
l'usanze e le leggi delle contrade sue statuivano, non fu notte fer-  
ma che venne a quella, e tutto solo la cara urna delle monete d'oro  
ne trasse, e recollasi in sua magione, e cominciò a contare colla  
maggior festa del mondo. E quando credette essere al fondo dell'ur-  
na, trovovvi in luogo delle monete ricchissimi diamanti da non po-  
terlo contare, e perle d'imprezzabil valore, e altre ricche gemme;  
di che divenne il più dovizioso uomo di quelli paesi, e a troppo pic-  
col pregio gli parve avere la possessione comprata. Per lo trovato-  
re del magno tesoro non vi par egli di vedere Gesù Cristo figliuolo  
dell'uomo? E per lo medesimo l'anime nostre, e di cadauno, e di  
voi in particolare, le quali anime nel campo di questo mondo erano  
seppellite, cioè dimentiche, perdute, inutili al superno Signore? E  
non andò egli Gesù Cristo, e vendette ogni suo avere...? E ancora  
puoi intendere, che 'l campo del tesoro sia il paradiso benedetto, il  
cui valore a pochi è conosciuto, e da pochissimi è amato e cercato: co-  
sa degnissima di lagrime. Or non sarebbe stato folle e distorto di  
senno il compratore...? *G. B. G. Parab. VI.*

<sup>1)</sup> V. Andres, vol. II. c. 6 § 272 e segg.

a) Volendo la volpe villanamente schernire la cicogna, invitolla a  
cena; ed essa puramente di buona fede, credendo che procedesse  
di buona amistà, accettò. E andando a casa della volpe trovò appa-  
recchiato da cena sopra una larga pietra con liquida e corrente vi-  
vanda, della quale non poteva, per cagione dell'aguzzato becco, as-  
saggiare in verun modo; ma la malvagia volpe tutto ciò con la sua  
larga lingua leccava e mangiava. Essendo la cicogna così schernita,  
malamente e quasi digiuna tornò a casa sua, costretta da tanta mali-  
zia, che pensò render pane per focaccia. E subito cbbesi fatto fare

bola vero earum, quae etsi reipsa non sunt, esse tamen certe potuerunt.

Fabula denique mixta, ut ipsum nomen ostendit, est ea, quae ex rationalis et moralis admixtione componitur, seu in qua homines cum brutis sermocinari finguntur; ut: *Ὀρνιθοθήρας ὕρνειν ἴστη παγίδας. Κορυδαλὸς δὲ τοῦτον πόρρωθεν ἰδὼν, ἐπυνθανέτο τί ποτ' ἐργάζοιτο. Τοῦ δὲ πόλιν κτίζειν φαιμένου, εἴτα δὲ πόρρωτέρω ἀποχωρήσαντος, καὶ κρυβέντος, ὁ Κορυδαλὸς τοῖς τοῦ ἀνδρὸς λόγοις πιστεύσας, προσελθὼν εἰς τὸν βρόχον ἔαλε. Τοῦ δὲ Ὀρνιθοθήρα ἐπιδραμόντος, ἐκείνος εἶπεν. Ὡτ' οὗτος, εἰ τοιαύτην, πόλιν κτίζεις, οὐ πολλοὺς εὐρήσεις τοὺς ἐνοικοῦντας—Ἐπιμύθιον—Ὁ μῦθος δηλοῖ, ὅτι τότε μάλιστα οἶκοι καὶ πόλεις ἐρημούνται, ὅταν οἱ προσεστώτες χαλεπαίνωσι (1).*

Prima vero fabularum virtus est, ut ad mores informandos maxime sint aptae: quare moralis sententia vel ex ipsa rei expositione perspicue debet elucere, vel, ut plerumque fit, explicite ostendi. Quam interpretationem, quae anima fabulae dicitur, si in fine ponatur, *ἐπιμύθιον*, si initio, *προμύθιον* Graeci vocant. Ceterae dotes fabulae, sunt, ut narratio sit perspicua iucunda et probabilis. Sed in apologo probabilitas et verisimilitudo ubabetur, si sua cuilibet animanti servetur indoles et ingenium, omnesque belluae germanis propriisque coloribus depingantur: ut, puta, vulpes versipellis et subdola, lupo rapax et truculentus, agnus mitis describatur et simplex. Stilus demum fabulae erit planus, proprius, nitidus, iocosus; nec vero respuet modestiora quaedam sermonis et figura-

Fabularum dotes.

una guastada con largo corpo e lungo e stretto collo, ed empiella d'un odorifero morsellato. E ciò apparecchiato, la cicogna invitò la volpe a desinare; e pregava che mangiasse e prendesse di sì delicato cibo. E la volpe andava intorno alla guastada, e di ciò avea gran volontà, ma non v'era modo che potesse averne; e la bellezza del vasello e 'l suo grande odore gli raddoppiava la fame: e la cicogna col suo lungo collo e becco mangiò tutto il morsellato. In tal maniera la volpe tornò al suo albergo digiuna e schernita; e la cicogna rimase allegra e vendicata — Ammaestra l'autore in questa favola che niuno debba fare quello altrui, che non volesse ricevere. *Folgaris. di Esopo — Testò antico — V. Phaedri, lib. I. f. 26.*

1) Aesopus.

rum ornamenta, quae cum maxima simplicitate possint consistere.

Fabularum  
auctores.

Fabularum auctores habent Graeci Aesopum, Aepthonium et Babrium: Latini Phaedrum et Avienum: Itali, praeter optimas Aesopi et Phaedri interpretationes, proprios etiam auctores ostendere possunt: quorum praecipui videntur Firenzola, Pignotti, Bertola, De-Rossi, Roberti, et Gozzi. In qualibet autem lingua singuli fere scriptores praeclaras interdum fabulas, ut orationis vel carminis ornamenta, suis operibus inserunt. Nam cum oratorum et poetarum praecipuum officium sit movere, plurimum uti debent fabulis, vel figuris fabulae similibus. In hoc enim a philosophis discedunt oratores et poetae, quod res, virtutes, et vitia, a sensibus omnino remota, sensilibus imaginibus vestiant, et sub oculis veluti ponant, ut animos percellant. Nec vero alia fuit fabularum et ipsius mythologiae origo.

## § II.

### *De Fabulosa Narratione*

Quid narra-  
tio Fabulosa?

Narratio fabulosa est expositio rei, quae licet potuerit esse, tamen vel nunquam fuit, vel certe non fuit iis adiunctis, quae auctor ad ipsum opus perficiendum, et eiusdem ornandi gratia comminiscitur. Nam saepe ipse fabulosae narrationis fundus est factum, quod re ipsa contigit, uti de plerisque Boccacei scriptis nonnulli contendunt; sed factum illud quibusdam adiunctis augetur, ut suscipiat aliqua ex iis, quae in poeti fabulae ornamenta dicuntur. Opus est enim stilo et artificio quodam, ut auctor suavi animorum delectatione finem

Eius finis.

huiusmodi narrationibus constitutum obtineat. Finis autem idem est illi, quem in re dramatica poeta sibi proponit: delectando scilicet hominum mores corrigere atque instituere. Quem finem continget scriptor, si narratio et omnia eius adiuncta ac ornamenta ad odium in aliquod vitium, vel ad amorem alicuius

Quae argu-  
menta eli-  
genda?

virtutis excitandum ipsa rerum expositione conspirent. Ea igitur inveniendae sunt argumenta, quae ad propositum finem ipsa narratione conducunt. Quae in re maxime peccavit Boccaceus, qui, quem in finem suas narrationes scribere deberet, facile in-

tellexit; a) sed ut erat pessimis moribus homo eas rationes ini-  
vit, quibus finem prorsus contrarium assequeretur: non enim  
nobilem, sed deteriore totius humani generis imaginem e-  
legit, eamque iis coloribus depinxit, quibus homines ad turpis-  
sima quaeque vitia maxime allicerentur. Quapropter non vul-  
garis eloquentiae conditorem, sed morum corruptorem iure di-  
ceres, praesertim cum in conclusione studeat argumentis ad  
impudentiam captiosis et turpibus lulentum opus defendere.

Fabulosae narrationis constitutio est ipsa rei gestae vel qua-  
si gestae apta expositio, quae a tempore, ab urbe, a loco, in  
quo quidpiam accidit vel accidisse fingitur, plerumque exordit-  
tur, et vel a scriptore vel ab inductis personis absolvitur. Ini-  
tium autem loco potest praeponi aliqua vel descriptio, vel brevis  
historia, vel sententia, quae cum tota narratione cohacreat.  
Tum id quod contigisse fertur historicorum ferme modo enar-  
ratur; ita ut etiam adiuncta et ornamenta ex ipsa rei natura  
videantur profecta, atque auditores nativis rerum coloribus cap-  
ti nullam fictionem animadvertant: quare locorum etiam tem-  
porum et personarum mores imprimis sunt tenendi, apposite-  
que explicandi. Saepe vero plurimae fabulae, quae solae con-  
sistere possunt, apto rerum nexu, communisque finis ratione  
ita colligantur, ut unum opus absolvatur: quo in genere emi-  
net potissimum Boccaccius.

Fabulosae  
narrationis  
constitutio.

At fabulosa narratio primum omnium debet esse morata; Eiusdem do-  
nimirum ea narrare propriisque artibus depingere, quae vere tes.  
virtutis amorem, ac vitii odium ingenerent: tum vera aut veri-  
similis: verisimilitudo autem non solum ex eo quod res potuit  
ita esse; verum ex ingenua dicendi ratione et occultiori nar-  
rantis arte maxime elucebit. Ad ornamenta quod attinet, fa-  
ciunt huc praecipue breves descriptiones, ethopoeiae, et mirae  
quaedam rerum et adfectuum conflictiones, in quibus omnem  
artis pulchritudinem quidam constituunt: placent etiam inter-

a) Nelle quali novelle piacevoli ed aspri casi d'amore ed altri for-  
tunati avvenimenti si vedranno, così ne' moderni tempi avvenuti,  
come negli antichi: delle quali le già dette donne che queste leg-  
geranno, parimente diletto delle sollazzevoli cose in quelle mostra-  
te, ed utile consiglio potranno pigliare, in quanto potranno cono-  
scere quello che sia da fuggire, e che sia finalmente da seguire.  
Le quali cose senza passamento di noia non credo che possano in-  
tervenire. *Boc. Decam. Proemio.*

Dicendi ra- dum minores aliquae peripetiae et recognitiones. Dicendi tan-  
tio.

dem ratio omnes stili pulchritudines admittit: quare Boccac-  
cius italicae eloquentiae pater inde dictus est. Quam quidem  
laudem imprudenti vel certe inverecunda hyperbole prola-  
tam a), nunc saepe legimus vel audimus: immo Antonium Ce-  
sari, virum ceteroqui doctum et satis eloquentem, non pudit

a) Certamente al Boccaccio non competevo questo diritto per aver  
dilatato i confini della favella. Non per ragione delle parole isolata-  
mente considerate; perchè si può sfidare qualunque lessiografo a  
rinvenire nelle *Cento Novelle* un vocabolo veramente bello, onesto,  
necessario, che non si trovi nelle scritture anteriori: nè del resto si  
vorrà fargli merito della farraggine di turpitudini tolte alle taverne,  
a' trivii, ed a' lupanari; la quale per certo sarebbe esuberante anche  
all'espressione dell'araba scostumatezza. Non per le frasi: perchè  
delle buone egli non è l'autore, e delle altre da lui composte, *perfar-  
si singularissimo dagli scrittori del suo secolo* (Salviati) non si può  
stare al sicuro; chechè ne dicano i grammatici, *de' quali fu pro-  
priissimo il fondar regole e trovar vezzi ne' suoi strafalcioni* (Ta-  
verna). Non pel costrutto; perchè *gl'iperbati e gli altri stravolgi-  
menti della natural tela del favellare sono in quell'opera contro la  
forma dello scrivere, che s'usava da' buoni in quel tempo* (Salviati);  
dunque contro la natura e l'uso del nostro idioma: onde venne di  
conseguenza la perpetua distinzione del parlar boccaccesco dall'Ita-  
liano. Non per lo stile; perchè dove pretende magnificarlo coll'arte,  
presenta *una maniera di scrivere affettato nobile* (Tassoni) che si  
perde nella gonfia ed inane loquacità de' retori e de' sofisti; e dove  
seconda natura, che nello stile suol rendere immagine dello scritto-  
re, lascia bruttamente apparirvi quell'animo, *che solo di lascivie e  
di fole e di donnesco vivere si compiace* (Pertic. Ap. e. 41.), sen-  
za che a falsare affatto lo stilo basterebbe soltanto avere, come lui,  
*sforzata la natura del linguaggio* (Pert. Scr. Trec.) nella disposizio-  
ne delle parole. Non per la materia; perchè la lingua comune fu  
principalmente per opera sua *dall'ampio giro*, che prima occupava,  
*in molto minore spazio ristretta* (Gravina) e prevalse l'opinione che  
abbandonar si dovesse alle ciance delle femminette e de' giovinastri,  
cercando altrove il linguaggio della sapienza e della grandezza.  
Quanto all'eloquenza che alcuni gli attribuiscono, me ne sbrigherò  
con un paragone. Guarda, mi diceva un giorno Sempronio mirando  
il cielo, guarda che nuvola significante. Non è quello propriamente  
un gran guerriero, tratteggiato sullo stil de' Carracci? Io alzai gli oc-  
chi e vedeva una nuvola.

M. A. Parenti, Cenni sullo studio della lingua italiana.

eamdem multis verbis Florentinae Academiae vendere; 1) ita ut si quis orator esse velit, ad Boccaccium se recipere debeat! Sed ut ad rem nostram revertamur, cum in fabulosis narratio-  
Stilus varius.  
 nibus magna locum habeat rerum morum ac personarum varietas, nullus certus praefiniri potest stilus: pro rei enim opportunitate erit tenuis, mediocris, gravis; tum nitidus, elegans, floridus: nec vero audiendi sunt, qui huius generis descriptionibus luxum quemdam verborum ac figurarum semper congruere existimant. loci tamen sententiae, et honesta urbanitatis gratia semper maxime conveniunt.

### § III.

#### *De Fabula Romanensi*

Romanensis fabula dici potest: ficta eventorum cum rerum  
Quid Fabula Romanensis?  
 nexu et solutione narratio. Quare cum non tam historiae, quam ampliori cuidam dramaticae actioni videatur similis ac pene omnia poëseos adiuncta atque ornamenta admittat, fere non immerito dicta est ab aliquibus species quaedam poëseos, etiamsi versibus non enarretur.

Fabulae romanenses, Graecis et Latinis ac propterea ipsis  
Varia genera.  
 Italīs olim ignotae, quippe sapientiorum gentium gravitate indignae, sequioribus temporibus apud exteras gentes ortae; fuerunt primo omnes equestres: deinde amatoriae, quae pastorum prius, postea heroum etiam animi perturbationes sunt prosecutae. Sed fere eodem tempore subdolorum hominum fraudes hoc dicendi genere sunt descriptae: tum imperitorum vitia, quibus artes scientiaeque parvi penduntur, iocis et facetiis sunt exaggerata. Successerunt fabulae ethicae seu morales, quae utpote magis utiles, plurimam existimationem huiusmodi narrationibus conciliarunt. Hoc in genere infinitae scriptorum multitudini videtur antecellere *Telemachus* Fenelonii. Verum oleum et operam perdimus, si omnes romanensium fabularum formas amplecti velimus: usus enim obtinuit, ut quodlibet dicendi docendique genus fabularum more tractaretur 2). Nos hic genus  
Genus historicum.

1) V. Dissert. dello stato presente della Lingua Italiana.

2) V. *Andres* vol. II. c. 7. Dei Romanzi.

illud, quod historicum vocant, et his temporibus summo est in pretio, tandem commemorabimus: nam praecipuam romanensium fabularum divisionem nunc constituit. Nec vero hac fabularum specie historiam ipsam, ut quidam somniantur, transmitti posse existimamus: hoc enim est maxime absonum atque absurdum, fictis adiunctis et fabuloso rerum, ac propterea causarum, nexu veritatem posteris consignari. Quid enim opus est verum fictis rebus involvi, et veluti ad mythologiam regredi, cum ipsa nuda veritas vix haberi aut suaderi possit? Quis verum a falsis commentis distinguet, cum auctores, natura ipsa descriptionis, eventus, locorum situs, personarum characteres poetice efferre cogantur? Cum poësi igitur habeat quidem romanensis fabula fundum ipsum rerum ex historia deductum; sed poëseos non historiae officia sibi arroget.

Fabula fictitia et historica.

Itaque in his narrationibus, de quibus agimus, vel tum rerum structura et compositio, tum res ipsae et adiuncta omnia sunt commentitia: vel facta, res, et ornamenta praecipua universim ex historia fideliter sunt deprompta; sola vero rerum constitutio et structura est fabulosa. Prioris generis narrationem fictitiam dicunt: alterius autem historicam appellant. In hac multa et infinita commoda se invenisse auctores iactitant. Cum enim, ut aiunt, historia nec omnes eventus comprehendere potest, neque (quod de ipsa fabula romanensi alii tradunt) ad minutas quasque res debet descendere, accedit fabula romanensis, quae domestico quodam facto minima quaeque coniungit eventa, privatorum hominum indolem describit, singularis cuiusque temporis mores, animorum perturbationes, religiones, consuetudines, studia, habitus, cultus, leges discipli-

Difficultates. nasque persequitur. Qua re quisnam dubitabit magnam rerum cognitioni lucem afferri et plurima virtutum documenta hominibus tradi posse? Sed opus, quod longo temporis spatio, maturo mentis iudicio, et magna historiae fide elucubrari debet, quis expectabit a plerisque aetatis nostrae hominibus, qui fere omnia partium studio, praecipiti consilio, et repentina celeritate in lucem edunt? Scimus aliquos Italiae viros praeclearam hac etiam in re navasse operam. Nos vero unum nominabimus Manzoni, omni invidia maiorem; atque uti certum sapientis laboris exemplar et verum rerum utilitatis specimen, unum praeponeamus Barthelemy, qui in adornando iuvenis Anacarsis



per Graeciam itinere triginta ipsos annos insumpsit, quo omni posterorum memoriae commendaretur a). —

Iam vero, praecipuus fabulae romanensis finis est suavi rerum narratione homines doctrina informare, mores ac vices humanae vitae describere, errores et vitia, quibus ab animi perturbationibus inquinamur, exemplis veris vel fictis prodere; idque iis omnibus artibus, quibus hominum adfectus purgare, recte institutae vitae documenta praebere, et in virtutem amorem, odium in vitium excitando pravos multorum mores corrigere, rectos meliores efficere possimus. Quare omnia poësos officia huic scribendi generi sunt communia. Sed hac in re errant fere omnes scriptores, qui perversis doctrinis imbuti, et perversioribus adhuc virtutis atque vitii ideis informati, cum medicinam vulneribus facere deberent, profuso veneno plagas exasperant. Horum enim scripta, quae apud exterarum praesertim gentes *vitarum, casuum, memoriarum, historiarum* titulo quotidie vulgantur, non solum nulli communi bono serviunt, sed falsis impiis ac turpibus doctrinis scatentia foedum otium et publicam morum corruptelam procurant. Quae vitia ut a-

Fabulae Romanensis finis.

Quae in hoc vitia?

a) È un bel piacere navigar per quei mari fra i discorsi dei marinari greci e dei passeggeri, smontare in quelle isole, scorrere quelle provincie tanto famose, passeggiare per l'Accademia, pel Liceo, pel Ginnasio, per le Palestre, conversare con Epaminonda, Senofonte, Platone, Aristotile, Isocrate, Demostene, e tanti altri grandi uomini, i cui nomi siamo soliti fino dall'infanzia a proferire con venerazione; contemplare i tempj, gli edifici, le pitture, le statue, e tanti miracoli delle belle arti, entrar nelle case, goder le tavole, le feste, i giuochi, i divertimenti privati e pubblici, informarsi del governo, della milizia, della religione, dei costumi, e in somma soggiornare in quelle incantatrici contrade e vivere con quei genj felici, maestri, per così dire, del genere umano: e ciò senza il timore di abbagliarsi col falso luccicore di un romanzesco ritratto, ma colla sicurezza di vedere ogni cosa al puro lume della storica verità. Questo è il gran merito di quel romanzo. *Il viaggio nella Grecia del giovane Anacarsi* non è che una favola; ma se egli realmente l'avesse fatto, avrebbe certamente trovati quei luoghi, quelle persone, quei costumi, quegli avvenimenti che or vengono da lui descritti: e perciò l'opera si fa leggere col solletico di un dilettevole romanzo, e coll'istruzione di una verace storia.

Andres, Vol. II. cap. 7. §. 314.

vertamus, id imprimis nobis curae erit, ut fabulae materies eligatur ea, quae ad morum informationem maxime faciat; tum ut meminerimus cuiusque scriptoris officium esse optimis doctriinis erudire mentes; animosque sanctissimis affectibus inflammare.

Fabulae Romanensis constitutio.

Constitutio fabulae romanensis, ut de historica praesertim loquar, haec est, ut eius narratio historiarum expositionem imitetur; sed res non solum geographia et echronologia, causis et effectibus nectantur, verum cum quadam actione primaria, quacum ceterae actiones cohaereant, apta connexion colliguntur: ita ut, quemadmodum de poësi praescribitur, fabulae unitas habeatur. Quare earum, quae veluti in scenam producuntur, personarum aliqua primas partes habet, ac in singulis singularis cuiusque character effingitur, qui ad inum servetur: episodica praeterea, graphicae morum expressiones, rerum descriptiones, et cetera huiusmodi narrationum ornamenta magna structurae unitate contineri debent.

Notes.

De stilo et dotibus romanensis fabulae pauca possumus adiungere: omnia enim, quae hac in re ad fabulosam narrationem pertinere diximus, huc maiori quadam proportionem afferri debent. Verum stilus fabulae romanensis admodum difficilis est: primum est enim ut vel langueat ex eo quod orationis proprius est, vel turgeat, quia ad poëticum debet accedere. Itaque ille partes explebit suas, qui medium quemdam stilum ex Caro Firenzuola et Gozzio expressum adhibebit. Quod ad proprietates spectat, in fabula romanensi requiritur etiam, quod caput est, admirabilis ille rerum et casuum nodus, qui in operibus dramaticis tantopere placet, licet heic possit esse magis obviu et solutu faciliu: tum et characterum diversitas et dialogismi varietas laudatur. Ethopoeiae autem sunt crebriores, rerum ac locorum descriptiones fusiores, et omnium affectuum tractationi longe lateque patet locus.

Stilus.

## CAPUT II.

## DE HISTORIA

Multarum rerum scientiam, multam dicendi artem, multam prudentiam ad historiam scribendam asferre debemus. Enimvero Catulus apud Tullium a summo oratore vult historiam conscribi: *Age vero, inquit Antonius, qualis oratoris, et quanti hominis in dicendo putas esse historiam scribere? Si ut Graeci scripserunt, summi, inquit Catulus: si ut nostri; nihil opus est oratore: satis est non esse mendacem* <sup>1)</sup>. Propius autem ad rem nostram Lucianus: *Φημί τοίνυν τὸν ἀρίστα ἱστορίαν συγγράφοντα δύο μὲν ταῦτα κορυφαῖότατα οἰκοῦν ἔχοντα ἔχειν, σύνεσιν τε πολιτικὴν καὶ δύναμιν ἐρμηνευτικὴν. τὴν μὲν ἀδιδασκτὸν τι τῆς φύσεως δῶρον. ἡ δὲ δύναμις δὲ πολλῇ τῇ ἀσκήσει καὶ συνεχεῖ τῷ πόνῳ καὶ ζήλῳ τῶν ἀρχαίων προσγεγενημένη ἔστω. Existimo igitur optimum historiae scriptorem duo quidem haec maxime necessaria secum habentem accedere debere; sapientiam nimirum politicam, et eloquendi facultatem: illa donum naturae est, quod tradi non potest; facultas autem eloquendi multo exercitio et assiduo labore ac studio veterum aucta sit* <sup>2)</sup>. Ingenium primum ad res enarrandas maxime natum aptumque requiritur: tunc diuturni laboris patiens animus, et acris ac usu et experientia edoctum iudicium. Non solum enim omnes rerum memorias exquirere atque evolvere oportet, sed in veri investigatione diu ac solerter versari, comparare veteres scriptores, recentiorum examinare scripta, res omnes ad saniora principia et veras rerum causas idque ex solis monumentis revocare.

Quibus in rebus non diligentia modo, sed prudentia imprimis opus est: quae tanti facienda est, ut, si quid rerum scriptori interdum deerit, eloquentiae forte defectum facilius aliquanto patiamur, prudentiae nullo pacto. Doctiorum enim ac prudentiorum virorum proprium esse ducimus rerum memoriam historiae mandare: quod cum ab ipsa historiae natura et dignitate, tum Hebraeorum, Aegyptiorum, Persarum et Roma-

Qui scribere  
debeat hi-  
storiam.

Qui scriba-  
bant apud  
veteres.

1) II. Orat. XII. 2) *Πῶς δὲ ἱστορίαν συγγράφειν*, n. 34.

norum exemplo edocemur. Nam apud illos populos a viris principibus, a sacerdotibus, a magis, a pontifice maximo res gestae quondam scribebantur: quare Tatianus Graecos, qui olim secus fecerunt, non immerito reprehendit.

**Praecepta** Difficile est omnia historiae praecepta breviter complecti: hic tradenda. historia enim cum multis ex disciplinis ducitur, tum pluribus iisque gravibus legibus continetur. Nos tamen, quod instituti nostri ratio postulat, summa capita saltem attingemus. Dicemus itaque primo de natura et divisione historiae: tum de eius dispositione et proprietatibus; tandem de eiusdem ornamentis et stilo. Quibus ex rebus facile est ut colligamus quid vitae illustrium virorum, quid reliquae historicae scriptiones expetunt.

## § I.

### *De natura et divisione historiae*

**Natura: materies: finis historiae.**

Historia, quae si Platoni in Phaedro credimus, inde nomen accepit, quod praeteritarum rerum memoriam, ceteroqui interituram, sistat apud posteros, Antonio Mureto videbatur: *Rerum publice gestarum diffusa et continuata narratio*<sup>1)</sup>. Quae definitio, uti patet, non una re laborat. Universim enim historia dicenda est: accurata rerum humanarum ac divinarum, quae hominem spectant, cum causis, quae et ipsae factis innitantur, narratio; ut rerum praeteritarum experientia erudiantur homines. Nam primum materies historiae non sunt bella solum et triumphus, in quibus veteres historici fere solum sunt immorati; sed res omnes, quae ab homine vel a Deo, in gratiam ipsius hominis agente, proficiscuntur. Praeterea non consumendi otii causa, nec curiosa sciendi cupiditate inventa et perfecta est historia: sed ut eorum, quibuscum uno genere et communibus naturae legibus coniungimur, quique a nobis tempore aut loco dissiti sunt, res gestas cognoscentes, longa et varia eorundem experientia vitam recte instituamus, bonos informemus mores, belli et pacis colamus artes, ac privatae publicaeque vitae casus et vicissitudines prudentia antevertentes posteris nostris praeclariora virtutum exempla transmittamus.

**Necessitas historiae.**

Senserat hoc praeclare Livius: *Hoc illud*, inquit, *est prae-*

1) Vol. II. Orat. XXXIII.

*cipue in cognitione rerum salubre ac frugiferum: omnis te exempli documenta in illustri posita monumento intueri, unde tibi tuaeque reipublicae quod imitere capias: unde foedum inceptu, foedum exitu, quod vites <sup>1)</sup>. Habent enim maiorum exempla, nescio quam, immensam in animis vim: quare Tullius historiae eruditionem tantopere effert tamque vehementer commendat oratori: Nescire autem, quid antea, quam natus sis, acciderit, id est semper esse puerum. Quid enim est aetas hominis, nisi memoria rerum veterum cum superiorum aetate contexitur? Commemoratio autem antiquitatis exemplorumque prolatio summa cum delectatione et auctoritatem orationi affert et fidem <sup>2)</sup>.*

Sed cum hominum vita rebusque ab hominibus gestis arctissimo vinculo continentur ea omnia, quae Deus O. M. in gratiam tum cuiusque hominis tum totius humani generis, duplici illo naturae et gratiae ordine, ab ipso rerum exordio operatur. Quare in hominum historia divinam imprimis admiramur sapientiam, bonitatem, misericordiam, iustitiam: ita ut rerum gestarum cognitione ad illud, a quo profecti sumus, principium mente voluntate operisque praesertim bonis atque honestis revertamur.

Non ergo, quod contendit Favianus Strada <sup>3)</sup>, attribuendi sunt historiae fines omnino duo, princeps alter propriusque, alter nexus cum eodem et sequens; transmissio nimirum rerum gestarum ad posteros earumque perpetuitas, et posteritatis fructus in maiorum factis cognoscendis: sed solum hic postremus, hominum scilicet utilitas: boni enim et sapientis viri est maxima illa commoda, quae ex historia obvenire possunt, sibi praeponere. Quapropter Lucianus, Plutarchus, Halicarnasseus, alique doctiores homines unam utilitatem historico scriptori quaerendam constituerunt. Quamquam Tullius utrumque videatur complexus, cum historiam testem temporum, lucem veritatis, vitam memoriae, magistram vitae, nuntiam vetustatis appellavit <sup>4)</sup>.

Si quis magna arte historiam conscribere velit, instrui debet cum factorum scientia, quae facta ipsa exponit, atque illustrat, tum causarum cognitione, quae historiae est explicatio, ac in-

Dei cognitio  
ab historia.

Una utilitas  
ex historia  
expectatur.

Philosophia  
historiae.

1) Lib. I. Prooem.—2) I. Orat. XXXIV.

3) Lib. 2 Prol. 2 Hist. n. 9.—4) II. Orat. IX.

ultima actionum principia, liberam scilicet hominis vim et providam Dei gubernationem, ex cuiusque finibus ostendit. Nam homo utpote ratione pollens, quidquid agit, finis alicuius gratia libere agit: utpote sub Dei providentia constitutus, a Deo ipso in omnibus gubernatur ac regitur, ut divina gloria certe sequatur: ita ut quemadmodum ceterae res omnes homini serviunt, sic homo ipse Deo obsequatur, ac in eodem, ut inquit Augustinus, divina vel misericordia vel iustitia laudetur. Hoc sensu historia est: scientia liberae humani generis sub actuosae Dei providentiae legibus evolutionis; atque a recentioribus philosophia historiae appellatur <sup>1)</sup>, quam merito egregius eloquentiae magister duabus legibus regi vult: altera ut Christiana veritate nitatur; altera ut factorum studium principiorum usum antecedit a).

Historia critica.

Ab historiae philosophia non multum abluunt historia critica et coniecturalis. Critica historia est ea, quae sanae critices legibus ex pluribus iisque certis monumentis accuratiorem rerum gestarum narrationem contextit, earumque causas latius diligentiusque repetendo maiorem praeteritis aetatibus lucem affert, magna cum hominum utilitate. Hoc studio, quod ingenti animi magnitudine Bollandistae ad *Acta Sanctorum* prius attulerunt, recentiores nonnulli, praesertim Leo, Moeller, Luden, Hurter, Tillier, Lochner, Voigt, aliique maximam sequiori aevo <sup>2)</sup> lu-

1) V. B. H. Freudenfeld, *Principi della Storia*, § 1 e seqq.

2) Medio Evo.

a) *Toute philosophie de l'histoire doit s'appuyer sur le christianisme*, qui seul est de tous les temps et de tous les lieux; qui seul remplit et explique l'histoire, parce que seul il embrasse l'humanité dans ses faits universels, celui de sa chute et celui de sa rehabilitation; qui seul, enfin, enseigne l'idée exacte du gouvernement de ce monde, en nous faisant voir dans la société humaine des créatures libres sous une providence qui atteint toute limite et tout détail.

*L'étude des faits doit précéder toute application des principes.* Il ne s'agit pas de créer une histoire au moyen d'un système, en combinant une série d'idées abstraites et de conjectures plus ou moins probables: la philosophie de l'histoire ne peut pas, comme une théorie à part, être séparée de l'histoire même; ses résultats doivent surgir du milieu des faits et s'offrir comme d'eux-mêmes à l'observation, si elle est faite avec conscience et avec vérité.

Broeckaert, S. I. *LE GUIDE* P. IV. c. 6. a. 3.

cem et splendorem protulerunt, ac sanctissima Christianae Religionis iura et totius humani generis decus ab impiis atque in-  
 verecundis Robertsonii, Humei, Gibbonii, Hallami, Giannonis,  
 Bottae, universaeque voltairianae scholae iniuriis calumniisque  
 vindicarunt. Sed hoc philosophicae historiae genere abutuntur Hac multi ab-  
utuntur.  
 illi, qui vel incredulitatis aestu, vel partium studio abrepti non  
 rerum gestarum notitiam explicant; sed privata insanientis ani-  
 mi systemata, praeconcepta iudicia, et intestina contra Reli-  
 gionem et Respublicas odia, perversa rerum omnium interpre-  
 tatione et absurda doctrinarum ac morum eruditione, expo-  
 nunt. Quod malum adeo excrevit, ut nihil magis ad commune  
 hominum bonum, videatur optandum, quam sincera tantum et  
 nuda rerum expositio; iudicio de rebus ipsis prudentiorum le-  
 ctorum sapientiae relicto. Plerique enim e recentioribus histo-  
 ricis rerum gestarum causas non enarrare sed divinare et com-  
 minisci student, resque summa iudicii perversitate aesti-  
 mant <sup>1)</sup>. Qui cum Mabryo <sup>2)</sup> rogandi essent num ad ea rerum  
 studia diligenter animum adiunxerint, quae *κατασκευαστικά*  
 dicerentur, quaeque nullo modo ab historiae scriptore negligi  
 possunt? Num morum doctrinam, num ius naturae, itemque  
 gentium, num administrandae reipublicae disciplinam, num  
 universam Religionis, de qua tam praecipites iudicia ferunt,  
 scientiam didicerint? Quod si a poeta Horatius poscit, ut sciat:

. . . . . patriae quid debeat et quid amicis  
 Quo sit amore parens, quo frater amantius et hospes,  
 Quod sit conscripti, quod iudicis officium, quae  
 Partes in bellum missi ducis <sup>3)</sup>;

quanto magis haec et maiora ab historico sunt repetenda, qui  
 de rebus gravissimis, clarissimisque viris, magno omnium ae-  
 tatum vel commodo vel detrimento, debet iudicare?

Cum infinita illa tenebrarum, quibus pleraeque Graecorum Historia con-  
iecturalis.  
 ac Romanorum res obruuntur, caligo, tum nimius patriae glo-  
 riae amor, qui veteres historicos ad illustra tantum et cuius-  
 que gentis propria enarranda impulit, eruditorum quorum-  
 dam animum excitavit, ut ex antiquorum scriptorum compa-

1) V. Feder. Schegel. Filosofia dell'Istoria Lez. I.—2) Manière d'é-  
 crire l'histoire, I. 6r Entr.—3) Epis. ad Pis. v. 312...

ratione, et ex nummis, ex papyris, ex picturis, aliisque antiquitatis monumentis plenior et accuratior historiam constituerent. Eius generis historia, quia coniectando componitur, *coniecturalis* dicitur: quae si ab eruditis et sagacis iudicii viris scribatur, suo est in pretio. Sed ridendi sunt homines, qui quum videant viros in re antiquaria celeberrimos magnis saepe contentionibus se invicem discerpere, coniecturalem tamen historiam tanti faciunt, ut veteres omnes historicos ab Herodoto et Thucydide ad Ammianum Marcellinum et Aurelium Victorem iuniorem, a primis graecis ad ultimos latinos, impudenter in omnibus contemnant.

Divisio historiae: Vita.

Iam vero, ut ad alias historiae divisiones veniamus, si narratio complectitur cognitionem peculiarium cuiusque hominis actionum, vocatur Vita, seu *Biographia*. Quae cognitio non erit plena, nisi et consideretur etiam divina providentia, quae vel cuiusque hominis cursum singulariter regit, et homo huius vitae finibus non circumscribatur: vivit enim adhuc post mortem, et divinae providentiae leges non effugit. Quare cum nesciamus quid, post discessum a corpore, acciderit animabus, plenum iudicium de hominibus singulis non possumus informare; coniecere possumus. Hac ratione historia dicitur: *Schola morum ac regula vitae*, et egregia hominum educatrix semper extitit.

Historia particularis.

Cum narratio persequitur originem et progressum alicuius ex humanis societatibus, habetur historia Domus, Urbis, Imperii, Gentis, alia. Hoc etiam in genere considerari debet provida Dei mens, quae quamque societatem ad certum aliquem vel praescriptum vel permissum finem alia atque alia ratione moderatur. Sed domus, urbes, imperia, gentes, quae huiusmodi, praesenti tantum vita definiuntur, nec ad aliud aevum transcunt: quare haec puniri vel praemio affici debent. Propterea historia in hac re maxima proponit de divina providentia exempla, atque sic inspecta est: *Schola Politias*, et magistra eorum omnium, qui hominibus praesse solent.

Historia universalis.

Tandem narratio potest maxima amplitudine duci, ac omnes hominum societates uno generis humani titulo coniunctas spectare: tunc habetur humani generis historia, seu historia universalis, quae ingenio ac doctrina exposita ad excelsiorem scientiae gradum attollitur. Nam auctore Augustino, cuius mentem secutus est primum Salviānus Massiliensis, deinde



Benignus Bossuetus in aureo de Historia Universali sermone mirifice explicavit a), scriptor per tot imperiorum ac gentium casus et vicissitudines hominem ad supremi Dei sapientiam potentiam ac iustitiam admirandam ducit, efficitque, ut divina providentia, singulas res ad propositos fines adducens, oculis prope subiiciatur. Hac methodo descripta historia est : *Schola divinae providentiae*, generale hominum magisterium, atque, si placet, totius humani generis educatrix. Verum haec historiae ratio utrasque priores eiusdem historiae rationes complectitur, atque omnes fines ac decreta de societate atque homine constituta explicat.

Age, historia universalis dividitur in *antiquam* et *recentiorem* <sup>1)</sup>. Antiqua rursus dividitur in *sacram*, quae Dei populum, quantum ad constitutionem amplificationem ac perpetuam verae Ecclesiae vitam, spectat; et in *profanam*, quae respicit antiquos populos, ad mutuam Populi a Deo Electi veraeque Ecclesiae rationem comparatos. Utraque historia dividi adhuc potest in *historiam Populi Dei, ceterarum gentium, et imperiorum* : quare Dei providentiam in confusione linguarum et dispersione populorum, in vocatione Abrahae et in variis Populi Electi, Assyriorum, Persarum, Macedonum, et Romanorum tempore, casibus facile est suspicere.

Historia antiqua Sacra et Profana.

Iterum historia recentior, quae res omnes repetit ab adventu divini Servatoris, et Christianam Ecclesiam spectat, dividitur in *Ecclesiasticam* et *Profanam*. Ecclesiastica respicit divinae providentiae actionem in Christi Ecclesia condenda proferenda et ad haec usque tempora gubernanda : Profana exponit rerum recentiorum seriem ac successionem, quae, si recte scribantur, manifestant Dei per Christi Ecclesiam actionem quoad populos et imperia. Historia Ecclesiastica maximam illam suam periodum ad seculorum consummationem extendit : generatim ta-

Historia recentior Ecclesiastica et Profana.

#### 1) Moderna.

a) On pourrait encore se former le plan d'une histoire universelle, en remenant tout à quelques peuples célèbres qui se sont succédés sur la scène du monde, et à quelques époques principales qui ont été autant de révolutions pour le genre humain... C'est sur ce plan que Bossuet a composé son discours sur l'histoire universelle; ouvrage inutile aux personnes peu instruites, mais qui fera éternellement les délices de celles qui sont dignes de l'entendre. *Mably*, Manière d'écrire l'histoire.

men recentior historia tres adhuc periodos numerat: historiam imperii romani et priorum temporum Christianae Ecclesiae: historiam christianorum imperiorum, hoc est sequioris aevi; et historiam Apostasiae populorum, seu tria superiora secula, quae rebellionis fuerunt tempora <sup>1)</sup>.

## § II.

### *De dispositione et proprietatibus historiae*

Scriptoris diligentia.

Quam diligentem operam, quamque diuturnum studium in historiae materia perquirenda, monumentisque omnibus vel vestigandis vel iudicandis collocare oportet, ex ipsius historiae natura et officio intelligi potest. Historia enim tum fidissima veritatis testis est, tum aequissima personarum temporum rerumque omnium iudex. Sed tamen, ad delectum quod spectat, qui universalem scribit historiam, materiam habet certam et fere constitutam: quare, quam alii in eadem seligenda adhibere debent diligentiam, ipse ponet potissimum cum in statuendo fine, ad quem omnia conspirent, tum in rebus ita disponendis ut mutuo, velut causae et effectus, continenter se excipiant: non solum enim historiae finis e vestigio apparere, sed facta omnia ita coniuncta atque nexa esse debent, ut posteriores priorum motuum videantur effectus.

Argumenti delectus.

Verum qui particularem, ut aiunt, describit historiam, maximam etiam curam conferre debet primo ad materiam parandam tum ad eligendum argumentum, ex cuius narratione certa et publica commoda consequi possint. Argumenti enim delectus est praecipua dos historiae particularis. Nam, ut ait Mablyus <sup>2)</sup>, si aliqui excipiantur, qui romanenses tantum fabulas legere deberent, ceteri homines sterili delectatione minime expleantur; sed doctrinam expetunt, quae ingenui et liberalis hominis vita est et spiritus. Quare historiae scriptor in re, quam narret, semper veritatem aliquam, quae ad mores vel optimam reipublicae administrationem spectat, repraesentare debet. Quod facilius obtinemus, si temporum epochas periodosque et praecipuos rerum eventus, ex quibus libri librorumque capita na-

1) V. B. H. Freudenfeld, Storia universale secondo i veri principii. loc. cit.—2) V. Mably, Manière d'écrire l'histoire.

scantur, optime constituamus: in qualibet autem epocha singulari eventum quid solemne quid consequens sit praevideamus. Hanc sibi legem Thucydides, Sallustius, Herodianus atque ipse Plutarchus praestituerunt.

In utraque vero historia diu multumque cogitare debemus, ut optimam rerum seriem animo praecipiamus. Quae series duplex est: alia communis, artificiosa alia. Communis naturae aut temporis successionem persequitur, et ab origine res repetens, sine partium perturbatione attingit medium et ad finem naturali ordine accedit. Artificiosa autem, negligens temporis ordinem, res aggreditur unde commodius exordiri credimus, ac postea exponit ea quae praeteriit, et cum iis, quae supra narraverit, omnia nectens ad finem progreditur. Seriem artificiosam sequuntur ut plurimum poëtae, et saepe oratores: communem seu naturalem historici. Itaque historia fere solum rerum temporum ac locorum ordine continetur. Potest nihilominus historiae scriptor, imo interdum debet, aliqua postponere aut anteferre, si ita exigit rerum intelligentia et gravior historiae utiliorque expositio. Quod praeceptum a Theone et Luciano propositum confirmari potest exemplo Herodoti, et, quod mirum est in Annalibus, ipsius Cor. Taciti <sup>1)</sup>. Optime enim vero facti, qui ne confusio rerum oboriatur aut incepta narratio retardetur, eventum aliquem integre exponit, ut scribat deinceps ea, quae interim hic eveniunt vel geruntur alibi: nam habenda est etiam saepe locorum ratio atque rerum, ne lector in dissitas quasque partes eodem tempore feratur, vel rerum gestarum cursum identidem interrumpat, uti accidit in Thucydide.

Atque ut propius ad dispositionem accedamus, *Rerum ratio*, Ordo textus-ait Tullius, *ordinem temporum desiderat, regionum descriptionem* (quibus verbis chronologiae et geographiae studium commendatur): *vult etiam, quoniam in rebus magnis memoriae dignis consilia primum, deinde acta, postea eventus expectantur, et de consiliis significari quid scriptor probet, et in rebus gestis declarari non solum quid actum aut dictum sit, sed etiam quomodo; et cum de eventu dicatur, ut causae explicentur omnes, vel casus, vel sapientiae, vel temeritatis; hominumque ipsorum non solum res gestae, sed etiam, qui*

1) V. A. Mascardi, Trattato V. 5. cap. 5.

*fama ac nomine excellunt, de cuiusque vita atque natura* <sup>1)</sup>. Ea igitur dispositio videtur probanda, in qua cum breviter prae-miserimus illa, sine quibus difficile intelligentur ea quae nar-rabimus, sic res ordinur, ut priores eas, quae consequentur, generent, et narrationis corpus videatur ex ipsis factis gigni cre-scere et absolvi. Si ita fiet, non comminiscemur rerum causas : superiora enim facta eorum, quae succedent, erunt causae, et posteriora eventa gignent etiam alia ; praesertim si hominum rerumque omnium habeatur usus, cuius defectu veteres interdum peccaverunt. Sed si accidal aliquid, cuius ratio sufficiens in prioribus non appareat, possumus tunc causam vestigare, dummodo factis innitatur, nec unquam abripiamur praeciudi-ciis. Ceterum nec causas semper exponere debemus : si enim historia pro hominum non eruditorum usu scribitur, saepe in-utiles, saepe etiam damnosa est huiusmodi cura a).

Causae seip-sas producant.

Locus alia-rum rerum.

Descriptiones, orationes, digressiones, doctrinae morum, sententiae, et cetera eiusdem generis ornamenta, in quibus optimi quique historici maxime se diligunt, tam opportuno loco et adeo ad rem sunt adhibenda, ut si auferrentur vel imminue-rentur, aliquid pleniori historiae narrationi deesse sentiremus. Omnia autem, quae apta dispositione fuerint digesta, variis transitionum generibus sunt liganda. Perfecta transitio raro, saepius imperfecta est usurpanda ab historico, saepissime quae-dam propria historiae, et addiscenda a Caesare, Livio, ceteris-que, qui hac in re habentur praestantiores : mirum enim ip-

#### 1) II. Orat. XV.

a) Il est juste que les hommes, que la misère de leur condition ne condamne pas à tout ignorer, ne soient pas étrangers dans le monde qu'ils habitent. Ils doivent prendre dans leur éducation une idée générale de l'histoire universelle. Dans ces élémens destinés à instruire des jeunes gens, dont la raison n'est pas encore formée, il n'est point question de développer les causes des événemens, et d'étaler les richesses de la politique. Que l'écrivain cependant soit assez instruit pour éviter des erreurs dangereuses, et ne pas corrompre l'esprit, et le cœur de ses lecteurs, en leur faisant prendre des préjugés nationaux pour de vérités. Il doit se borner à former le cœur de ses lecteurs, les instruire de préceptes généraux de la morale, élever leur ame, et ôter simplement leur esprit en leur offrant quelquefois de réflexions que piquent leur curiosité. *Mably*, Manière d'écrire l'histoire.

modum ad optimam totius historiae compagem faciunt aptae transitiones <sup>1)</sup>).

Ut historiae proprietates feliciter constituentur, praestat historiae finem perspectum cognitumque habere: morum nimirum ac religionis sanctitatem, artium et scientiarum incrementa, rectam domorum ac rerumpublicarum administrationem vera solum et incorrupta rerum praeteritarum narratione in hominibus serere, colere, fovere. Itaque veritas, quae maxima virtus historiae semper habita est, non tam proprietas quam natura eiusdem historiae censenda est: ita ut, si veritas deest, ipsa historia esse desinat. *Nam ut animans, inquit Polybius, si eidem visum ademeris, inutilis totus evadit, sic ex historia veritate sublata, quod eius reliquum est, infructuosa existit narratio:* Ὡςπερ γὰρ ζῶον, τῶν ὕψων ἀραιρεθείσων, ἀχρειοῦται τὸ ὅλον, οὕτως ἐξ ἱστορίας ἀναιρεθείσης τῆς ἀληθείας, τὸ καταλειπόμενον αὐτῆς ἀνωφελὲς γίγνεται <sup>2)</sup>).

Historiae  
Veritas.

Quare Lucianus fere omnia historiae praecepta incorruptis scriptoris iudicio et fide definit. Hoc in genere veteres omnes ac recentiores valde tenaces et accuratos se profitentur: verum ut praeteream eos, qui Voltairium secuti, ad religionem insectandam moresque bonos corrumpendos historiam consulto vitia-  
runt, nemo scriptorum, ut ait Vopiscus (in vita Aureliani), quantum ad historiam pertinet, non est mentitus. Nam difficile est ea omnia effugere, quae in errorem vel falsitatem homines inducunt: timor scilicet potentium, vel studium partium, privata hominum vel urbium commoda, animi vel educationis praeiudicia, aestus, socordia, negligentia.

Scriptoris  
ides.

Iam vero, certa ad veritatis narrationem praecepta ante oculos sita esse ait Tullius: *Nam quis nescit, inquit, primam esse historiae legem, ne quid falsi dicere audeat, deinde ne quid veri non audeat; ne qua suspicio gratiae sit in scribendo, ne qua simultatis?* <sup>3)</sup> Quas leges, nimis verbose, sed ceterum egregie explicat Augustinus Mascardi <sup>4)</sup>. Strada partem illam, *ne quid falsi dicere audeat*, pulchra similitudine illustrat: *Soleo ipse historicos comparare cum eo pictorum genere, qui etsi in cetero artificio minus praestant, tamen in alicuius aspectu in-*

Tullii hac in  
re leges.

1) Mascardi, *Trat.* V. c. 3. part. 2.—2) Ex lib. II.—3) II. *Orat.* XV.

4) *Tratt.* II. cap. 3. e seqq.

*discreta pene similitudine figurando, atque in ipsa oculorum ac totius oris suavitate propemodum geminanda mirabiles successus habent, operaque consummant. Polygnotum aiebat Aristoteles solitum esse, quos exprimeret, facere meliores, Dionysium vero similes. In hac posteriore classe censeo historicorum picturam; ut quem litteris pingunt, et quasi colorant, veram eius speciem animo capiant, suisque lineamentis illum referant, tanquam per se illico agnoscendum: nec studeant naturae vitia artificio corrigere externarumque appositione rerum, velut alienis pigmentis oblitum, suoque ingenio conformare. Poëtarum hoc munus est in maius effingere, nec quemquam e singulis, sed hominum simulacra generatim uniterque proponere <sup>1)</sup>.*

Quatenus dicendum verum?

Illud autem, *ne quid veri non audeat*, ita intelligendum est, ut virtutes vel in hoste et maxime perditio homine plene semper recenseantur; nam qui virtutes omittunt, ait Polybius <sup>2)</sup>, id non minus quam mendacium in illis est culpabile: proferantur etiam rerum vel personarum adiuncta omnia, praesertim si facti vel personae iudicium melius instituendi opportunitatem praebeant. Sed vitia et facinora tunc solum sunt enarranda, cum sunt iam publica, cum privatas personas non respiciunt, cum certa narrationis utilitas apparet, cum ultro susceptae vel aliunde inflictae poenae etiam adiciuntur; nec unquam scriptoris astu vel imprudentia prodantur. Immo etiam cum necesse est turpe aliquid litteris tradere, nihil graphice aut nimis singillatim est describendum: nam historia utpote vitae magistra et morum disciplina abstinere debet a sceleribus, quae narrata et publicae civium honestati nocent et hominibus infamiae notam imprudenter inurunt, et scriptori ipsi sunt dedecori.

Luciani sententia.

Ceterum in rebus aliis habeat omnino illud Luciani: Τοιοῦτος οὖν μοι ὁ συγγραφεὺς ἔστω, ἄφοβος, ἀδέκαστος, ἐλεύθερος, παρρησίας καὶ ἀληθείας φίλος, ὥς, ὁ κωμικὸς ῥησι, τὰ σῦκα σῦκα, τὴν σκάφην δὲ σκάφην ὀνομάσων, οὐ μίσει οὐδὲ φιλεῖ τι νέμων, οὐδὲ φειδόμενος ἢ ἐλεῶν ἢ αἰσχυρόμενος ἢ δυσωπούμενος, ἴσος δικαστῆς, εὖνους ἄπασιν ἄχρι τοῦ μή θάττερω ἀπονείμει πλεον τοῦ δέοντος, ξένος ἐν τοῖς βιβλίοις καὶ ἄπολις, αὐτόνομος, ἀβασιλεύτος. *Talis igitur mihi sit historiae scriptor: sine timore, donis*

<sup>1)</sup> Lib. II. prol. 2. Hist. part. I. n. 19.—<sup>2)</sup> Lib. 14.

*non corruptus, sui iuris, libertatis et veritatis amans; qui, ut inquit Comicus, ficum ficum, scapham scapham appellet: non odio neque amicitia quidquam tribuens, neque parcens, aut miserans, aut reverens, aut verecundans: iudex aequus, benevolus omnibus usque eo, ut alteri non attribuat plusquam debetur: hospes in suis libris, et sine immodico civitatis aut imperii aut regentium amore* <sup>1)</sup>.

Ut autem haec omnia praestemus, eorum imprimis probatur iudicium, qui vetant nostrorum temporum res gestas a nobis

Quomodo impletur?

conscribi. Etsi enim, qui sui temporis res scribit, cum melius veritatem inquirere potest, tum et clariores rerum picturae inducere colores et opportune in ipso eventorum cursu quaedam ferre iudicia vel tradere documenta; tamen saepius ea sunt temporum locorum ac personarum adiuncta, ut facilius in ceteris historici viri officiis peccemus, quam tanta comoda consequamur: siquidem vel potentium hominum animos inconsulto irritamus vel in communi perturbationum aestu, partiumque studio, veritatem aut non assequimur aut temere et sine fructu prodimus. Nec vero a rebus praesentibus scribendis omnino abstinere debemus: sed cum scripserimus, eas diu multumque commentemur, expectemusque tempus, quo in publicum sine erroris aut imprudentiae periculo afferantur. Interim

Fugienda simulas.

se debet ab historico, si qua est, omnis simulas, quae maxime abesse debet ab historico, quaeque saepe a partium studio, ab ulciscendi desiderio, vel a publicarum rerum odio profecta, eo procedit, ut obtreectatio ipsa, saepissime mendacii et calumniis referta, a perditis scriptoribus scribendi libertas appelletur.

Praecipua etiam historiae proprietas est unitas, quae non solum ex locorum temporum ac rerum ordine et nexu exurgit, sed ex eo quod scriptor factis ipsis ostendendum prudenter sibi praestituit: puta si una res semper prae oculis habeatur, ac ita cetera, dum ab uno evolvuntur, se excipiant, ut arctam causarum ad idem tendentium veluti catenam efficiant, conspirentque ad eundem scopum. Romani ad succrescentem rerum potentiam et universum terrae imperium aspirantes miram historiae unitatem suppeditarunt Livio et Polybio; sed praeclarius hac in re eniceat Bossuetus, qui prior veram texendam historiae

Historiae unitas.

1) Πως δει . . . . . n. 41.

artem evolvit, eum ex rerum narratione admirabilem Dei providentiam effulgere fecit.

Unitatis necessitas.

Qui peculiare historias scribunt, facilius servare possunt, uti debent, unitatem, et offerre lectoribus unum veluti corpus, ne per loca, tempora, resque dispares temere evagentur. Actionis et finis unitas, quae tantopere requiritur in poësi praesertim epica, ut herois rebus animi intenti detineantur, aequae necessaria est in historia: postulat enim illam suapte natura humanus animus, qui nequit pluribus eodem tempore rebus attendere, quin dividatur quodammodo, ac ideo minus percettatur primum, tum fatigetur, irretiat tenebris, afficiatur taedio, nullum denique ex proprio studio consequatur fructum.

Perspicuitas.

Ex unitate et rerum connexione orietur perspicuitas, quae cum sit omnium scriptionum summa proprietas, in historia, quae omnibus intellectu facilis esse debet, requiritur maxima: proficiscetur autem potissimum ex ordine cum universo totius historiae, tum cuiusque partis proprio. Huiusmodi vero ordo in rerum praesertim expositione consistit. Quam ut recte ineamus, necesse est primum, ut rei, quam scribere aggredimur, vim omnem naturamque quam perspicue praecepimus; tum ut reiiciamus ea omnia quae vel sterilia sunt vel a re nostra aliena; tandem ut rem illam arripiamus, quae ceteris omnibus factis rebusque maxime dominetur. In quibuslibet enim consiliis, inceptis, negotiis eventisque unum semper aut duo eminent, quae per omnes successus, tanquam causae pervadunt, nec tuncque res singulas omniaque facta. Qui primum illum fontem et quasi principium invenerit, is facile lucidissimum ordinem rebus inducet.

Reliquae historiae dotes.

Reliquae sunt historiae dotes tres: scriptoris dignitas, rerum gravitas, et totius historiae in partes sibi proportionem congruentes divisio. Postulat dignitas, ut nihil plebeium, nihil vulgare, nihil scurrile aut ridiculum, nihil puerile aut nimis liberum sit: quibus vitis inficitur maxime Voltairius <sup>1)</sup>. Gravitas autem rerum exigit, ut animi lectorum narrationis utilitate capiantur: ad hoc confert, si posito rerum delectu, minutae res paucis, grandiores pluribus describantur: qua in descriptione, ut graphica illa sit, non tam multa, quam aptiora adiuncta sunt perstringenda. Tandem divisio totius historiae sic est facienda, ut

1) V. Mably, l. c. Sec. Entr. — Blair, vol. II. lez. 10.



partes aequae sibi invicem respondeant : multum enim unitati ac dignitati historiae officium magna illa discrimina inter unam aliamque partem.

### § III.

#### *De ornamentis et stilo historiae*

Ea historiae ornamenta censeo, quae cum nuda rerum gestarum expositione sic connectuntur, ut haec maiorem perspicuitatem et vim acquirat. Nam si maior inde perspicuitas ac vis absit, quidquid ad pompam additur supervacaneum est, et ut rerum narrationem retardat, sic historiae fructum impedit. Scribendi enim ratio concisa aequae ac plena in historia placet : diffusa non item : proluxa est omnino vitiosa. Ornamenta vero sunt descriptiones, ad quas saepe requiritur Geographia et Chorographia <sup>1)</sup> : appositae regionum vel civitatum de moribus, religione, artibus scientiis, et industriis, aut commercio notitiae : ethopoeiae et prosopographiae hominum insigniorum : orationes, maxime quae in senatu vel apud exercitum habitae sunt : publicarum rerum et morum ac religionis iudicia, gravibus interpuncta sententiis : tandem digressiones, quae nec crebrae sint, nec longiores ; in quibus cum fuerit nexus et cum delectatione utilitas, tum reditus ad rem aptus et concinnus esse debet.

Quae Historiae ornamenta?

Descriptio autem, quae interdum ad voluptatem etiam non frustra inscribitur, his regulis continetur : ut sit viva et efficax, rerumque, quasi gerantur, sub adspectum pene subiectio ; nam descriptio, ait Priscianus, est oratio colligens et praesentans oculis quod demonstrat : ut, praesertim in rebus maioris momenti non modo sit fidelis, sed maxime accurata ; propterea ut scriptor locum tempus aut rem, quam describit, optime noscat : ut in rebus gravibus leviorum rerum non inducatur descriptio : ut in rebus longe a nobis positis vel ignotis et novis ad minima quaeque scriptor descendat ; quod in cognitis, et in iis, quae oculis subiiciuntur, esset vitiosum <sup>2)</sup>.

1) V. T. Liv. lib. XLV. c. 23. MACEDONIA — Caes. B. G. Lib. VII. c. 25. ALESIA — C. Tac. Ann. Lib. IV. 67. CAPREAE.

2) V. Tit. Liv. Lib. I. c. 42. Alba diruitur. — Lib. XXI. c. 2 et 4.

Prosopographia Ethopoeia.

Ex quo fabulae romanenses percubuerunt, studium illud, quod a fabularum scriptoribus in oris habitu et corporis incessu describendis ponitur, ad historiam etiam saepe deducitur: perinde quasi plurimum posterorum interesset scire, quo quis statu, qua fronte, quo vultu, quo capillo, quo colore, quibus, diductis an compressis, labris usus fuerit. Est quidem prosopographiae quoque in historia locus, sed raro et parce <sup>1)</sup>. Saepius ethopoeia est delineanda, quae animum et mores hominum brevi sed accurata pictura legentium oculis offert: quare non solum opportune est describenda, sed ita graphice effingenda, ut paucis sed evidentioribus coloribus plena hominis imago habeatur <sup>2)</sup>.

Orationes vel conciones.

Orationes vel conciones, quae habitae sunt, magna fide adferuntur: verum ut possunt brevibus perstringi, cum non expedit integras referre; sic scriptoris stile exponi malunt, modo res ipsae in sententiis, vel mores hominum aut gentium in verbis non immutentur. Quod si sententias et opiniones, quas habitas ab hominibus acceperimus, praestat ab earumdem auctoribus directa oratione referri, meminerit scriptor id ita sibi licere, si et necessarium erit, et tum hominum character servetur tum temporum ac morum vera pingatur indoles <sup>3)</sup>. Tunc autem necessarium erit cum conciones aut deperditas aut ex tempore et interrupte habitas fuisse constat, ac si personae loquentes non inducantur, historia ipsa perpetua narratione langueat et frigeat, necesse est. Nec vero multum timendum erit, historiae ne veritas laedatur: nam si prudentia adhibetur, forma solum, quam scriptoris esse scimus, erit ficta; rei autem substantia erit vera: ponimus enim ex rerum monumentis personas inductas vel ita locutas fuisse, vel ita consuevisse et

*Sagunti oppugnatio.*—Lib. XXV, c. 8. *Tarenti obsidio.*—Caes. B. G. Lib. VI. c. 5. *Mores Gallorum*—B. C. Lib. III, c. 29. *Caesaris et Pompeii pugna.*

1) V. Cor. Nep. AGESILAUS, VIII.—C. SVET. IULIUS CAESAR, XLV, OCTAVIUS, LXXX.—*Giambullari*, Stor. d'Europa, lib. I. UNGHERI ANTICHI.

2) V. T. Liv. Lib. XXI. c. 4. ANNIBAL.—Lib. XXVI. c. 14. P. SCIPIO.—Corn. Nep. EPAMINONDAS, III.—ATTICUS, XV,—Corn. Tac, ANN. Lib. IV. I. SEIANUS—Hist. Lib. I. 49 GALBA.—C. Sall. Catil. XLIX. CAESAR ET CATO — *Giambullari*, Stor. d'Europa lib. I. SCAMBALDO.—*Davila*, Stor. delle guer. civ. di Francia, DUCA DI GUASA.—*Bartoli*, Stor. d'Inghilterra, ELISABETTA.

3) V. Mascardi, Trat. 2. c. 4. Trat. V. cap. 2.

tunc temporis debuisset loqui. Si scriptor potest, imo debet, ex rerum causis in ipsos reconditos hominum recessus penetrare, et eorundem sententias, consilia, desideria, motus animorum omnes prodere, quid mali erit, vel quid non potius commodi, si haec ipsa directa oratione a suis auctoribus manifestentur? Video nihilominus hanc sententiam recentiorum rerum scriptoribus, qui tot monumenta vel scripta vel typis mandata habent, parum vel nihil suffragari posse; imo nec vclim: sed valet plurimum ad veteres ab imprudenti quorundam nota defendendos. Quamquam nec id omnino opus est: veteres enim vel ipsas conciones habuerunt, vel certe monumenta, quibus nos modo caremus <sup>1)</sup>).

Reipublicae administrandae iudicia, morum doctrinae, et sententiae ex ipsis narrationibus, uti videre est praesertim in Tacito, nectantur et magnam prae se ferant scriptoris prudentiam, consilium, virtutem, gravitatem: neque enim temere quis alios erudiendi officium suscipere debet, neque historiae limites praeterire, et praeceptorum satietate lectorem offendere. Qui pro pueris historiam scribit, operae pretium facit, si longius in morum sentiis immoretur: qui vero pro hominibus iam eruditis scribit, is optimos quosque historiae scriptores hac in re imitabitur. Quam saepe sola rerum narratio, modo apta sit et morata, plus movet, quam nimis crebra et studiosa sententiarum acumina! <sup>2)</sup> Enimvero pauper sententiarum est Herodotus, Thucydides dives: parvus Livius, prodigus Sallustius, Caesar inops, Tacitus largus videtur. Quapropter hac in re ingenio scriptorum et rerum naturae paululum est indulgendum.

Sed ad stilum accedamus. Tullius cum dixisset ipsam historiae exaedificationem positam esse in rebus et verbis, *Verborum*, addit, *ratio et genus orationis fusu atque tractum, et cum lenitate quadam aequabili profluens, sine hac iudiciali asperitate, et sine sententiarum forensium aculeis, persequendum est* <sup>3)</sup>. *Historia currere debet ac ferri*, ait Quintilianus <sup>4)</sup>, et inferius: *Historia non tam finitos numeros, quam orbem quemdam contextumque desiderat. Namque omnia eius membra connexa sunt, quoniam lubrica est, ac fluit, ut homines, qui manibus invicem apprehensis gradum firmant,*

Iudicia, sententiae.

Historiae stilus ex Tullio.

1) V. Broéckaert, Le Guide, P. IV. c. 4. a 2. § 3.— 2) V. Andres, vol. III. part. 2. cap. 1. n. 103.— 3) II. Orat. XV.— 4) Lib. IX. c. 4.

*continent et continentur. Quare uno perpetuoque tenore duci debet historia, nec indigesta monumentorum et testium recitatione farciri vel crebris subscribi notis. Afferri quidem possunt monumenta et testimonia; sed ita ut cum unum historiae corpus conficiant, tum nostro proprioque stilo exponantur. Haec est pars stili in historia: reliqua innuit idem Cicero, Videtis, inquit, quantum munus sit oratoris historia? haud scio an flumine orationis, et varietate maximum. Quae in verba Strebaeus: Flumen, ait, orationis est copia tum verborum tum sententiarum: quae sicut flumen abundat, et impetu quodam continuo procurrit. Varietas alia rerum, alia verborum<sup>1)</sup>.*

De varietate  
Tullius.

Quamquam ad ea, quae veram historiae varietatem spectant, mirabiles illi affectus imprimis quaerendi sunt, quos varii temporum casus rerumque vicissitudines gignunt. Quare Tullius L. Lucecium hortans, ut civilis coniurationis, quam ipse Cicero detexerat, historiam separatim scriberet: *A principio, inquit, coniurationis usque ad reditum nostrum videtur mihi modicum quoddam corpus confici posse: in quo et illa poteris uti civilium commutationum scientia, vel in explicandis causis rerum novarum, vel in remediis incommodorum, cum et reprehendes ea quae vituperanda duces; et quae placebunt, exponendis rationibus, comprobabis, et si liberius, ut consuesti, agendum putabis, multorum in nos perfidiam, insidias, proditorem notabis. Multam etiam casus nostri tibi varietatem in scribendo suppeditabunt, plenam cuiusdam voluptatis, quae vehementer animos hominum in legendo scripto retinere possit. Nihil est enim aptius ad delectationem lectoris, quam temporum varietates, fortunaeque vicissitudines: quae etsi nobis optabiles in experiendo non fuerunt, in legendo tamen erunt iucundae. HABET ENIM PRAETERITI DOLORIS SECURA RECORDATIO DELECTATIONEM. Ceteris vero nulla perfunctis propria molestia, casus autem alienos sine ullo dolore intuentibus etiam ipsa misericordia est iucunda. Quem enim nostrum ille moriens apud Mantineam Epaminondas non cum quadam miseratione delectat? qui tum denique sibi avelli iubet spiculum, posteaquam ei percontanti dictum est, clypeum esse salvum: ut etiam in vulneris dolore aequo animo cum*

1) Comm. in II. Orat. XV.

laude moreretur. Cuius studium in legendo non erectum Themistocli fuga, redituque retinetur? Etenim ordo ipse annalium mediocriter nos retinet, quasi enumeratione factorum: at viri saepe excellentis ancipites varique casus habent admirationem, expectationem, laetitiam, molestiam, spem, timorem: si vero exitu notabili concluduntur, expletur unius iucundissima lectionis voluptate <sup>1)</sup>).

Verum historici stili leges propius complectitur Lucianus: Stili leges ex Luciano.  
Quantum vero ad dictionem et eloquenti facultatem attinet, vehementi quidem illa atque aspera, et periodis continua, et argumentis contorta, ceteraque vi oratoria non admodum exaratus, sed placide magis animo affectus, ad scribendum accedat historicus. Ac sententia quidem sit concinna et crebra; dictio autem dilucida et civilis, quae quam clarissime explicet materiam. Quemadmodum enim animo scriptoris metas posuimus, dicendi libertatem et veritatem: ita et linguae illius seu dictioni scopus unus primus, dilucide explicare, et clarissime rem declarare, neque obscuris et remotis ab usu nominibus, neque hisce de media turba et de caupona sumptis, sed talibus, quae vulgus intelligere, eruditi laudare possint. Sed tamen figuris quoque ornata sit dictio, non importunis, et quae vel minimum videantur quaesitae: alioqui, offis per nimia condimenta corruptis, similem orationem ostendit <sup>2)</sup>).

Multa alia et praeclara de historico stilo traduntur praecepta: quae huc videntur recidere; ut conciones, si quae sunt, non fiant semper circuitione illa oratoris propria, sed brevius rem proponant versentque gravius, et interdum vel homines vehementius inflamment, vel adversarios punctim ac caesim validioribus argumentis aggrediantur; ut descriptiones nec puerili luxu frigeant, nec nimia brevitate ac tenuitate siccae sint et exsanguis; ut sententiae seu ἀποφθίγματα ipsis verbis, quae adhibentur, acumen vel prudentiam prae se ferant; tandem ut singulae historiae partes colore illo inducantur, qui maxime cuiusque rei conveniat: nam sicut tota historia pure emendate et eleganter scribi debet; ita eius singula membra vario, pro rerum natura, stili genere exarentur, oportet.

Sunt qui poeticum stilum in historia requirunt. Qua de re Quatenus sti-

1) Lib. V. Fam. Epist. 12.—2) πῶς δὲ ἱστορίαν συγγράψειν.

lus crit poë-  
ticus.

Cautio adhi-  
benda.

Affectus in  
Historia.

iterum audiendus est Lucianus. *Atque mens quidem historici participet aliquid adsciscatque sibi poëtices, quatenus magna et ipsam eloqui et erigere se oporteat, praesertim quando aciebus et pugnis et navalibus praeliis implicatur: opus enim tunc erit poëtico quodam spiritu, qui secundo flatu vela impleat, celsamque per summos fluctus navim perferat: dictio autem nihilominus humi incedat, quae simul cum pulchritudine dicendorum et magnitudine attollatur, et, quantum licet, illis exaequetur: interim in peregrinitatem non exeat, neque ultra quam opportunum est, spiritu efferatur. Tunc enim maximum periculum est, ne insaniam pracepsque in poëticum furorem incidat. Itaque tum imprimis obtemperandum est habenis, et sobrietati studendum, cogitantibus magnum etiam in oratione vitium esse nimium et fastuosum equitandi studium. Optimum igitur tum fuerit, uti mentem velut equo vectam pedestri cursu comitetur elocutio, prehensio ephippio, ne ab impetu equi destituatur <sup>1)</sup>.*

Atque haec paullo fortasse longiora ideo attulimus, ut quorundam errorem praeverteremus; qui cum semel audierint historiae stilum ad poëticum accedere, nec scirent qua in re et quatenus, mirum quantum in tricas se coniecerint. Est quidem affectu quodam scribenda historia, ut res quasque propriis non lineamentis modo sed coloribus quoque effingat atque lectorum animos excitet ac delectet; sed abstinere debet ab iis stili artibus, quae vel proprio dicendi generi minus conveniunt, vel rerum veritati officere possunt. Atque ita intelligendus est ipse Plutarchus qui: *Is, inquit, optimus historiae scriptor habetur, qui narrationem personis, animoque movendo aptatis figuris ita conformat, ut picturam referat* <sup>2)</sup>.

#### § IV.

##### *De illustrium virorum Vita*

Scriptoris  
studium.

In illustrium virorum vitis, quas recentiores nov<sup>o</sup> vocabulo biographias vocant, describendis maius, quam solet, studium est collocandum. Nam si quid utilitatis ex historia capitur, capitur autem plurimum, ex illustrium hominum vitis colligitur

1) l. c. — 2) De glor. Ath.

potissimum: cum enim in iisdem expressam sapientis probique viri imaginem intueamur, *Reputamus animo*, inquit Plutarchus, *qualis quisque et quantus fuerit, et quae praecipua sunt cognituque pulcherrima ex rebus eorum gestis excerptimus* <sup>1)</sup>. Quare ipse Plutarchus affirmat se cum, ut aliis morem gereret, vitas scribendas suscepisset primum, sua deinde voluntate in laboriosa opera perstitisse, ut proprio consulere emolumento.

Iam vita hominum alia est privata, alia publica; alia ingenio optimisque disciplinis, alia virtute et sanctitate imprimis celebratur. Quare tria quatuorve vitae genera distingui videntur: sed tamen haec unius vitae partes saepe esse possunt, diversa genera esse non possunt. Cum enim ad singularem cuiusque hominis institutionem scribatur vita, privatos maxime mores persequi debet scriptor, eaque omnia, quae interiorum animi conditionem produunt, diligenter explicare: quare optime Muretus: *Qui vitam alicuius scribit, qualis quisque domi fuerit, qualis in uxorem, qualis in liberos, in familiares, in hospites, quo victu et cultu corporis usus sit, accurate ac diligenter exponit: qui historiam, haec omnia aut praetermittit, aut in accessionis loco, quasi aliud agens, strictim et modice attingit: ea tantum ex instituto persequitur, quae ad publicum pertinent* <sup>2)</sup>. Clarius etiam Plutarchus, qui hac in re magister esse debet, illustriores ac maximas res a Nicias et a Crasso gestas praeteriens, *Praecipue quidem*, inquit, *quae ingenium et motus illius viri sub calamitatibus multis et magnis reconditos detegant, perstringam; quae indolem eius et mores ob oculos ponant, tradam* <sup>3)</sup>. Videtis igitur quam inconsulto recentiores quidam vel de privatis hominibus non vitam sed historiam se scribere profitentur. At Plutarchus, etiam cum summorum imperatorum vitam scribit, negat se historiam scribere: *Οὔτε γὰρ ἱστορίας γράφομεν, ἀλλὰ βίους*. <sup>4)</sup> Verum cum quis ex occasione vitae egregii viri describendae certorum temporum narrationem cum eiusdem viri rebus coniungit, non est summopere culpandus, si opus suum historiam inscribit.

Ut illustrium virorum laudibus optimum oratorem aut poetam volumus; ita in eorumdem vitis conscribendis non tam esse debet?

1) Paul. Aemil.—2) Vol. II. Orat. XIII.—3) Nicias.—4) Alexander — V. Mascardi, Arte Istorica. Trat. I. c. 5.

eloquentem hominem, quam magna omnis virtutis et pietatis cum doctrina tum etiam experientia praeditum desideramus. Talis enim noster scriptor esse debet, qui non solum de universis virtutis et religionis officiis optimus sit cognitor; sed qui, omnium etiam animi motuum intelligens et bonus vel minimarum ad mores pertinentium rerum aestimator, aequum de iisdem iudicium ferre possit. Quare etsi propriam vitam scribere interdum liceat, ut errandi causam aliis mox scripturis praeipiamus; tamen difficile est non solum recte de nobis iudicare, sed vel imprimis fidem aliis facere. Diligens quoque et patiens esse debet vitae auctor: requiritur enim summa diligentia in colligendis rerum omnium memoriis, quae ad eum, cuius vita scribitur, quoquo modo spectant a): parvae enim res optimam viri imaginem plerumque exprimunt.

Distributio  
rerum in par-  
tes et capita.

Cum, undique iam conquisita materia, ad vitam scribendam accedamus, primum omnium quid potissimum in toto vitae cursu emicet, multum commentabimur; deinde totius operis corpus in congruas sibi partes dividemus. Tenenda enim est obvia illa narrationis series, in qua rerum et temporis ordo servatur, ut primum referantur ea, quae vitam forte antecesserint; tum illa quae acciderunt in vita; postremo, quae mortem sunt consecuta. Sed non de hac partitione sermo est: at de toto vitae cursu: hic autem ita dividi potest, ut, integra rerum et tempo-

a) Se poi debbo dire ancor di me alcuna cosa: Mia usanza è sempre stata, di non gittarmi a prender la penna per lasciare in memoria verun de' tanti, de' quali ho scritto, tra nelle istorie della Compagnia, e nelle lor vite da sè, prima di leggere con pazientissima diligenza quanto v'era possibile a rinvenire dell'attenentesi ai fatti loro: e ciò non correndo coll'occhio, come a null'altro fine, che d'apparecchiare e compartir la materia di ohe valermi: ma per istabilir meco stesso di tutta intera la vita e delle parti d'essa e della più o meno perfezione di questa e di quella virtù, quel più fedele e adeguato giudicio, che *ex allegatis et probatis*, come suol dirsi, mi pareva da formarsi. Perciò sempre col pensiero inteso a riscontrar fra loro le cose e venirle esaminando in qualità di giudice, prima che di scrittore. Così soddisfatto a me stesso, mi costituiva in mente la misura allo scriverne per modo che fossi certo di non far io un'originale da me, ma un ritratto: cui è fallo inescusabile così il farlo migliore, come peggiore del naturale: perocchè tanto non riesce vero nell'uno, come nell'altro. *Bartoli*, Vita del C. Bellarmino, lib. I. cap. 1.



runt serie, vel varias humanae vitae partes, vel diversos eiusdem status, vel alia atque alia hominum officia et munera complectatur. Atque haec tria divisionis genera videntur mihi hac in re maxime usurpanda: quippe quae omnia, quae in aliquo vitae gradu vel imitari possumus vel debemus effugere, uno exemplorum complexu proponunt. Numerus vero et natura partium ac capita, in quae illae sint dividendae, ab ipsa materia suggerentur: non enim excogitandae sunt partes, quae rerum defectu vel aliis non respondeant vel inutilibus impleantur narrationunculis. Virtutes etiam possunt totius vitae partitionem suppeditare; sed tunc melius perpetua quadam et summa rerum vitaeque narratio praecedat.

Constitutis iam partibus, rerum monumenta, quae ad singulas pertinent, in propria capita sunt revocanda: atque tum demum aggrediemur narrationem. In qua, nullo ut plurimum exordio, a die natali ad viri obitum historiam continenter persequemur: ita ut vel congruis solum transitionibus ab una ad aliam vitae partem accedamus; vel non solum partes sed partium etiam capita proponamus: utraque enim methodus optima habet exempla.

Unicum vero et perpetuum scriptoris studium erit fidelem et plenam hominum imaginem suis coloribus exprimere: hoc enim illi tandem est proprium, ut accuratam totius hominis, quem describit, effigiem repraesentet. Quae imago non maximis quibusque rebus, sed minimis plerumque effingitur: nam animi indoles habitusque levibus quibusdam parvisque indiciis maxime proditur; ab improvise scilicet dicto, vel responso, a tenui quadam actione, a quotidianis et communibus cuique operibus. Quare quae in historia reprehenditur, nimia minutarum rerum diligentia, in vita conscribenda summopere laudatur. Immo officii sui munus ignorat scriptor, si minimas quasque res negligit: lectores vero iudicii perversitate laborant, si illarum rerum narrationem fastidiunt, vel parvi pendunt eo quod non facta solum, sed modus, tempus, occasio, et cetera adiuncta describantur. Haec enim omnia religioso viro et huiusmodi rerum perito plurimum praebent non modo admirationis sed imitationis occasionem, ac veram, uti diximus, hominis imaginem claris pingunt coloribus.

Vidit hanc rem vel ipse Plutarchus: quare initio vitae Alexandri scribit: *Ὅτι ταῖς ἐπιφανέσταταις πράξεσι πάν-* Plutarchi sententia.

τως ἔνεστι δῆλωσις ἀρετῆς ἢ κακίας, ἀλλὰ πρᾶγμα βρα-  
χύ πολλάκις καὶ ῥῆμα καὶ παιδία τις ἔμφασιν ἡθους  
ἐποίησεν μᾶλλον, ἢ μάχαι μυριόνεκροι, καὶ παρατάξεις  
αἱ μέγισται, καὶ πολιορκίαι πόλεων. Ὡς περ οὖν οἱ ζω-  
γράφοι τὰς ὁμοιότητας ἀπὸ τοῦ προσώπου, καὶ περὶ  
τὴν ὕψιν, οἷς ἔμφαίνεται τὸ ἦθος, ἀναλαμβάνουσιν, ἐλά-  
χιστα τῶν λοιπῶν μέρων φροντίζοντες. οὕτως ἡμῖν δο-  
τεῖον εἰς τὰ τῆς ψυχῆς σημεῖα μᾶλλον ἐνδύεσθαι, καὶ  
διὰ τούτων εἰδοποιεῖν τὸν ἐκάστου βίον, ἰάσαντας ἐτί-  
ροις τὰ μεγέθη καὶ τοὺς ἀγῶνας.

*Neque in praeclarissimis actionibus omnino inest manifesta-  
tio virtutis aut malitiae, sed plerumque parvae res et verbum  
et ludus aliquis morum demonstrationem praebent magis,  
quam pugnae infinitos homines caedentes, et maximi acierum  
ordines, et urbium obsidiones. Sicut igitur pictores a facie et  
ab iis, quae circa visum sunt, ex quibus indoles apparet, si-  
militudines accipiunt, minimum ceteras partes curantes; sic  
nobis dandum est in animae signa ingredi, et per ea cuiusque  
vitam repraesentare, permittentes aliis res maximas et pu-  
gnas <sup>1)</sup>.*

Minuta dili-  
gentia.

Atque haec minuta diligentia excurrere debet ad quamlibet  
vitae rationem: *Nulla enim*, ait Cicero, *vitae pars neque  
publicis neque privatis, neque forensibus neque domesticis in  
rebus; neque si tecum agas quid, neque si cum altero contra-  
has, vacare officio potest: in eoque colendo sita vitae est hone-  
stas omnis, et in negligendo turpitudine <sup>2)</sup>.* Verum hic etiam ad-  
hibendum est iudicium, ne aut superflua aut inutilia scriban-  
tur: *Omnino autem*, inquit I. Capitolinus, *rerum vitium aut  
nulla scribenda sunt, aut nimis pauca, si tamen ex his mo-  
res possint animadverti, quae revera sciendi sunt, ut ex iis ce-  
tera colligantur <sup>3)</sup>.*

Quid in vi-  
tiosis?

Sed si quae vitia sunt narranda, turpe esset ad minuta quae-  
que descendere: satis est rei genus aperire et cursim inde trans-  
mittere; nec unquam cunctanter ac putide singula proprie de-  
scribere, quasi velimus nullam eius improbitatis particulam  
lectorem praeterire. Quae autem mira sunt, vel ad miracula  
spectant, referenda quidem omnino sunt; sed tamen maximo  
cum iudicio et consilio sunt admittenda, nec ad ea narranda ni-

1) V. Cic. I. Off. XL. 1.—2) I. Off. II.—3) In Opilio.

mio studio ferri debemus: non enim miracula, sed bene institutae vitae exempla potissimum sunt describenda, ut eadem concinnentur.

Ethopoeiae in hoc scriptionis genere maxime sunt propriae; Ornamenta.  
descriptiones nec crebrae nec longae; digressiones vero ut plurimum importunae. Quare nullo modo sunt ferendi, qui, prout rei cuiuslibet mentio fiat, modo de gentis origine, modo de urbis historia, qua de collegio, qua de pia aliqua sodalitate, nunc de rerum publicarum statu, nunc de innumeris aliis rebus longe lateque enarrant: ita ut si auferrentur ea omnia, quae ad vitam non pertinent, saepe minima libri pars reliqua foret. Sed non erat his locus: *Κενρσί πρὸς νόσσαν*. Fateor equidem digressionem interdum necessariam esse; sed ea a rerum intelligentia postulatur a); non obtruditur a describendi voluptate, qua feruntur nonnulli, praesertim qui non vitam, sed vitae historiam se scribere iactitant.

Morum quoque et virtutum documenta fere solum oblique Morum documenta.  
sunt insinnanda: debemus nimirum, ut de Historia monet Strada, sincere et continenter enarrare, ac malle tacite instruere, quam praecepta luce palam atque ambiziose tradere. Imitabimur itaque praesertim Nepotem, qui tanto studio lucem et dignitatem honestis et praeclaris illustrium virorum actionibus ipso narrationis cursu afferre nititur, ut non eorundem scribere vitam, sed unice lectorum fructum quacrerere videatur. Verum quantum stili elegantia et gratia praestat Nepos, tantum in perfecta vitae scribendae specie antecellit Plutarchus.

Nos tamen versabimur optima Italorum exemplaria, ex quibus Scribendi ratio.  
discere possumus maxime stilum: qui hac in re debet esse.

a) Io mi farò alcune volte lecito di fare come di sè medesimo S. Gregorio Pontefice disse, a somiglianza de' fiumi, che ove incontrino alcun basso vuoto, a lato delle loro vie, senza arrestare il diritto lor corso che tengono, si divertono a riempierlo, e passano oltre. Converrannmi, dico, ove necessità il richiegga, fare alcuna digressione, senza però tormi di via fuor del soggetto principale, che ho per le mani. Le cetere, disse S. Agostino, non si compongono solamente di corde, che sono la parte che in esse ha voce, e armonia. Havvene di molte altre, le quali, se si prendon da sè, son mute e sorde, ma poichè sostengono e legan le corde, ancor esse sono in un medesimo corpo musiche e sonore. Bartoli — Vit. di S. Ignazio, Prefaz.

purus, proprius, simplex: erit autem tenuis vel medioeris aut interdum gravis, prout res et locus postulabit. Duo vero commendanda sunt potissimum: primum, ut brevisitas ametur, ne librorum mole a legendo homines deterreantur, priventurque maximo illo fructu, quem ex Sanctorum caelitus praesertim exemplis colligerent: alterum, ut cultiori scribendi ratione alligantur animi, retineanturque quadam etiam stili delectatione capti. In quo eo magis nobis est laborandum, quod multi huiusmodi libri dicuntur scripti inconsiderate <sup>1)</sup>).

Scriptores  
probatissimi.

Neque vero in vitis conscribendis probabilem stili rationem comparare difficilis res est. Habemus enim, ut ceteros nunc mittam, Veterum Patrum vitas, quas tam pure tamque eleganter interpretatus est Cavalca: habemus vitam Beati Colombini, quam optimo dicendi genere exaravit Feo Belcari: habemus plurimum Sanctorum gesta a Daniele Bartoli admirabili stili gratia descripta: habemus et excellentium pictorum characteres a Georgio Vasari tanta elegantia expressos, ut Ioseph Parinius eorum studium vehementer commendaret. Optimi etiam hac in re putantur Cellini, Maffei, Mariani, Cesari.

## § V.

### *De reliquis historicis scriptionibus*

Ephemerides privatae. Ad historiam pertinent primum ephemerides, seu libri, in quibus res gestae per singulos dies scribuntur, et *diaria*, aut *acta diurna* etiam vocantur. Ephemerides aliae sunt privatae, aliae publicae. Privatae, quae *adversaria*, *commentarii*, *catendaria* dicta olim sunt, pro varia cuiusque vitae ratione et diverso rerum usu in varia genera dividuntur <sup>2)</sup>: sed utpote quae privatae sunt, certis praeceptis non possunt circumscribi. Earum tamen notitiae, maxime post scriptoris mortem, multum historiae possunt inservire. Quod percommode cadit, cum, ut est optandum, Principes ipsi, duces, et qui in republica versantur, vel per se vel per alios diurna huiusmodi acta conscribunt.

Ephemerides publicae seu acta diurna. Publicae ephemerides *acta diurna*, vel *acta* absolute olim dicebantur: alia senatus erant, alia populi, uti apparet ex Svetonio, qui et originem tradit: *Inito honore, primus omnium* (Caesar)

1) V. Cic. I. Tuscul. III. — 2) V. Mascard, Art. Ist. Trat. I. c. 3.

*instituit, ut tam senatus, quam populi diurna acta conficerentur et publicarentur* <sup>1)</sup>. In actis populi continebantur res rationesque populi, iudicia, supplicia, comitia, aedificia, natiuitates et mortes, matrimonia, alia: in actis vero senatus erat perscriptum quidquid in senatu agebatur, decernebaturque, imo ipsa magistratuum consilia, ipsi oratorum sermones: quod patet maxime ex dialogo, vulgo C. Taciti, de oratoribus: *Nescio an venerint in manus vestras haec vetera, quae et antiquorum bibliothecis adhuc manent, et nunc maxime a Muciano contrahuntur; ac iam undecim, ut opinor, Actorum libris, et tribus Epistolarum composita et edita sunt. Ex his intelligi potest Cn. Pompeium et Marcum Crassum non viribus modo et armis, sed ingenio quoque et oratione valuisse: Lentulos et Metellos et Lucullos et Curiones et ceteram procerum manum multum in his studiis operae curaeque possuisse; nec quemquam illis temporibus magnam potentiam sine eloquentia consecutum.* <sup>2)</sup> Scribebantur autem veterum acta maiori, quam a nostris diligentia delectu et auctoritate: quare multam eamque certiore materiam historiae suppediabant <sup>3)</sup>.

Recentiorum publicae ephemerides in politicas et litterarias Recentiorum comode dividuntur: illae antiqua senatus et populi simul acta Ephemerides. imitantes latius praepositam materiam versant, et quidquid in civili republica agitur, persequuntur: alterae in re tantum litteraria occupantur, atque vel quidquid in scientiis, in litteris, in artibus est actum inventum aut perfectum, vulgant; vel, sine eruditus digno hominibus constituto, ipsas scientias litteras atque artes continenti novarum scriptionum serie explicant, augent, illustrant, atque in omnium hominum bonum disseminant <sup>4)</sup>.

Politicae ephemerides aliae a viris per rempublicam constitutis scribuntur, et saltem cum reipublicae acta referunt multo sunt in pretio: aliae, quae, ubi libertas seu licentia scribendi viget, sunt infinitae, a privatis hominibus, vel partium studio, vel proposito alicunde stipendio, vel lucri solum cupiditate, vel tandem, quod est rarissimum, communi hominum bono exarantur. Priores, quae sunt paucae, Principum, ut par est, con-

Politicae Ephemerides.

<sup>1)</sup> In Iul. Caes. *X<sup>r</sup>*. <sup>2)</sup> N. XXXVII. <sup>3)</sup> V. *Andres*, Vol. III. P. II. c. I. n. 28. <sup>4)</sup> V. *Andres*, loc. cit. n. 66.

silio et prudentia reguntur: alterae iam iudicatae sunt ab iis, qui id maxime potuerunt <sup>1)</sup>. Nos illud meminimus, eas plerumque conscribi ab hominibus, qui nulla religione, nulla morum cognitione, nulla virtutum et vitiorum scientia, nulla privati et publici iuris notitia, nulla publicarum rerum experientia, in maximo omnium animi perturbationum aestu, de religione, de moribus, de virtutibus, de republica, deque omnibus civium iuribus et officiis non solum disputant, sed tanquam ex tripode pronuntiant, omnes res gestas perperam interpretantur, omnia consilia uti machinationes habent, in ipsum conscientiae sanctuarium irrumpunt, atque, cum nullo alio modo veritatem pervertere possunt, ad apertas calumnias et putidissima mendacia abripiuntur. Enimvero non desunt, qui bonis solum artibus magno animo multoque labore optimam causam agunt. Sed prae infinita stultorum multitudine, quam pauci sunt! quam exigui fructus spe laborant! cum veritatis et iustitiae una sit via; improbitatis et mendacii pene infinitae!

Earum ars et  
finis.

Iam plurimarum ephemeridum nulla est ars: pessimarum enim rerum propria sunt solum mendacia, calumniae, fraus, insidiae, doli mali. Sed qui studeat tot pravorum hominum sermonibus et scriptis strenue occurrere, is immensam illam rerum supellectilem, quae in tanto negotio est necessaria, primum diligenter sibi comparet; deinde quae sunt certa et fructuosa, solum narret aut explicet, atque relinquat coniecturas resque inanes; tandem aliquid singillatim sibi praestituat, quod factis ipsis obtinere emitetur, idque tam solerti diligentia, ut dum solum narrare, et lectorum sciendi cupiditatem implere videtur, scholam quamdam sapientiae et virtutis habeat: exemplorum enim disciplina et plurima vi pollet, et omnium mentium capta est accommodata. Saepe tamen lectorum ingenio est indulgendum, et ea sunt narranda, quae omitti poterant: nam scriptor prudens uti debet his crepundiis veluti ornamentis et lenociniis quibusdam ad animos hominum alliciendos. Datur etiam ephemeridum scriptori, ut in narrationibus ad minuta quaeque descendat, et in descriptionibus floridum adhibeat stilum: quamquam in quibusdam rebus amarem gravitatem, in aliis ingenuam quamdam festivitatem, in omnibus, sin minus

Indulgendum  
Lectoribus.

1) V. *Civiltà Cattolica*, An. I. *Programma* — An. II. vol. IV. pag. 285 c seqq. et alibi.

semper elegantem, certe puram nitidam ac perspicuam dicendi rationem.

Litterariorum ephemeridum scriptori alterutrum proponi potest: vel quae in dies scientiis et bonis artibus fiunt accessiones, et varia ad studium incitamenta fideliter omnibus significare; vel publicam quamdam et maxime communem religionis, morum, et civilis culturae scholam omni appositarum scriptionum genere instituere. Prioris naturae scriptores non conficiunt nisi rerum indices: quare ad eorum opus duo praesertim afferant; diligentiam nimirum in rebus colligendis, et in iisdem eligendis iudicium. Utiles profecto sunt singularum rerum ephemerides: sed ubi doctiorum hominum florent societates, curandum est, ut quoniam scientiae artesque omnes communi quadam cognatione et vinculo continentur, simul etiam cuiusque incrementa prodeant. Duo enim sequentur commoda: ut ephemerides magis magisque vulgentur; ut ad quaelibet rerum studia paulatim accendantur animi.

Litterariorum  
genus pri-  
mum.

Sed qui alterius generis ephemerides aggrediuntur, maiora quaedam afferre debent: atque imprimis animum cum ab omni partium studio vacuum, tum sincero veritatis, religionis, virtutis, et civium boni amore succensum; deinde maximam rerum divinarum ac humanarum scientiam, theologiam, philosophiam universam, historiam, eloquentiam; postremo exquisitam morum animorumque cognitionem, et industrem quorumlibet lectorum mentes subeundi artem. Quae omnia eo magis sunt expectanda, quod eiusmodi opera non a singulis viris, sed a delecta sapientiorum hominum manu suscipiantur. Ad materiem quod pertinet, cogitent auctores universam quidem rerum institutionem ab ipsis requiri; sed ita tamen, ut et quae sunt necessaria solum tractentur, et non uno veluti impetu, at per succrescentes quosdam gradus proponantur. Atque hac in re potissimum elucere debet scriptorum prudentia et industria: nam quemadmodum adolescentes, ita etiam populi prudenti methodo gradatim sunt educandi. Non multum igitur refert utrum novae an veteres sint doctrinae; sed ut nova saltem tradendi ratione, novis artis industriis, nova et omnium ingenio accommodata tractatione disserantur.

Genus alte-  
rum.

De stilo harum ephemeridum nihil fere addendum est iis omnibus, quae de scriptionibus didascalicis traduntur: nisi quod maior etiam perspicuitas, maior elegantia et ornatus, maior

Utriusque sti-  
mus.

gratia et lepor requiritur. Nolim autem omnino inurbanos quorundam iocos imitari, nolim iniuriosos et plebeios respondendi modos, nolim nimium invehendi impetum exprimere; ne tetra harum rerum caligine ipsa veritatis et virtutis lux infuseetur.

Fasti Varii.

Historiarum interitum vel scriptorum negligentiam compensare aliquando possunt non solum Acta, de quibus nuper locuti sumus, sed etiam Fasti et Annales. Fasti ab Actis in eo differunt, quod Acta res omnes publice a senatu et a magistratibus gestas narrant, ac significant tum leges decreta et iussa, tum ea omnia quae ad rempublicam pertinentia quocumque modo aguntur, licet minima: contra, Fasti res tantum illustres et maximas memoriae mandant, ac continent solum ea, quae ad Principes, Dictatores, Consulesque pertinent, item bella, victorias, triumphos, et quae sunt talia. Praeterea Fasti ad Inscriptiones proprie spectant: quare alibi sunt explicandi, ubi, quemadmodum veteres in magistratuum fastos et in triumphales partiri videntur, ita nostri in sacros, urbanos, et municipales commode dividuntur <sup>1)</sup>).

Quid Annales?

Fastos commemorasse videtur Tullius, cum ait: *Erat enim historia nihil aliud, nisi annalium confectio: cuius rei, memoriaeque publicae retinendae causa, ab initio rerum romanarum usque ad P. Mucium, Pontificem Maximum, res omnes singulorum annorum mandabat litteris Pontifex Maximus, efferebatque in album, et proponebat tabulam domi, potestas ut esset populo cognoscendi; qui etiam nunc annales maximi nominantur* <sup>2)</sup>. More Pontificis Maximi multi scripserunt illos, qui proprie Annales vocantur: quod ibidem tradit idem Tullius, qui et stilum eorumdem declarat: *Hanc similitudinem scribendi multi secuti sunt, qui sine ullis ornamentis monumenta temporum, hominum, locorum, gestarumque rerum reliquerunt* <sup>3)</sup>. Itaque annales sunt libri, in quibus perscribitur quid quoque anno accidat in republica, res gestae tum belli tum pacis, victoriae, triumphus, honores et praemia, templorum dedicationes, consulum ceterorumque magistratuum nomina, atque omnia quae maiori memoria videntur digna. Differunt autem ab Actis rerum nobilitate et continuo temporum ordine <sup>4)</sup>: a Fastis materia, copia textuque orationis: ab

1) V. More. V. I. p. 202. V. II. p. 120.—2) H. Orat. XII.—3) Ibid.

4) V. Tacit. Ann. XIII. 31.



Historia minuta temporum serie, nuda factorum expositione, et brevi rerum narratione: historia enim fusius res narrat, affert causas, describit loca, interponit conciones, aliaque longe lateque persequitur, quae in annalibus nullum vel angustum admodum locum habent <sup>1)</sup>. Ceterum annales, qui a Gellio dicuntur esse *cum res gestae plurimum annorum, observato cuiusque anni ordine, deinceps componuntur* <sup>2)</sup>, si veterrimos excipias saepe sunt ipsa historia maiori temporum ordine descripta. Quare si annales veterum exemplo scribuntur, puro et simplici stilo, nullo artis colore, exarantur; sed prout ab antiqua illa forma recedunt, tanto maiora artis et stili ornamenta admittunt, quanto ad historiam propius accedunt.

Annalibus gemina sunt Chronica, quae non sunt miscenda cum libris chronicis, seu cronologiis: differunt autem ab annalibus, quod hi commemorant quid quoque anno in una gente contigerit; chronica vero plurimum gentium res certo temporum ordine exponunt. Verum saepissime, auctorum modestia, appellantur chronica ipsae religiosorum Ordinum plus minusve probabiles historiae. Quare, quaecumque tandem sint chronica, iis, quas superius recensuimus, legibus continentur.

Memoria apud veteres pro ipsis litteris, historiis, et monumentis usurpabatur: quare inter officia domus Augustae fuit Magister Memoriae, qui praeerat illis, a quibus perscribebantur quaecumque memoria digna erant in imperii administratione: de his vero rebus commentarii conficiebantur, quos propterea *memoriam*, aut *sacram memoriam* vocabant. Sed nunc Memoriae sunt scripta, in quibus auctor non omnia alicuius temporis facta, sed ea potissimum referenda suscipit, quae aut ipse maxime cognovit, aut ad alicuius viri vel rei gestae historiam conscribendam vel illustrandam plurimum conferre possunt. Huius autem generis scripta praeter veritatem rerum et narrationis utilitatem, ceteras historiae virtutes non requirunt; singula quaeque persequi possunt, imo debent; et familiari quadam dicendi ratione, quae interdum animi ardore feratur, contenta sunt.

Nolui tamen his scriptoribus nimium indulgere in stilo: multa enim quae hominum incuria putantur superflua vel difficilia, saepe et facilia sunt et necessaria. Optimum, ut mihi videtur,

1) V. Mascardi, *Trat. I. c. 3.* — 2) Noct. Att. lib. V. c. 18.

*memoriarum exemplum esse possunt Caesaris Commentarii: qui ab ephemeridum usu fortasse profecti ad absolutissimas memorias succreverunt, ac tanta stili pulchritudine sunt descripti, ut nihil habere possint gratius, nihil elegantius. Quare Tullius: Atque etiam commentarios quosdam scripsit (Caesar) rerum suarum, valde quidem inquam, probandos: nudi enim sunt recti et venusti, omni ornatu orationis, tanquam veste, detracto. Sed dum voluit, alios habere parata, unde sumerent, qui vellent scribere historiam; ineptis gratum fortasse fecit, qui volunt illa calamistris inurere: sanos quidem homines a scribendo deterruit <sup>1)</sup>.*

## CAPUT III.

## DE INSCRIPTIONIBUS

Latine ne an  
vernacule  
scribendae?

De Inscriptionibus verba facturo primum omnium occurrit mihi quaestio illa: latine ne an vernacule exarandae sint modo inscriptiones. Ego vero ut nec omnes nec forte plurimas latine scribendas censeo; sic quae latine, quae vernacule scribi debeant, hic non definio: nihil enim dicerem, quo melius aliquid scriptori non suppeditent vel res ipsae et tempora, vel locus et personae. Ceterum in hac quaestione plurimum Alexandro Paravia a) nunc assentiens, ea praecepta generatim persequar,

1) Cic. De Clar. Orat. LXXV.

a) Io credo che latine si debban porre le iscrizioni nell'interno delle chiese per riverenza a quella Religione, che in latino celebra i suoi riti, e in latino innalza le sue preghiere. Ma dico nell'interno delle chiese; perocchè quanto all'iscrizione esteriore, che si suol mettere sulla porta di esse in occasione di qualche festività o di qualche esequie; sì come con quella iscrizione s'invita il popolo a entrare, bene è che sappia per che ragione egli entra; e poi, se volete da lui un ricordo, una lagrima, e ciò che più importa, una preghiera, come volete che egli vi esaudisca, se non v'intende? Vorrei similmente che latine fossero le iscrizioni, che si pongono non pur nel tempio di Dio, ma in quello altresì della scienza; ciò sono le università, le accademie, i licei... Desidererei altresì che le iscrizioni latine si adoperassero per le grandi epoche storiche, per quegli uomini e per que' fatti, che non ristretti per la loro celebrità all'an-

quae a sapientioribus viris communia fere habentur. Itaque pene Praecepta ex  
 ex uno egregio Morcellii opere <sup>1)</sup>, quod omnibus, qui hac in re Morcellio.  
 aliquid sapere volunt, maxime commendatum volumus, quatuor  
 potissimum breviter perscribam: primo inscriptionum naturam  
 et distributionem; deinde ordinem textumque inscriptionum,  
 quae suo certo genere sunt constitutae; tum earum, quae per-  
 spicuitatis gratia extra statuta genera a Morcellio tractantur;  
 tandem regulas inscriptionum communes. Ne vero praecepta, Exemplis fir-  
 quod videmus in recentiorum Rhetoricis, sint omnino ieiuna, manda.  
 ac nihil propterea hac in re prosint, aliqua addam exempla, in ob-  
 viis praesertim rebus: imo et vernacula quae occurrant, inter-  
 dum subiiciam, ut a latinis discrimen mature pateat, et regu-  
 lae iisdem, rebus apte variatis, accommodentur. Latinae enim  
 inscriptiones earumque praecepta ad optimas etiam inscrip-  
 tiones italice scribendas nobis usui esse debent. Enimvero Pe-  
 trus Giordani, qui, si excipias illam verae virtutis et religio-  
 nis interdum negligentiam, ac maledica eius acumina, quae  
 propter saepe friget, magis probabiles inscriptiones adhuc exa-  
 ravit, ex Morcellii, cuius legum fuit tenacissimus, fontibus sua  
 hausisse saepe fatetur <sup>2)</sup>.

## § I.

### *De Inscriptionum Natura et Distributione*

Inscriptio, praeter cetera, duo imprimis significat: titulum, Varia inscri-  
 qui est in fronte libri (*Intitolazione*); et epigramma (*Inscrizio-* ptionis signi-  
 ne) quod templis, statuis, columnis, sepulcris, et aliis huius- ficatio.  
 modi inscribi solet. Altera hac significatione hic de inscriptio-

gusto circolo di un paese, e gli uni e gli altri si possono dire Euro-  
 pei... Tuttavia si come anche con queste iscrizioni prima a' vicini  
 bisogna pensare e poscia a' lontani, prima a' concittadini e poscia a-  
 gli stranieri; io loderei che queste iscrizioni altresì, le quali si pos-  
 son veramente dire storiche e monumentali, fossero scritte in due  
 lingue, la latina cioè e quella del paese. *Paravia*, Epigr. Volg. lez.  
 II. — V. la lez. I.

1) De stilo Inscript. Latin. — 2) V. *Franc. Orioli*, Discorso intorno l'e-  
 pigrafi italiane. — *P. R. Notari* Trattato dell' Epigr. Lat. ed Ital. Ediz.  
 1836. — *Pier Ales. Paravia* dell' Epigr. Volg. Lez. Accademiche.

Varia inscriptionum nomina.

ne disserimus, quae Graecis est ἐπιγράφη vel ἐπιγραμμα, idque apud eosdem tum in scriptis, tum in lapidibus usurpatur. Quamquam vero *Inscriptio* usitatius nomen sit, tamen frequentissime apud Latinos invenies *Titulum*: nam certum est titulum inscriptionem esse, notam, indicem, elogium, quibus res dignoscitur, et quid valeat, quid contineat, cuius sit, monstratur: ut titulus sepulcri, aedium, statuæ, libri, picturæ, alius. Sed nihilominus titulus adhibetur praesertim pro inscriptionibus sepulcralibus; quibus etiam nomen est Epitaphium, Monumentum, Memoria, Memoriola, Mensa. Generaliores voces sunt Lapis, et Marmor. Tabulae erant, in quibus nomina scribebantur vel pingebantur: inscriptio statuarum vel imaginum vocabatur Index.

Quid est inscriptio?

Inscriptionis materies longe lateque patet: nulla enim res est, quae inscriptione non possit comprehendere. Quare difficile est inscriptionem accurata definitione complecti. Sed tamen potest inscriptio ita describi, ut sit: Brevis oratio, qua paucis iisque appositis verbis aliquo monumento insculpta personas aut rerum eventus, resque commemoratione dignas posterorum admirationi et memoriae commendamus. Quae definitio perennium inscriptionum est propria; sed facile temporariis accommodari potest, quae non posteros sed praesentes respiciunt a).

Christianae inscriptionis natura.

Nostrarum inscriptionum natura et indoles caelesti Christianae Religionis continetur spiritu; maxime qua praesens et futura vita simul spectantur, nec unquam vel minimum separari possunt. Atque hic spiritus, qui ab italicis praesertim inscriptionibus, quae seculi XVI. ingenio sunt conditae, saepissime abest, cum ab ipsis syllabarum apicibus eminere, tum non tantum ex phrasium et sententiarum natura, quam ex omnium rerum complexu efflorescere debet. Hoc universe de omnibus inscriptionibus: nec vero quaeritur, ut titulus quisque sit scholae virtutis aut religionis; sed ut appareat Christianusne, an ethnicus, an atheus sit, cui titulus est positus. In funebri autem inscriptione haec morum et virtutis doctrina plurimum, et quidem aperte vigeat b).

a) Io non crederò di male appormi, se in generale io definisco la iscrizione: Una breve scrittura impressa per memoria di qualche persona o di qualche fatto. *Paravia*, Epig. Volg. lez. I.

b) Io so che la iscrizione dovrebbe essere da se sola un docu-

Quare fontes seu loci huius scribendi generis proprii sunt Rerum loci. cognoscendi. Fontes autem alii sunt rerum et sententiarum; alii dictionum et formularum. Rerum et sententiarum fontes, sive latine sive italice scribis, sunt: primum sacer rituum christianorum liber, et generatim universa liturgia, quae, uti experienti patere potest, mirabiles sententias et adfectus suppeditat: tum Sacrae Litterae, si audentiores quasdam Orientis translationes excipias: scripta tandem sanctorum Patrum ac Doctorum Ecclesiae. Veteres Christianorum inscriptiones praeclarissimae sunt, sed obtemporum illorum calamitatem et breves sunt, et paucae: quare exemplo esse possunt: rerum copiam suppeditare nequeunt.

Dictionum ac formularum fontes ac locos, pro pigris nimium forte diligenter, collegit Morcellius libro tertio: idem melius pro inscriptionibus, quae ad sex genera revocat, adsignavit etiam universim Tullium, Caesarem, Nepotem, Livium: pro temporariis, si communi stilo non scribuntur, ostendit praesertim poetas illos, qui aurea Augusti aetate floruerunt, imprimisque Catullum et Horatium: pro nummariis Cornelium Tacitum: pro titulis rerum privarum Publium Syrum et Publium Terentium: pro poetiis inscriptionibus unam graecorum epigrammatum ἀνθολογίαν <sup>1)</sup>. Itaque, si lubet, omnem latinam

Dictionum  
fontes.

mento di civile sapienza e di morale virtù, senza che fosse duopo impregnarla di riflessioni e sentenze... Ma perchè le iscrizioni potessero sempre porgere questa, che io direi istruzione diretta, bisognerebbe che non fossero poste che agli uomini degni, bisognerebbe che fosse anche tra noi quella legge del severo Licurgo, che vietava di scriver versi sulle urne dei cittadini privi di merito... Ma per ciò appunto che le iscrizioni, così spesso profuse a chi meno le merita, non ci possono sempre dare quella istruzione diretta che vi diceva, duopo è che ce la diano indiretta; e la daranno quantunque volte contengano riflessioni e sentenze di tal virtù. che si stampino nell'animo del leggitore al modo stesso, stava per dire, che impresse son sulla pietra. Nè già intendo con ciò, che la iscrizione esser debba una filatessa di massime all'uso degli Orientali; basta che ve ne sia una, ma soda, ma vera, ma efficace, ma breve, che tenga quasi dell'epigramma, come facevano i Greci, nella cui Antologia le iscrizioni vanno a fascio cogli epigrammi. *Paravia*, Epig. vol. lez. III.

1) V. Morcelli v. III. P. II.

inscriptionem scribere possumus; maxime si adiungas Morcellio Morcelliana Schiassii et Ferrucci *lexica*, in quibus omnia inscriptionum auxilia habes.

Italicae inscriptiones.

Quod non est ita pro italicis inscriptionibus, quae vel copiam vel auctoritatem exemplorum adhuc desiderant. Sed tamen pro his praecipui dictionum et formularum fontes ac loci esse possunt Ricordanus Malespini, Dinus Compagni, Ioannes Villani, Barptolemaeus a Concordio, Bernardus Davanzati, Paullus Segneri. Plurima praeterea exprimere possumus ex Aligherio, Petrarca, ceterisque Italicae poëseos principibus: sed multo opus est iudicio, ut videamus quo loco et quatenus id licebit <sup>1)</sup>. Iuvat vero, ad privatum usum, ex omnibus probatis scriptoribus dictiones et formulas quasdam, maxime quae in frequentioribus inscriptionibus adhiberi possunt, diligenter excerpere, ac ordine iuxta Morcellianas divisiones, quoad fieri potest, digerere <sup>2)</sup>.

Inscriptionum divisio.

Difficilius est aptam inscriptionum divisionem proponere: obstat enim rerum varietas, et dispares hac in re sunt auctorum sententiae. Nos distributionem a Morcellio traditam ideo amplectimur, ut viri auctoritate nunc utamur. Ceterum Morcellii divisio optimis rationibus nititur: siquidem inscriptiones ita distribuit, ut ab usu earum et a causa locum singula suum, et proprias sedes habeant: id autem etiam pro opportunitate stili maximi est faciendum.

Sex genera.

Sex ergo, ut fere Morcellii verbis loquar, si constituentur inscriptionum genera, nulla omnino erit vaga. Nam genus primum, quod *Sacrarum* appellabitur, cum dedicationes et donaria tum vota et monumenta omnia sacrorum comprehendet. Alterum, quod est *Honorariarum*, omnes continebit, quae honorem cuique habitum demonstrent; sive imperatores hi fuerint, sive consules aut praesides aut ordinum ductores aut ministri sacrorum; sive denique viri sive feminae, vel gratia illustres, vel liberalitate, vel rebus gestis. In tertio, quod *Epitaphiis* tribuetur, viros item cuiusque ordinis, dignitatis, religionis; tum feminas, et pueros puellasque; ipsas etiam familias, sodalitatesque omnes numerabimus. In quarto, quod *Historicarum Inscriptionum* dices, fastis locus erit et consularibus inscriptionibus fere omnibus; operum publicorum privatorumque titu-

1) V. *Notari*, P. IV. cap. 7. — 2) V. *Notari*, P. III. cap. 3.

lis, legatis, donationibus, venditionibus, et iis quae sunt huiusmodi. Ad quintum genus *Ellogia* spectabunt, sive magistratum, sive hominum privatorum, sive etiam feminarum. In sexto, quod *Constitutiones Publicae* complectetur, leges habebis et edicta et senatus consulta et decreta municipiorum: tum foedera quoque et hospitia, rescripta et diplomata; tandem mensurarum et ponderum inscriptiones, collegiorum sive sodalitatum decreta et acta.

Facile ex superiore partitione quaelibet inscriptio ad suum Mixti generis genus referetur: ceterum quasi generum quorundam ampliorum seu mixtorum spectari possunt appendices quatuor. Quatuor. Quorum prima inscriptiones quascumque temporarias complectitur: Altera omnis generis nummarias: Tertia vero titulos omnes rerum privarum: Quarta denique quicquid in quolibet fere genere versibus constat. Haec ad verbum fere Morcellius <sup>1)</sup>: atque universa haec inscriptionum divisio tenenda etiam vel maxime in italica lingua, quae potius pauciora membra postularet. Non enim probarem eorum consilium, qui cum Notario, viro harum profecto rerum perito et studioso, inscriptionem in alia atque alia membra conciderent, quae neque satis propriis praeceptis, neque, quod caput est, optimis exemplis confirmari possint: cum tamen omnia praecepta, si quid valeant, ex probatis id exemplaribus obtinent.

Omnia, quae censuimus, genera inscriptionum praeclara Unde petenda latina exempla. apud veteres habent exempla, quae ut in latinis pangendis imitari, sic in italicis conficiendis inscriptionibus ad nostra deducere debemus; nec intemperantis ingenii aestu temere ferri. Quare ii libri praeferendi sunt, qui republica incolumi aut Augusto Principe scripti sunt: illius etiam aetatis inscriptiones, si quid sapimus, optimas putabimus. Paucae quidem sunt: sed paucitatem hanc supplet numerus earum inscriptionum, quae ab Octaviano Augusto ad Philippos Augustos confectae sunt. In aliis enim offendimur nota illa se abiicientis populi, quo nihil a Romanorum sermone abhorret magis: offendimur vel ipsis ampullis, et tot sesquipedalibus verbis, inani sono acuta nec tamen gravi subiecta sententia: offendimur etiam in plerisque barbarorum et *σολοικῶν* passim dispersione. Si quae vero ex illis senescentis latinitatis seculis seligi fortasse possunt in-

1) De Stil. Inscript. lib. I. Πρὸλ. §. II.

scriptiones, id doctiorum indicio est relinquendum, non tironibus, qui certis terminis tuto vagari debent.

## § II.

### *De ordine textuque sex generum Inscriptionum*

Quid titulus  
Deo positus? Distinguendus est primum titulus Deo, Caelitibusve positus, ab iis, quae dicuntur monumenta sacrorum. Titulus Deo vel Caelitibus positus est inscriptio ea, quae aut templum aramve dicatam, aut vota suscepta vel reddita, aut donum aliquod datum consecratumve cum aliqua saltem cultus significatione declarat. Sacrae Domus non solum Deo sed etiam Sanctis aedificantur et dedicantur, nec vero vota ipsa Sanctis Caelitibus soluta minus recte dicuntur: sed Altaria Deo uni dicari certum est. Dei vel Caelitis nomen praecedit, sequuntur apposita vel quasi apposita, ac omnia dativo efferuntur, nisi interdum praemittantur illa: *Honori, Sacrum, D. O. M. Sacrum, Numini. Aeterno. Sacrum, In. Honorem. Caelitis. N.* Tum adscribuntur ii qui dedicant et causa, si est, vel contra: tandem nota temporis, quae, si insignis est, initio etiam ponitur; si ex rerum adiunctis cognoscitur, interdum omittitur. Sub finem sunt formulae consuetae et impensae: ad latera vel inferius saepe scribuntur preces, vel dies quo sacrum faciendum est Numini, vel quid simile.

Eius leges.

(Molliani in agro Firmano)

DEO . OPTIMO . MAXIMO . SACRVM  
IN . HONOREM . MARIAE . VIRGINIS . SIDERIBVS . RECEPTAE  
ORDO . POPVLVSQVE . MOLLIANENSIS  
TEMPLUM . A . MAIORIBVS . OB . DEPVLSAM  
PESTILITATEM . EX . VOTO . CONSECRATVM  
VT . FREQVENTIAE . MVNICIPVM  
ET . STATIS . SVPPPLICATIONIBVS . AVGVSTIVS . PATERET  
PECVNIA . PVBLICA . ET . OMNIVM . SODALITATVM  
NOVA . FORMA . REFIENDVM . LAXANDVMQVE  
CVRAVIT  
DEDIC . VII . IDVS . IVN . AN . M . DCC . LXXIII.  
(Morcelli, V. IV. p. 6.)



( pro statuae basi )

FRANCISCO . XAVERIO  
 APOSTOLO  
 SOSPITATORI . ORIENTIS  
 QVOD . CAELO . RECEPTVS  
 CIVITATEM . QVAM . LVES . POPVLABATVR  
 PRAESENTI . OPE . RESPEXERIT  
 ET . APPELLENTE . AB . SANCIANO . NAVI . QVAE . SACRVM  
 CORPVS . EIVS . MENSE . POST . MORTEM . QVINTO  
 INTEGRVM . RECENSQVE . ADVEHEBAT  
 SECVRITATEM . CIVIBVS . SALVTEMQVE  
 REDDIDERIT  
 ORDO . ET . POPVLVS . MALACENSIS  
 CONSERVATORI . PATRIAE  
 ( M. IV. 15. )

( pro lychnucho pensili )

MARIAE . REDVCI  
 ET . ANGELIS . CAELESTIBVS . TVTELARIBVS  
 ANTONIA . LAVR . F . CLAVDIANA  
 PRO . REDITV . PAVLLI . AMERINI . CONIVGIS  
 ET . IVSTI . FILII  
 VOTVM . ANIMO . LIBENS . SOLVIT  
 ( M. IV. 4. )

Monumenta sacrorum ea sunt, in quibus, narrantis ritu, re- Monumenta  
 rum sacrarum, quaecumque sint, vel causa vel ordo memoriae sacrorum.  
 proditur. Eiusmodi sunt primo Leges dedicationum; secundo  
 Indices supplicationum votorumque sollemnium; tertio Kalen-  
 daria. Horum omnium leges, quae plus variae, quam difficiles  
 sunt, ex probatis maxime exemplis peti debent: sed Kalendaria  
 vide in Morcellio <sup>1)</sup>.

1) Vol. IV. p. 33. — Vol. V. p. 31.

( in agro Cremon. )

INDVLGENTIA  
 PII . VI . PONT . MAX.  
 DATVM . EST  
 QVI . DIE . NATALI . IOANNIS . BAPTISTAE  
 RITE . EXPIATI . SANCTA . DE . ALTARI  
 LIBAVERINT  
 VTI . AEDEM . EIVS . SINGVLI  
 RELIGIONIS . CAVSSA . SVBEVNTES  
 ADMISSORVM . POENA . OMNI . ABSOLVTI  
 QVOTANNIS . RECEDANT

( M. V. 35. )

( pro aedícula solo privato )

ALOISIO . GONZAGAE . ET . STANISLAO . KOSTKAE  
 PATRONIS . CAELESTIBVS . SALVTARIBVS  
 CVLTORES . EORVM  
 CLYPEA . EX . AERE . INAVRATA  
 NOSTRA . IMPENSA . POSVIMVS  
 ET . HAC . LEGE . DEDICAVIMVS  
 VT . NE . CVI . AMOVERE . TOLLERE  
 ALIOVE . EA . LOCO  
 ADFIGERE . LICEAT  
 VTIQVE . DIE . NATALI . VTRIVSQVE  
 FLORIBVS . ORNENTVR . AMBO  
 ET . CEREI . BILIBRES . DVO . AD . EA  
 ACCENSI . IN . DIEM . LVCEANT  
 VOS  
 CAELITES . SANCTI . NOVENSILES  
 QVI . HANC . VRBEM . HAS . SEDES . INCOLVISTIS  
 PRECAMVR . QVAESYMVSQVE  
 VT . ITA . NOBIS . VOLENTES . PROPITH  
 ADSITIS  
 RESQVE . NOSTRAS . BENE . IVVETIS  
 SI . OPIS . VESTRAE  
 NON . ALIENAE . LAVDIS . PROMERENDAE . CAVSSA  
 HOC . VOBIS . DEDIMVS  
 DONVM

( M. IV. 20. )

( pro pila marmorea ad aedem sacram )

KAL . SEPTEMBR .

PIO . VI . PONTIFICE . MAXIMO

ANNO . M . DCC . LXXXVI .

QVOD . TERRA . DIES . AMPLIVS . QVINQVAGINTA . MOVISSET

LABESQVE . MVLTIS

LOCIS . FACTAE . ESSENT . EIVS . REI . ERGO . SENATVS . CEN-

SVIT . IEIVNIUM

MARIAE . ADIVTRICI . ANTE . NATALEM . EIVS . INSTITVEN-

DVM . QVOD

SERVARETVR . QVOTANNIS . VOTO . SVSCEPTO . IN . ANNVM . CEN-

TESIMVM . SI . TELLVS

QVIESSET

( M . IV . 30 . )

Luigia F. Del Conte Pietro Verri

V. Di Giuseppe Confalonieri Patrizio Milanese

Alzò Questo Tempio

Perchè Del Caro E Virtuoso Marito

Fosse Raccomandata a Dio L'Anima

E Agli Uomini La Memoria

MDCCCXXVIII.

( P. Giordani . )

Giulia Noli

Liberata Da Grave Infermità

Dedicò

A Dio Onnipotente

In Onore

Di S. Caterina Vergine E Martire

( Manuzzi . )

In honorariis inscriptionibus, nisi interdum praeponatur vocabulum *Honori* cum genitivo, communior ratio est, ut honoratorum nomina primo versu, nec alio casu quam dativo, efferrantur. Succedunt honores et munera ea lege, quae melior videbitur: tum laus praecipua, seu apposita, quae ultimo etiam versu recte collocantur. Facienda est etiam mentio eorum, quo-

Leges inscriptionum Honorariorum.

rum impensa decreto vel studio honor habitus est, ac, si de civitate agitur, singuli ordines cum suis appositis sunt censendi. Denique si privati homines honorantur, adscribendum a quibus datus sit locus. Additur quoque nota temporis, annus et dies dedicationis, epulum, sportularum divisio. Si feminae primariae honorandae sint, eadem leges erunt, nisi quod earum honores fere a viris, parentibus, filiis, maioribus petendi sunt.

(Terracinae in aedibus Vitellior.)

PIO . VI . PONT . MAX.  
 PROPAGATORI . AGRORVM . LOCUPLETORI . CIVIVM  
 OPTIMO . PRINCIPI  
 AD . MEMORIAM . OPTATISSIMI . ADVENTVS  
 ANNO . M . DCC . LXXX.  
 QVVM . HISCE . IN . AEDIBVS . APRILI . MENSE  
 DIES . QVATVORDECIM . HOSPITATVS . EST  
 DOMVS . VITELLIORVM  
 NOBILITATA . ET . AVCTA  
 OMNI . INDVLGENTIA . ET . LIBERALITATE  
 EIVS

(M. IV. 60.)

(Romae ad Pantheon)

PETRO . METASTASIO  
 CIVI . ROMANO  
 PRINCIPI . ITALICI . DRAMATIS  
 IOANNES . MARIA . RIMINALDVS  
 FERRARIENSIS . PRESB . CARDINALIS  
 ANNO . M . DCC . LXXXVII.  
 NE . VIRO . VBIQUE . GENTIVM . CLARISSIMO  
 HONOR . IN . PATRIA . DEESSET

(M. V. p. 62.)

( Sotto il busto del Galileo )

Galileo

Che Più D'Ogni Altro Dotasti Il Mondo  
 Di Nobilissimi E Fecondi Veri  
 E Più D'Ogni Altro Per Amor Del Vero  
 Dall'Ignoranza E Dall'Invidia Patisti  
 Finirà La Tua Gloria  
 Quando Il Genere Umano  
 Cessi Di Vedere Il Sole Ed Abitare La Terra  
 (P. Giordani.)

A Carlo Goldoni Veneto  
 Principe Della Commedia Italiana  
 Fecero Affettuosi E Riverenti Questa Memoria  
 Alquanti Veneziani  
 Perchè Di Tanto Onore Ed Esempio  
 Lasciatoci Da Quell'Unico Maestro  
 Più Glorioso Che Fortunato  
 Non Paresse Sconoscente Tutta L'Italia  
 MDCCCXXI

(P. Giordani.)

Partim honorariis, partim temporariis inscriptionibus adscribuntur recentiores librorum dedicationes, et volatiles illi tituli, quos maxime oderat Morcellius, quique chartis tantum impressi, ubi quis magistratum aut curationem, aut quid aliud adeptus sit, alii atque alii sparguntur in vulgus. Res quidem ridicula est: scribuntur enim tituli, qui nulli unquam monumento sunt inscribendi. Sed interdum indulgendum tempori, cui obsecutus est olim ipse Morcellius.

Huc pertinent dedicationes librorum et tituli vacui.

( Tibure ob disputationem )

QVOD . FELIX . FAVSTVMQVE . SIT  
 HONORIS . OFFICIQVE . CAVSSA  
 GREGORIO . SCIP . F . CLARAMONTIO  
 EX . DECVRIONIBVS . CAESENATIVM  
 PONTIFICI . TIBVRTIVM  
 ADLECTO . INTER . ANTISTITES . DOMVS . PONT . MAX.  
 ADSTATORI . AD . SOLIVM  
 CVIVS . OPE . CONSIPIOQVE  
 INGENIA . CIVIVM . VIGENT  
 LITTERAE . ATQVE . ARTES . IN . SPEM . VETERIS  
 GLORIAE . FLORESCVNT  
 IACOBVS . ALOIS . DEC . F . LOLLIVS  
 IN . CONSESSV . SPLENDIDISSIMI . ORDINIS  
 AD . EXPERIMENTA . PHYSICAE . LOGICAEQVE  
 DOCTRINAE . PVBLICANDA  
 LECTAS . SOPHORVM . SENTENTIAS  
 CORAM . PRAESENTI . PRAESENS . OBFERT  
 SEQVE . DEDICAT  
 OPTIMO . PATRONO

(M. V. p. 271.)

Le Benedizioni Di Quel Signore  
 Che Fa Santi Gli Affetti  
 E Venerande Le Nozze  
 Ti Accompagnino All'Altare  
 O Marietta Graziani  
 Che Ti Leghi Oggi Per Fede Maritale  
 Al Valoroso Giovane  
 Bar. Attilio Bandiera  
 Le Virtù Del Tuo Animo  
 E Le Grazie Della Tua Persona  
 Infiorino i Giorni Del Padre E Dell' Avola Tua  
 I Quali Con Le Affettuose Loro Sollecitudini  
 Ti Apparecchiarono A Sì Invidiata Ventura  
 (Pier-Ales. Paravia.)

## § III.

*Sequitur ordo textusque sex generum Inscriptionum*

Nemo est, qui nunc epitaphium non condiderit. Sed multa Epitaphio-  
 eaque vitiosa hac in re occurrit varietas. Veteres fere primum rum Regulæ  
 extulere nomina casu nunc recto, nunc patrio, saepius dativo :  
 Nominibus adscribebantur honores, sacerdotia, munera : lau-  
 des tum defunctorum uno alterove appposito complectebantur.  
 Vita autem et res gestae raro et breviter narrantur, idque inter-  
 dum ab ipso defuncto. Adiciebatur nota temporis et vitae an-  
 ni, auctores monumenti, salutationes, sententiae, preces.  
 Praeterea in Feminarum epitaphiis placuerunt nomina diminuta,  
 laudum copia, et diligens munerum expositio : in Pueris  
 vero Puellisque emicant teneri affectus, maxime per apostro-  
 phem, laudes a gratia a forma a moribus a doctriua ab ingenio;  
 tum magnae parentum doloris significationes. Tandem sepulcra  
 communia habent ipsa propria epitaphia, quae a ceteris simplici-  
 tate et certis quibusdam formulis clausulisque distinguuntur,  
 et pro rerum varietate varie ex probatis exemplis sunt expri-  
 menda.

( Claris )

A X Ω

HEIC . ADQVIESCIT

ANTONIVS . ANDR . F . ANDREIVS

PATER . LIBERORVM . QVINQVE

PIETATIS . STVDIO . REI . FAMILIARIS . CVRA

SEDVLITATE . OFFICIORVM -

AMOREM . CIVIVM . ET . LAVDEM . EMERITVS

ANNOS . NATVM . LVIII.

ANDREAS . FILIVS . SVPERSTES . DEFLEVIT . AMISSVM

V . NON . MART . AN . M . DCCC . XVIII.

AVE . PARENS . DESIDERATISSIME

PAX . TIBI . ET . GAVDIA . CAELESTIVM

( M. IV. p. 367. )

(In fin. Mant.)

CINERIBVS . ET . MEMORIAE  
 IACOBI . FRANC . F . ACERBI  
 VIRI . REGIONIS . ATQVE . VICINITATIS . SVAE  
 EXISTIMATIONE . ET . VIRTUTE . PRINCIPIS  
 ADLECTI . INTER . IVRIS . CONSULTOS  
 OMNIBVS . HONORIBVS  
 ET . MVNERIBVS . INTECRE . FVNCTI  
 QVEM . INGENIVM . AD . OMNIA . VERSATILE  
 ET . RERV . VRBANARVM . RVSTICARVMQVE . SCIENTIA  
 PATRIAE . PERVTILEM . REDDIDERE  
 PIVS . VIXIT . ANN . LXXX . MENS . VI.  
 INVICTO . A . CVPIDITATIBVS . ANIMO  
 NVLLA . MOLESTIA . FRACTVS  
 COMITATE . ET . LEPORE . CARVS . CVIQVE  
 DEC . PR . NON . IVL . AN . M . DCCC . XI.  
 FVNERE . EIVS . PLVRIMIS  
 CIVIVM . LACRIMIS . HONESTATO  
 MARIANNE . RIVA . CONTRA . VOTVM . SVPERSTES  
 MARITO . INCOMPARABILI  
 FILI . VIII . PATRI . OPTIMO . DESIDERATISSIMO  
 FAC . CVR .  
 AVE . MAGNA . ANIMA . DECVS . LYMENQVE . NOSTRV  
 ET . VALE . IN . PACE . X

(M. V. 142.)



( Tibure in Templo Max. )

A X Ω

IVLIO . MATTHAEO . NATALI  
 EX . INS . CORSICA . DOMO . OLETTA  
 VIRO . ANTIQVAE . VIRTVTIS  
 AB . IPSA . ADOLESCENTIA  
 FRVGI . ABSTINENTI . DOCTO  
 CVIVS . CONSILIO  
 GRAVES . SAEPE . CONTROVERSIÆ  
 IN . VRBE . DIREMPTAE  
 CONCORDIA . CAESENÆ . PARTA . EST  
 VICE . SACRA . ANTISTITE . RELIGIONVM  
 PER . SABINOS  
 PONTIFICI . TIBVRTIVM  
 ANNOS . XVII.  
 AVCTORI . PIETATIS  
 RESTITVTORI . ET . LOCVPLETATORI  
 AEDIVM . SACRARVM  
 ALTORI . EGENORVM  
 QVI . VIXIT . ANNOS . LXXVIII . M . VIII . D . XXVII.  
 DECESSIT . VI . KAL . SEPTEMBR.  
 ANNO . M . DCC . LXXXII.  
 COLLEGIVM . CANONICORVM.  
 BENE . MERENTI  
 CVM . LACRIMIS . POSVIT

( M. IV. 96. )

(Brixiae)

MAGDALENE . HEIC . SVM . PITOZZII . VXSOR  
 QVAE . LIBEROS . LAETA . LVBENSQVE  
 EDVCAVI  
 CVM . IPSO . CONIVGE  
 PROBOS . OBSEQVENTES . RELIQVI  
 EADEM . EGENORVM . IMMEMOR . NVNQVAM  
 GRATA . PARENTIBVS  
 QVI . MIHI . PIETATE . PRAEIVERVNT  
 DECESSI . IN . PACE . X NONIS . MAIIS  
 ANNO . M . DCCC . XVII.  
 AVETE . FILII . SVAVISSIMI . ET . VALETE  
 VOS . MANEO . APVD . CAELESTES

(M. V. 175.)

(Brixiae)

LACRINVLAM . TIBI . HOSPES . HABETO  
 RITE . EGO . LOTVS . EVOLAVI . AD . SVPEROS  
 XIII . KAL . IANVAR.  
 BENE . MATRI . PRECATVS  
 QVOD . VRBE . BELLI . METV . TREPIDANTE  
 ME . SEPTIMO . LVNAE . CVRSV  
 MATVRVM . CAELO . EDIDISSET  
 AT . HEIC . EXVVIAS . MEAS . COMPOSVIT  
 MARTINENGVS . PATER  
 QVVM . VIXISSEM . HORAS . V.

(M. V. 176.)

(Brixiae)

OCTAVILLA . M . FLAVIANI . F.  
 ANNOR . XV  
 HEIC . SITA . EST  
 DELICIVM . DOMITILLÆ . MATRIS  
 SOLACIVM . EVNICES . AVIAE  
 QVAE . INGENIVM . ACRE  
 FORMAM . PRAECLARAM  
 ORNABAT . PIETATE . SINGVLARI  
 ΟΤΚ . ΑΠΕΘΑΝΕ . ΤΟ . ΚΟΡΑΣΙΟΝ  
 ΑΛΛΑ . ΚΑΘΕΤΔΕΙ

(M. V. 177.)

A X Ω

DOMVS . MORTALITATIS  
CINERIBVS . ATQVE . OSSIBVS  
REVICTVRIS

(M. IV. 121.)

(Romae)

ANTONIUS . RAPHAEL . MENGES  
EQVES

LOCO . EMPTO

MONVMENTVM . FECIT

MARGARITAE . GVAZZIAE

VXORI . CARISSIMAE

BENE . MERENTI

ET . SIBI . LIBERIS

POSTERISQ . SVIS

ANNO . M . DCC . LXXIII.

IN . FR . P . X . IN . REC . P . XII.

(M. V. 181.)

(Brixiae in templo Pacis)

OSSA . HEIC . SITA . SVNT  
SODALIVM . PHILIPPIANORVM  
QVI . PRIMI

BRIXIAE . CONVENERE

QVAE . HVC . TRANSLATA . VIII . ID . IANVAR.

ANNO . M . DCCC . VII.

EX . HYPOGEO . VETERIS . AEDIS . PACENSIS

VBI . PRIMITVS . CONDITA . REQVIEVERANT

VALETE . AVCTORES . ET . PARENTES . NOSTRI

VLTIMA . PROGENIES . VESTRA

AETERNAM . IN . X PACEM . ADPRECAMVR

(M. V. 183.)

Qui Giace  
 Giovanni Bocchietti  
 Di Anni LXXII.  
 Uomo Benefico E Cristianissimo  
 Morto Lietamente  
 Il XIV. Di Ottobre Del MDCCCXXVI.  
 I Fratelli Bocchietti  
 Eredi Testamentari  
 Posero All'Avolo Benemerito  
 (Manuzzi.)

Stefano Di Andrea Galbetti  
 Cristiano E Cittadino Ottimo  
 Vissuto LXIII. Anni  
 Più amato dagli uomini che dalla fortuna  
 Lasciando memoria durabile  
 E desiderio di se  
 Per quanto a salute della patria  
 E culto di questo santuario  
 Fece in tempi di calamità e di pericoli  
 Passò agli eterni premii della virtù  
 Il dì XVI Dic. MDCCCXXVI.  
 (P. Giordani.)

Qui è sepolta  
 Anna Grassalini Pisana  
 Pia Generosa Cortese  
 Visse Molto E XXV Anni Cieca  
 La Ricompensi L' Allegrezza Dell'Eterna Luce  
 Che Le Prega Da Dio Affettuosamente  
 La Figlia  
 Lisabetta Galeotti V. Tanciani Mini  
 MDCCCXXVIII.  
 (P. Giordani.)

Felicia

Nata Del Conte Giambattista Giovio  
 Vedova Del Marchese Carlo Porro Carcani  
 All'Unico Figlio Galeazzo  
 Vissuto XVII. A. II. M. IIII G.  
 Caro A Tutti Per L'Indole E Le Speranze  
 Troppo Maggiori Dell'Età  
 Morto La Notte De' XV Sett.

MDCCCXXI.

Oh Figlio Mio Oh Mio Unico Bene Perduto  
 In Che Lungo E Dolente Esilio Lasci La Tua Povera Madre  
 Finchè Io Ti Riabbia Dove Non Si Muore  
 (P. Giordani.)

Memoria

Di un vago Angioletto  
 Venuto in terra  
 A prendere il nome  
 Di Bebbino Vellori  
 E subito rivolato ai celesti  
 Il quinto di Aprile  
 MDCCCXXI.

(Muzzi.)

Addio lettore

Fui Alberto Manuzzi  
 Fanciullino di mesi VI ore VIII  
 Lacrimato dai miei genitori  
 Domenico e Maria  
 Il XVI di Ottobre MDCCCXXII  
 Addio caro Angioletto  
 Ti sovvenga di me

(Manuzzi.)

Qui Dorme  
 Nunziata Di Luigi Fossati  
 Fancellina Soavissima Dolcissima  
 Chiuse I Begli Occhi All'Alba del 20 Ag.

MDCCCXX

Visse X Anni Penò V Di  
 Cara Angioletta  
 Il tuo zio paterno Andrea  
 T' invidia  
 L'esser presto e innocente fuggita  
 Dal reo mondo  
 Ma non sarà lieto mai più  
 Privo per sempre del tuo sorriso  
 Consolatore

(P. Giordani.)

Qui fu posta  
 Luisa Marini Milanese  
 Fanciullina  
 Di sembianze angeliche  
 Di maniere amabilissime  
 Fu ubbidiente fu caritatevole fu divota  
 E visse soli anni V  
 Morì nel giorno dello Spiritossanto  
 Del MDCCCXVI  
 Celso padre e Giovanna madre  
 P.  
 Dolentissimi

(Muzzi.)

**Inscriptiones Historicae.** Historicae inscriptiones non rerum celebrandarum, sed memoriae publicae retinendae causa solum scribuntur. Ad eas vero pertinent Fasti, Inscriptiones operum publicorum, et Indices tum locorum publicorum privatorumve, tum eorum, quae legata donata vendita aut empta sunt.

Fasti alii urbani sive municipales, alii sacri nunc esse possunt: in illis principes, magistratus, et res, vel a pluribus vel ab uno gestae, breviter dilucide cum nota temporis et propriis cuiusque formulis recensentur: in aliis Pontifices unius Ecclesiae describuntur omnes, rebus, quas quisque gesserit, adiectis, et cum templorum conditoribus ac restitutoribus, tum rituum etiam municipalium dierumque festorum originibus indicatis. Fastis adnumerantur Indices decurionum atque sodalium. Quin fastorum forma scribuntur funesti quidam eventus ad posterorum lacrimas fugamque ciendam. Fastorum exempla pete a Morcellio, qui te docet non generales solum sed particulares esse fastos, quibus non longi temporis res, imo factum aliquod singulare ab uno Pontifice vel Principe gestum describas.

Inscriptiones operum publicorum fere ab auctore operis incipiunt: succedunt tituli, magistratus, munera, ut in inscriptionibus honorariis: tum res seu opus, et laus aliqua; quamvis haec non semper. Verbum autem, quo aut suscepta cura, aut opus perfectum, aut sumptus facti indicantur, vix omititur. Explicatur etiam qua pecunia, et cuius decreto titulus sit positus, sed nullae plerumque sunt clausulae: annus tamen et dedicationis dies, et curatores adscribuntur. Indices locorum publicorum privatorumque geminam habent formam: aliam longiusculam atque ad normam inscriptionum confectam, quae operibus publicis praefigebatur: aliam contra brevem, nullisque magistratibus insignem; ut ad finem tantum locorumque discrimina posita videatur. Tandem Indices eorum, quae legata donata vendita aut empta sunt, pauca habent propria, nec fere abeunt a forma, qua operum publicorum inscriptiones conficiuntur. Primi autem plerumque inducuntur, a quibus res aut pecunia profecta est: excipiunt magistratus, munera, et raro apposita virtutis: tum res donata empta vendita, atque usus vel opus in quod quid datum legatumque sit.

Ellogia non sunt confundenda cum inscriptionibus honorariis, quas aliqui qua Caelitum Sanctorum qua priscorum dum imaginibus subscripserunt. Constat ellogium ideo inventum, ut posterius ad virtutem legendo excitentur: quare ut vitia aut quae recte facta non videntur, si qua forte offendas, dissimulanda ac praetermittenda sunt; ita ex ipsis virtutibus praeclarisque factis ea solum deligenda, quae eximia putantur, quaeque habent admirationem. Initium vero ellogii unum o-

Inscriptiones operum publicorum.

Indices locorum.

Indices alii.

Ellogiorum series.

mino erit; a nomine, quod recto casu erit usurpandum: deinde sanctis caelitibus, ut de his nunc loquar, sacerdotia munerique adscribenda sunt, et si quis constitutor Collegiorum, aut familiae religiosae parens fuerit, non est omittendum: praecipue autem ea subiicienda cognomina, quae quisque a rebus gestis invenerit, efferendique tituli, quos quisque sibi laboribus et virtute pepererit. Post haec narratio incipiet, quae res gestas dilucide at breviter tamen complectetur: expositis factis, virtutes etiam commemorantur, quae praeclarissimae sint, atque appositis, quae virtutis praestantiam animique excellentiam extollant, distinctae. Sed illud cavendum maxime ne agnominatibus argutiisque utamur illis, in quibus neque veritatis multum inesse solet neque dignitatis. Extremis potissimum Ellogii versibus de extraordinario honore mentio facienda est, si cui quis habitus sit: veteres addebant interdum quidquid etiam post mortem in clarorum virorum honorem publice factum esset <sup>1)</sup>.

Constitutiones publicae.

Constitutionum publicarum praecepta minus hodie videntur tradenda: iamdiu enim apud plerasque gentes, repudiato latini sermonis usu, quidquid publice edicitur, vernacula lingua, idque nulla propria forma, explicatur. Verum enim vero latino sermone usi sunt identidem atque utuntur non pauci, tametsi in argumento versantur fere non ita magno. Leges potissimum Latinae et prope veteri stilo occurrunt in hortis, puta ad exedras xystorum, in collegio poetarum, vel eruditorum hominum, et frequentius etiam in bibliothecis: quin decreta etiam quandoque et leges invenies, a doctis hominibus nostrorum temporum conscriptas. Hoc in genere formularum magna est copia. Ordo autem textusque constitutionum publicarum facilis est, si habeantur prae oculis veterum exempla, tum partitiones, quas fecit Morcellius: nam hic non vacat omnia persequi. Morcellii partitiones sunt: Leges et Edicta, Senatusconsulta et Decreta civitatum, Tabulae foederum et hospitiorum, Rescripta et Diplomata Principum, Inscriptiones mensurarum et ponderum, Decreta et acta Collegiorum.

1) V. *Morc.* V. IV. p. 263.



( Vtinam missa )

IDIBVS . MARTIIS

ANNO . M . DCC . LXXXII.

VTINAE . IN . SCHOLAM . ORDINIS . CANONICI . FREQUENTES . QVVM  
CONVENISSENT . VERBAQVE . FACTA . ESSENT . QVO . DIE . PIVS . VI  
PONT . MAX . PARENSQVE . PVBLICVS . GERMANICAE . PRO-  
FECTIONIS  
CAVSSA . VTINAM . SVMMA . OMNIVM . ORDINVM . LAETITIA  
INGRESSVS . ESSET . ET . IN . TEMPLVM . MAXIMVM . A . COL-  
LEGIO . N .

DEDVCTVS . SACRO . ADFVISSET

VTI . MEMORIA . EIVS . DIEI . QVI . FVIT . III . ID . MART . ANNI  
CHRISTIANI . M . DCC . LXXXII . LITTERIS . CONSIGNATA . PO-  
STERIS

TRADERETVR

PLACVIT . VNIVERSIS . DECRETVM . DE . EA . RE . CONSCRIBI  
IDQVE . SAXSO . INCISVM . AD . OPTATISSIMI . ADVENTVS  
FAVSTITATEM . ET . NOSTRI . ORDINIS . TOTIVSQVE . CIVITATIS  
RELIGIONEM . AC . STVDIVM . CELEBRANDVM . EODEM . IN  
TEMPLO . FIGI . CENSVERVNT

( M . IV . p . 299 . )

( Romae in museo Kircher . )

QVAE . DONO . DATA . COMPARATA . EMPTAVE . IN . MVSEVM  
AD . HANC . DIEM . INLATA . DEDICATA . SVNT . QVAEQVE  
POSTEA . INFERENTVR . DEDICABVNTVR . EA . OMNIA  
COLLEGI . ROMANI . PRIVATA . PROPRIAQVE . IVRE  
MANCIPII . SVNTO

SI . QVID . EORVM . QVIS . CLEPSEKIT . AVT . DOLO . MALO  
CORRVPERIT . VIOLARIT . HIC . SIBI . PONTIFICIS . MAXIMI  
DECRETO . SACRIS . INTERDICTVM . SCIAT

CIVES . HOSPITESVE . QVICVMQVE . AMANT . LITTERAS  
STATIS . DIEBVS . SPECTATVM . ADMITTVNTOR . HDEM  
QVVM . LIBVERIT . REDEVNTO

HIS . DESCRIBERE . QVAE . VELINT . ET . IN . CHARTIS . EFFINGERE  
LICETO

MOVERE . QVID . ALIOVE . TRANSFERRE . NE . LICETO

( M . IV . 280 . )

( pro agone litterario )

QVOD . FELIX . FAVSTVMQVE . SIT  
 TRIGINTA . PRIMI  
 E . SCHOLA . RHETORICA . COLL . ROM.  
 SI . CVI . COMMODYM . EST . INTERESSE  
 IDIBVS . AVGVSTIS  
 DISCIPLINARVM . LIBERALIVM . EXPERIMENTA  
 PVBLICABVNT

( M. IV. 285. )

( De Supp. edictum )

EX . PATRICHS . VIRI . MATRONAEQVE  
 QVI . QVAEVE . IN . SVPPPLICATIONEM  
 VENIENT . CVLTV . ET . HABITV  
 CVM PRIMIS . GRAVI . PRO . DIEI  
 MYSTERIQVE . SANCTITATE .  
 SVB . NOCTEM . ADSVNTO . MODESTE  
 COMPOSITE . PROCEDVNTO . PATRIAE  
 RELIGIONEM . ET . PIETATEM . PRAESEFERVNTO  
 (Ferrari.)

## § IV.

*De Inscriptionibus mixti generis*

Inscriptiones  
 temporariae  
 sacrae.

Temporariarum inscriptionum aliae sunt sacrae Precationum Votorumque causa ; aliae ad festos apparatus atque pompas ; aliae funerum publicorum. Primae sic fere scribuntur, ut populus ipse aut omnes collegii sodales loquentes inducantur , quin tamen eos nomine appellari necesse sit: quippe eos vel locus ipse vel precationis verba designant. Ab ipsa autem Dei aut Caelitum invocatione fere exordimur , ac precationem aut voti formulam continuo subnectimus. Precationum vero votorumque materia sunt : in secundis adversisque rebus gratiae agenda, auxilium implorandum: tunc si princeps convaluerit, si prole auctus sit, si victoriam ab hoste retulerit: item si bella ingruant, si calamitas agris impendeat, si salus civitatis in discrimen vocetur. Addenda causa et quid petimus, quid pro-

mittimus subscribendum. Stilo opus est presso et aequali ; ut oratio et simplex et gravis sit, non sententiis arguta, non verbis sonans. Clausulae nullae ; nam uno et perpetuo tenore carmen ab initio ad finem deducitur, idque breviter : ut praepositas tabulas perlecturi uno prope adspectu, quae vota publica sint, et ediscere et tenere possint.

(Mediolani)

SOLLEMNIA . IN . TRIDVVM  
MARCELLINAE . VIRGINIS . SANCTISSIMAE  
RELIQVHS . EIVS  
IN . FRATRIS . BEATISSIMI . TEMPLVM  
INLATIS  
QVORVM . PRAESIDIVM . CAELESTE  
ECCLESIA . MEDIOLANENSIS  
IMPLORAT

( M. V. p. 262. )

( ficti arg. )

QVOD . HODIE . VOVIMVS  
LAVRENTI . SANCTE . MARTYRVVM . FORTISSIME  
NATVRAEQUE . POTENS  
VT . LVE . DEPVLSA . AEGRAM . CIVITATEM  
SOSPITATOR . LIBERES  
TRISTISSIMO . PERICVLO  
AST . TV . EA . ITA . FAXIS  
TVNC . TIBI . IN . EADEM . VERBA  
CIVITATIS . NOMINE  
QVAE . NVNC . AEDES . IMMERITO . SQVALET  
A . SOLO . RESTITVTAM  
MARMOREAM . VOVEMVS  
ESSE . FVTVRAM

( M. IV. 306. )

Festi apparatus, pompaeque sollemnes religionis pietatisque Festi appa-  
ergo saepe instituuntur, saepe ad publicas supplicationes ha- ratus.  
bendas : interdum quoque laetitiae et gratulationis causa, quod  
parta ex hoste victoria ; quod claro civi honores singulares, aut  
summa imperii delata sit ; quod adventus Principis , regales  
nuptiae, reditus victoris exercitus, triumphi instar, celebrentur.

Id genus inscriptiones qua historicis qua honorariis similes sunt, nota temporis excepta, quae abest: stilo etiam magis ornato ducuntur. Huc enim laudes, huc gratulationes, huc vota precesque totius civitatis referuntur: sententiae usurpantur breves, verba electissima: numerosa vero ac proprior versui oratio.

( Claris )

MICHAELI  
INVICTO . BELLIPOTENTI  
PRINCIPI . CAELESTIVM  
CVRIA . TERTIA . POPVLO . BIFARIAM . SVPPLicANTE  
HONORES . ITERAT  
IMPLORATISQVE . PRECIBVS VOTA . SOLVIT  
( M. V. 268. )

( Ad effigiem martyris )

X AVE . SEVERINE . MARTYR  
TVAM . TIBI . IMAGINEM  
ANDREAE . CONTI . MERITO . DICAT . PIETAS  
PATRONO . INVICTO . CAELESTI  
QVANDO . ROMAE . ANAGNIAM . PRAEFERENS  
HVC . AD . NOS . VOLENS . PROPITIVS  
CYRIACAE . EX . ARENARIIS  
IN . TEMPLVM . ANDREAE . APOST . LAETA . POMPA  
CONCESSISTI  
TE . IAM . IPSE . ET . DOMVS . TOTA  
TE . ORDO . ET . POPVLVS . ANAGNINVS  
STVDIO . COLET . SEMPITERNO  
RELIQVIAE . TRANSLATAE . ANNO . M . DCC . LXXXI  
( M. IV. 309. )

( Brixiae ad templ. max. )

SVCCEDE . AVGVSTE  
 X IVSTITIAE . VINDE . AMOR . POPVLORVM  
 HEIC . TE . MANET . QVI . STATOR . REGNORVM . FVIT  
 REX . REGVM . CHRISTVS  
 QVOIVS . NVMINE . PRAESENTISSIMO  
 FAVTORES . RERV . NOVARVM . A . TE . PERCVLSOS  
 PERDVELLIVM . EXERCITVS . FVSOS . CAPTOS  
 IN . DEDITIONEM . ACCEPTOS  
 PACEM . ET . SECVRITATEM . PVBLICAM  
 ITALIAE . EVROPAEQVE . REDDITAM . ESSE  
 CVRATORES . TEMPLO . PERFICIENDO  
 CVM . CIVITATE . VNIVERSA . GRATVLATI  
 FAVSTA OMNIA . TIBI . ET . CONIVGI . AVGVSTAE  
 LIBERISQVE . BEATISSIMIS . ADPRECANTVR  
 ( M. V. 276. )

Giorno Lieto A Noi  
 Glorioso A Maria Luigia  
 Che Dedicando Oggi Il Nuovo Ponte  
 Promette Continua Provvidenza  
 Al Suo Devoto Popolo Piacentino  
 ( P. Giordani )

A Giulio Perticari  
 Filologo E Scrittore  
 Fra I Primi Di Questa Età  
 Morto Nel Fiore Della Vita  
 E Della Gloria  
 Gli Accademici Felsinei  
 Alla Memoria Del Collega Carissimo  
 Laudazioni E Compianto  
 ( Muzzi. )

Funerum publicorum inscriptiones, quamvis communi stilo Funera pu-  
 scribantur, tamen a communi forma recedere possunt, et pluri- blica.  
 mum dolori ac amorì indulgere. Titulus, qui in templi fronte

aut intra porticum supra portam maximam eminebit, communi stilo scribatur: sic nimirum ut defuncti nomen exhibeat et merita; tum eorum etiam nomina, qui iusta persolvunt, eorundemque officium et ipsum animi moerorem et luctum significet, sed omnia brevissime. At subinde ceteris in titulis, qui ad fere-  
trum aut ad parietes figentur, non res solum a defuncto gestas eiusque virtutes, sed varias etiam sententias et laudes et affectus concludere possumus. Quidam, ut totam defuncti vitam ordine complecterentur, breves veluti fastos confecere singulis picturis clypeisque plasticis subscribendos: sed fasti non omnibus defunctis convenient: quare, ut plurimum, alia sunt quærenda ornamenta harum liberioris stili inscriptionum.

( Brixiae )

ADESTOTE . CIVES . EX OMNI . ORDINE  
HODIE . PARENTALIA . SVNT . CIVIS . CLARISSIMI  
VINCENTII . MARIAE . GIRELLI  
COGNITORIS . IVDICIORVM . PVBLICORVM  
QVEM . AEQVI . OBSERVANTISSIMVM  
ET . MVNERIBVS . HONORIBVSQ . GESTIS . INSIGNEM  
HEV . NOBIS . INOPINA . MORS . RAPVIT  
PII . VOLENTES . BENE . DE . PATRIA . MERITVM  
IVVATE . DEO . SVPPPLICANTES  
ANIMAEQVE . MAGNAE . PACEM . APVD . SVPEROS  
PERPETVAM . ADPRECAMINI

( M. V. p. 287. )

( In Pompa Funebri Pii VI. )

( Romæ in porta Flaminia )

AGITE . OBVIAM . FREQVENTES  
VNDIQVE . OCCVRRITE . IN . FLAMINIAM  
QVIRITES  
REDDITVM . VRBI . CORPVS  
PII . VI . PONT . MAX.  
EFFERTVR  
E . GALLIAE . FINIBVS  
VOS . REDVCI . PACEM . AETERNAM  
PRECAMINI . PARENTI . PVBLICO  
MISCENTES . GAVDIA . FLETIBVS

( M. V. 278. )

(Ibid. in Vatic.)

REDI . SENECTA . BENE . CONDITA  
O . PATER . ALME . CARO . SVCCEDERE . TEMPLO  
QVOD . ORNATV . GAVDET . TVO  
PIO . GAVDE . IPSE . SVCCESORE  
QVEM . DEVS . OPTIMVS . MAXIMVS  
SIMILEM . TVI . VOLENS . PROPITIVS  
ORBI . CATHOLICO . RECTOREM . DEDIT  
MONVMENTVM . CORPORIS . AD . QVIETEM  
PARANT . SORORIS . FILII  
ANIMAE . SANCTISSIMAE . PALMAM . EMERITAE  
SEDEM . BEATAM . ET . HONORES . MAXIMOS  
CAELESTES . TRIBVERVNT

(M. Ibid.)

(Modoetiae)

A)

HONORI . ET . VIRTVTI  
KAR . ANTONII . CACCIALVPI  
DOMO . TICINO  
MAGISTRI . PIETATIS  
PARENTALIA  
COLLEGI . MODOETIENSIS

B)

MODERATORI . ANIMARVM  
CVI . MAGNA . IN . OMNES . PROMERITA  
PER . ANNOS . XXVI  
CAELESTEM . PATRIAM . PEPPERERE  
ALVMNI . VNIVERSI  
QVOS . AD . VIRTVTIEM . INSTITVIT  
SALVE . ET . VALE . ADCLAMANT

C)

FAVTORI . ARTIVM . BONARVM  
QVI . PRAESTANS . INGENIO  
DOCTRINA . CLARVS  
IDEMQVE . CONSILIO . POTENS  
DISCIPLINAS . OMNES . FOVIT . AVXIT  
AMANTES . LITTERARVM  
IVSTA . MOERENTES . SOLVVNT

D)

CVLTORI . RELIGIONIS  
 QVOIVS . VITAM . PERPETVO  
 INTEGRITAS . ET . INNOCENTIA . ORNARVNT  
 CAELICOLAE . OBVIAM . OCCVRRENTES  
 VICTOREM . INVITANT  
 ET . CONSORTI . PLAUDENT  
 AETERNAE . BEATITATIS

E)

SOLATORI . MISERORVM  
 VNVS . QVI . MVLTIS . VIXIT  
 ET . MVNIFICVS . ERGA . EGENOS  
 AFFLICTO . ET . IACENTI . PORREXIT . DEXTERAM  
 SEVERVS . SIBI . ALIIS . INDVLGENS  
 BONI . OMNES . BENE . MERENTI  
 PACEM . ADPRECANTVR

(M. V. 286.)

(Brixiae)

PIIS . MANIBVS  
 SODALIVM . NEPOMVCENIANORVM  
 QVOS . PVRGATORIVS . IGNIS  
 SIDERIBVS . INSERENDOS . EMVNDAT  
 SVPERSTITES . PACEM . CAELESTEM . ADPRECATI  
 SACRVM . ANNIVERSARIVM  
 EXPIATIONIS . CAVSSA . FACIMVS  
 PAR . OFFICIVM . A . POSTERIS  
 PRAESTOLANTES

(M. V. 283.)



Alle Care Anime  
 Dei vostri Genitori delle Mogli dei Figliuoli  
 Dei Fratelli e degli Amici  
 Venite O Cristiani  
 Ad implorar l'eterno riposo  
 I sepolcri che d'ogni intorno  
 Cingono questo Tempio  
 E dove in breve le vostre ceneri ancora  
 Saranno rinchiusa  
 Rammendandovi la brevità della vita  
 V'insegnano a fondar solo in Dio le vostre speranze  
 ( M. B. Puoti )

O Signore delle misericordie  
 Esaudite le fervide supplicazioni  
 Che per l'anima dell'Avvocato  
 Francesco Lianteri  
 Professore di Eloq. latina nell'Ateneo Torinese  
 Vi porge oggi l'afflitta sua vedova  
 Con le orfane figliuole  
 E in cambio della caduca gloria delle lettere  
 Che da acerba morte gli fu invidiata  
 Dategli quella o gran Dio  
 Che niuno può rapire e voi solo potete concedere  
 ( Paravia )

*A (sopra la porta della Chiesa)*

Pietosi Vicentini  
 Questo E' il XXX Giorno  
 Dalla Morte Acerba  
 Del Conte Pompeo Dal-Tofo .  
 Pregghiamogli Il Cielo  
 Onoriamo La Cara Memoria

B (*Sul catafalco in faccia alla porta*)

Dagli Studi E Dai Costumi  
Aveva Giusta Fiducia  
Di Farsi Utile E Glorioso Cittadino

C (*rimpetto al maggiore altare*)

Dio Buono  
Al Buon Giovane  
Che Senza Querela  
Ti Rinunciò La Presente Vita  
Concedi L'Eterna

D (*da un lato del catafalco*)

Ti Ricorderanno Sempre  
Gli Amici  
E Bramerà La Patria  
Che Ti Somiglino Molti

E (*dall'altro lato*)

Dio Pietoso  
Compensa In Miglior Vita  
Lo Smisurato Danno  
E Il Dolore Non Consolabile  
Degli Infelicissimi Genitori

(P. Giordani)

Inscriptiones  
Nummariac. Romani non solum nummos ementium commodo signabant,  
sed missilia etiam nomismata inunusculorum causa cudebant.  
Idem apud nos nunc obtinet: nummorum enim alii ad res pro-  
mercales usui sunt, alii in Caelitum, in Principum, in virorum  
etiam illustrium memoriam signantur. In nummorum inscri-  
ptione, quicumque illi sint, illud primum curandum, ut et num-

mi titulus cum eiusdem argumento, et frontis utriusque inscriptiones inter se satis cohaereant. Tituli vero huiusmodi brevissimi, uti patet, ac omnino perspicui esse debent: in frontibus nummorum adversis est vultus Caelitis, Principis, vel eorum, quos honoramus, et ad oram nomen ac tituli quique perpetui: in aversis autem multa omnino eaque plane varia exprimuntur more Romanorum, quos imitabimur: in exergo seu spatio, quod est sub imagine, nota temporis vel annus Pontificatus, vel aliud congruum inscribitur.

(Inscript. nummorum aversae)  
(Tituli ad eff. D. N. I. C. et Caelitum)

DEO . FILIO . CONSERVATORI  
SERVATORI . ORBIS . TERRARVM  
VIRGINI . DEI . PARENTI  
MARIAE . SOSPITAE  
VIRGINI . OPTIMAE . MAXIMAE  
MICHAELI . DAEMONVM . MALORVM . POTENTI  
CVSTODI . DEI . PVERI  
DEFENSORI . PONTIFICIS . MAXIMI  
CAELESTI . PATRONO  
DEPVLSORI . PESTILITATIS  
PROPVGNATORI VRBIS  
CVSTODI . SALVTIS . AVG. .

(V. M. IV. 321.)

Rerum privarum tituli breves omnino sunt et ternis aut quaternis verbis vix continentur. Eorum autem sententiae non aliae esse debent, quam quae vel amicitiam et humanitatem, vel religionem et pietatem prae se ferant: aut quae ad virtutem et decus excitent, vel ad concordiam, laetitiam, hilaritatem moveant: aut demum, quae tempus et locum notent, vel certorum hominum munia declarent, vel illustre factum et claros viros designent. Inscribuntur vero Anulis, ut:

DIU . TE . PATRIA . FRVATUR  
MARIAE . EXORATAE . SACER . ESTO

Poculis ut:

FERIIS . IURGIA . AMOVETO, DEO . DUCE . FELICITER

Tituli rerum  
privarum.

Tesseris ut :

FUSCO . SINE . NOXA — COMMEATUS

PETENTI . DATUS . EST — KAL . OCT . AN . M . DCC . LXXVIII .

Lucernis vasisque fictilibus ut :

NATALI . CUSTODUM . VRBIS — LAETITIA . P . R .

Lateribus, et tegulis ut :

OP . FIGL . MARCI . TORELLI — PIO . VI . PONT . MAX .

MULTOS . ANNOS

Armis et instrumento bellico, ut :

DUELLA . IUSTA . IUSTE . GERUNTOR

VIM . INLATAM . VI . DEFENDO

Inscriptiones  
poëticae.

Poësi etiam erit interdum in inscriptionibus locus. Sed verbis fere exornamus, quae exilia sunt et minuta : tum ea, quae cum iterum ac tertio repetenda sunt, non possunt apte distinguui, nisi mutata dictione : carmine autem quamdam venustatem acquirunt. Verum conandum, ut huiusmodi inscriptiones non poëticis solum numeris, sed verbis etiam et sententiis et ornatu omni insignes sint. Metro veteres usi sunt vario : Hexametris, elegiacis, hendecasyllabis, senariis : sed hexametri ellogiis et historicis inscriptionibus videntur aptissimi.

Funebres.

In exemplis multa sunt anomala : nos tamen poetarum leges tenebimus. Epitaphia communes regulas servant : sed et poëtica ornamenta suscipiunt, et formulas etiam epitaphiorum communes initio et ad calcem nullis adstrictas poëticis numeris usurpant. Quin interdum carmina praecedunt, sequuntur formulae consuetae : interdum vero tota inscriptio communis est, sed epigrammate concluditur. Poëtica haec epitaphia feminis, puerisque propria fere assignari possunt.

D . M . S .

SVM . CASTAE . CINERV . LAPIS . PVELLAE  
CVSTOS . ME . RELEGENS . PIVS . VIATOR  
HVIVS . COGNITA . SI . TIBI . FVISSET  
VIRTVS . LACRIMVLIS . TVIS . RIGARES  
EVODIAE . CYPARAE . AN . VI .

(Fabr. p. 64)

( ficti argumenti )



NISVS . PVER

H . S . E .

DOLOR . PARENTVM

FECERVNT . CLAYDIVS . VITELLIANVS

ET . ARTEMISIA . CVM . LACRIMIS

DELICIO

AVE . NISE . ET . VALE

OTIA . QVINQVENNIS . VITAE . SECVRA . TRAHEBAM

INNOCVAE . NISVS . QVEM . CITA . MORS . RAPVIT

AT . NE . FLETE . TAMEN . VITAE . SI . TEMPORA . PAVCA

PAVCA . ETIAM . VITAE . MI . MALA . CONTIGERVNT



VRSILLA . SOROR

HEIC . ACQVIESCIT

QVAE . IN . TRIMATV

ELATA . EST.

Sacrae.

(M. IV. 337.)

Caelitum quoque tituli versibus scribi possunt, vel intercipi, vel absolvi: sed poëticae inscriptiones donariis maxime, tabulisque votivis, quae in templis figi solent, apprime conveniunt. Historicae inscriptiones tunc versibus conficiuntur melius, cum privatis hominibus ponuntur. In poëticis tandem ellogiis nulla lege vetamur, quin venusta quaeque sectemur, et omnes ipsis artis colores inducamus. Omnium optima poëticarum inscriptionum exempla habentur in graeca anthologia.

Historicae.  
Ellogia.

(pro Vrbe in clypeo votivo)

MARIAE . RESPICIENTI  
SACRVM  
SODALES . MARIALES  
AN . M . DCC . LXXXXVII .  
OBTVTVM . EIVS . TAMQVAM . VIVENTIS  
IN . IMAGINE . CONTEMPLATI  
TESTES . FACTI . DEDICAVERVNT  
ALMA . PARENS . NOSTROS . CERTE . MISERATA . LABORES  
DIC . NOS . CVR . PICTIS . RESPICIS . E . TABVLIS  
PRODIGIVM . AVT . SERIS . DICTVRA . NEPOTIBVS . AETAS  
FAC . IMPROVISO . GAVDEAT . AVXILIO  
(M. V. 293.)

(Romae in tabulis Fr. Geron.)

PROBROSAM . MALIS . MACVLATAM . SORDIBVS  
REPENTE . NVMEN . KATHARINAM . STRAVERAT  
ADEST . FRANCISCVS . INCLAMATQVE . FVNCTAM . VBI . ES  
RESPONSVM . MVLTIS . ILLA . SPECTANTIBVS  
DAT . HOC . AETERNIS . TRADITA . VROR . IGNIBVS.  
(M. V. 294.)

(Romae in Orphan. sub cur. Cast. Card.)

HVC . LARIBVS . VACVIS . PRIMO . CONCESSIMVS . AEVO  
YTROQVE . IMPVBES . ORBA . PARENTE . MANVS  
TV . PATER . ES . MISERAE . INVENTVS . TEQVE . AVSPICE  
MATREM  
QVAERENTI . MAGNA . HEIC . VIRGO . REPERTA . PARENS

(Clariss)

HONORI  
HANNIBALI . BOCCHII . CLARENSIS  
IN . COLLEGIVM . PRESBYTERORVM  
COOPTATI  
SACRVM . PRIMVM  
FACIENTIS

AEQVALES . EIVS . SACERDOTES  
VOTA . DEO . NVNCVPANTES

SALVE . O . PRAECLARO . PROLES . QVI . PRIMA . PARENTE  
HANNIBAL . AD . NOSTROS . MAIOR . HONORE . REDIS  
QVAE . DIO . CRESCVNT . ALTARIA . MVNERE . QVAEQVE  
MACTATVR . PRONIS . HOSTIA . CAELITIBVS  
PACATVRA . DEVM . POPVLVS . TIBI . DEBET . ET . AVCTO  
LAETA . SACERDOTVM . CLARIA . TVRBA . CHORO  
DEBEAT . ET . MVLTIS . PATRIAE . QVOD . FVLGEAT . ANNIS  
HAEC . PROBITAS . MORES . HI . PVDOR . ET . PIETAS

(M. V. 298.)

## § V.

*De regulis Inscriptionum communibus*

Communes inscriptionum regulae spectant primum, si latine scribimus, nomenclaturam. Cum quis binis nominibus appellatur, primum ex his praenominis loco esse potest, alterum nominis: post nomen patrem citare possumus, atque praestat interdum et avi et proavi mentionem facere: cognomina autem nostra patris et avi appellationibus recte subiiciuntur. Sed nomina virorum feminarumque, quae nunc saepe barbara et Latinis ac patribus nostris ignota imponuntur, sic efferenda sunt, ut a latina consuetudine quam minime recedant: non tamen turbanda, praesertim in prioribus syllabis; nec latinitatis studio obscuritate infuscanda.

Ut rerum delectus et dignitas, quod est in inscriptione praecipuum, eluceat, cogitet scriptor non omnia scribenda esse, sed praeclara, et quae posterorum interest scire. Non solum minimae quaeque res sunt praetereundae, sed ipsi honoris ti-

Inscriptionis  
Nomenclatura.

Rerum delectus et dignitas.

tuli, in funeribus et epitaphiis praesertim, parce sunt commemorandi, nec nisi cum Christi Cruci fuerint submissi. In ipsa operis causa seu ratione explicanda parcus sit scriptor: honorariis tamen inscriptionibus aliquid est concedendum. Praecipue vero in qualibet inscriptione veritate est nitendum: quid enim turpius quam si apud aequales nostros mendacio assentiri et posteros fallere videamur? Dignitas inscriptioni sit etiam ex certa honestatis modestiaeque significatione: nihil excidat quod quemque offendere possit, ac religio imprimis morumque disciplina sancta ubique et inviolata sit.

Mensura inscriptionis.

Quod ad mensuram attinet non longa nec brevis omnino, sed iusta sit inscriptio: ea autem iusta censenda, quam perlegens et rem plane intelligat, et iucunde hauriat verba. At nec ea, quae salva sententia tolli possunt, omnia semper extra modum habenda sunt: sunt enim ornamenta, sunt formulae sollemnes, sunt et dictiones paullo copiosiores, quibus vel sententiae vis clarescit, vel inscriptio nobilitatur. Exiguus tamen in monumentis grandiori dicendi genere non utemur, nec in magnis humiliori: nihil enim legenti citius in oculos incurrit, quam quod rebus non congruit. Quare habenda est ratio rerum, personarum tum ponentium titulos tum earum quibus ponuntur, causae insuper, et ipsius loci, in quo figenda est inscriptio.

Inscriptionis Perspicuitas.

Quanti in inscriptionibus facienda est perspicuitas, nemo non videt: quaelibet enim inscriptio index est. Quare imprimis vetusta nimis et ignota vitabimus, incerta et ambigua illustrabimus, statuemusque id perspicuum non esse, quod plerique sine interprete non intelligunt: inscriptio enim in lectoris animum facile dulciter et iucunde descendere debet atque alte figere sententiam affectumve, quem exprimere velit. Appellationes munerum, curationum, honorum, nummorum, pagorum sic deducantur ut sine difficultate intelligantur res: litterarum autem singulariarum, quae et in italicis inscriptionibus locum aliquem habere possunt a), nec multus nec ineptus sit usus:

Litterae singulares.

a) A render più spedita la iscrizione i Romani usavan le sigle: a chi ne scrive in volgare io non direi di escluderle affatto, ma di andare assai riguardoso... Tuttavia se fu pia costumanza de' primitivi cristiani di porre sulle loro tombe le venerato sigle di Cristo, perchè non le porremo anche noi? Perchè non comincerà la cristiana epigrafe da quel nome adorato, che in cielo ed in terra, e perfino nello inferno non si profferisce mai, senza che ogni ginocchio si pieghi?



nam sollemnes tantum formulae et omnibus notae singulariis litteris scribi possunt, nec semper. Maxima perspicuitas enascitur ex argumenti sententiarumque unitate: sed et multum studium in verborum structura et collocatione adhibendum, ne perspicuitati officiant.

Communis inscriptionum sermo inter oratorium et poeticum Sermo et stil-  
medius videtur. Sed antequam inscriptionem aggrediaris, sta-  
tuendum erit, quae dictio conveniat maxime, quaeque etiam aliis  
satisfacere possit: eliges autem quae loco operi et personis ap-  
pta sit. Verborum dispositio, ex qua ipsa dictio conflatur, a  
veterum exemplis petatur: quorum assidua lectione aures  
ipsae delectari assuescant; ut assequamur elegantiam illam,  
quae non tam in singulorum verborum delectu, quam in apta  
et numerosa collocatione est. Inscriptionis Latinae pulchritudo  
interdum sine particulis, saepe cum particulis connexivis, par-  
ce tamen adhibitis, consistit. Sed in Italicis inscriptionibus non  
solum particulae connexivae, verum articuli minus frequentes  
esse debent: enervant enim inscriptionem.

Pracipue etiam in dictione curandum est, ut cum veterum Cavenda e-  
exemplis utemur, ordinem ipsum, normamque teneamus; quae  
vero perversam religionem sapiunt, prorsus repudiemus. Desi-  
piunt enim, ut aliqua indicem, qui Pontificis Maximi Consi-  
lium Collegium Augurum dicunt, sacerdotem, uni addictum  
templo, *Flaminem* appellant, Baptisma *Aquas Lustrales*, Vir-  
gines quae se Deo devoverunt, *Vestales* aut *Christianas Vestales*.  
Turpiora sunt: *Diis Manibus Litandum: Ara Amicitiae*  
*Dicata Consecrataque Est: Deos Superos Manesque Morituro*  
*Placare*. Perperam etiam Iesus Dei Filius *Heros*, Angeli  
*Genii*, Tempia Dei *Fana*, Fides *Persuasio*, Excommunicatio  
*Aqua et Igni Interdictio* vocantur. Nec id mirum, cum homi-  
nes saepe non solum non studeant nostram religionem referre,

Che se Iddio disse già: Io sono l'alfa e l'omega, il principio e la fine, e noi consacrriamo queste preziose sigle nelle nostro inscrizione, le quali ricordando l'estinto, ricorderanno a un tempo quel Dio, per cui sola virtù posson gli estinti rivivere... Brilli fra le sigle di Cristo, fra l'alfa e l'omega, quella Croce che salvò la terra e conquistò l'inferno; brilli quella croce, senza la cui presenza, come canta il religioso Pindemonte, *Troppo è a mirarsi orribile una tomba. Paravia, Lez. II.*

sed in eadem profitenda omnino sint negligentes a): ita ut ne in sepulcrorum quidem titulis, praesertim italicis, certa religionis et virtutis ubique appareant vestigia. Ex quo fit, ut, quoniam ne in morte quidem hominum dignitas cognoscitur, nec dignae hominē sententiae et affectus promuntur, pleraeque recentiorum inscriptiones ineptae et frigidae sint.

Quae figurarum adhibendae?

Numerus.

Litterarum forma.

Verborum sententiarumque figurae inscriptionibus conveniunt; sed multo iudicio adhibentur. Pleraeque enim figurae omnino sunt reiiciendae, aliae parce usurpandae, quaedam tantum ultro et licentius intermiscendae. Ac primum ineptae habentur, quae poeticae plane sunt, aut concitato oratoris impetu feruntur; deinde fugiendae, quae in verborum notatione aut lusu versantur. Itaque adhibentur praesertim prosopopoeia, exclamatio, apostrophe, sermocinatio, precatio: verum communis stilus pauciores etiam admittit figuras, easque fere in verbis positas. Venustatis autem ac dignitatis plurimum accedit inscriptionibus ex numero, qui a collocatione verborum proficiscitur: illa enim inscriptionem facit iunctam atque, ut ita dicam, laevem et aequabiliter fluentem; quibus fere in rebus modus consistit. Sed ut non unum est inscriptionum genus, ita nec idem cuique numerus convenire potest: sacrae inscriptiones, ob ipsam argumenti dignitatem, numerosiores habent orationem: honorariae numeros postulant multo etiam insigniores: contra, in epitaphiis rarius veteres longo anfractu verborum usi, modos usurparunt leniores: aequali etiam oratione deducuntur pleraeque ex historicis, si excipias operum publicorum inscriptiones, praesertim imperatorias: ellogia tandem et constitutiones publicae suos, sed parcius, numeros habent.

Superest ut pauca de litterarum forma, et inscriptionum loco dicamus. Lapidariae litterae non modo antiqua omnes forma et

a) Che scandalo al vedere in una chiesa, dove tutto spira pietà, in un cimiterio dove trionfa la Croce, il vedere monumenti e il leggere epigrafi, che non meno ad un cristiano si avvengono che ad un gentile!... Il pensiero adunque d'una futura risurrezione; la speranza di rabbracciare in cielo chi si piange perduto; la certezza di rivivere per mal più morire; ecco ciò che debbe emergere da un'iscrizione cristiana.... La preghiera di eterna pace è la sola che vi deve dominare; perciò s'invitano i fedeli, per ciò si abbruna la chiesa; fuman gl'incensi, ardono i cerei e suonano i salmi per questo. *Paravia, Lez. II.*

primaria, sed, si titulus sublimis locandus sit, omnino grandes sculpi debent. Pro varia igitur litterarum forma veterum exempla sunt inspicienda, eaque elegantiora et diversa. Singula autem auctor ipse eligat, et qua lege numeri, interpunctio, verbum divisio scribi debeant a lapicidis, ante constituat. Quod faciendum in ipsis italicis titulis, qui nescio a quibus, *gothice*, hoc est barbare, interdum scripti sunt.

Tituli universim nec ita sublimis figendi sunt, ut legi non possint, nec ita abditis sedibus, ut quaerendi sint, nec solitarii aut procul a monumentis, de quibus loquuntur. Suo quisque loco ponendus. Veteres in fronte ipsa aedium sacrarum dedicationes scribebant: quasdam etiam in zophoro, quasdam vel in epistylis tantum, vel partim in zophoro partim in epistylis. In ipsis igitur aediculis, quas ad templorum alas excitamus, dedicationis titulus sublimis sit ac fere in summo altaris fastigio legatur: si vero infra absidem atque inter columnas signum stet praecipuum magna in basi locatum, in hac inscriptione recte inciditur. Votivis titulis locus est in aereis argenteisve candelabris, in clypeis, in argenteis loricis, quibus per festos dies altaria protegimus, in ceteris donariis. Monumenta sacrorum in templo aut in aedibus, quae templo adhaerent, legenda sunt, eaque in ipso introitu aut in ipsis columnis templi.

Locus titulis  
sacris.

Epitaphia in columbariorum ollis, in sarcophagis, in cippis sed stantibus erectisque, nusquam humi porrectis, incisa sunt: si qua vero mausoleis inscribenda erant, marmorea in tabula, grandibus insculpta litteris, media in fronte locabantur. Nunc pleraeque inscriptiones ultro citroque commeantium pedibus in templis teruntur! quae vero epitaphia marmore parietibus incluso prostant, saepe sine sepulcro posita videntur: nullus enim cinerum locus, nulla urna apparet! Quid igitur filii parentibus, quid viri uxoribus fecerunt? Itaque, cum nuper sepulcra parietibus inhaerere ceperint, una in fronte epitaphia incidimus: sed ad cipporum latera recte addes quidquid epitaphiis adnecti solet: ibidem non modo vitae anni et nota temporis, sed salutationes etiam et sententiae morum et iura sepulcrorum incidi possunt. At si monumenti lapis opere anaglypho simulacrum defuncti refert, ita incidi epitaphium poterit, ut medio imago sit, litterae partim initio, partim ad latera, cetera infra legantur.

Epitaphiis.

Honorariae inscriptiones saepe loco suo carere coguntur: sed Ceteris in-

scriptionibus, nulla huius generis inscriptio esse debet, quae non in arcu, aut in basi vel statuæ vel columnæ, aut certe sub signo aliquo vel pictura incisa fuerit: hoc enim vindicat ipsa inscriptionis natura. Inscriptionum historicarum varia plane sedes: veteres circa forum publicarunt; ac publico certe loco legi debent et pluribus in tabulis incidendi sunt tituli, ut de plapo legi possint. Operum publicorum inscriptiones in ipsis fere eorum fastigiis eminent. Ellogia in foro atque in atriis domorum sub ipsis statuis legebantur: imo in bibliothecis, ubi præcipuorum auctorum imagines dedicabantur: nunc etiam pictis tabulis recte subscribentur. Suum denique locum constitutionibus publicis assignabimus, quem sane insignem nobilemque sibi vindicant: Capitolium plerisque sedem olim fuisse accepimus: sed edicta in pilis et porticibus figebantur.

A. M. D. G.

# RERUM INDEX

## PROOEMIUM

### *De ratione operis universa*

OPERIS DISTRIBUTIO. Eloquentiae partes ex hominis facultatibus ducuntur - Hinc tria eloquentiae genera: *Didascalica, Oratoria, Historia* - Praemittendae eloquentiae dotes. Pag. 1

## PARTITIO PRIMA

DE UNIVERSIS ELOQUENTIAE DOTIBUS. Cuiusque orationis officium - Unde variae eiusdem dotes - Quinque capitibus definiuntur. 2

### CAPUT I.

DE PERSPICUITATE. Quid est perspicuitas - Unde nascitur - Perspicuitatis necessitas - Fabii sententia. ib.

§ I. *De verborum Proprietate*. Proprietas est multiplex - Quae heic attenditur - Comparatur lectione - Rerum cognitione et studio - Spectanda significatio - Etymologia - Et verborum discrimen - Fontes praecipui sermonis proprii. 3

§ II. *De Praecisione*. Praecisio in verbis - Unde comparatur - Praecisio in stilo - Narrationis et descriptionis natura - Earumdem clarius discrimen - Quando praecisa est narratio - Quae est praecisa descriptio - Alii praecisionis defectus. 6

§ III. *De Ordine*. Ordinis natura - Ordo verborum - Orationis contextus - Ordo sententiarum - Virgilii exemplum - Alius ordo - Ordo in dissimilibus - Epilogus de perspicuitate. 9

### CAPUT II.

DE ELEGANTIA. In quo est elegantia - In quo ornatus - Qua in re differunt. 15

§ I. *De Urbanitate*. Quid est urbanitas - Qui vigeat, seu a quibus abstinendum - Alia fugienda - Discendi Idiotismi - Horum

Exempla - Studium optimorum auctorum - Stili exercitium - Urbanitas ex Fabio. »

ib.

- § II. *De Puritate verborum.* Quid est puritas - Quid Soloecismus - Quid Barbarismus - Res Christianae quomodo redduntur latine - Verba nova quatenus afferenda - Verba obsoleta - Lingua italica - Grammaticae studium - Quale esse debet. » 16
- § III. *De Varietate.* Varietatis natura - Varietas hauritur e studio scriptorum - Iuvant synonyma - Definitiones et descriptiones - Variatio grammatica - *Ex periodis* - *Ex figuris et tropis* - Harum rerum usus - Varietas et aequalitas stili - Qui in hoc peccant. » 19

## CAPUT III.

DE VI SENTENTIARUM. Sententia multiplex - Sententiarum explicatio - Periodus et numerus. »

22

- § I. *De sentiitiis generatim.* Sententiae verae sint - Sententiae verisimiles - Quando deest veritas - Exempla - Unde verisimile - Verisimile est multiplex - Sententiarum delectus - Amputanda superflua *et non apta* - Lex delectus est Decorum - Unde metimur decorum - In argumentis - In ratione argumenta tractandi. » 23
- § II. *De Periodo.* Vis et gratia periodi - Ex ipsa natura est - Exemplis illustratur - Fabii ratio - Quid periodus - Eius partes - Periodorum tria genera - Periodi variandae - Oratio periodica - Qui probabiles periodi scribuntur - Unde periodus vim habebit - Quae fugienda vitia - Usus periodorum. » 26
- § III. *De Numero.* Quid est numerus seu harmonia - Eius in oratione necessitas - Harmonia simplex - Quomodo paratur - Verborum tralectio - Quae cavenda - Unde harmonia imitatrix - Exempla - Partium harmonia. » 30

## CAPUT. IV.

DE TROPIS ET FIGURIS. Tropus - Figura - Eorum praestantia. »

34

- § I. *De tropis.* Troporum origo - Necessitas et gratia - Metaphora *proprie dicta* - Eius virtutes - Insignia eiusdem vitia - Usus ex Fabio - Synecdoche - Metonymia - Quid Allegoria - Allegoria mixta - Eius usus - Quid Ironia - Quid Sarcasmus. » 35
- § II. *De figuris verborum.* Quid figura verborum - Geminatio varia - Usus alii - Repetitio - Conversio - Gradatio - Reticentia - Hyperbole - Hyperboles vitia - Synonymia - Circumlocutio - Polysyntheton, asyntheton - Ceterae figurae verborum. » 40
- § III. *De figuris sententiarum.* Unde oriri debent - Similitudo -

Hypothesis seu fictio - Antithesis - Descriptio - Hypotyposis - Ethopoeia - Progressio - Pracoccupatio - Concessio - Enumeratio - Praeteritio - Sermocinatio - Interrogatio - Subiectio - Exclamatio - Epiphonema - Correctio - Deprecatio - Imprecatio - Prosopopoeia - Apostrophe - Dubitatio, Sustentatio, Communicatio. » 44

- § IV. *De troporum et figurarum usu.* Quando adhibendae figurae - Sine figuris sermo etiam consistit - Figurae cum sermone proprio miscendae - Exemplum Livii - Exemplum Curtii - Si figurae vel tropi nimis sunt, target stilus - Sermo proprius figuras sustentet - Non immorandum in eadem figura - Virgilii et Ovidii comparatio. » 50

## CAPUT V.

DE STILO. Stili definitio - Stili divisio - Ratio pulchritudinis ante aperienda. » 53

- § I. *De Pulchritudinis notionibus.* Quid Sublime - Quid Pulchrum - Natura Sublimis - Sublimis exempla - Homeri - Virgilli - Horatii - *Exempla italica* - Natura pulchritudinis - Pulchritudinis partes: Elegancia, Venustas, Gratia - Declarantur exemplis - Harum rerum usus - Unde pulchrum artificiale - Quid *genius* - Quid *gustus* - Gustus in imitatione cernitur - Eius adfectiones - Quid *Habilitas* - Exempla - Pulchritudinis fontes ex Longino - Cuius sententia dividitur - Pulchritudo orationis et carminis. » 55

- § II. *De stilo, ut est scriptionum forma.* Stilus sublimis - Ridiculum - Fontes sublimis - Auctores Sacri - Scriptores profani - Quae sublimis species - Stilus tenuis - Stilus familiaris - Stilus medius - Stili varietas et usus diversus - Stili delectus - Alia stili divisio seu stili characteres - Exempla. » 62

- § III. *De stilo, ut est cuiusque auctoris scribendi ratio.* Stili partes - Stilus diffusus - Concisus - Stili diffusi et concisi usus - Stilus languidus - Robustus - Vehemens - Siccus - Planus - Nitidus - Elegans - Floridus - Stilus floridus ubinam usurpandus - Stilus venustus et gravis - Stilus simplex varie accipitur - Stilus adfectatus. » 65

- § IV. *De ratione stili comparandi.* Necessitas stili proprii - Quid praecepti hic potest - Quae sententiae - Horatii mens - Linguae studium - Qui versandi auctores - Scribendum, lectis auctoribus - Scribendi exercitium maximum sit: Tullius - Scribendi regula: Fabius - Emendatio - Regulae duae in auctoribus versandis - Ordo quo sunt versandi Graeci, Latini, Itali. » 68

- § IV. *De Imitatione.* Quid proprie est imitatio - Quid exscribe-

re, quid imitari - Necessitas imitandi - Quae curanda in imitatione - Auctorum imitatio duplex - Imitatio artis - Imitatio modi - Huius imitationis exemplum - Eiusdem iudicium - Sapientia Aligherii in imitando - Quae rerum imitatio probanda - Critices intemperantia - Aliae imitandi rationes - Quid de imitatione Fabius. » 72

## PARTITIO ALTERA

DE SCRIPTIS DIDASCALICIS - Praeceptorum hac in re necessitas - Quae hoc genere continentur - Non sufficiunt praecepta generalia. » 77

### CAPUT I.

DE RE DIDASCALICA GENERATIM. Huc pertinent artes et scientiae - Rhetoris officium his in rebus - Quid instruendi munus postulat. » 78

§ I. *De materie rei didascalicae.* Rei litterariae divisio - Partitio artium - Artes pulchriores - Scientiae profanae - Scientiae sacrae - Novi aliquid afferendum - Quid illud novi erit - Veritatis indagatio - Vitia in hoc fugienda - Delectus triplex » 79

§ II. *De rei didascalicae dispositione.* Quid ars - Quid scientia - Prooemium - Prooemii vitia - Sequitur definitio - Variarum definitiones - Rebus omnibus conveniunt - Definitionis leges - Finis, qui est varius - Partium distributio - Eius utilitas et leges - Partium dispositio - Methodus duplex; *synthetica, analytica* - Ordo partium - Tractationis exitus. » 81

§ III. *De stili ratione in re didascalica.* Stilus in docendo diversus - Stilus artium liberalium - Quae figurae et ornamenta - Scientiarum stilus - Heinneccii sententia - Metaphorarum usus - Auctores optimi - Morum ac religionis libri - Eorumdem ornamenta - Scriptores probabiles. » 83

### CAPUT II.

DE RE DIDASCALICA SINGILLATIM. Docendi formae tres - Dialogus - Tractatio - Epistola. » 89

§ I. *De dialogo.* Quid est dialogus - Dividitur a re et a forma - Utilitas dialogi controversa - Quid sentiendum - Partes dialogi historici - Partes dialogi comici - Dialogorum dotes - Dialogorum stilus - Dialogorum auctores. » 89

§ II. *De tractatione.* Quid tractatio - Tractationum divisio - Quae res ipsas tradunt - Quae rectam scribendi rationem docent -



Vigent praeceptis; horum ratio - Legum usus - Exempla: horum delectus - Omnia nova non contemnenda - Methodus, quae constat - Partium dispositione - Praeceptorum iudicio - Exemplorum delectu - Certo stilo - Ex novis institutionibus commoda.

» 92

§ III. *De aliis scriptis didascalicis.* Historia literaria - Est duplex - Communes utriusque dotes - Qui scribere deberent - Orationes Academicae - Sermo et dissertatio - Ellogia - A panegyri discrimen - Lectio - *Dictionaria*: tria genera - Prioris generis utilitas - Artium et scientiarum *dictionaria* - Quae probantur - Utiliora sunt *Vocabularia* - Quatuor habeant: copiam - Delectum - Iudicium - Auctoritatem - Cetera doctrinae et eruditionis genera.

» 96

### CAPUT III.

DE EPISTOLIS. Quid est epistola - Ars epistolarum - Heinneccii mens.

» 100

§ I. *De epistolis eruditis.* Epistolarum genera - Commodior divisio - Litterae eruditae - Earum origo - Earundem commoda - Ordo textusque - Proprietates - Plinii exemplum.

» 101

§ II. *De materia et dispositione familiaris epistolae.* Familiaris Epistolae duplex genus - Epistolae communis materia - Materia epistolae gravioris - Exempla communis epistolae - Gravioris epistolae exemplum - Epistola de pluribus rebus - De re una epistola - Exemplum - Qui rerum ordo - Quae conclusio.

» 105

§ III. *De epistolarum stilo.* Qui stilus epistolarum - Non semper idem - Epistolarum proprietates quatuor - Decorum epistolarum - Epistolarum scriptores: Graeci - Latini - Italici - Qui maxime probantur - Ratio complicandi obsignandique - Tituli.

» 110

### PARTITIO TERTIA

DE FACULTATE ORATORIA. Quid est eloquentia - Quid oratoria - Quid persuasio - Quid oratio - Eiusdem praecepta - Civili et sacrae eloquentiae accommodanda.

» 114

### CAPUT I.

DE CAUSARUM CONSTITUTIONE. Generatim praecipiendum - Quid prius oratori intuendum - Unde controversia - Quid causae constitutio.

» 115

- § I. *De quaestione universe*. Quid quaestio - Duplex est - Infinita necessaria oratori - Quaestiuus *cognitionis* genus primum - Genus alterum - Genus tertium - Quaestiuus *actionis* genera duo - Quaestio finita ex infinita descendit - Est propria oratoris - Quid causa - Unde causarum genera - Quid sunt - Tria sunt - Recentiorum divisio. » 116
- § II. *De triplici causarum genere*. Causae ad certum genus referuntur - Genus demonstrativum - Eius finis et partes - Materies - Laudis fons - Laudis loci - Deliberativi generis finis - Partes - Quid est hic *suadere* - Deliberationis materies - Argumenta - Iudicialis generis finis - Partes, materies - Leges et facta iunguntur - Legum partes - Spectandum in factis » 118
- § III. *De controversia et causae statu*. Quid status - Tres sunt status - Status coniecturalis - Status definitionis - Status qualitatis - Est duplex: Negotialis - Iudicialis - Absolutus - Assumptivus - Comparatio - Relatio criminis - Remotio criminis - Concessio. » 121

## CAPUT II.

DE CAUSARUM MATERIE. Orationis vis - Materies proxima - Materies remotae - Ratio eandem tractandi. » 124

- § I. *De argumentis ad fidem faciendam*. Quid est argumentum - Diversae naturae est - Loci insiti - Quid definitio - Varie definitum - Quid descriptio - Usus definitionis - Enumeratio - Genus et species - Causae quatuor - Effectus - Antecedentia et consequentia - Adiuncta - Quorum tria genera - Similitudo - Exemplum - Comparatio - Loci remoti. » 125
- § II. *De argumentis ad animi motus tractandos*. Adfectuum vis - Quid adfectus - Eorum genesis - Adfectus motio - Unde et quid amor - Desiderium - Quid est spes - Quid confidentia - Gaudium - Hilaritas - Voluptas - Quid aemulatio - Ex malo cognito sunt odium - Fuga, horror - Metus seu timor - Quid tristitia, quid dolor - Motus sedandi - Qui frangitur odium - Qui ira et indignatio - Qui misericordia movetur - Conciliationis partes - Conciliationis usus. » 129
- § III. *De amplificatione*. Quid amplificatio ex Longino - Amplificationis partes tres - Efficax locorum expositio - Quae figurae - Vehemens dicendi ratio - Fabii doctrina - Figurae quae et quando adhibendae - Ornatus delectus et vis verborum - Res sensilibus formis vesticendae - Quare pauca de amplificatione. » 134

## CAPUT III.

DE ORATIONIS PARTIBUS. Quando aggredienda oratio - Eius naturalis constitutio - Sex partes habere videtur - Quid dispositio. » 137

§ I. *De exordio.* Quid exordium - Principium - Insinuatio - Trium exordiorum genera - Abrupte dicere - Exordii munus - Unde sumitur exordium - Quando faciendum - Exordii proprietates - Exordii cum oratione connexio. » 138

§ II. *De narratione et propositione.* Quid narratio - Narratio triplex: poetica, historica, oratoria - Oratoriæ narrationis dotes: brevitās, iucunditas, probabilitas, perspicuitas - Narrationis locus - Narratio generis exornativi - Descriptio rei - Quid propositio - Est duplex: præcipua et assumptiva - Huius dotes - Sit controversa - Est simplex - Et distributa. » 140

§ III. *De argumentatione.* Quid est argumentatio - Argumentorum tractationes - Dilemmatis - Inductionis - Exempli usus - Syllogismus oratorius - Qui usurpandus - Enthymema oratoris - Quid in argumentatione cavendum - Argumentorum collocatio ex Tullio - Ex Fabio - Confutationis ratio - Usus ridiculi - Egressio affectuum - Egressio rerum. » 144

§ IV. *De animorum motione et peroratione.* Motionis necessitas - Auditorum animi cognoscendi - Oratoris ardor - Prius convincenda mens - Sermo affectuum - Quid peroratio - Eius partes non semper adhibendæ. » 148

## CAPUT IV.

DE CIVILI ELOQUENTIA. Unde petenda divisio eloquentiæ - Ex fine eloquentia civilis est aut sacra - Confirmatur ex materia. » 150

§ I. *De civilis eloquentiæ natura.* Origo civilis eloquentiæ - Eloquentiæ civilis natura - Communi bono inservit - Eius duæ sunt partes - Quid complectuntur - Præstat eloquentia concionum - Eloquentia Fori - Blairii sententia respicitur - Veteris et hodierni fori discrimen - Veterum forum - Eloquentiæ studium apud veteres - Forum hodiernum - In ipso plurimum eloquentia valet - In legibus - In factis - In affectibus. » 151

§ II. *De eloquentia publicarum concionum.* Decorum multiplex - Genus laudationis - Genus deliberationis - Oratoris politici virtutes - Eiusdem scientia - Orationis natura - Natura argumentorum - Affectus tractandi - Quid curandum in affectibus - Conciones populares - Orationes ad milites - Orationes Academicæ - Publicarum concionum stilus. » 155

- § III. *De eloquentia fori.* Forensis oratoris officium - Eius virtutes - Probitatis nomen - Magna legum scientia - Debet esse plena - Intelligens - Ab ipsis principiis hausta - Cognitio causae - Tullii hac in re industria - Cum cliente loquendum - Orationis oeconomia - Exordium - Narratio - Argumenta accusatoris in *crimine* - Defensoris partes - Utriusque officium in causis *iuris* - Ubi affectus locum habent - Demosthenis et Tullii exemplum - Stili ratio in foro hodierno. ■ 160
- § IV. *De subsidiis civilis eloquentiae.* Dona naturae prius habenda - Ars necessaria - Optima exemplaria - Quae esse debent - Quid a Tullio sumendum - Multiplex rerum scientia - Philosophiae necessitas - Christianae Religionis sapientia - Quibus nititur legum cognitio - Eruditio - Historia - Exercitationis necessitas - Quae in scribendo - Quae in lectione - Quam in dicendo necessaria - Unde haec comparatur. ■ 165

## CAPUT V.

DE ELOQUENTIA SACRA. Sacra eloquentia propria etiam praecepta habet - Sacri oratoris institutum - Ex quo varia orationum genera. ■ 170

- § I. *De natura sacrae eloquentiae.* Sacrae eloquentiae dignitas - Eius natura - Sacri oratoris munus - Sacrae eloquentiae fons Dei verbum - Verbum Dei ex Scriptura et traditione hauritur - Argumenta consuetis locis tractantur - Quae sunt potiora - Diluvium ex Basilio - Martyrum alacritas ex Chrysostomo - Dotes sacrae eloquentiae - Quid est *Unctio* - Stilius sacrae eloquentiae. ■ 171
- § II. *De sacrarum orationum partibus.* Exordium - Invocatio - Narratio - Ambrosii exemplum - Propositio an simplex - Discrimen inter Gallos et Italos - Fenelonius refellitur - Quae divisio probatur - Quando adhibenda - Argumentorum collocatio - Eorundem expositio - Cura in affectibus - Oratoris prudentia - Fides, timor, spes, caritas - Praecipue timor et spes - Alii affectus - Ratio affectus permovendi - Orationis pars altera - Peroratio - Finis. ■ 176
- § III. *De concionibus.* Quid concio - Est duplex - Prioris generis concio - Eiusdem materies - Quae materies vitiosa - Definita et *actionis* esse debet - Viva est - Concionis gravitas - Eius partes et studium - Convenientia cum liturgia - Alterius generis concio - Eius oeconomia - Rerum in unum conspiratio. ■ 182
- § IV. *De laudationibus sacris.* Laudationis praestantia - Materies - B. Virginis laudes - Petuntur ex sacris litteris - Ex Pa-

trum scriptis - Ex aliis locis - Laudes B. Virginis amplissimae - Sacrarum laudationum origo - Earum natura - Earum finis - Galli et Itali in texendis laudibus - Leges sacrae laudationis - Morum informatio - Ornamenta - Duplex exornandae panegyris ratio - Segnerii vestigia insistenda. » 186

§ V. *De reliquis orationibus sacris.* Quid homilia - Eius finis - Mens Ecclesiae consideranda - Prioris homiliae materies et natura - Alterius materies et partes - Scripturae enarrandae ratio duplex - Studium et *προλεγομένα* - Coniungendum utrumque foedus - Morum institutio - Explicationis tenor - Quae eruditio probatur - Enarrationis exitus - Orationis fimbriis tres partes - Earum expositio - Moesta sit et morata - Consolatio - Exhortatio - Ceterae orationes. » 191

§ VI. *De auxiliis sacrae eloquentiae.* Magna rerum cognitio - Eius commoda - Divinarum litterarum studium - Earum sensus litteralis - Mysticus, qui est triplex - Litteralis praefertur - Sensus attributus - Sacrae Scripturae usus - Sermo *biblicus* - Patrum doctrina - Quomodo paranda - Historia - Philosophia - Civilis eloquentia - Aliarum rerum cognitio - Oratoris probitas - Precatio - Rerum novitas. » 196

#### CAPUT VI.

DE ACTIONE. Quid est actio - Eius gravitas ex Fabio - Exempla. » 201

§ I. *De voce.* Actionis partes duae - Naturae auxilium - Vocis qualitas et quantitas - Vocis tonus triplex - Medius adhibendus - Quae curanda ut sufficiat - Pronuntiatio sit emendata - Dilucida sit: pausa - Pausae varios usus habent - Pronuntiatio apta verbis - De verbis iterum Fabius - Aptae sententiae pronuntiatio - In affectibus duo tenenda. » 202

§ II. *De gestu.* Quid est gestus - Corporis status - Humeri, vultus, alia - Caput, cursitare - Qui significant vultus, oculi - Aliae corporis partes - Manus ex Fabio - Qui significat manus - In movenda manu leges. » 207

§ III. *De vocis et gestus in oratione usu.* Vox singulis orationis partibus conveniens - In tota oratione servandum - Vitanda *μωρολογία* - Vitandus cantus - Qui temperandus gestus - Gestus qui imitatione significat reprehenditur - Fabii conclusio - Fugienda affectatio. » 209

#### PARTITIO QUARTA

DE REBUS HISTORICIS. Historicae Res - Fabulae - Historia - Inscriptiones. » 213

## CAPUT I.

- DE FABULIS. Quid est fabula - Fabularum divisio - Fabulae propriae praestantia. » 213
- § I. *De fabula proprie dicta.* Fabulae natura et finis - Fabula rationalis - Fabula moralis - Apologi et parabolaе discrimen - Fabularum dotes - Fabularum auctores. » 214
- § II. *De fabulosa narratione.* Quid est narratio fabulosa - Eius finis - Quae argumenta eligenda - Fabulosae narrationis constitutio - Eiusdem dotes - Dicendi ratio - Stilus varius. » 218
- § III. *De fabula romanensi.* Quid est fabula romanensis - Varia genera - Genus historicum - Fabula fictitia et historica - Huius difficultates - Fabulae romanensis finis - Quae in hoc vitia - Fabulae romanensis constitutio - Eius dotes - Stilus. » 221

## CAPUT II.

- DE HISTORIA. Qui scribere debeat historiam - Qui scribebant apud veteres - Praecepta hic tradenda. » 225
- § I. *De natura et divisione historiae.* Natura, materies, finis historiae - Necessitas historiae - Dei cognitio ab historia - Una utilitas ab historia expectatur - Quid est philosophia historiae - Quid historia critica - Hac multi abutuntur - Quid est historia coniecturalis - Divisio historiae: Vita - Historia particularis - Historia universalis - Historia antiqua sacra et profana - Historia recentior ecclesiastica et profana. » 226
- § II. *De dispositione et proprietatibus historiae.* Scriptoris diligentia - Argumenti delectus - Rerum series duplex - Quae propria historiae - Ordo textusque historiae - Causae seipsas prodant - Locus aliarum rerum - Historiae veritas - Scriptoris fides - Tullii hac in re leges - Quatenus dicendum verum - Luciani sententia - Quomodo impletur - Fugienda simultas - Historiae unitas - Unitatis necessitas - Historiae perspicuitas - Reliquae historiae dotes. » 232
- § III. *De ornamentis et stilo historiae.* Quae sunt historiae ornamenta - Descriptionum leges - Prosopographia et ethopoeia - Orationes vel conclones - Iudicia, sententiae - Historiae stilus ex Tullio - De varietate Tullius - Stili legs ex Luciano - Alia praecepta - Quatenus stilus erit poëticus - Cautio adhibenda - Affectus in historia. » 239
- § IV. *De illustrium virorum vita.* Scriptoris studium - Vitae utilitas - Vitae materies - Mens Plutarchi - Qui scriptor esse debet - Distributio rerum in partes et capita - Ordo textus-

que vitae - Hominum imago exprimenda - Quibus rebus id efficitur - Plutarchi sententia - Minuta diligentia - Quid in vitiosis - Ornamenta - Morum documenta - Scribendi ratio - Auctores probatissimi. » 244

- § V. *De reliquis historicis scriptionibus.* Ephemerides privatae - Ephemerides publicae sen acta diurna - Recentiorum ephemerides - Politicae ephemerides - Earum ars et finis - Indulgendum lectoribus - Litterariorum ephemeridum genus primum - Genus alterum - Utriusque stilus - Fasti varii - Quid sunt Annales - Saepe sunt ipsa historia - Quid Chronica - Quid Memoriae - Caesaris Commentarii. » 250

### CAPUT III.

DE INSCRIPTIONIBUS. Latine ne an vernacule scribendae sint inscriptiones - Praecepta ex Morcellio - Exemplis confirmanda. » 256

- § I. *De inscriptionum natura et distributione.* Varia inscriptionis significatio - Diversa inscriptionis nomina - Quid est inscriptio - Christianae inscriptionis natura - Rerum loci - Dictionum fontes - Italicae inscriptiones - Inscriptionum divisio - Sex inscriptionum genera - Mixti generis appendices quatuor - Unde petenda latina exempla. » 257


- § II. *De ordine textuque sex generum inscriptionum.* Quid est titulus Deo Caelitibusve positus - Eius leges - Monumenta sacrorum - Leges inscriptionum honorariorum - Huc pertinent dedicationes librorum et tituli vacui. » 262

- § III. *Sequitur ordo textusque sex generum inscriptionum.* Epitaphiorum regulae - Inscriptiones historicae - Fasti - Inscriptiones operum publicorum - Indices locorum - Indices alij - Ellogiorum series - Constitutiones publicae. » 269

- § IV. *De inscriptionibus mixti generis.* Inscriptiones temporariae sacrae - Festi apparatus - Funera publica - Inscriptiones nummariae - Tituli rerum privarum - Inscriptiones poeticae - Funebres, sacrae, historicae - Ellogia. » 280

- § V. *De regulis inscriptionum communibus.* Inscriptionis nomenclatura - Rerum delectus et dignitas - Mensura inscriptionis - Inscriptionis perspicuitas - Litterae singulares - Sermo et stilus - Cavenda ethnicorum superstitio - Quae figurae adhibendae - Numerus - Litterarum forma - Locus titulis sacris - Epitaphiis - Ceteris inscriptionibus. » 292

FINIS







# PRESIDENZA

del

CONSIGLIO GENERALE DELLA PUBBLICA ISTRUZIONE

Napoli li 22 aprile 1858

Vista la domanda del tipografo Pasquale Sarpa, con che chiede di porre a stampa l'opera del *P. Innocenzo Polcari della Compagnia di Gesù, intitolata - Universae Eloquentiae Institutiones.*

Visto il parere del Regio Revisore sig. Canonico D. Giulio Capone.

Si permetta che l'opera indicata si stampi, ma non si pubblichi senza un secondo permesso che non si darà se prima lo stesso Regio Revisore non avrà attestato di avere riconosciuto nel confronto esser l'impressione uniforme all'originale approvato.

*Il Consultore di Stato  
Presidente provvisorio*

CAPONAZZA

*Il Segretario Generale*

GIUSEPPE PIETROCOLA

---

## COMMISSIONE ARCIVESCOVILE

per la

REVISIONE DE' LIBRI

---

*Nihil obstat*  
DOM. SCOTTI-PAGLIARA  
Cens. Theol.

*Imprimatur*  
Pro Dep.  
LEOP. RUGGIERO

Reg 200 9684











